

ЯНОВ
РОЧЕВ

НАСЬКЫД
ТУЙ ВЬЛО



ЯКОВ
РОЧЕВ

ПАСЬКЫД
ТУЙ ВЬЛО



КОМИ КНИЖНОЙ
ИЗДАТЕЛЬСТВО · СЫКТЫВКАР 1973

с (коми)

Р 80

Рочев Яков Митрофанович

НА ШИРОКУЮ ДОРОГУ

Повесть

На коми языке

Художник М. П. Безносов

Редактор П. Ф. Шахов. Ответственный за выпуск В. А. Попов. Художественный редактор А. В. Мошев. Технический редактор А. Н. Вишнева. Корректор Н. А. Адамова.

Сдано в набор 3/V-1973 г. Подписано к печати 18/VII-1973 г. Формат 84×108¹/₃₂. Бум. л. 4,83; печ. л. 9,66; уч.-изд., л. 9,8. Заказ № 3168. Ц01986. Тираж 3000. Цена 45 коп. Бумага № 1. Коми книжное издательство. Сыктывкар, Дом печати.

г. Сыктывкар, Республиканская типография Управления по делам издательств, полиграфии и книжной торговли Совета Министров Коми АССР.

0733 — 029

Р ————— 27—73 м

М 128(03)—73



Коми книжное издательство, 1973



ВОДЗКЫВ ПЫДДИ

«**М** айбыръяс! Тiянлы
өнi и овнысö: туйяс
тi водзын восьсаöсь,
паськыдöсь, — частö шулывлiсны миянлы ыджыд
вокъяс да ышлолалiгтыр содтывлiсны: — Ок эськö,
шыбитны кö дас кымын во!»

«Майбырöй, кызь арöсöй!» — содтывлiсны олöма
йöз.

Збыльысь, комын арöс тыртысьлы лöсьыд шыбит-
ны ас вывсьыс дас во. А кымын во колö шыбитны
сылы, кодi тыртö квайтöд дас? Сэки нин, тыдалö, ков-
мас поэт кывъясөн казътывны:

Ми ставөн коркö вöлим томöсь,
Эг төдлöй төждысьöм да мудз.
Öд миян вöсна вöлөсть помын
Сёр войöдз уна ныв эз узь...

Быд мортлөн ыджыд олöмас аслас туй. Миян дедъ-
яслөн сiйö пемыд пармааным унаысь заводитчывлiс
лöсасъяссянь, батыяслөн — нэмъясөн артмём векны-
дик чöс туйяссянь, ыджыд вокъяслөн — пода да вöла
туйяссянь, а миян... миянды збыльысь воссис пась-
кыд туй.

Сё морт лэптысь нель мотора лайнерон гожа луно оти час и тырмис меным лэбны Сыктывкарсянь Печораодз. Коми мунымос помсянь помодз вонялысь корт туй, заводьяслон кузь трубаясон тшынасьысь карьяс да рабочой посёлокьяс, нефтешахтаяс да буровой вышкаяс, «Вой кья» газопроводлон паськыд трасса — мыйсо сомьин он аддзыв самолёт борд улысь шондя мича луно! Дерт, найо эз артмыны отчюд долыштём кості, коть олөмнымос ми унаысь откодьявлам мойдса кодён. Но эз жо и ковмыны уна нэмьяс. Ме төрытьяос моз помнита, кызди Ухта ю бокын онія кар местаын кыптисны медводдза палаткаяс, кызди Усва ю кузя пароходон катисны Воркуталы подув из пуктысьяс.

Печорасянь Абезьодз поездон муны кымынкө час жо и тырмис. Пассажирской поезд, одсо чинтыштөмон, грымөдис Усва вомон корт пос вывти, пырис узысь посёлокө да сувтис. Воркутаодз мунысь пассажирьяслы веськодь, кытчө ми воим: туй помныс ылын на, и куим час асынад найо узыоны медя чөскыд унмон. Быдса составысь чеччим ме да нельвит томиник ныв, тыдалө, кыськө карьясысь, велөдчанінысь, каникул вылө гортаныс локтысьяс.

Войыс кымөра, но арся лун кодь югыд.

Нывьяс эз кутны жуйвидзны, вагонысь петөмон тшөтш пода поскод восьлалисны олан керкаяслань, а меным тэрмасыны некытчө: кежи ичөтик станцияө.

Тыртөм станцияын дзик өткөн пукалігад регыд гажтөм босьтис, петі да веськодчи посёлоклань. Гөгөр видзөдала. Ставыс мөд кодь лоөма. Көнкө тані, пос горулас, вөвлі дас кык керкаа Феон деревня. Кольөма куш местаыс. Пос катыдын, ю дорас, скөт картаяс, водзынджык кык судта каменной керкаяс. Оти керка кильчө юр йылысь лыдди: «Фион» совхозлон контора».

«Деревняыс бырөма дай нимыс вежсьөма», — думышти ме да лэччи Усва дорө. Ю саяс, Льөмвалон Усвакод отлаасянинса джуджыд кыр йылас тыдалысь крестьянской керкаяс дум вылө уськөдисны, кызди коркө, нель дас во сайын, ашөр олөмын медводдза ыджыд кытшов вөчитон, дырөн веськалі тайө Абезь сиктас да пөшти во олі сэтчөс йөзкод оти олөмон. Сэтысь мунигөн оти том нывбаба меным пельө вашни-

тіс: «Бөр лок.— И шуткаөн ли збыльысь содтіс:— Он кө лок, меным лоӧ гажтӧм».

«Локта,— вашниті ме, гӧгӧр видзӧдлі, оз-ӧ кодкӧ кыйӧдчы, да чужӧмӧс матысті чужӧм дінас. Сійӧ эз ӧтдортчы. Миян костын нинӧм гусяыс эз вӧвлы. Ӑні кө, гашкӧ, йӧз син водзын окыштчӧмӧн прӧщайтчым, а сәки ми кузь туйӧ петігӧн весиг мамнымӧс повлім окыштны йӧз син водзын, полім серамыв ләптӧмысь.— Локта»,— мӧдысь вашниті ме, кужтӧг, но, кызди ӧні кажитчӧ, пӧся инмӧдчышти вом дорӧн сылӧн вом дорӧ, и гусясысь моз регыджык усйыси кильчӧ вылысь.

Ог тӧд, казтыштліс эз сійӧ коркӧ менӧ та бӧрын, а менам пельясын туй чӧжыс дай бӧрыннас на прамӧй дыр мелі сыланкыв моз олісны: «Бӧр лок... Меным лоӧ гажтӧм».

Паметыд мортыдлӧн сәтшӧмтор, кодысь некытчӧ он пышйы...

Войын йӧзлы дӧзмӧдчыны он кут. Асылӧдзыс ылын на. Ю дорын ме бӧрйи бужӧд ув, кытчӧ оз инмы тӧлыс. Шоныд и лӧсьыд. Ун оз личкы. Ме сетчи аслам думъяслы, заводиті казтывны ылӧ кольӧм важсӧ. Син водзын ӧти бӧрся мӧд ловзялісны нель дас восайса серпасъяс. Нель дас во! Буракӧ, тайӧ абу этша, рочьяслӧн пӧлясыс да пӧчьясыс кө шулӧмаӧсь: «Сорок лет — бабий век». Гашкӧ, тайӧ пӧслӧвичаяс миянлы талун оз нин лӧсяв, но уна ва нуин тә нель дас во чӧжнас, Усва юӧй! Эмӧсь-ӧ юсайса тайӧ сиктас важ тӧдсаяс?

Локті кө нин, ковмас виччысьлыны лун пуксьӧмсӧ да вуджавны сиктас. Бура ли лӧка, уджалӧма сәні быдса велӧдчан во, ашӧр олӧм заводитчан медводдза во, коді паметяд вужъясьӧ медся пыдӧ да медся дыр кежлӧ. Сәтчӧ жӧ, туйӧ петӧм водзвылын кипод улӧ веськалі аслам важ дневник, коді заводитчӧ 1930 вося июнь 26 лунӧ да помасьӧ 1931 вося июнь тӧлысьын. Уналаӧ вайӧдлісны важ дневниклӧн лист бокъясыс, унатор ловзӧдісны паметын.

Луноö тайöс ми виччысим дыр. Төвнас на заводитим нуодавны платной вечерьяс, вочавны спектакляс, чукөртны сьом, медым гожомнас, Мохчаса мөд тшупөда школа помалөм бөрын, ветлыны экскурсияөн Москваө. Бөрья велөдчан воас миян школаын пыртлисны педагогической уклон, медым шөр школа помалөм бөрын миянөс вочны начальной школаса велөдысьясөн, учительясөн. А учительяслы колө уна төдны, унатор аддзывны. Вот и лөсьөдчим ветлыны Москваө, видзөдлыны паськыд мир вылас. Тайө миянлы эз нин кажитчы позьтөмторйөн: кык во сайын миян школаыс кык бөрья класса велөдчысьяс экскурсияөн ветлисны нин Москваө. Ми на моз жө лөсьөдчим өтлаын ветлыны кык класс.

Окочөйяс чукөрмөны морт комын. Туй вылө сьом чукөртөма. Сукар да чай-сакар дасьтөма жө. Вояс чөж нянь да ва вылад велөдчигөн өна чөскыд сөяньяс оз ковны.

Школа помалөма. Бөрө коли гажа выпускной рыт. Свидетельствоын тшөтт пасйөма, мый ми вермам уджавны сиктса школаясын учительөн. Пукалөны войвылын медся кузь да югыд луньяс, кор шондыс тани муртса ойбыртлө. Луньяс шоньдөсь. Миян сьөлөм вылын шоньд жө, ноксям, лөсьөдчам петны асланым нэмын медводдза ьджыд туйө. Туйыс збыльыс ьджыд. Петны Печора вылө, кывтны морской пристаньөдз, вуджны мореяс пыр Кардорөдз, көрт туй кузя мунны Москваөдз... Дерт, ме коддьөмьяслы, коді тани, гортсянь матө кыксө ветымын верст сайын, вит во велөдчигөн сюрлис не өтчид кывтныкаты Изьва кузя. Волі ме и Сыктывкарө рабселькорьяслөн областной конференция вылө. Изьва да Эжва йыв пыр вөлөн өтарө вежон да мөдарө вежон — вежон куим ковмис ветлөдлыны. Но тайөс өмөй позьө өткодявны Москваө ветлөмкөд?

Москваыд — Москва на! Көть кутшөма өгө нимкодясьөй, а сьөлөмьяс абу местаын. Но өгө тай ас кежын лөй Москваын, оланін йылыс да мый да кутас сөрнитчыны школаса директор Михаил Ильич

Петров, москвич. Сійö кöсйö воодчыны Москваö ми-
янысь водэджык. Миянкöд öтлаын ыджыдджык ёрт
пыдди, кыдзи Изьваын шуöны, усюр пыдди, лоö
Егор Филиппевич, кодi миян мöд тшупöда школаын
велöдiс коми кыв да литература.

...Мохча сиктгорувса берегын, буретш гöра йы-
лын дöввидзысь ыджыд школа весьтын, сулалö
ыджыд пыж. Менам кöлуйторйöй, мукöдьяслөн кодъ
жö ящик да тöв и гожöм менö шонтысь кузь ной
пальто, пыжынöсь нин. Берег вылын кызвыныс мох-
часаяс да гамсаяс: бакурсаяс, ыбсаяс да Изьва
сиктсаяс кöсйисны öтувтчыны пыжөн кывтысьяс
дiнö Изьва сикт горулын, а улi сиктъяссаяс —
Щельяюрын.

Берег дорысь калькöдчам да шарöд, мöд ногөн —
полойöд, мöдöдчам кывтны куим километрсайса
Изьва сиктö. Медводзаысь дзуркнитöны кос öкклю-
чинаяс... Дзуркнитöм шыясы инмöны сьölöмö. Ви-
дзöда берег вылын киясөн öвтысьяс вылö, джуджыд
мыльк йылын чöла миянöс колльöдысь школа вылö.
Сійö вочасөн ылысмö... Нимкодьясьысь сьölöм нор-
мыштö: танi велöдчöма вит во, эмöсь матысса тöд-
саяс, другъяс, гашкö, весиг пöдруга кодьяс... А мый
виччысьö водзын?

Кардорын пö восьö лесотехнической институт.
Миян мöд тшупöда школа помалысьяс лыдысь сэтчö
корöны вит мортöс. Индiсны менö, Коля Зыковöс,
Алексей Кустышевöс, Иван Артеевöс да Алексей
Вокуевöс.

Меным окота вöли велöдчыны горнöй ли педаго-
гической институтын, та вöсна пыкси, но корлисны
комсомол райкомö, агитируйтiсны (бöрыннас пö вер-
ман вуджны мöд институтö), и сöгласитчи. Шöр шко-
ла помалöм йылысь удостоверение да мукöд доку-
ментъяс кымынкö лун сайын роно да райкомол кöс-
йисны облоно пыр мöдöдны институтö. Воськалам кö
институтö, таладорö волöмъяс, наперво, таво оз нин
лоны, а водзö — код тöдас...

Шарысь петiм ыджыд Изьва вылö. Гожся кос ва
вылö видзöдтöг, полой бöрад сійö паськыд, визув.

Ёртъяснымöс дыр виччысьны эз ковмы. Мунысь-
яс ставөн нин чукöрмöмаöсь. Ми весиг кыр йылас эг
вевъялö кайлыны. Изъя берег вылын Мохчаын моз

жө чукөрмөмаёсь колльодысьяс. На лыдын миян ёртъяс, кодъяс оз вермыны мунны миянкөд.

Чукөрмим кызь сайё морт. Кодкө сьорсьыс босьтёма гудок. Сьывнытё изьваса том йозлы оз ков кевмысьны, торйөн нин пыжөн кывтигөн. Кык Степан (Семяшкин да Артеев) школаын нималисны асланыс мича гөлөсөн. Найё и ләисны нырщикъяснас, а миянлы сэтшөм-татшөм гөлөсьястё оз жө ков водзосавны. Кымын сыланкыв бара ми сылим Изьва, Бакур да Ыб сиктъяс саявтөдз!

Лунтырнад зарни шондыс, тыдалё, мудзис жө вашъявнытё, вочасөн кежис ылын лозалысь керөсьяслань, ыджыд гөрд ёкмыльён мыйкө дыра гөгыльтчис вөр весьттыс, сэсса надзөникөн вөйи вөр пуяс саяс, ас бөрсьыс колис ыджыд бипурийөн ломалысь алөйгөрд кыа.

Бур, мый тани, миян войвылад, июнь да июль төлысьяснад арся лунысь югыдджыкөсь войясыс. Сөмын ләбачъяс дугдिसны тельгыны берегыввса бадъясын да ва веркөс вылас кенясьыштё кизьөр тшын кодь вөсныдик ру.

Войбыд некытчө эгө сибөдчылё ни синъяс эг куньлөй. Кутшөм али ун том йөзлөн татшөм туйё петөм бөрын первойя лун-войё? Отияс сынёны-веськөдлөны. Мөдъяс сукарён да юысь гумовтөм ваён нурьясьоны. Коймөдъяс варовитёны... Сыланкывъяс өни кежлө помасьөмаёсь.

Кодакості веськалёма нин унмыс шондлөн: вөр сайысь заводитіс мыгчыны гөрд кымөрсө. Ю бокъясын пыр и шыасисны садьмысь ләбачъяс.

Бедамельса лыа көса вылө сибдөма кодъяслөнкө сортовка пурныс. Пур кылөдысьяс кыкөн ноксьөны зоръясөн, но вынныс оз судзсы.

Ми пыжнаным домасим пурйө. Миян молодечьясыд пөрччисны көмъяснысө да гачъяснысө, пур вылысь босьтисны коді зор, коді потш, ыз-буз пырисны ваё да заводитісны отсасыны.

Сибдөм пур тіраліс-водзсасис, но быть сетчы. Минут дас вит мысти сійө мыніс лыа көса вылысь, ньөжйөникөн мөдөдчис ва кывтчөс. Пур кылөдысь дядьбяс ёна и аттьөалисны отсөгысь: не кө пө ті, гашкө, ковмис разьны плиткаяссө, перйысьны керйөн-керйөн да вылысь пурьясьны.

Лямчинаын паныдасьёны шнягъясөн Ухтао груз катодысьяс. Котъ тыра ыджыд пыжъяссё кыскёны бечева помё доддялём вёвъясён, Изьва устьесяныд Ухтаодзыд кос ва дырйиыд куимсё верстё прамой дыр ковмас кыскыны. Корт трубаястё и парөвөй котельястё, буритчан машинаястё и сёян-юантё — ставсё колё ю тупкысьтөдз катодны кузь төв кежлад. А пароходыд ичөт ва дырйиыд оз лыб. Тулыснас ыджыд ва дырйи «Отмель» өтчюд кайлёма жё Чибьюөдз. Ас сиктса волысьяс меным висьтавлісны, кыдзи сылы отсасьёмаөсь миян сиктса пөшти став йөзыс, гезъясөн да бечеваясөн визув ва паныдыс кыскёмаөсь тыра пароходсё.

Бвлаын заводитчө выль лун. Діур сиктё воим медзіль көзьякаяс чеччигөн.

Діурын помасьё Изьва кузя миян туйным. Тасянь ковмас вёла туйөд вуджны квайт верст сайё Печора бокса Щельяур сиктё. Не кө көлуйторным, эськё өти здукөн котөртім, а кыдзи котөртан ящик-чемоданъяснад, кытчө сөвтёма колана и ковтөм-торсө?

Асывнас медалім ямщикөс, сөвтім ящикъясны-мөс, асьным мөдөдчим подөн. Кымынөнкө кольлісны на, да ми бөрын регыд жё и воисны Щельяюрад. Тані ставөн өтлаасим.

Кык час лунын Печора кузя вылісянь воис Щельяурө почтово-пассажирской пароход «Республика».

Первой свисток бөрын нин миян дінө локтісны Михаил Ильич да Егор Филипьевич, кодъяс Изьвасянь лэччисны вөлөн. Найө өти здукөн судзөдісны миянлы билетъяс.

Вөрзёдчим Щельяюрысь. Луныс букыд. Войвывсянь пөльтө шөркодъ төв. Печораыд Изьва серти, ой, паськыд. Ва веркөс вылын быгласьёны гырысь гыяс.

Ме ёртъяскөд кая палуба вылө да видзөда син-мөн муртса судзана эрдсё. Вескыдладор берегыс сэтшөм ылын, мый сэтчөс керөсыс муртса лөзалыштө. А шуйгаладор джуджыд кыр йылын сулалысь пуясыс, кажитчө, котөртёны бөрө: тыдалө, сэтшөм өдйө кывтө миян «Республика» пароходным. Со, вөлөмкө, кутшөм гырысь пароходъяс ветлөдлөны Печора кузя. А вөйдөр миянлы «Меженьясыд» кажит-

чывлісны чудесаясөн. Дум вылө уси, кызди коркө ичөт дырйи ми энотім му вылө гөр-агаснымөс да ытва дырйи верстысь ылісянджык пыжөн локтім видзөдлыны пароход.

Вөлі тайө, буракө, 1916 вося тулысын. Ыджыд вок Иван да чойяс гөрисны-көдзисны. Миянөс, ичөтъясөс, Ольош вокөс да менө, тшөттш босьтісны Уквасай керөсө гөран-көдзанінө. Миянсянь, дерт, отсөг виччысьны вөлі водз на, но вөзйысим да босьтісны: этшаджык пө уяласны ваөн польдөм шорьясын...

Ми, кык вок, гөнью корсим, пуксим му помө бипур дорө да мөдім чөсмасьны.

— Видзөдлөй, зоньяс, видзөдлөй, Акимысь вичкоыс катө!— горөдіс Иван вок.

Тасянь, джуджыд керөс йывсянь, ылөдз тыдалө. Збыльысь сикт кывтыдын, верстысь ылынджык, ю чукыль сайысь мыччысис миян вичко кодь жө еджыдтор... Чудеса! Збыль өмөй паськыд ю шөрөдыс ва катчөс мөдөдчөма Аким деревнясаяслөн вичконыс?!

Миянысь кындзи керөсса муяс вылын ещө кодсюрө гөрисны-көдзисны.

— Пароход!..

— Пароход катө!..— өти-мөдлаын горөдісны ывла выв тырнас.

А пароходыд миян Уквавомө, өнія ног — Усть-Ухтаө, некор на абу волөма, да не сөмын ми, весиг гырысьяс, нэмнысө ас сиктын коллялысь пөчьяс да пөльяс оз төдны, мый сійө сэтшөмыс. Кывлыны, дерт, коркө кывлісны, но өд өти делө кывлыны, а мөд делө — аслад синъясөн аддзывны.

Гөрөм-көдзөм оз на пышйы. Гөр-агас энотісны му шөрө, вөвьяснысө домалісны йирсыны и керөс муяс вылысь ставөн котөртісны сиктлань — видзөдлыны пароход.

Ок, и ыджыд жө грөмадинаөн кажитчис сикт гор улын сулалысь буксирнөй пароходыд! Көлесаяс вевдорас мегыр моз чукульбөн гижөма сылысь нимсө.

«Межень», — лыддис ыджыдджык вокөй.

Пароход дорын миянөс паныдаліс мам кузя дедным, коді оліс Порожскөй сиктын, миянсянь веты-

мын верст сайын, да өні локтөма пароход вылас ясө-
вөйөн (проводникөн).

Пароход вылысь пызь мешөкъяс, сов кульяс да
мукөд прөдуктаяс берег вылө петкөдлгкості дед
миянөс пыртліс пароход вылө, катөдліс капитанлөн
сулаланінө. Миысь шудаджыкъяс тайө луно сикт-
ын, ми ногөн, эз вөвны: тшөтшъя детинкаяс завидь-
пырысь видзөдісны...

Сэсянь дас нель вонад уна ва визувтіс. Ми быд-
мим, верстяммим. Өні миянөс пароходъяснад он нин
шензөд. Гоз-мөдысь асьным сөвлім пароход вылө,
велөдчан во помасьтөдз на мөдөдчылім Изьва кат-
чөс... А талун со пукала «Республика» пароходлөн
палуба вылын, кывта Печора кузя. Сьөд тшынөн пө-
лясысь еджыд пароход пызйө-муно паськыд ю шө-
рөдыс, оройдлө сылы паньд быгыльтчысь веж гыяс-
сө. А гыясыс гырысьөс: татшөм ыджыд пароход,
и сійө катласьыштө.

Рытнас воим Усть-Цильмаө. Берег вылын йөз
тырыс. Унджыкыс том нывъяс да зонъяс, челядь, но
эмөсь и пөрнөй, весиг олөма йөз, тыдалө, кодөскө
виччысысьяс да колльөдысьяс. Көть вой шөра вой-
ын либө асыводзын — войывса сиктъясад зонпөс-
ныд вевъялісны жө пароход дінад. Велавтөгыд теш-
кодь кывны: ставныс сёрнитөны рочөн, кызкө ас-
лысног нюркйөдлөны.

Уна пиад миян тырмөны и шмонитны радейтысь-
ясыд.

— Чудеса,— шуө кодкө,— мам йөвныс абу на
косьмөм вом дорсыныс, а рочасьөны нин.

— Прөста өд эз шензы Вөв Симоныс,—(Мохча-
ын вөвлі өти дядьө, кодөс ыджыд мыгөр вөсна шу-
лісны Вөв Симонөн),— Чилимдінын пө весиг гачтөм
детинкаяс рочасьөны, а ме, этатшөм сюра-тошка му-
жик, ог куж сёрнитны рочөн...

Шуөны, тані пароход кутас сулавны час кык. Ми
кымынөнкө петім пароход вылысь, кайим видзөдлы-
ны сиктсө, шөр уличаөд мөдөдчим кывтыд помлань,
но сикт помөдзыс пө матө куим верст. Сикт — сикт
и эм. Нинөм синмө шыбитчанаыс абу. Сэтчө жө, ыв-
лаыс зэрыштө. Сикт кузя мыйкө дыра жөвъялыш-
төм бөрын бөр бергөдчим пароход вылө.

Усть-Цильмаысь вөрзөдчим вой шөр бөрын нин.

Көтө и кымора, войыс лун кодь югыд. Мыйкө дыра олыштим на палуба вылын, видзөдим сиктсө, сэссия лэччим, медым шойччыштны: Мохчаысь петом бөрын синьяс эг на куньлы да медбөрын сьөкті жө, мөдис личкыны ун. Ёртьяс унджыкыс нин водаломаось коді лабич вылө, коді веськыда джоджас. Ме юр улө пукті пальтоос да воді...

Дыртө кок йылын жөдзөм бөрад дыр жө и узьсьома. Аския лунсө прамөя эгө и аддзылөй: рытнас гөлчитыштим, нурьясим и бара ланьтөдчалим.

Шойччигкості төлыс дзикөдз лөньюма, мыччысьома шонді, Печоралөн паськыд лөнь веркөсыс дөлалө рөмпөштан моз.

Ми мукөд пассажирьяскөд тшөтш кайим палуба вылө. Кодакості вөр-ваыс дзикөдз вежсьома. Джуджыд берег вылын тыдыштөны льяк бадьяс да посьныдик кыдзяс, а сэссия, кытчөдз синмыд судзө, пластничөмаось вижөдыштөм нюрьяс.

— Тундра, — шуис кодкө.

Тундра йывсьыд висетьястө ме таөдз кывлывлі нин, но аслам синьясөн медводдзаысь аддзи сійөс.

Тайө лунас сэссия эгө нин лэччылөй палуба вылысь.

Лун шөр бөрын кутим воны морской пристаньө. Море кодь нин паськыд Печора шөрысь «Республика» кежис веськыдвылө, пырис нето шарө, нето зэв ыджыд курьяө, ылын катыдын тыдалысь Тельвиска сиктлань. Первой прөйдитим вөр пилитан завод горувті. Нель ичөтик буксирной пароход доддясьомаось зэв кузь паськыд пурйө да муралөны-кыскөны сійөс заводлань.

МОРСКОЙ ПРИСТАНЬ



Бужода лыа берегын кымынкө сарай да ляпкыдик кузь барак. Морской пристаньсө татчө неважөн на вуджөдөмаось кыскө улысьджык верст нелямын сайысь, та вөсна тані сөмын на заводичөмаось стрөйтчыны. Коркө пө тані, гашкө, лоө кар, а өні сөмын на лэптөны выль керкаяс.

Водзынджык, ляпкыдик коз да кызд пуяса вөр ді сайын, тыдалө ичөтик Ёкуша сикт. Буракө, тайө сикт кузяыс и заводсө изьвасаяс шуоны Ёкуша заводөн.

Рытладорыс татчө воис морскөй пароход «Умба». «Республикаыд» ыджыд-ыджыд, а «Умбаыд», вөлөмкө, ещө на ыджыдджык. Ми шензям, кызди татшөм грөмадинаыс кутчысьө ва вылас.

Медводдза морскөй пароходөн Печора вожө локтысьясыд тырмымөн жө. Пристаныс, берег вылыс йөзнас веськыда гызьө.

Печора вожө сөян-юан, көм-пась да мукөдтор вайоны сөмын море пыр. Оні «Умбалөн» трюмьясыс тырөсь жө «нянь-совнас» да «көм-пасьнас», кодөс ректыны ковмас кад.

Морскөй пароход пө Кардорө бөр мөдөдчас сутки мысти кымын. «Республика» татысь грузтөг оз жө кай. Со и чукөрмисны мунысь-локтысьяс, кытчө он видзөдлы — быдлаын жуоны кодзувкотьяс моз.

Рытыс шоньд, лөнь. Берег пөлөн кузяла тшычасьоны бипурьяс. Печораясь да Изьваысь море пыр Эжва вожө гортаныс отпускө мунысь том учителясь да учительницаыс озырөсь. На пиысь унаөн удитөмаөсь ньөбны татчөс чери кыйысьяслысь чөскыд чери да пукалөны бипурьяс дорын, чөсмасьоны свежөй юкваөн.

Баракьяссайса посныдик козья вөрас паркын моз гозийөн-гозийөн ветлөдлөны том йөз — мунысь-локтысьяс, тані стрөительство да мукөд уджьяс вылын уджалысь зоньяс да нывьяс.

Ми тшөтш шурьялам на пөвстын, гусьөникөн кыйкьялам том нывьяс вылө, но велавтөгыд полам сибөдчыны на дінө матөджык, яндысям, қөть асьнымөс лыддям бордьяссьөм лэбачьясөн нин. Дерт, миян пөвстын эмөсь дас сизим — дас көкьямыс арөсаяс, но мисө, гырысьджыкьясыс — кызысь петөмаөсь, збылысь ли мода вылас, а инмөдчывлам устош дінө ножичөн либө бритваөн... гашкө, асьным регыд лоам учителясөн. Шөр школаын миянкөд тшөтш велөдчыны заводитлысьяс лыдысь кодскүрө гөтыраөсь, быдтысьөны, а миянөс, «нэмсө велөдчысьясөс» йөзыс (буракө, тшөтш и асьным) велалөмаөсь лыддыны челядьөн, та вөсна первойсө дыр бокөд

кытшлалам том учительницаяс да детсадысса воспитательницаяс дінті, көть на пиысь мукöдыс арлыд-нас ми кодьöсь кымын жö.

Миянöс овмöдисны пристаньгорувса пелькиник олан баржаö. Сöстөминик ыджыд вежöсыс гырысь öшиньяса и пача. Стеньяс пöлөн весиг узылынысö нарьяс вöчалöмаöсь. Тыдалö, нарошнö локтысь-мунысьяслы оланін пыдди лöсьöдöмаöсь тайö баржасö. Орчча вежöсын пö олöны грузчикьяс. Изваса да Печора катыдса пöрнöй мужикьяс эз прöста энотлыны гожöм шöрын гортнысö да мунны уна сё верст сайö: нажöтка кө воö, найö тані узылытöг грузчика-ласны помся не öти лун да вой.

Изваса сывны радейтысь мужикьяс не этша ошйысьлывлісны, кызди найö, Ульсин заводын либö морскöй пристаньын уджалігөн, асланыс сылан-кывьясөн шызьöдлывлісны татчöс лөнь рытьяссö: паськыд Печораяс пö юравліс мыла горөн...

Асланым гора гөлөсьясөн тшапитчöм могысь, а гашкö, вильыш томлунлөн ортысö вöйысьöм вöсна, баржа вылö узыны мөдöдчöм водзвылын ми чукöртчим öтчукөрö ю кыр йылын да сьөлөмьяс бурмытöдз ливкйöдлім-сылім.

Торья нин ёна зілим сэки, кор миянöс кытшлісны нывьяс. Весиг найö, кодьяс некор эз сывлыны школаын, öні чужöм гөрдöдмөн горöдлывлісны, сылі сөнъяс зөвтчытöдз отсасисны.

Баржа вылö узыны мөдöдчигөн нин казялі ме бöрся кыйöдчысь ичөтик тушаа, сьöd синкымьяса лөсьыдик том нылöс. Көсйи петкөдлыны, мый ме сійöс ог тöд, но видзöдласөн нем виччысьтöг паныдасьöм бöрын казялі, кызди чужöмö ылькнитіс вирöй, пельясöй кутісны сотчыны.

Ныв гөрдöдіс жö, эз тöд, кызди кутны асьсö. Видзöдліс кө тайö здукас кодкө ми вылö, эськө кутіс дэльöдчыны. Та вöсна ме ёртьяскöд регыдджык тэрмаси баржа вылö, көть эськө лов сайын некутшöм торья мыж эз вöv тайö тöдса и тöдтöм ныв кузяыс.

«Йöй, йöй!» — бöрынджык ме виді ачымöс. Мый эськө вöлі кольччывны ныв дінас, ветлөдлыштны, сёрнитыштны, а ме повзи серамвыв лэптöмысь да регыдджык усйыси ёртьяскöд.

...Воддза онас, мөд тшупöда школаса нельöд

классын велөдчигөн, ми нельён — Никанор, Матвей, ме да Гриш — патераён олим өти крестьянинлөн пельос комнатаын. Туй саяс, обшивайтём ыджыд керкалөн мөд судтаын оліс совпартшколаса велөдысь гөтырыскөд да челядыскөд. Тулыснас нин төдмалім, мый на ордын нянька ли прислуга пыдди олө ичөтик тушаа сьод синкымьяса да сьод юрсиа мичаник ныв. Но этша өмөй ыджыд сиктад мича нывьясыд! Сэтчө жө, көть эгө нин вөлөй ичөтөсь (Никанор да ме тыртам кызьод, а Матвей дас көқьямысөд арөс), велөдчитад нывьясаян думьясыд миян ёнасө эз на и вөвлыны.

Тулыснас, кор сыліс өшиньясысь гыөрыс да йиыс, а асья шондыс йөз узигөн на заводитліс ломавны өшинь стеклөясын, туйсайса керка өшинь дорысь ми кутім казаявлыны миян өшиньяс бөрся гусьон кыйөдчысь нылөс. Шоньдьяс пуксьөм бөрад ми частө овлім восьса өшиньөн. Сиктса уличаторйид абу нин ёна паськыд, и мөд судтасяныд, дерт, көнкө, занавестөм өшиньясөдыд эз вөв сьөкыд төдмавны, кодьяс кутшөм олөмөн олөны миян комнатаын.

Ми тшөтш кутім кыйөдчыны ныв бөрся, вочасөн вельмим да, кор абу гортынөсь нывлөн көзяеваыс, туй сайө өшинь пыр кутім мөдөдлывны шонді көчьяс.

Ныв вочасөн збоймыштіс жө, заводитіс миянөс козьныштлыны мелі нюмөн, восьса өшиньяс пыр юксьыштлыны гоз-мөд кывйөн. Медся унджык (гашкө, миянлы сідзи кажитчис) мелі козиныс вичмывліс өшинь дорын узьлысь Матвейлы. Матвей жө медводз төдмалөма, мый синмасьысь нывлөн нимыс — Паша.

Кадыс эз виччысь миянлысь нюжмасьөмнымөс. Кутіс помасьны велөдчан во. Ми ставным Усть-Ухтасаяс. Сёрнитчим совпартшколаса велөдчысьяскөд (Мохчаын сэки вөлі тшөтш совпартшкола), лөсьөдім пыж, медем матысса луньясө мөдөдчыны кайны бечеваён да зібьясьөмөн визув Изьва паньд кыксө ветымын километр сайө.

Бөрья рытас Матвейөс ызьөдім ветлыны Пашакөд гуляйтны. Ныла-зонма сёрнитчөмаөсь, да йөзысь гусьон кайисны джуджыд мыльк йылө.

Шонді петтөдз найө сәні пукалісны. Миянлы вөлі

завидь, шонді петтөдз жö кыйöдчим, но кытшлалім бокиті.

Аскинас ми петім туйö. Ог төд, кызди прöщайтчис Матвей, а ми сідзи и эгö пырöдчылöй сёрниö тайö мусаник нылыскöд, көть думысь ме лыдди сійöс мыйтакö öтувьяөн (öд öнöдз ми эгö на төдöй, код дінö сибöдчö том нывлөн лөньтасін корсьысь сёлöмыс). Ми, куим друг, уна вояс чöж öтлаын велöдчысьяс, сэки эгö төдöй, мый тайö туйыс миян — медбөрья öтувья туй.

Пашакöд бөрья рыт öтлаын колльöдöм бöрын гусьөн ышлолалысь Матвей, кодлы эз на тыр весиг дас көкьямыс арöс, эз жö на куж чайтлыны, мый кымынкö лун мысти сылы оз нин ковмы сэсся ышлолавны Пашаяс вöснайд: пöчинокын олысь мам-батыс виччысисны пинысö ас сиктаным, медым воёмөн тшöтш гöтравны, вайöдны отсасьысьöс турун пуктигкежлö. Жöник вотöдз на найö сёрнитчöмаöсь невеста бать-мамкöд, и, гөгөр эгö удитöй бергöдчыны, Паша пыдди Матвейлөн лои Даша. Шөр школа помавтöдз зонмыслы коли öти во, и öдвакö сійö лыддис тайö нем виччысьтöм гöтрасьöмсö ыджыд шудөн, но висьöдчысь бать-мамлы паныд сувтны эз смелмöдчы.

Чохоткаөн висьöдчысь Никанор дугдiс жö велöдчöмысь. Арнас шөр школа помавны миян сиктысь мöдöдчи ме öтнам.

Мохчаын эз нин вöv совпартшколаса сійö велöдысьыс. Эз вöv и сылөн слугаыс — Паша, код йылысь ме гожöм чöжнад вунöдi нин да Мохчаын сылысь вошöмсö арнад ёнасö, гашкö, эг и казавлы. И со көнi ми сыкöд вылысь аддзысим. Бур ногөн кө, позис миянлы торйöдчыны йöз дiнсьыс, мунны бокöджык, пуксьыны син сайö да кургыны-сёрнитны асылöдзыс (чайта, збойджыкьяс эськö тадзи и вöчисны), а ме, йöйыд, регыдджык усйыси, эг шу нылыслы кыв ни джын. А мый йылысь сёрнитнысö? Матвейлөн гöтрасьöм йылысь? Позис, дерт, и та йылысь...

Ёртьяс кимöститчисны, а ме лэччыси морöсөн перилö вылö да, руалыштысь ва вылас видзöдiгтыр, думыштчи. Төд вылö уси мöд татшöм сяма серпас.

...Шөр школа помалöм бöрын Москваö мöдöдчы-

төдз кежалі прöщайтчыны важ көзыева ордö, көні коркö овлывлі общежитие восьтытөдз. Кипом изкиөн изны суседысь на ордö воывліс мекöд тшöтшья мичаник збой нывка Юля. Корсюрö ме отсасьлывлі сылы изки бергöдлыны. Варов нывлөн вомыс омöля и пöдласьліс, пыр мыйкö висьтавліс. Пöдругаясыс сылөн менö тшöтш кутісны лыддыны ас мортөн, праздник луно корисны ворсны почтаөн.

Пемыд посводзянь Юля тотшöдыштіс öдзöсас. Керкаын юалісны:

- Коді сәні?
- Почта,— шуö ныв.
- Мый вайö?
- Письмö.
- Кодлы?

Ныв шуö мөнсыгм нимöс.

- Кымын печата?— юалöны сылысь.
- Куим печата,— кылö Юлялөн гөлöсыс.

Нывьяс ытісны менö посводзö письмöла. Дерт, көнкö, асьныс пельяснаныс ляскысисны öдзöсас.

Муртса ме удиті воськовтны пемыд посводзö да ас бöрысь пöдлыштны öдзöссö, Юля сывйыштіс гөляöd, куимысь помся чупнитіс-окыштіс бандзибйö да вирдыштіс öдзöс сайö.

Ме шöйöвоши, сулала пемыд посводзын, ог лысьт ыджыда лолыштны.

Дыр-ö тадзи сәні жуйвидзи — ог төд. Öдзöс сайысь кыла нывьяслысь гигзьöм:

- Мый нö тайö, кулöма али ловья?!.
- Юля, восьтылы вомтö, эн-ö нылышт...

Гөгөрвои — водзö чөв овны оз позь, ки рöчөн кучки öдзöссö: тук-тук...

Коді пö локтö.

- Почта,— шуа ме.
- Мый вайö?
- Письмö.
- Кодлы?

Ме гарышті Юля пöдругалысь нимсö.

— Кымын печата?— юалöны нывьяс.

Ме тшöкмунлі, но збоймöдчи да кыпыда шуи:

— Печаттöм!

Нывьяс вак-вакөн серöктісны да Варяös (тадзи

шуисны Юлялысь пöдругасö) йöткыштисны пемыд посводзö ме динö:

— Мун петав печатöм письмöбдла!..

Кутшöм нин кутчысьлöм да окасьöм! Öдзöсыс эз удит бөр пöдласны — ме тювкниті-пыри керкаö да йөршитчи медся пыді пельöсас. Кыла, чужöмöй сотчöмөн-сотчö, некод вылö ог лысьт прамöя видзöдлыны, а нывъяс гусьөн кыйкнитлывлöны мелань, наяна шпыннялöны. Öни бура нин тöда: найö сэки нинöм лёксö ме йылысь эз думайтны, збойлöм вылань колі вочавидзны кык пöv збойджыка, а сэки ме ретыд руныги гортö: юр пö висьö.

Гашкö, жалитіс, гашкö, сераліс ме вылын, Юля нормыштöм гөлөсөн шуис:

— Коньөрöй, гашкö нö кольмин?..

— Ог тöд, — нурбыльті ме да усйыси.

Веськыда кö шуны, Юляыс меным эз и вöv дзик веськодь. Öтлаын изки бергöдлöмнас, куим печата письмöнас ныв вөрзбөдöма нин менсьым сьölöмös, рытнас син куньöмөн вольпасын куйлігъясö дыр думайтлывлі сы йылысь, кöть тайöс некодлы эг петкөдыв и Юляысь кытшлалі бокиті, полі, мед оз гарышт печата да печаттöм письмöяс йывсьыд.

А гарыштіс жö, гарыштіс кузь туйö петöм водзывылын, важ көзяевалөн кильчö вылын нем виччысьтөг паньдасигөн. Öти сиктад вояс чöж олигад и таöдз корсюрö шочиника туйясным крестасьлісны да паньдасьлісны, но ми öта-мöдлы нюммулім да шыасьтөг и мөдөдчывлім водзö асланым туйясөд.

Кык-ö, куим во тадзи кыссис — ог помнит. Коркө каникул вылысь гортысь локтöм бöрын сёрни костын көзаяка и висьталіс гудөкасысь Леонтий сайö Юлялөн верöс сайö петöм йылысь.

«Ен ськөд», — думышти ме. Зон водзын нелямын öдзös восьса, а ныв водзын — öти дай сійö пу дзиръя, дзуртысь, — шулөмаось важ йöz. Кызь арöса нывъясыд асьнысö пöрысьтöны нин. Дивъя, мися, сюри кö Юлялы татшöм вылын юра тшап верös. Бöрыннас эськө көзаякасянь жö кывлі ичмонь гозъялөн ас костын омöля олөм йылысь.

Юля йылысь, кажитчö, ме дзикөдз нин вунөді, но, грекыд вылö, кымынкö лун сайын друг паньдасим важ көзяевалөн кильчö вылын. Арөн-джынийöна

кымын писо киодыс кутөмөн Юля быттьөкө нарош-
нө потшис туйсө, шыасис:

— Но, шуоны, сизим му сайо мунөмнөд, а та-
нөсь на...

Немөявны он кут.

— Мунам,— шуи ме,— Москвао мунам!..

— Па-па,— Юлялөн ичөтик пиыс кинас индис
ме выло.

— Дя-дя,— тәрмасис веськөдны мамыс.

— Дя-дя,— йөла моз шуис кага.

— Пи-и-и!— чунь помөн ме небыдика инмөдчи
сылөн ныр йыло:— Бать кок пөв! Дзик Леонтий
кодь.

— Код кодь нө сылы лоны?— син бөжнас ме
выло видзөдліс Юля да краткис:— Эн тай көсйы,
мед тэ кодь лоис, ыждалин...

Яндзимөйла ме дась вөлі потны, но кызкө сям-
ми жө шуны:

— Мед виччысьлин...

— Виччысь тиянөс,— наяна шпыньмунис Юля,—
Юрид сэсся бурдис сәки?.. Кольмөмыд тай вөлі...

Ме нем эг сяммы вочавидзны, сөмын гөрдөді.

Ичмоньлөн видзөдлас да сёрни серти гөгөрвои:
абу веськодь вөлөма ме сылы.

Паша, сэсся Юля. Дыр ме тадзи сулалі, дебар-
кадер перилө выло лэччысьөмөн, думөн казтылі
бөрө кольөмторсө. Быттьө эськө нинөм сэтшөмыс эз
и вөвлы, а казтынысө вөлі лөсьыд!..

Гашкө, дыр на эськө ме тадзи жуйвидзи, да код-
кө чукөстис:

— Унмовсин али мый тэ сәні?..

Пыри ёртъяс динө, а налөн, мелөн моз жө, узян
думъяс абуөсь.

Кимөститчам, виччысям шонді лэччөм, а сийө,
вөлөмкө, гожея войнад тані оз и саймовтчыв. Миян
Изьваын войясыд өні югыдөсь жө, но шондыд вой
шөрнад дзебсьыштлө вөртас саяс, а тані сийө, дон-
лөм ыджыд гөрд тупыль, вылітікодь на и кытшовтис
енэжлөн войвывладор дорыш дінтіыс, сэсся мөдіс
бөр каттысьыны, югдаммыны.

Дырөн мудзам жө, кызди шулоны, усям кок йы-
лысь, коді джоджө, коді орчөдөм лабичъяс выло
водалам шойччыны.

Асывнас ичөтик буксирной пароход вылын мөдөдчим видзөдлыны вөр пилитан завод.

...Посёлокыс лөсьыдик, кык судта пу керкаяс сөстөминикось, улича пөлөн нюжөдчөма паськыд пода пос, кыті дугдывтөг өтарө-мөдарө ветлөдлөны йөз... Сиктъясад дорысь тані йөзыд бергөдчө төдчы-мөн унджык.

Посёлоксө кытшовтөм-видзөдлөм бөрын прөйдитчим гырысь тьөс штабельяс дорті, сәсся локтім вөр пилитанінас, дыр шензим-видзөдім, кыдзи жөлөбъяс кодьод ва дорысь асьныс кайөны сывтыръя пожөмъяс, пырөны ыджыд сарай кодьө, көні төчила моз бергалысь гөгрөс пилаяс найөс чарсейөны-пилитөны тьөсьясө либө плакаясө.

Таөдз ми некор на эгө вөвлөй вөр пилитан заводъясад. Сиктъясад төдлім сөмын продольной пилабн мужикъяслысь пилитчөм, да өні өна и шензим, кутшөм өдйө гөгрөс пилаясыд кузьта ногыс шөравлөны кыз пуястө. Пилипызыыс сөмын и төвзё...

Рытладорыс сійө жө ичөтик пароходнас бөр му-ним морской пристаньө, и час дасын заводитісны лэ-дзавны «Умба» вылө йөзөс.

Шумыд да нокыд кыптис! Быдөнлы окота регыджык веськавны, сюрөдны бурджык места. Ми, матө комын морт, тшөтш жө суйсям.

Шуөны, миянлы везитіс: Печора вомад морской пароходыд төлысьнас кыкысь и волө; мукөд дырйи пө төкөтө сөрмыштан да матө кык вежон ковмас туплясьны пристаньын, а ми төрыт на локтім и талун нин со сөлам морской судно вылө, гөгөр огө удитөй бергөдчыны — паныдасян морекөд, код йылысь эгө нин этша кывлөй да лыддыввлөй быд пөлөс висьтьяссө. Квайт лун на и коли туйө петөмсянь, а ми нин со лөсьөдчам прөщайтчыны рөднөй Печоранымкөд.

Пароход трап дорө матыстчигөн колльөдысьяс пиысь бара син улө уси Паша. Видзөдласьясөн паныдасигөн сійө меліа нюммуніс, и меным бөрыннас дыр эз вөв лөсьыд сьөлөм вылын, быттьөкө мыйкө вошти...

Шензөдіс «Умбалөн» пытшкөсыс.

— Быттьө тюрьма,— шуис кодкө миян пиысь, көть эськө тюрьмаястө төдім сөмын книгаяс серти.

Збыльысь, пемыдкодъ: ичѳтик гѳгрѳс ѳшиньясѳд
писькѳдчысь ывла югыдыс оз вермы прамѳясѳ юг-
дѳдны. Ѳтар-мѳдар бокас кык судта нарьяс, кодьяс
мыйтакѳ тшѳтш тупкѳны ывла югыдыслы туйсѳ.

Нарьяслысь вылі судтасѳ кызвыннас займитісны
нывбабаяс, посни челядь. Миянлы кымынкѳ места
вичмис нарьяслѳн улі судтаас. Джын дорсьыс ун-
джыкѳн меститчисны люквесьтса паськыд площадка
вылѳ. Люкыс восьса да, тані тѳдчымѳн югыд и сынѳ-
дыс сѳстѳм. Шѳрас сувтѳдім ящикьяснымѳс: на вы-
лын кутам пызан сайын пыдди сѳйны-юны.

Посадка помасьѳм бѳрас на морской судно дыр
сулаліс. Медбѳрын воздухѳ дзенѳдіс коймѳд свисток,
и «Умба» калькѳдчис пристаньясь.

ОЙ, ПАСЬКЫД ТАЙ МОРЕЫД!

И зываыд, кор запор артмас кѳнкѳ Бедамель-
ясын, Мохчасянь верст дас вит сайын, ок
ѳна ойdlѳ, став матігѳгѳрса увтасінъяссѳ
босьтлѳ. Йѳзыс сѳки шензьѳны:

— Море!

Моретѳ ми асланым синьясѳн эгѳ на аддзывлѳй,
да ылын лѳзалысь вѳртаса паськыд ваѳн и кажит-
чывліс сійѳ, а збыль вылас вѳлѳма помтѳм-дортѳм.

Садьмим морской пристаньясьянь 85 верст сайын.
Губаѳдз, шуѳны, кольѳма 18 верст. Печора вомсѳ чѳ
тупкѳма йи. Судноным ва катчѳс нырѳн сулалѳ пась-
кыд ю шѳрын. Матіладор берег вылас чери кыйысь-
яслѳн барак. Водзланьын сійѳ жѳ карликѳвѳй пу-
ясыс, кодьясѳс аддзылім Нарьян-Марѳ вотѳдз на,
морской пристань гѳгѳрын. Вижѳдыштѳм веркѳса
паськыд эрдьяс, кодьяс ылісяньыд кажитчѳны арся
кѳдза муясѳн, кытысь вундѳмаѳсь да идралѳмаѳсь
няньсѳ.

Кѳтъ заводитчис нин июль тѳлысь, весиг миян
Изваын жар гожѳм, купайтчан кад, тані ю кыр
бокьясас зѳв на уналаын куйлѳны еджыд лым
пластьяс.

Рытнас час витын парѳвѳй машина зѳльѳдіс-лѳп-
тіс якѳрьяс. «Умба» бергѳдчис да бара мѳдѳдчис

Печора кывтчөс. Час мысти петім губаө. Берегъяс муртса нин тыдыштöны. Гыяс гырсялöны, заводитöны катлöдлыштны судносö.

Öкмыс час да джынйын петім губаысь мореö. Паныдасьлысь йи пластъяс вочасөн гырсялисны, сукмисны. «Умбалы» дыркодъ ковмис писькөдчыны йи пырыс: нырнас сöлас йи пласт вылас, поткөдас да, йисö отарö-мөдарö вешталгтыр, ньöжйöник муно водзö.

Бара суис шондиа гожея вой. Садъмём бöрын первойсö сэтшөм лöсьыд вöли. Кажитчö, куйла зыбкаын, кодöс качайтыштöны. Жуйгөдчөмөн куйла, дыш восьтны синъясöс. Кыла, кодкө гири-люки лэчис вылі нар вылысь да котöртис ывлаө. Мөдар бокын кодкө скайтö-восö. Öти-мөдлаын кылöны ружтөм-ойзөмъяс.

Лэпта юрöс, иллюминаторөд видзöда ывлаө. Ва да небеса кындзи нинөм оз тыдав. Джуджыд керкаяс судта веж сорса гыяс ызгигтыр гöгыльтчöны кытчökö бöрлань, он гөгөрво, судноыс-ö сунласьö либö жö найö вывлань кыпöдчывлöны да бөр вöйöны, бөрсыныс кольöны ыджыд гуяс, кодъясöс пыр и вежöны джуджыд верöтя кодъ выль гыяс.

Зэв ёна сямалö кынөм. Чечча, көсья мунны ёртъяс дорö, мися, бура чöсмасьыштам пöсь чайөн. Кыла, заводитö гудрасьны пытшкөсын, шогөдö, юр бергөдчö.

— Кутшöма бледöдөмыд,— чуймöны ёртъяс.— Мун кай палуба вылас, лолалышт сöстөм сынöднас, и — прöйдитас.

Вөлөмкө, татшöмыс миян пövстын ме абу öтнам: джынйыс (абу кө унджыкыс) кольмөм төрөканъяс кодъöсь, унаөн кайöмаöсь палуба вылö лолавны сöстөм сынöдөн.

Муртса верми котöртны палуба вылö. Тани, төв сайö йöжгыльтчөмөн, труба дорын пукалисны ме мөз жö бледöдөм менам кымынкö ёрт.

— Татчö, татчö! — чуксасисны найö.

Нинөм он вöч, ковмис поздысьны «висьсысьяс» динö. Юрöй чугун кодъ. Пытшкөсын гудрасьö... А öд качкаыс пö баллъяс сертиыс шөркодъ кымын на и эм.

Кодкө кайис улыысь да корö миянöс сёйны, но кутшөм нин сёйөм!

«Гашкө, нинөм татшөмыс эз и ло, чеччөмөн тшөтш кө удайтчис сөйны»,— мөвпала ас кежын. Дум вылө воө Дорофей вок, меысь кызь арөсөн ыджыд. Сийө империалистическөй война пансьөм бөрын матө нель во служитис «Садко» да «Иван Сусанин» ледокольяс вылын, плавайтис войвывса мореясын да Ледовитөй океанын. Менө пө некор эз мучитыв качкаыд. Мукөдьяс туплясьөны, восөны, а ме качкаяс дырйиыд ог и пөтлы.

«Качкаяс дырйиыд колө ёна сөйны»,— шулывліс сийө. Сэки пө некор он колымы, некор оз шөгөд. Татшөм сёрнияс дырйи менам чужлі гуся мөвп лоныгырысь вокьяс моз жө (Иван вокөс флотө жө босьтисны) морякөн, но тадзнад, кор первой неыджыд качка дырйи нывбабаяс моз «шомми», өдвакө меысь петас моряк.

Луннас тыдовтчыліс Колгуев ді. Мунім ылітискөд, но крут кыръя берег пөлөныс мыйкө посныдик пуяс кодь төдчис. Пыдынджык весиг тыдовтчыліс көр чом кодь. Гашкө, тайө миянлы прөста кажитчис: өд ми кывлывлім, мый Колгуев вылын гожйивлөны көр видзсыяс.

Лөныштис-ө поводдяыс али асьным велалим качкаас — рытнас ми бөр мортъяммасим, сөйим-юим, бөр гажмим, а мөд луннас нин прамөй йөз моз кайим палуба вылө. Ылын бөрын лөзалө Канин: миянлысь нюжмасьөмнымөс абу виччысьөма...

Труба дорас ичөтик бөчка вылын өбразывса кодь пукалө гөгрөсөн шырөм зумыд сьөд юрсиа, гөлиник ус-тошка, муртса потыштөм мудер сьөд синъяса олөма ненец. Лөз эжөда маличасө вывлань лэптөмөн вөнялөма ыргөн пражаяса тасмаөн, а тасмаас югъялысь ыргөн чепъяс йылын жө өшалө пуртөс. Кыс гөленя сирваалөм төбөкъяса кокъяссө кресталөма, быттьөкө нарошнө мыччөдлө пидзөс горувьяссө джуалысь тугъя гөрд вөньяссө. Сьөд пөжгуөн эжөм малича юрсө лэдзөма мыш саяс да кажитчө тупьюр варышөн. Кор сийө кытысь веськалөма татчө!.. Морскөй пароходыд пө эськө корьясөкө сибөдчывлө Каниннос дорад, но өні сибөдчылөм эгө казавлөй. Гашкө, ньөжмөдліс мунан өдсө, да чери кыысыяс матыстчылісны пыжөн?

Миян зонъяс пыр и кытшалісны дядьötө, кутісны юасьны кысь да мый.

Читкыртыштөм мудер синъяса дядьö гусьөн нюмъяліс:

— Яран нэ понимайт зыран.

— Ачыд тэ зырөм,— серөктіс кодкө.

— Мудеритө,— шуис мөд.— Быд яран ми дорысь бурджыка сёрнитө коминад.

— Кардорö винала мунаң?— сералігтыр чуньяс нас грөзитіс балагур Степан Артеев.

— Ог винала,— комиөн шуис дядьö,— синъясла.

Олөма ненец пыр и лоис ас мортөн. Вөлөмкө, збыльысь сійөс карбасөн чери кыйысьяс сөмын на вайөдөмаөсь пароход дорас. Синъясөн пö омөля кути аддзыны, Кардорö мөдөдчи өчкила. Висьтасис, Каниннырд вылын пö яранъяс, комияс, рочьяс нэмыс өтсор чери да зверь-пөтка кыям, көр видзам да куим кывйөн пö и сёрнитам.

Том йөзыд — том йөз и эм, кутісны юасьны, кыдзи ненецкөй кывйөн шуны «муса ныв», «Вай окаям» да сідз водзö. Ёна-ö ылөдчис — код төдас, но кыв-вора дядьö окотапырысь велөдіс.

Ывлаис ещö ёнджыка лөнис, гыяс улөдзджык лэпталөны юрнысö, и гөлөсныс чиныштөма, кажитчө, мудзыштөмаөсь. Гудыр кымөръяс пөвстті мыччасьö шонді. Ваис мыйлакө кажитчө йөвва рөма. Гыясыс оз нин резыштльвыны палуба вылөдз. Чукөртчим судно нырлань, көрт перилөö зумыда кутчысьөмөн сулалам, видзөдам, кыдзи котөртөны гыяс; кажитчө, судно нырным качас вылө-вылө, сэсся сунгыяс... Ваис матысмылас кокъяс дінөдз. Вына штормъяс дырйиыд пö гыясыс быглясьөны судно палуба вывтыс, став люкъяс да өдзөсьяс пөдлалөны, некодөс оз лэдзны вылө, а өні сулав, нимкодясь, оз кө вөдит качкаыд. Джын йөзыс палуба вылынөсь.

— Тюленьяс!— горөдө кодкө.

Судно водзвылын неылын кутшөмкө морскөй зверьяс мыччыласны юрнысö, сунласны да бара мыччысьласны. Сэсся найö кытчөкө воштысисны, а недыр мысти неылысь водзысь аддзим зверьяслысь быдса чукөр. Ёнасö, тыдалө, оз и повны судносьыд, уткаяс моз мыччасны ва улысь юрнысö, уйыштасны водзö, сунласны, бара мыччыясны. Ва улысь куим-

нѣлысь петкѳдчылѳм бѳрын, кор матысмыны кутіс судноыс, ѳтпырйѳ ставныс сунісны да кытчѳкѳ дзи-кѳдз воштысисны.

Недыр мысти водзын, веськыдвывланын, ру пыр моз тыдовтчис векныидик лѳз визь.

— Мурманскѳй берег тыдовтчѳ,— пыр и сюрини тѳдысьяс.

Карта серти, тайѳ Кольскѳй полуостровлѳн асыв-вывладор боыс, но мыйлакѳ сійѳс шуѳны Мурманскѳй берегѳн.

Лѳз визыс вочасѳн содіс, ыдждіс. Сылѳн крут кыр боын кутісны тѳдчыны еджыд дѳмасъяс, тыдалѳ, бужѳдъяссыс да шор гуранъяссыс абу жѳ на удитѳма сывны лымйыс.

Паськыд ва эрд вылас тыдовтчисны сьѳд тшынѳн пѳлясьысь гырысь суднояс. Ѳти, мѳд, коймѳд... Сизим судно ми лыддим син судзанінысь.

Буракѳ, коймѳд вой нин миянѳс суис море вылын. Асывводзнас пѳ кутам пырны Двина ю вомѳ. Сѳні пѳ эм маяк. Сѳтчѳ вотѳдз пѳ позяс на шойчыны, мед воны Кардорѳ збодерджыкѳн.

«Ичѳтика вугыртла и бѳр чечча,— водігѳн шуалі ме аслым,— Мудьюг дісѳ, маяксѳ — ставсѳ видзѳд-ла...»

Колѳ жѳ татшѳма унмовсьны не кадѳ! Бѳрѳ кольѳма Мудьюг ді, код йылысь ми кывлывлім уна страшнѳй висьт (гражданскѳй война дырйи не ѳти дас мортѳс Изьваысь да Печораысь нулісны татчѳ катаргаѳ); бѳрѳ кольѳма и Двина ю вомѳ пыранінса маяк.

Ньѳжйѳникѳн катам Двина кузя нин. Кутшѳма вежсьѳма вѳр-ваыс. Пуяс вылын гырысь коръяс, муыс вежѳдѳма, берегъясыввса турунсѳ кѳть талун ытшкы... Шондіыс ньѳти жалиттѳг койѳ му вылѳ зарни везъяссѳ.

Ѳтарѳ паныдасьлѳны гырысь и посни парохѳдъяс. Ѳтияс пур кыскѳны. Мѳдъяс, ас дорсьыныс кык пѳв джуджыдджык штабельясѳ тьѳс-плака сѳвтѳмѳн, ньѳжйѳник кывтѳны морелань. Мукѳд муясса вель уна лесовоз нин паныдасьлісны. Гудокъяс, кажитчѳ, омѳля и оравлѳны. Та мында гырысь да посни парохѳдъяссѳ ми некѳр на эгѳ аддзывлѳй.

Кардорö — Архангельскö — воим 10 час асылын. Ой, ёна ыджыд да мича сійö мянлы первойысьтö кажитчис. Керкаяс гырысьсöсь, каменнöйöсь. Уличаяс паськыдöсь, кузьöсь.

Руководительяс мунисны оланін йылысь сёрнитчыны. Ми бергалам морскöй пристань дорын, огö лысьтö ылö мунны.

Кыр йылын кыліс сяркөдчөм.

— Автономобиль!— горөдіс кодкө, и ми, пöшти ставөн, энөвтім көлуйторнымöс да уськөдчим медводдзаысь видзөдлыны автономобиль ыылö. Пöттөдз ми кытшалім тайö грузөвöй автомашина гөгöрыс, виччысим, кызди шофёрыс заводитас моторсö да вөрзөдчас места ывысьыс.

Булыжникъясөн эжөм улича ыввті төвзис мөд машина. Сійö вөлі ёна ичөт, кык көлесаа.

— Мотоциклет,— сюрины төдысьяс.

Мыйкө дыра мысти локтіс Егор Филипьевич. Ковмас пö мунны Павлин Виноградов улича кузя 113 номера керкаөдз, экскурсбазаөдз.

Медалім вөв. Сьöкыдджык көлуйнымöс тэчим телега ыылö, а кокныдджыкторьяссö босьтім киö да Набережнöй улича ыввті мөдөдчим морскöй пристаньсянь кывтыдлань.

Летнöй парк дорті петім Павлин Виноградов улича ыылö. Тані первойысь äддзим трамвай. Сувиөмөн видзөдім сы ыылö, но водзö мөдөдчим подөн. Мудзтөдз мунім. Медбöрын воим барак сяма ляпкыдик кузь керка дорö. Не кө гырысь öшиньясыс — позьö чайтны сарайөн. Öні пö тані экскурсбаза: узылөны-олөны ми коддьöм локтысь-мунысьяс.

Зал кодь ыджыд комнатаын джодж шöрас сулалö стружитөм пöвьясысь вөчөм кузь пызан. Стеньяс пөлөныс кроватьяс пыдди татшөм жö пöвьясысь вөчөм öти судта паськыд нарьяс.

Экскурсбазаса уборщица пузьөдіс мянлы чай, кузь пызан гөгөр пуксялөмөн сөйим-юим, сөсся мөдөдчим карö.

Кардор йывсьыд быдмигөн ме унатор кывлі. Тані матö нэм джын сайын во вит кымын салдатын служитлөма бать. Тані жö действительнöй служба дыр-

йи мато кык во служитома ыджыд вок — Дорофей. Мортыдлөн вөлөма льөгөта, но кодкө абу воома тундраысь көр видзанинысь; сійөс вежлыны пудйыс усьө вок вылө, и мато кык во служитас мөд морт пыдди. Империалистическөй война пансьөм бөрын, кызди ме шулі нин, Дорофейөс босьтисны войвывса флотө да тасянь жө сійө плавайтис ледаколъяс вылын.

Кардорын жө, Русановскөй вөр пилитан заводын, революция дырйи уджавлісны менам Иван да Петра вокъяс. Тани жө Краснөй Армияө вуджтөдз во джынйысь дырджык служитліс Вась вок, кодөс дас өкмыс арөсөн мобилизуйтлісны белөйяс.

Сэсся өд Кардорыд нэмыс вөвлі миян губернскөй центр, Печора да Изьва вожсаяс кызыс салдатө мунлісны сы пыр. Быдмигөн ми уна быдсяма сёрнияс кывлім Кардор йывсьыд. Ме важөн төді: көнкө тани, нюр вылын, эмөсь ыджыд кирпичнөй военнөй казармаяс, көні овлөмаөсь менам бать да гырысь вокъяс.

Рытнас ставөн гуляйтім городскөй садйын, бөрти барак өшинь ув эжа вылын ме дыр пукалі Емва вожө мунысь том учительница Вассакөд и войнас бара дыр эг вермы унмовсьыны, бергалі өтар-мөдар бок вылө, сэсся коркө унмовсьөма жө. Заводитчисны вөтъяс. Быттьөкө ме чужан сиктын на, суседса ас коддьөм зонъяскөд да нывъяскөд йи кылалөм бөрын мөс видзигөн ляпкыдик куръяясын купайтчим, бипур дорын шонтысигмоз чөсмасим пөжалөм картупельөн, сэсся ветлім зонпосникөд Ыджыд ты вылө вуграсьны.

Кодакөсті пуксьөма гожөм, гөгөр ставыс дзоридзалө. Васса пукалө веж луг вылын да, вомгор улас кутшөмкө песня сьылгтыр, вижьюр-дзоридзьясысь венеч кыө: тайө пө верөс сайө петігкежлө.

Гөгөр эг удит бергөдчыны, веськалі турун пуктанинө Юсьпозьяө, көні асланым вөралан керка дорын зэв гажаа коллявлывлім гожся рытьяссө.

Миян сусед Мартин, пароходвывса ненец кодь кымын мужик, тажгөдчөма төчила вор помө да мый вынсьыс личкө косасө, нылыс муртса вермө бергөдлыны төчиласө.

Дивө, кутшөм өдйө ставыс вежласьө вөтад. Эг и төдлы, Мартин пөрис ненец-дядьөө, нылыс — том

учительница Васса, кодкөд сөмын на варовитим быдтор йылысь. Видзөда, а мян вөр керка местаын нин сулалө көр чом, Васса пыдди сәні бергалө Юля, отсасьö батыслы (Юлялөн батыс көр дорын жө ветлөдліс) эштөдны чомсө.

— Томъяслы бур и оланін артмис,— шуө батыс. Бокланьын котралө ичөтик Андриюшка.

— Тэнад өд Андриюшкаыс,— пельö вашнитө Юля. Ме видзөда ворсысь кага вылө и, збыльысь, чөдлач кодь лөз синъясыс, нырыс, вом доръясыс — ставыс менам. Шензя, кызди нө, мися, тайö вермө лоны...

Юля гылыда серөктө:

— Сы мында велөдчин, а он төд, кызди чужилоис Исус Кростосыс.

— Ми сійөс эгө велөдөй,— мыжа морт моз шуи ме да мыйкө ещө на көсийи содтыны, но друг кыськө быйкнитіс Паша, чужөмсө матыстіс Юля чужөм дінө да сөдзөдіс:

— Сө-ран!..

Садьми, восьті синъясөс, гусьөн кыйкниті-видзөдлі. Восьса өшинь вылө гыррдзаяснаныс лэччысьөмөн мелань мышкөн пукалоны Васса да Коля Зыков. Мудер Коля зілис ылөдны нылөс:

— Аддзылі өд, кызди войнас эжа вылас пукалігөн кутчысьлінныд да окасинныд...

— Сөран!— сералис ныв.

Ме бергөдчи мөдар бок вылө да регыдджык бөр уни синъясөс, зіли узьмөдчыны Юлякөд көр чомйын, но, кутшөма көть эг көсийи, ни чомсө, ни асьсө Юлясө эг нин аддзывает.

Лои чеччыны.

— Зонъяс, вайө лэччыламөй купайтчыны!— чуйдіс Коля.

Ывлаыс шондіа, лөнь. Дыр чукөртчыны оз ков, регыд мысти ми, зон чукөр, вөлім паськыд Двина берег вылын. Төрыт татчө волім жө нин. Дивө! Ваыс сәкся серти төдчымөн туөма, көть некутшөм зәръяс эз вөвны. Прилив вөсна пө тайө: тані быд суткиын кыкысь овлө прилив да отлив. Көть ваыс кодзыд-кодь, ми пөрччысим да купайтчим.

Чай юөм бөрын ёртъясным мөдөдчөны экскурсияөн кондитерскөй фабрикаө. Миянлы окота жө төд-

масыны кампетъяс вöчалöмнас, но колö ветлыны лесотехнической институтö. Тöрыт тöдмалим нин, кöни институтыс. Колö мунны Павлин Виноградов улича кузя помöдзыс, чукыльтыштны шуйгавылö...

Медым прамöйджыка видзöдлыны карсö, ми витöн — райкомолөн да роноён лесотехнической институтö велöдчыны индöм йöз — подөн восьлалам кар кузя. Йöзад петавтöг кажитчö, мый миянöс сэни виччысьöны сыв паськөдöмөн... Москваысь локтигөн кольччам и лоам студентъясөн, кутам велöдчыны.

Эз ло миян чайтöм серти. Институтлөн канцелярияын висьталисны, мый ми тувсовъя приёмö (тавосянь институтын кык приём — тувсов да арся) эгö нин веськалöй — сёрмим. А кор лоö арся приёмыс — оз на тöдны.

Но и мед, шуам. Ми öни огö жö эштöй: колö видзöдлыны Москва. Бөр локтигөн тыдовтчас, мый вöчны.

Кардорын ещö кык лун олём мысти мөдöдчим Двина сайö кöрт туй вокзал вылö.

А со и кöрт туй, кодöс ми асланым нэмын аддзам первойысь на жö. Пассажирской вагонъяса кузь поезд дась туйö петигкежлö. Гырысьджык ёртъяс велöдöны, медым ми пырöмөн тшöтш сюрöдим узылан местаяс.

Меститчим бура. Шензям, кутшöм сöстөмөсь вагон пытшкөсьясыс. Öткымыньяс удитöмаөсь нин кавшасьны мөд да весиг коймөд судта полкаяс вылö.

— Аттö, кутшöм лөсьыд!

— Тані позьö овны нэмтö! — кылöны шензяна гөлөсьяс.

Тутöстис паровоз, скөрмөм ош моз гоз-мöдысь чушнитис... Дрöгмунис состав. Шыасисны рельсъясö ниртчысь колесаяс, и ньöжйöникөн бөрлань вешйыны мөдис ставыс, мый тыдалис öшинь пыр.

Көнкө водзын — Москва.

Дас куим лун ми туйынöсь. Асывводзнас, шуöны, воам Москваö. Ывла югдöмкөд тшöтш ляскысим öшиньяс дорö. Пыр частöджык кутисны паныдаслыны сиктъяс, весиг быдса каръяс.



сывводзнас воим Москваё. Поезд вочасён надзмөдіс өдсө, сэсса сувтіс. Асланым ящик-чемоданъясён ми петам медбөрын. Вагонысь петаніны паныдалө Михаил Ильич, коалө:

— Ставён ловьяёсь?

— Ловьяёсь!— збоялам ми.

— Молодцы!— ышөдө сійө да корө вөтчыны ас бөрсясы.

Ми, унджыкыс ватнөй пальтоаёсь да кучик сапөгаёсь, ящикъяснымөс киө босьтөмөн, жуысь йөз вылас ыжъяс моз дзоръялігтыр, вөтчам сы бөрся, петам паськыд площадь вылө.

«Ярославскөй вокзал»,— лыддям мышладорса вокзал вылысь.

Площадь вылын зия-зёлякылөны трамвайяс. Сэні жө подкова кокъяснаныс изйө зяткөдөны то отарө, то мөдарө гөнитысь извозчикъяслөн вөвьясныс... Кажитчө, тані оз и узылыны: көть ывлаас квайт час асыв, кытчө он видзөдлы, быдлаын жуөмөн-жуө йөз.

Егор Филиппевич вайөдө кык извозчикөс. Кодъяс матынджыкөсь, телегаө сөвтөны ящикъяснысө. Кык Степан — Артеев да Семяшкин — кавшасьөны көлуй чукөр вылас. Михаил Ильич сетө ямщикъяслы адрес, и вөлаяс рөдтөны...

Ми виччысям трамвай, нинөм йылысь төждысьтөг видзөдалам площадьсө кытшалысь гырысь зданиеяс, дзоръялам ветлысь-мунысьяс вылө. Воис трамвай. Коді кызди вермисны, сөлісны, а ми Коля Зыковкөд эгө удитөй пырны, колим трамвай сувтланінө. Кытчө мунны — прамөя огө төдөй. Ме кывлі, Михаил Ильич горзіс: «Смоленскөй рынок...» Зыковлөн паметьө кольөма 16 номера керка.

Регыд воис мөд трамвай. Медым суөдны өртъяснымөс, өдйө пырим да трамвай вөрзём бөрас кондукторыслы тшапа шуам:

— Смоленскөй рынок!

— А тайө оз сэтчө мун,— шуис нывбаба-кондуктор, тшөктіс миянлы чеччыны да пуксьыны мөд букваа трамвай вылө.

Ми тадзи и вөчим. Пырим индөм трамвайө, ньө-

бим билет, мунім өти остановка кост да юалам кондукторлысь, Смоленской рынок абу тайё. Абу пё. Мёд остановкаын бара юалам, абу-ё Смоленской рынок.

— Абу на,— шуис сійё да нюммуніс:— Ті пуксёй ящикъяс выланьд да пукалёй, а кор воам, ме висьтала.

Дозмытёдз нин мунім. Гашкё, мися, кондукторьд вунёдіс, да нуисны код тёдас кытчё. Но, вёлёмкё, абу вунёдома.

— Смоленской рынок,— ми дінё шыасис сійё трамвай сувтігмосыс.

Тэрмасёмён петім трамвайысь улич вылө. А йёзыс, аминьё-аминьё, мыйта! Оравлытөг вешйёны-мунёны туй óta-модар бокёдыс. А керкаясыс, гашкё, дас судтаёсь. Со кутшём вёлёмыд тэ, Москваёй!

Йёз кок увсьыс вешйим керка стенлань. Кёть и асыв на, гожся шондыс сотё, а ме пидзёсёдз гёленя кучик сапёга да кузь пальтоа.

Мунысь-локтысьяс эськё кодсюрё синсё чёвтлёны миян вылө, но, тыдалө, налы веськодъ: ыджыд карса олысьясыд, кёнкё, не ми кодъ повзёгъясёс на адззывлёны улич вывсьыд.

Некутшём рынок матігёгорын оз тыдав. Водзынджык площадь кодъ паськыд эрд, кысянь, буракё, разнёйладорё мунёны некымын улича. Кутшём улич вылө сетчыны? Кёні сійё 16 номера керкаыс, код йылысь гаралис Петров? Гашкё, эз и сэтчё чеччөд миянёс кондукторыд да? Ышлолалыштём бёрын Зыков меным и шуё:

— Тэ пукавлы, а ме ветла тайё улича вывтыис, корсьла 16-өд номера керкасё.

— Ветлы,— шуа ме.

Воддза воё Зыков волёма нин Москваад. Сылөн весиг бабыс олө кёнкё Москваын, сідзкё, 16-өд номера керкатё быть адзас.

Пукала ящик вылын, виччыся Коля Зыковёс.

Друг кыла рөдтысь вөвъяслысь подковён изйё зяткёдысь кок шыяс. Аслам тёдлытөг бергөдча сылань. Пельёс сайысь мыччысисны извозчикъяс. Менам шуд вылө, телегаясын ящикъяс вылын пукалёны Степанъяс. Найё казялісны менё, шензёны, кыдзи веськалі татчё.

— Воши,— шуа ме, и забеднӧйла муртса ог бӧрддзы.— Ог тӧд, кытчӧ мунны...

— Виччысьлы!

— Ми тӧла волам!— горзӧны найӧ.

Збыльысь, найӧ регыд локтісны, а Коля Зыков абу.

— Коляыд Москватӧ тӧдӧ,— шуӧ Степан Арте-ев,— воас.

Мӧдӧдчим Смоленскӧй площадь вывсянь, воим Ростовскӧй переулкӧ. Сэні кык судта каменнӧй керкаын и вӧлӧма экскурсбазыд. Тайӧ пӧ школа, но ӧні, гоҗся каникул дырйиыд, сэні восьтӧмаӧсь экскурсияӧн Москваӧ волысьяслы оланін. Вежӧсьяс сӧстӧмӧсь. Ӧшиньяс гырысьӧсь. Быд мортлы торъя кӧрт койка. Тайӧ не на Кардорса экскурсбазыд. Ӧткымын классьясын эмӧсь нин олысьяс: паныда рыт-нас ми моз жӧ экскурсияӧн локтӧмаӧсь чувашьяс.

Кӧкъямыс часын юкталісны чайӧн, вердісны. А Коля Зыков век абу.

— Кӧнкӧ, бабыс ордын гӧститӧ,— шуӧ кодкӧ, а менам сьӧлӧм абу местаын.

Завтрак бӧрын недыр мысти локтісны экскурсоводьяс, чукӧртісны миянӧс, юасьӧны, кызди ми, на-лӧм чайтӧм серти, гашкӧ, Войвыв полюс дорсянь пискӧдчим Москваӧдз. А мед шензянаджык вӧлі, ми висьталам, мый первой локтім пон да кӧр дадыас вылын, сӧсся пыжӧн, сы бӧрын Печора кузя кывтім пароходӧн, морскӧй судно вылын Ледовитӧй океанӧд да Белӧй мореӧд вуджим Кардорӧ, а сӧсянь нин кӧрт туй кузя. Збыльысьсӧ тадзи и вӧлі, сӧмын пон да кӧр дадыасын локтӧмсӧ содтыштім, мед ӧнджыка шензисны найӧ, кодьяс комиястӧ абу на адзылӧмаӧсь.

Тӧдмасим, кытчӧ кутшӧм экскурсияясӧн ми вер-мам волыны тані дас лун чӧжӧн.

Лун шӧрын кымын нин воис Коля Зыков. Вӧ-лӧмкӧ, сійӧ асывбыд шӧйтӧма-ветлӧдлӧма.

Дас кык часын ӧбедайтім. Вердісны чӧскыда. Туяд кык вежон чӧж кызсюрӧ сӧйӧм-юӧм бӧрад некыз огӧ вермӧй пӧтны.

Ӧбед бӧрын нуӧдісны пывсьыны. Пывсьӧм бӧрын быдӧнлы сетісны еджыд прӧстыня-наволочка, выль

ной эшкынъяс, ки чышкөд. Мися, воим жö тай баринад.

Вольсасим да водлим шойччыштны, а сэсса петим карö. Ёна ылö мунны огö лысьтöй: полам вошöмысь, көть и оланіннымлысь адрессö гижим нин.

Дивö! Смоленскöй рынок дорысь ме аддзи Виль Пашöс, кодкөд төдмасьлим во-мөд сайын Мохчаса совпартшколаын делопроизводительён сылөн уджалгөн на. Руд костюма, идзас шляпаа да беддя, öнi сийö гуляйтö Москва шöрын. Сийö али абу? Ме смелмөдчи да шыаси. Виль Паш öчки пырыс шензяна синъясөн видзөдліс ме ылö да чырыштөм гөлöснас шыасис:

— Но лешакö! Тэ нö кызд татчö веськалін?

Сёрниысь тыдовтчис, мый Виль Паш татчö локтöма Сыктывкарысь, коймөд вежон нин гуляйтö Москваын, олö көнкö тасянь неылын Денежнöй переулокын. Кык лун мысти пö бөр нин мөдөдча Комиö.

«Вот йöзыд!»— гусьөн завидьта ме.

Виль Пашыд меным кажитчис зэв ыджыд гижысьөн: прöста öд тадзи вöччөмөн оз гуляйт Москва шöрын!

Гуляйтанинысь локтигөн көнкö вылын кыліс жургөм шы. Ме видзөдлі да еджыд кымөр ёкмыльяссыс вылысьджык аддзи ыджыд варыш кодь лэбачöс.

— Ероплан!— мый вынысь горөді ёртъяслы.

Еропланъяс йывсыд ми ещö ичöt дырйи на не этша висетьяс кывлім война вылысь воём ыджыд вокъяссиянь да суседъяссиянь, а асланым синъясөн адзим медводдзаысь, та вöсна син лапнитлытөг видзөдім сэтчөдз, кытчөдз сийö эз ылысмы да дзёбсы кымөръяс сайö.

Меным дум ылö уси воча вок, бать чойлөн пыс, Петр Анисимович Истомин, сиктса ног Лекар Петра. Сийö менам ыджыд вокъяскөд öтлаын уджавліс көнкö Ухта бокин нефть корсянінын. Праздник лунъясö пыр воывліс ми ордö. Паськыд пельпомьяса, ыджыд тушаа ён том морт, сийö пуксьөдлывліс менö улöс ылö да, улöс кокöдыс öти кинас босьтөмөн, лэптывліс пөтөлök бердөдз. Вөтөн моз помнита сылысь салдатö мунөмсö. Служитис Балтийскöй фло-

тын, а сәсся, ог тәд, кыдзи-мый, лоис ләтчикәи. Гражданскәи война заводитчәм бәрын пә весиг воләма Котласә, вайәма самоләт. Батыс, Лекар старик, ошйысылс, мый сылән медся ичәт пиыс, Петра, ләбалә ероплан вылын да, гашкә, коркә еропланнас и волас гортас гәститны.

Челядь вежәрнад ме сәки тшәтш надейтчи, мый сийә збылысь локтас миян сиктә еропланән да оз нин уләс вылын, а ероплан вылын ләптылас менә небесаәдзыс.

Но весьшәрә бордья пинысә виччысьәмаәсь гортә пәрысь батъ-мамыс. Гражданскәи война помасьәм бәрын кывсис: гәрд ләтчик Петр Истомин аслас самоләтән веськаләма беләйяс киә да сийәс, кыдзи коммунистәс, лыйләмаәсь. Ертъясыс весиг вәли ыстәмаәсь та йылысь газетысь гижәд.

Уна ва визувтис та бәрын, а талун, асланым синъясән медводдзаысь самоләт аддзигән, бара казтышти воча вокәс, гашкә, медводдза коми ләтчикәс. Әз кә лыйлыны беләйяс, гашкә, збылысь сийә коркә воләс самоләтән рәднәи Уквавом сиктас.

Москваын олам мәд лун. Кәтә вольпасьным сәстәм да небыд, дыртә оз узьсы. Квайт часын ставән нин бергаләм әтар-мәдар бок вылә, сәсся регыд чеччим, мыссим, пасьтасим-кәмасим, юим чай, кәкъямыс час асылын ставән әтлаын мәдәдчим карә.

Смоленскәи рынок вылын пуксим 4-әд номера трамвайә да мәдәдчим Москворецкәиәдз, мәд нәгән — Сухаревскәи поскәдз. Ещә Мохчаысь туйә ләтгән на ми нимкодясим, мый волам Кремль дорә, пыралам видзәдлыны Ленинәс, кодә миянлы став мукәдъяслы моз жә помтәм дона.

Воим Москва ю дорә да Сухаревскәи пос вывсаянь дыр гәгәр видзәдәм. Ваыс юас миян юасын дорысь әна гудыр. Берегъяссә әжәма изйән.

Ю шуйгаладорас, нәрыс йылын, сийә Кремльыс, кодәс аддзәдләм йылысь ми ичәтысянь мөвпавләм. Онә сийә миян синъяс водзын. Уна лыда соборъяслән да куим судта кәләкәльнялән зарни куполъяс вылын дзирдалә-ворсә гәжся шондәлән югәрыс. Ставнысә найәс да гырысь еджыд зданиеяссә кытшалә гәрд кирпичысь тәчәм джуджыд кыз стена. Пельәсъясас — әсь йыла джуджыд башняяс. Кремльтә ми

картинаяс вылысь не ӧтчыдысь аддзывлім, а ловъя синмӧн сы вылӧ талун видзӧдам медводдзаысь.

Нывбаба-эксурсовод вайӧдӧ миянӧс Кремль дорӧ матӧджык да заводитӧ висътавлыны Кремль йылысь, ставнас Москва йылысь. Сылӧн висътысь ми тӧдмалам, мый Кремль стеналӧн кызтаыс куим да джынсянь квайт да джын метрӧдз, судтаыс витсянь дас ӧкмыс метрӧдз, а кузьтаыс — кык километрысь кузьджык. Кремль пӧ — Москвалӧн медся важ юкӧн. Сылы подуvsӧ пуктылӧмаӧсь матӧ 800 во сайын. Стенасӧ стрӧитӧмаӧсь 400 во сӧрӧнджык. Кремльлӧн площадьыс 28 гектар.

Мыйсюрӧ тӧдмалім тшӧтш Москва кар йылысь. Эксурсоводлӧн кывъяс серти, кар кытшолыслӧн кузьтаыс — 71 километр. Карас олысыс кык да джын миллион морт.

Ю кывтчӧс, Кремль улладор помас, сулалӧ Китай-город.

Москваын пӧ медыджыд зданиеыс — Дворец труда, мӧд ногӧн — Профсоюзъяслӧн керка.

Неыджыд беседа бӧрын прӧйдитчим Китай-городӧд, волім Красной площадь вылӧ. Тані сьӧлӧмъяс дзугыльмисны: Владимир Ильич Ленин вылӧ видзӧдлыны надея воши. Вӧлӧмкӧ, пу Мавзолейсӧ буретш разьӧмаӧсь, сы пыдди заводитӧмаӧсь лӧптыны мича ыджыд Мавзолей сьӧд мраморысь. Стрӧитчанінсӧ паськыда потшӧмаӧсь, некодӧс матӧ оз лӧдзыны.

Красной площадь вывсянь мунім экскурсбазаӧ ӧбедайтны да шойччыны. Суис неминуча: миянлысь кык ӧртӧс — Иван Витязевӧс да Егор Семейкинӧс — водтӧдісны больничаӧ. Дерт, сы ылнасянь Москва видзӧдлыны кыссьӧм-локтӧм бӧрад некодлы абу нимкодъ колльӧдны лун-войсӧ больничаян.

Ӑбед бӧрын мунім политехнической музейӧ.

Эксурсовод миянӧс первой тӧдмӧдіс электричество отделӧн. Шӧр школа помалім, доза нин грамотнойӧсь — позьӧ шуны, но кор петкӧдлісны электрической ток, радиоволна, чардби артмӧм, гырысь прожекторьяс, кодъяс вермӧны югдӧдны куим верст сайӧдз, ми ӧна шензим.

Коймӧд лун асывнас мӧдӧдчим «Динамо» заводӧ.

Зӧв ыджыд каменной керка. Помас да орччӧн стрӧитсьӧны выль каменной корпусъяс (заводыс

паськөдчө). Тайо корпусьяссө, шуоны, төлысь сайын на и заводитомаось стрөитны, а вевт улынось нин, сентябрын по наын кутасны уджавны. А мян сиктад крестьяниныд заводитас лэптыны керкатө да кык во мысти кө лоо юр сюян пельос — бур нин.

Заводнас төдмөдны мянось заводитисны кузнечаянь. Кузнечаяд меным ичөтысянь төдса. Бать менам салдатын служитигас уджавлома кузнечлы отсасысьон, сьорсьыс вайома клещи, мөлөт да напильникьяс, кыськө судзөдома бок пола наковальня, сө домаса пушкан. Быдмигөн меным мус зыртмөн лолывлі тайо пушканнас пушкөмыс: ёртьясыд котралоны, а тэ пушкан, мед ярджыка ломалис шомлөн лөза-гөрда биыс. Вескыда шуа, татшөм здукьясас ме радлі эськө, сотчис кө мян лөкиник сарай кодь, тшынон да бусөн тырөм кузнечаным.

«Кузнечананыд и быдөн!» — думышти ме, но ёртьяс бөрся дышиника руньги жө.

Кутшөма ме шензи, кор мянось пыртисны гырысь өпиньяса, сөстөм каменной зданиеө. Ортсысяньыс сійө ёнджыка муніс ыджыд магазин вылө. И пыткас нинөм абу мян кузнечаясын кодыс. Чискысь шом би пыдди тані көртсө донөдө электричество. Сой вынон өвтчысь кувалдаяс пыдди уджалөны механической мөлөтьяс, кодыяс вермөны кучкыны фунтлөн өти көкьямысөд юкөн вынон и кыксө пудья вынон. Уджаланінас сөстөм. Молотобоецьяс сулалөны механической мөлөтьяс дорын да сөмын лөсьөдлөны, кутшөм вынон колө кучкавны.

Обед бөрын мунім Революция музейө. Луныс тані и помасис. Экскурсбазаө воим ужын кежлө нин. Лунтырнад Москвад сэтшөма мудзан, мый сөйөм-юөм бөрад абу нин окота мунны ылөджык. Кытшовтам матігөгөрти, лэччывлам Москва ю дорө, коді мян оланінсянь матын. Гоз-мөдысь купайтчим нин. Баыс гудыр. Берег дорыс тані абу изьялөма ни абу эжөма бетонөн. Кокыд ва пыдөсса няйтас сибдывлө, абу и ёна окота сунласьны, уявны-варччыны. Майбыр, мян юясад ваыд!

Көть кутшөма огө мудзөй, а рытнад некор жө огө унмовсьлөй дас өти часысь водзджык. Би кусөдом бөрын на дыр бергалам... Некызд огө вермөй велавны июль төлысь шөрын пемыд войяс дінад.

И тадзи лун бөрся лун. Со нин ветлөдлам Дарвин нима музейлөн залъясті. Экскурсоводъяс төдмөдөны животной мирөн. Со вөрса великан-чукчи пукалө коз пу лап дорын да стрөга видзөдө муныслуктысьяс вылө, а вылынджык, крукыля бөжсө веер моз паськөдөмөн, гоньвидзө съод тар, быттьөкө тугысын койт дорын. На вылө видзөдлі, и вөрзис сьөлөмөй: тайө жө мян коми лэбачьяс.

Дум вылө уси, кызди во дас сайын менсьым медводдза «прөмысөс» — посныдик съод серьяса рудсьөлаөс — мам пуктіс пожйө да вомгорулас лыддьөдліс:

— Матушка вөр-вай! Сет менам быдтаслы быд ветлігөн пож тыр прөмыс...

Көн сөмын нин ми эгө вөлөй: Осоавиахим музейын, Ботанической садйын, Зоопаркын и Арбат улица бокын Москва медся джуджыд, 11 судта, керка вылад катөдлісны. Быдлаын аддзылім да кывлім уна шемөсмөданатор. Медводдзаясь видзөдім и сёрнитысь кино...

Помлань нин кутіс матыстчыны Москваын жыкруйтөмным. Экскурсбазаын чукөртісны собрание, кодөс нимтісны — «Вечер дружбы».

Ми мыйлакө эгө төдлөй водзвыв да эгө и лөсьөдчөй сэк кежлө. Но кутісны корны тшөтш сёрнитны.

Пудйыс уси ме вылө, кызди школьной комсомольской организацияса вөвлөм секретарь да школьной исполнительной комитетса (ШИК-са) вөвлөм председатель вылө.

Мохчаад велөдчигөн мянлы кажитчис, мый ми роч кывтө бура нин төдам, а Москваад олгөн гөгөрвоим — рочнад сёрнитам тышкас-мышкас на.

Вечер вылын сёрнитгөн ме висьталі Ылі Войвыв йылысь, көні ми олам, коми кыйсьысьяс йылысь, көр видзысьяс йылысь. Мися, мянөс выль олөмыд эз жө ордйөд: сиктясын котыртчалісны нин колхозьяс, налы вооны видз-му уджалан машинаяс. Гарышти тшөтш Ухтаын нефть корсян уджьяс выльысь панөм йылысь.

Ог төд, кутшөма гөгөрвоисны кывзысьясыс менсьым сёрниөс, но ёна аплодируйтісны. Гашкө, сійөн, мый мянөс унджыкыс на лыддьөны кыськө

му помсыс (пöшти мöдар югыдыс) воысьясöн. Бура ли лёка, а ми весиг со сёрнитам рочöн да весиг позьö гөгөрвоны.

Пöсь аплодисментъяс бöрад не сöмын меным, но и менам ёртъяслы лои зэв любö.

Аскинас шуим ас чукөрөн ветлыны фотографируйтчыны. Но кодкö кывлöма — кöнкö пö вузалöны комсомольскöй костюмъяс, юнгштурмовкаяс. Югыд кизя турунвиж гимнастёркаяс да портупеяа кучик тасмаяс йывсыд ми важöн нин мöвпалим. Кодлөн вöлыштис зептас сьöмтор — ставөн котöртим ньöбасьны.

Некутшöм портупеяяс ни кучик тасмаяс миянлы эз нин вичмыны. Гимнастёркаяс да гачьяс кольöмаöсь непарнöйяс жö — öтисö муртса верман ас вылад зэвтны, а мöдыс мешöк моз бовъялö вылиад, но ми кымынöнкö ньöбим: Москвасыд воём бöрын öд мыйöнкö ковмас ошйысьыштны, тшапитчыны. Ок, эськö портупеяясö кö кöть кыськö ещö судзöдны! Кысь бара: гортö нин колö мöдöдчыны, столицаын олам медбöръя лун. Трамвайяслөн йирка-зёлякылöм, автомашинаяслөн gryма-грамакылöм, фабрикаяслөн тутсöм динö, йöзлөн гыалöм динö мыйтакö быттö и велалыштны нин кутим, но колö, кыдзи шулöны комияс, додь вожьяснымöс бöрлань бергöдны. Да и гажным быри гортысь.

Миян руководительным, Егор Филиппевич, вöлөмкö, мыйкö дыра кежлö кольччö Москваö: вокзал вылöдз пö колльöдам, пуксьöдам поездö, а сэссия мунаннды ас кежысь, абу пö нин ичötöсь.

Кутшöм али ичötъяс! Стадаысь вошöм көр тулысын аддзö чужан тундраö туйсö, а ми öд йöз, велöдчöм йöз, аскиа учительяс.

Ужын бöрын медалим извозчикöс да мöдöдим вокзал вылö сьöкыдджык көлуйнымöс.

Михаил Ильич, миян школаса вöвлöм директор, тшöтш мöдöдчис Ярославскöй вокзалö миянöс колльöдны. Сылы, москвичдылы, тані ставыс тöдса. Патерасяныс сийö миянöс петкöдис Тверскöй улича вылö, сувтöдис грузöвöй автомашина, сөлöдис миянöс кузовас, ачыс пуксис шофёрыскöд орччөн кабинаас, и тöвзим Ярославскöй вокзаллань. Автомашина вы-

лад ми асланым нэмын сөлім первойысь на. Сійо мунё сэтшөм өдйё, мый, кажитчө, пеляд шутьлялө тöлыс. Туй чукульясын чайтан — вот-вот быгыльтчан...

Пидзöсчанысьöмөн, бор дорышас шашаритчөмөн, синъясным шармөмаось, тövзям грузөвöй автомобильтөн Москваса главнöй улича кузя. Сьöлөмтьяс ырк-мунлывлöны. Зато бöрыннас лөо ошыысянторйыд: эз на өд уналы усьлы татшөм шудыд.

Миян йöс ставөн нин чукөрмөмаось. Вагонъясö оз на лэдзавны. Медым вичмисны бурджык местаяс, сувталам öчередьö.

Ывлаыс заводитö рөмдыны. Ми бызгам-сёрнитам комиён, та вöсна мукöдыс, торйөн нин нывбабаяс, öтдортчыштöны, буракö, полöны тöдтөм кывйөн сёрнитысь татшөм аравасыд.

Йöз пиас кодкö шыасьö:

— Кытысь нö комиясыс?

Дивö, кодкö коми морт веськалөма. Видзöдам — шөр арлыда мужичöй, кок динас сулалö ыджыдкодь чемодан. Коми кывйөн шыасьöм бöрад дядьöйд пыр жö кутис кажитчыны ас мортөн.

— Изьваысь, — любöпырысь шыасям ми.

— Но, ылысь тай.

— А тi нö кытысь? — юасям ми.

— Емваысь эськö коркö вöвлi да, — висьталö дядьö да матыстчö миян динö.

Миян выль тöдса дас воысь дырджык сайын на мунлөма гортсыс, гражданскöй война помасьöм бöрын овмөдчөма Москваö да абу на и слöймылөма ветлыны гортланыыс. Уджалö кутшөмкö заводын слесарын. Öнi петöма отпускö да мөдөдчөма чужаниньяссь, тшöтш и рөдвужсö да важ тöдсаяссь видзöдлыны.

Коркö пö том дырйи не öтчыд Кардорөдз кылөдлi пурьяс, со и окота Двина да Эжва кузя кайны пароходөн, видзөдлыны сийö вежсьöмтьяс вылас, кодьяс лоины та бöрын.

Заводитчис посадка. Ми гузыгысим вагонö, медым удитны узылан местаясö.



оезд вочасөн өддзөдчис. Вагонлөн восьса өшиньясөд ми видзөдiм югыд биясөн сярвидзысь гырысь өшиньяса уна судта керкаяс вылө.

— Прөщай, Москва!— шуө кодкө миян пиысь.

— Лөкөн эн казътыв,— содтө мөд.

— Казътыланторьяс,— шыасьө коймөд.— Көнкө, этша ми кодъ ыж синъясыд волöны Москваад да.

«Прөщайтлы, Москва!— думөн шуала тшөтш ме.— Петас кө шуд дыр овны, коркө волам на...»

...Вольпасьтөм мөд полка вылын гычөдыштө. Лөсьыд куйлыны куньса синъясөн да вугралігмоз кывзысьны тәнө кытшалысь олөмас.

Лунся мудз бөрад эг и төдлы, кызди унмовссьөма. Чорыда узьсьөма, весиг вөтъяс эг аддзыв. Садьми. Кыла улi полкаяс вылын пукалысьяслысь нуманамакылөм. Сидзкө, садьмөмабсь жө нин.

Восьта синъясөс да видзөда вагон өшиньбөд ывлаө. Вуджөртöны телеграфнөй столбъяс, бадь кустъяс, а сөсся заводитчө видз... Сийө вочасөн паськалө. Со нин уна пинькоста зорөд. Сийө абу на удитөма банйыны гожея шондi улас, абу на пуксьөма; сидзкө, сөмын на чөвтөмабсь...

Син водзтi вуджөртöны турун юръяс, сөсся — ытшкысьяс. Найө өвтчöны асья шондi водзын дзирдыштлывлысь паськыд литовкаясөн. Миянладорын литовканад оз вөдитчыны, и ог төд, лөсьыд абу сийөн ытшкыны, а гөрбуш-косанад мырсьыны сюрлывлi пөттөдз.

Турун пунктөмыд — абу кокныд удж, но выль зорөдъяс, турун юръяс да ытшкысьяс вылө видзөдiгөн меным окота лои пыр жө веськавны Айюва либө Ухта юбокса видзьяс вылө, кытчө кольөма миян челядь дырным, кодi век мыйлакө кажитчө шудаөн.

Таво ме медводдза гожөм абу видз вылын. А сьөдз?

Юрөс бөр лэдза юрлөс пыдди пунктөм пальто вылө, куня синъясөс и думъясөн косала аслам да тшөтшъяяслөн бөрө кольөм олөмас.

Сьөкыд челядь дыр уси миян пай вылө. Ас кок йылө сувтөмөн тшөтш ковмис кутчысьны коса-кура-

нө. Дерт, сиктса челядьыд эз ёна дыр чужъявлыны голя (тадзи изъваладорын шуёны туйяс вылын кын-мём вöv куйод), но мян челядь дырным лои ещö на сьöкыдджык.

Пансис империалистическöй, либö, кызди шуисны сийöс сзäки, германскöй война. Верствö мужичöйясöс нуисны.

Ми вöлим дас öти чоя-вока, ме — медичötсяныыс коймод. Вötөн моз помнита, сьöрся-бöрся куим ыджыд вокöс колльöдiм война вылö. Медыдждыд чой петiс верöс сайö. Колим бать-мамлөн отсасьысьясыс сизим чоя-вока, медыдждыдыслы дас нель арöс, а медся ичötыслы и арöсыс на эз вöv тырöма. И ташöмьясыс ми эгö вöлöй öтнаным. Миян сиктын дасысь унджык душа семьяыд вöли не сöмын мян-лөн. Суседьяслөн — Öнькалөн, Пронь Петралөн, Паш-колөн, Микöй пилөн, Лаз Петралөн — куим-нель пи жö мунiсны «дорйыны царöс да отечествоöс», а гортаныс колины на пур вывтыр поснияс, кодъясöс колiс вердны, көмöдны-пасьтöдны. Ыджыд кө семьяыд — ыджыдджык жö и овмöсыд, сьöкыдджык бергöдчыны мам-батьыдлы челядь отсöгтöгыд.

Буракö, меным вöли ар сизим, кор батьö исипалис чегöм коса, воропалис да мыччис:

— На ытшкы. Покос помьяс вöчавны лöсьыд и коса артмис...

Челядь вежөрнад ме сзäки эг на гөгөрво, мый вöчан кө покос пом, ковмас коркö мөдöдчыны и покоснас. Вылъ коса киö босьтöм бöрын нимкодöйла дась вöли чеччавны пötөлököдз, көть бöрынджык не öтчыд гусьөн кевмывлi, мед эськö регыдджык чегö косай да көть öтчыд сюрлас узыштны пötтöдз.

Первойысь киö коса босьтöмсянь ми воклы сзэся эз нин сюрлы весь овны. Октябрьскöй революция бöрын ыджыд вокьяс муртса мыччылисны нырнысö гортö, сзэся регыд бөр мунiсны. Накöд тшötш гражданскöй война вылö мунiс нельöд вок. Та бöрын ме ог нин помнит, медым коркö мян ыджыд семья пуксьылис öти пызан сайö.

Дас куим гожöм нин менам уджавсьöма видзьяс вылын. Уна тайö вояс чöжнас ытшкöма, куртöма, юравлöма да зорöдьясö чөвтöма веж турун. Сортикостi (мукöд вонас мянлөн кодъ ыли сиктъясад шко-

лаыд эз уджав) велөдчигад төвъяснад омөльджыка вичмывлис крестьянскöй овмөсса уджыд, а гожомнад сийö сюрлывлис «горзбөдлытөдз». Дас квайт, дас сизим арöса зонмыд мянладорын турун пуктигъясад — прамöй мужичöй нин: коса пуалö, куран вöчö, төчитö, лэчтасö дай зорөд чөвтö. Бөръя воясö уна зорөд сюрлывлис чөвтни Юсьпозъяса да Чибью гөгöрса видзьяс вылын! Асылын чеччан шондикөд тшөтш, лысва косьмытөдз костö прамöя веськөдлытөг ытшкан, сэсся тэрмасьомөн сөйыштан да пажынодз куртан. Пажын бөрад юрасян да коркө рытладорыс нин заводитан чөвтни. Видз вылын сярвидзысь турун юръястö вилаөн лэптавны да зорөдөдз воштыны вын да кад жö колö. Шонди лэччандор мудз локтан узыланинö, но колö на пусигкості коса төчитны, ужын бөрас ас кодь том йөзкөд (өтилаын олöны некымын семья) дурыштны, сэсся меститчыны вонйö да, чөскыд көрнас лолалігтыр, дженьыд гожся войнас веськөдны мудзтö. Первой уджалан луньяс бөрын быдлаті емалö-висьö, а сэсся велалан да быттьökö сідзи и колö: кажитчö, öти здук кежлö и вугыртлан, а унмыд да мудзыд кодакості веськалөмаось.

Мый көть эн шу, а лөсьыд да гажа турун пуктан кадыд! Та вöсна, буракö, и вагон öшиньод видзөдигөн топавлö менам сьөлөмöй, гаж петö татшөм мича шонди луньясас лоны видзьяс вылын.

Таво тулысладорыс мян сиктын котыртчис «Гөрд Ухта» колхоз. Тулыснас кывлі: ньöббмаось видз-му уджалан медводдза машинаяс, но Юсьпозъяса кодь ылі видзьяс вылад, төдöмысь, кутасны на уджавны кипомысь. Ок, эськө лөсьөдчыны ытшкысьяс динö да діасьны-панласьыштны!..

ОЗ КОКНЫДА ШЕД АС НЯНЫД



кмыс час асыв. Ми бара Кардорынöсь.

Экскурсбазайн завтракитім — чорзбөм нянь торьясөн, юим чай, сэсся мунім пывсыны.

Пывсьөм-мысьөм бөрын разөдчим коді кытчö. Ми мунім лесотехнической институтö төдмавны, во-

исны эз командировка да институтö пыран документъяс, кодъясöс, шулі нин, миян дырйи на Изъяв-сянь ыстисны облоно да обкомол пыр.

— Эз, некутшöм документъяс эз волены,— вочавидзисны миянлы канцелярияс.

Мый вöчны?

Мунім Крайноö. Заведующöйыс пö кöнкö заседание вылын. Инструкторъяс абуöсь жö. Кутшöмкö нывбаба, буракö, технической секретарь, миянлы зэв меліа шуис:

— Волöй аски. Юасьям-тöдмалам да вочавидзам.

Рытöдзые шöйтім кар кузя, а сэсся, вой кежлö, мудзöсь, локтім экскурсбазаö. Бур, мый аски-аскомысь морской пароход оз на мун, ёртъясным тані на лоасны, найö мунтöдз позяс на мыйсюрö тöдмавны.

Москваад небыд вольпаяд матö кык вежон узлöм бöрын куш пöвъяса нар вылад эськö чорыдджык жö бытьö, но нинöм!

Июль 24-öд лун нин пуксис. Туйö петöмсянь тырö тöлысь. Унатор ми аддзылім да тöдмалім тайö тöлысьнас. Öні колö кытчöкö инасьны: либö кольччыны татчö велöдчыны, либö ёртъяскöд мөдöдчыны чужаніö.

Бара мунім Крайноö. Шыödчим канцелярияс секретарь дінö. Сійö висьталіс, мый Коми облоно-сянь миян йылысь Крайноö некутшöм бумага эз воы. Институтö тувсовъя приёмыс пö помасис нин. Арсяыс, стöчджыка кö шуны, тöвсаяс, лоас во помнас либö выль во заводитчигөн. Ті пö öдвакö верман-ныд виччысьны тані; ковмас пö, тыдалö, бөр мөдöдчыны гортъясаныд.

Мый татчö шуан? Кöсйим сёрнитлыны Крайноса юралысьыскöд, но сійö бара абу. Недыр мысти выльысь волім сы дінö, но эгö жö вермöй аддзöдлыны. Гашкö, збылысь ковмас ёртъясымкöд мунны Печораö да пырны удж вылö? Жаль, этша пыдди вошас быдса во. А öд не кö тайö «комсомольскöй путёвка-ыс» да облоноыслөн «командировкаыс», ми таво вермим эськö пырны любöй институтö (быд институ-тын тавосянь бырöдöма приёмнöй экзаменъяс), мед

сöмын вöліны сьöрысь туяна-колана документъяс, шогмана характеристика.

Сёрöдз бергалі нар вылын, оз узьсыы: öд сэтшöм окота вöлі меным пырны горнöй институтö, водзö велöдчыны, локны да чужан Ухта ю бокысь корсьны мупытшкöсса озырлунъяс. Шочиника миян местаясын мыччысьлывлысь инженерьяслөн ичöтик креста фуражкаыс вöсна-ö либö изъясö тотшöдчан налөн ичöтик мөлöt вöсна — инженерён лоан думъяс ме пытшкö овмöдчисны ичöt дырйи на. А öд тайö туйыс таво ме водзын вössыліс...

Миян зепъяс вöсняммисны, деньгаясным воисны «ичöt көшö». Шуим нажöвитчыштны. Кодъяскö талун нин ветлöмаöсь Северолесö, сёрнитчöмаöсь удж йылысь.

Асывнас чеччим водз. Сизим часын мөдöдчим Северолесö. Удж вылö нарадитысь öтиясöс сувтöдіс пес пилитны, мөдъясöс кутшöмкö ыджыд выль стрöйба дорысь ёг весавны. А миянöс нель мортöс — сувтöдісны траншея кодйыны. Му перьян уджыд сьöкыд — шулöмаöсь важ йöз. Но кум час тани уджалöм бöрын меным да öти ёртлы сетісны ещö на сьöкыдджык удж — ыджыд сечкаөн да кувалдаөн пискöдны кыз бетоннöй фундаментö метр джын судта да метр джын пасьта розь. Таті пö нюжодасны ва визувтан кыз труба либö вевта жөлöб.

Лэччим сыв судта траншеяö и заводитім клёнöдчыны: первой öтиным атшавтöдз öвтчам сьöкыд кувалдаөн, сэсса мөдным. Чорыд бетонö сечка омöля мөрччö, мукöд кучкигас чунь помысь тököтьö ыджыдджык тор и чеччыштö.

Рытнас шой кодьöсь локтім оланінö, нурьясьыштім да регыдджык нюжөдчим нар вылö.

Аски асывнас бара мунім уджавны. Тайö пöрйö миянöс сувтöдісны пес пилитны. Көть көзяинтөм пилаясыд абу гортса кодь лэчыдöсь, но из кералөм дорад пес пилитöмыд кажитчис ворсөмөн; лунтыр зия уджалім да эгö и жуялöй.

Мөд луннас öбедöдз бара пилитчим. Удж быри. Лэччылім Двина дорö, купайтчим, сэсса ветлім Северолесö расчётла. Мынтісны пöденнö — 2 шайт 23 көпейкаөн лун. Тайö абу ичöt сьöм. Тадзисö ми нэмнас на эгö нажöвитчывлöй.

«Сьёкыда кө уджалім, прамёя жё и кульыштім!» — нимкодясим ас кежын.

Расписание серти Печораё морскёй пароход «Умба» мунас июль 30-ёд лунё. Миян ёртъясным сійён мёдодчасны чужанінлань. Мый вёчны миянлы, велёдчыны индёмаяслы, огё на тёдй. Оні лун-лун накёд тшётш шландайтам кар кузя, кытшлалам магазиньясёд, көть нинём огё ньёбасьёй.

Быд лун кежавлам Крайоноё, көть тыдалё нин: лесотехнической институтё велёдчыны пырём одвакё артмас.

Крайоноын тёдмалім: Кардорын регыд восьё педагогической институт. Гашкё, дёзмисны миянысь, гашкё, выль институтё пырысьяс оз тырмыны — миянлы кутісны тшөктыны гижны заявление тайё институтас.

Веськыда кө шуны, педагогической институтас менё ёнджыка кыскё. Ёртъяс падьялёны.

Дыр думайтім, а сёссия июль 30-ёд лунё нуим заявление да кутшёмсюрё документъяс котыртчысь Архангельской педагогической институтё.

Шуисны, виччысьлёй, воча кыв лоас август 5-ёд луньясё кымын.

Вит луныд абу вит вежон. Морскёй туй дыр на оз тупкысь. Оні олыштны сьёмтор эм, а сәні тыдовтчас. Сёссия ёд, Изьваысь мунтёдз на роноын миянлы көсйылісны ыстыны Кардорё командировочной сьём, сёмын пё Москваысь бергёдчём бёрын юёртёй адреснытё.

Июль 30-ёд лунё жё, час витын рытнас, мунім морскёй пристаньё колльёдны ёртъяснымёс, но «Умбалысь» мунёмсё вештісны дас кык час войёдз: тыдалё, Печора вожё нуан груз сөвтёмсё абу удитёмаёсь помавны.

Дас кык час войын Кардорса морскёй пристаньысь вёрзёдчис миянлы тёдса нин морскёй труженник «Умба», кодёс шуоны «ударникён». Тыдалё, йёзёс да грузьяс одйё да бура новлёдлём вёснаыс. Сійё нуис миянлысь ёртъяснымёс, кодьяскёд оти школын коллялім нель-вит сьёкыд, но, гашкё, асланым олёмын медся шуда во.

Ми колим витён. Коля Зыков, Алексей Кустышев, Иван Артеев, Алексей Вокуев да ме войся Кар-

дород ньөжйөнникөн восьлалам миян сьолөмьяс моз жө тыртөммөм экскурсбазаө, ыджыд тыртөм баракө. Мыйлакө гажтөм, кокьяс сьоктаммыштөмаөсь и кывьяс омөля бергалөны, быттьөкө бырөма сэтысь мавтасыс. Важ бур төдсаяскөд да ещө гортсяныд ылын бокын торйөдчөмыд, вөлөмкө, абу кокнитор. Торйөн нин сэк, кор он төд, кор накөд выльысь ад-дзысян, мый тэнө виччысьө аски.

Заводитчис Кардорын ашшөр олөм. Луннас на висьталісны, мый педагогической институтө пыран документьяс дінө колөны фотокарточкаяс. Тасянь и заводитім. Асывнас няньөн да ваөн нурьясьөм бөрын ветлім фотографіяө, снимайтчим. Öні быдтор йылысь ковмас төждысьны сөмын аслыным.

Юксим куим пельө. Кыкөн ещө мунісны төдмавны велөдчыны пырөм йылысь, кыкөн — норма шедөдны: кынөмтө тувйө он өшөд; төлысьыс помасис; нянь да мукөд продуктаяс сетөны нормаөн; аскиянь мыйкө ковмас пуктыны пинь костө. Ме мөдөдчи пошта вылө сетны Изьваса роноө телеграмма, медым ыстісны көйысьлөм сьөмсө.

Сетныд эськө и сеті телеграммасө, но адрессө индысьсьөма абу лючки. Норма судзөдысьяслөн нинөм жө абу артмөма. Нинөм выльсө абу төдмалөмаөсь и велөдчыны пырөм йылысь төдмавны ветлысьяс.

Гашкө, век жө колөма мунны татысь ёртьяснымкөд? Та йылысь думайтны öні сёр нин. Дыр куйлім куш нарьяс вылын, гусьөн ышлолалім, но куш куйлөм да ышлолалөмнад төлкыд оз босьт. Ковмис чечыны.

Ветлім матысса столөвөйө, панялім трескаысь юква да кутшөмкө кизьөреник рок...

Уна-ө и мортыдлы колө! Кынөмьяс тырисны, и бөр гажмыштім, лэччим Двина берег вылө, пуксим гож водзө да заводитім төлкуйтны, мый вөчны водзө. Нормаыдла эськө аски корөмаөсь. А кызди-мый артмас велөдчөм кузяыс? Крайноө ветлысьяс аддзысьлөмаөсь да сёрнитөмаөсь Ленинградскөй политехнической институтө велөдчыны мөдөдчысьяскөд. Сэні пө велөдчөмыс заводитчө сентябрь первой лунсянь, корөй пө роносыныд командировка, и — ставыс.

А мый, збыльысь кӧ видлыны пырны политехнической институтас? Корам роноысь командировка да съѡмтор. Корсям удж да мыйкӧ дыра олыштам ещӧ тані, а тӧлысь шӧрнас шутѣвтам Ленинградӧ!

Татшӧм думъясӧн и локтім рытнас тыртӧм экскурсабаӧ да водім узыны.

Заводитчис август тӧлысь. Аски пӧ медводдза арся праздник — илля лун. Гортысь петім тулыс помын, турун пуктыны заводиттӧдз, а со нин ар.

Аскинас ме бара ысті Изъваса роноӧ телеграмма, кори съѡм, помас содті: «Вайӧй миянлы командировка Ленинградӧ политехнической институтӧ». Норма ветлысьяс бӧр талун локтісны вашъялігыр: норма судзӧдӧмаӧсь.

Луннас ме ветлі ВКП(б) горкомӧ удж корны. Томкодъ на нывбаба дыр юасис, кытысьӧсь ми, кыдзи татчӧ веськалім. Ме висътаси. Сійӧ звӧниталис ӧтилаӧ-мӧдлаӧ, сӧсся гижыштіс бумажка да тшӧктіс аски, август мӧдӧд лунӧ, мунны уджавны коймӧд номера вӧр пилитан заводӧ.

— Тӧданныд, кӧні сійӧ? — прӧщайтчигӧн юалис сійӧ.

— Ог, — юрӧс пыркӧді ме.

— Ылынкодъ, — шуис сійӧ да висъталіс, кыдзи сӧтчӧ веськавны.

Мӧд луннас чеччим водз, кӧмасим-пасътасим, мыссим, нуръясьыштім да мӧдӧдчим.

Заводтӧ эськӧ и аддзим, но удж йывсьыс. сёрнитчыны тырмис лун джынсьыс дырджык. Тшӧктісны корсьны кутшӧмкӧ Шабашевӧс.

Мыйкӧ жӧ и вӧтлысим сы бӧрся! Ӑтилаӧ мунам, сійӧ мӧдлаӧ нин мунӧма. Мунам сӧтчӧ — бара огӧ суӧй.

Медбӧрын, рытладорыс аддзим жӧ Шабашевтӧ. Корис аски асыв. Кӧсйысис ставнымӧс сувтӧдны удж вылӧ: кутам пӧ кӧртавлыны кутшӧмкӧ заклӧпкалс.

Луныс сідзи и воши. Бӧр мӧдӧдчим асланым оланінӧ. Локтігас мудзим: сӧтшӧм ылын вӧлӧма коймӧд номера вӧр пилитан заводыд миян оланінсянь — этша пыдди квайт верст.

Асывводзнас мунім уджавны. Талун Шабашевӧс эз нин ковмы тӧрытъя моз корсьны, но кӧртасян уджсӧ эз сет, а сувтӧдіс рейкаяс сортируйтны да

штабельо тэчны. Орччөн тайо жо уджсо вочоны ку-
тшомко олома нывбабаяс. Уджыс эсько и кокни, но
мынтоны оз жо ёна «кыза»: оти шайт 20 копейкаон
лун. Сьолөмъяс эз инасыны. Арталам да, кынөмпөт
выло муртса тырмас.

— Абу удж, а кад коллялом,— мургоны ёртъяс.

Ладно, мися, заводитим да, оти лунто уджалам
нин, а аски прамөйджык удж корам.

Көть и уджыс ворсом кодь, көкъямыс час чөж-
над ёна на мудзим, оланино воим шатлалигтыр. Ас-
кинас колө чеччыны водз. Сёйыштим да пыр и водим.

Асывнас чеччим час нельын. Карыс узьо на, трам-
вай оз ветлодлы. Сёйыштим-юыштим да узысь кар
кузяыс модөдчим подон. Квайт верстто тэрмасьтог
восьлавны тырмис мато кык час.

Сувтөдисны төрытья удж вылас жо. Мыйта көть
эго корой, прамөйджык мод удж эз сетны. Вокуев,
Зыков да Артеев дөзмисны да пышйисны удж выв-
сыс. Ми Кустышевкод уджалим лун помөдзыс, бара
сортируйтим да тэчим рейкаяс. Удж помасьом бөрын
пыралим кадръяс отделө, корим оланин: экскурсбаза-
өдз быд лун ветлодлыны вывти ылын дай мянөс сэ-
тысь ыстоны нин.

Заводын оланин мянлы эз көсийсыны. Оз кө
вуджөдны мод удж выло, шуим, водзо уджавны эго
кутой.

— Пөжалуйста,— шуисны мянлы.— Аски вер-
маннды босьтны расчёт.

Рытнас мудз понъяс кодьось локтим экскурс-
базаө.

Удж выло тэрмасьны бара оз ков. Узим час өк-
мысөдз. Луныс пуксьо шондия, жар. Лэччylim берег
выло, мыссим. Талун бара колө корсьны выль удж,
но первой ми Алексей Кустышевкод модөдчим заводо
кык лунся удждонла. Мукөдъяс көсийсисны ветлы-
ны удж корсьны Северолесө.

Сьөмто босьтны, вөлөмкө, нажөвитөм дорсьыс абу
кокныдджык. Корко луннас нель час гөгөрын мян-
лы кык лунся уджысь сетисны жо кык шайт да ко-
мын вит көпейкаон. Гашкө, тайо вөли вошөм черлон
пу кодь. Но эго кө волөй, и тайо эз сюр.

Ёртъясным ветломаось Северолесө, сёрнитчөмаось
удж йылысь. Көсийсысьомаось сувтөдлыны разной

уджъяс вылө: стрöйтчысь керкаяс дорысь ёг весавны да мый да. Аскисянь жö пö верманнды локны. Но карыс асыводзяныыс заводитис дасътысьны ыджыд праздник кежлө. Уличьяс вылын быдлаын дöлалöны гöрд флагьяс да лозунгьяс. Торъя нин ёна карсö мичмöдисны Октябрьскöй площадь, Летнöй сад да морскöй пристань гөгөр. Быдлаын сёрнитöны: август 6-öд лунö рытъявылыс Кардорö воасны краснознамённöй крейсер «Аврора» да линейнöй корабль «Комсомолец». Буретш сийö «Аврораяс», кодi дас куим во сайын сетис залп Зимнöй дворец кузя, юörtis муыввса став йöзлы важ мирлысь путкыльтчöм да выль мир заводитчöм йылысь.

Уджыд вөрö оз пышйы, — шулöмаöсь важ йöз. Уси кө нин мяян пай вылө татшöм ыджыд шуд, ми тшöтш асланым сиңьясөн видзöдлам легендарнöй «Аврора» вылө.

...Луныс пуксис мича, шонди. Лун шөр бöрын кар весьтти вуджис нейджыд зэра кымөр, ичотика пызйис-зэрис да водзö тövзис, быттьökö волис нарошнö, медым гöстьяс воигкежлө мыськавны пуяс да туйбокса турун вылө пуксьöм руд буссö. Карыс öти здукөн томмис, Ыджыд лун кежлө мыськалöм керка пытшкöс моз югдис.

Ми полим сёрмöмысь да тэрмасьöмөн лэччим Берегöвöй улица вылө. Карлөн быд улич вывтi знамясөн да флагьясөн кыссисны рабочöйяслөн, красноармеецьяслөн, карса учреждениеясысь служащöйяслөн оравлытöм колоннаяс. Сёрнитöны, мый некор на Двина берег вылө öтпырийö абу чукөрмывлöма та мында йöзыс. Пöрысьяс, томьяс, челядь — ставныс лэччöмаöсь ю дорö.

Квайт час рытö Маймакса сайын тыдовтчис съод тшын, сэсся ю чукыль сайысь ньöжйөнник петис «Аврора», а сы бöрся — линкор «Комсомолец»: кыкнанныс куим кыз трубаысь енэжлань пöлялöны съод тшын. Налы воча тутсiг да буткигтыр мöдöдчисны гöрд флагьясөн мичмöдöм пароходьяс, катерьяс. Рейдын сулалысь тöргөвöй суднояс тшöтш чолöмалöны паськыд Двина шөрöд карлань шывгысь военнöй кораблясöс.

«Аврора» да «Комсомолец» воча шыасьöны. Бе-

рег вылын некымынлаын ворсö духöвöй оркестр. Кыпыд марш юралö и матысмысь суднояс вылын.

Корабльяс нёжйöник штывгöны-катöны морскöй пристань весьтöдз, сэсся чöвтöны якөрьяс. Пушкикаслысь кузь ствольяс чургöдöмнас найö ещö нин кажитчöны мичаось да грознойсь.

Кыкнан судно вылас жуёмөн-жуöны еджыд чехола фуражкаа матросьяс, разялöны да ваö лэдзалöны шлюпкаяс, медым вуджны карö.

Уна лыда катерьяс, песни парходьяс кытшалисны крейсерёс да линкорёс.

Морскöй портдорса паськыд площадьыс, матигөгөр уличаясыс тырöмаось йöзнас.

Гöстьяс, найöс встречайтысьяс, ставөн мөдöдчисны Октябрьскöй площадьлань. Матросьяс да командирьяс, уличасö эжысь изйö каблуқьясөн дружнöя зяткөдигтыр, йöз пöвстын артмём коридорöд восьялисны стройөн. Любö видзöдны налөн дзоньвидзалунөн öвтысь, мича, статья том туша-рожа вылö.

Октябрьскöй площадь вылын воссис митинг. Ми веськалим трибунасянь прамöй ылö, öтар-мөдар боксянь топöдёмөн сулалим ловья йöзысь артмём ызгысь-гыалысь море шöрас, но син лапнитлывтөг видзöдим трибуналань, лов шы пöдтёмөн кывзим сёрнияссö.

Эгö и тöдлöй, кызди коли кадыс. Митингыс помасис дасöд часын нин. Карас йöзöдисны массöвöй гулянье.

Аскинас ывлаыс мөдис зэрявны. Удж вылö эгö мунöй. Олам экскурсбазаөн шусысь баракын, виччысям командировка да сьём.

— Сьöвзям став вылас да сетчам гортлань, кытчöдз эз бырны бөрья грöшьяс,— заводитö нервничайтны косіник чужöма, пашкыр еджгов юрсиа Алексей Вокуев.

— Ме тадзи жö думайта,— сы дор сувтö ыджыд лысера, не арлыд серти паськыд пельпомьяса, рам сёрниа Иван Артеев, миян медся том ёртным, кодлы, буракö, эз на тыр весиг дас көкьямыс арöсыс.

Коля Зыков оз тöд, кодарö сетчыны. Батьсö виём да мамыс кулём бöрын сійö чойясыскöд оліс детдомын. Öнi чойясыс ас нянь вылынöсь нин, разалисны öти — öтарö, мөд — мөдарö. Изьваын сійöс некод оз

виччысь. Москваын оло пöрысь баб. Сійö сетöма внукуыслы дас шайт. Изьваöдзыд воöдчыны сылөн сьöмыд муртса тырмö. Сэтчö жö, сьöд удж вылад уджавлытöгыд, Коля нэриник, дзик на детинка кодь, кöть кызьöд арöс жö нин тыртö. Ёнджыкасö зон во-дзö велöдчöмланы жö синö. А оз кö отсавны роно-сянь? Дас шайт вылад дыр он ов.

Алексей Кустышевлөн да менам сьöмным оз нин тырмы Изьваöдз бөр воöдчыны дай абу окота кöть нин пединститутысь шыöдчöмьяс вылö воча кывтöг вөрзьöдчыны татысь.

— Виччысьлам,— пыкся ме,— мыйкö öд роно-сяньыд вочавидзасны жö.

— Арöдзыс ылын на,— ёртъяслы сьöлөм сетö лабутнöй Кустышев, кодi быдмöма гöль крестьянскöй овмöсын да сьöд уджъяссыд оз пов.— Вежон-мöд көнкö уджалыштам, а сэсся, нинöм кö оз артмы, веськöдчам гортланы.

Мöд луннас ещö ёнджыка кутiс зэрласьны, кымөрьяс косттi муртса мыччысьлас шондi да бара нин шливгö-зэрö. Асывнас на и тöдмалiм: Печораысь Кардорö бөр воöма «Умба». Сийөн пö локтöмаöсь уна-өн велöдчысьяс: öтияс мöдöдчöмаöсь Сыктывкарö педтехникумö да совпартшколаö, мöдьяс мунöны Москва, Ленинградса, мукöд карьясса институтьясö да техникумьясö. Вот шуда йöзыд! А ми дi вылö йöрмөм кöчьяс моз пессям танi, огö тöдöй, кытчö воштысьны.

Кардорын таво вoсьö комвуз. Изьваысь сэтчö локтöмаöсь некымын морт, на лыдын менам матысса тöдсаяс, том коми поэт Яков Чупров (Биа Öгыр) да Василий Кустышев. Рытнас кöсийим аддзöдлыны найöс да сöветуйтчыны, кызди ыджыдджык ёртъяскöд, но кытчöкö мунöмаöсь.

Войвылад повoддяыд öдйö вежласьö. Тöрыт на бывлаыс лолалiс небыд лов шыөн, зэрсялiс шоныд зэрөн, а талун кымөра, ыркыд, пызийö арся посныд кодзыд зэр. Ломтытöм экскурсбазаад уль руа лои, йирмög босьтö.

Миян зоньяс, Иван да Öлексей, прамöя кутiсны лöсьöдчыны гортö мунiгкежлö. Коля мунöм йылысь жö гаралö, кöть веськыдасö нинöм на эз шу.

Дерт, гашкö, збыльысь, кад прамöйджыка ду-

мыштлыны водзё олём йылысь, ёд аски нин август 10-ёд лун, «Умба» пароход бара мёдодчө Печораё.

Луннас кодьяскө волісны видзёдлыны миянлысь оланіннымөс да юөртісны, мый рытнас локтасны выль олысьяс. Найё пө сөмын вой кежлас кутасны волыны татчө, асывводзсянь рыт сёрөдз уджалёны көнкө столөвөйын.

Но и мед локтёны. Гажаджык, гашкө, лоё.

Не кө уборщица тётя Глаша, коді олө тані жө торъя вежөсын, гашкө, ми эгө и төдлөй, кодьяс лоёны миян выль суседьясным.

Тётя Глаша пырис миян дінө да өлөдіс:

— ...Көлуйяснытө пыдөджык идралөй: шпанаясөс вайөдөны...

Татшөм кывьяс бөрад позё кок йылысь усъмөн повзыны. Изьваса лөнь сиктъясын быдмиг-олігөн ми «шпанаястө» некор на синмөн эгө аддзывлөй, не сөмын накөд өти вевт улын овны.

Позис кө, гашкө, ми регыдджык усйысим кытчө кө татысь, но кытчө воштысян?!

Ёна-ө содталіс ли чинталіс олөма нывбаба — код төдас, но тётя Глаша сэсся висьталіс миянлы татшөмтор. Төвнас ли тулыснас карсьяс эрдөдөмаөсь вөрьяслысь ыджыд шайка. Морт виысьяс, керка петкөдысьяс, зеп ректысьяс — кодьяс сөмын тані абу вөлөмаөсь! Отиясөс пө, медся мыжаясөс, суд шуөма лыйлыны. Мөдьясөс пуксьөдөмаөсь тюрмаө. Коймөдьясөс, медся томьясөс, разөдөмаөсь удж вылө пекарнясө, столөвөйясө. Карса өти столөвөйын уджалысь кымынкө том зонмөс и овмөдөны миян дінө, оланінаныс ремонт заводитчө да.

Бытьёкө гусявны миянлысь ёнасө нинөм, а вөрьяссыд биысь моз полам: гуляйтны мунігөн пальтошойяснымөс да тыртөм ящикъяснымөс дзевим нар улө пыді пельёсө.

Воим сёрөнкөдь нин. Баракын збылысь вөліны выль олысьяс. Пельёсса нар вылын тыдалісны идзас вольпасьяс, юрлөсьяс да ной эшкынъяс.

Сэні жө, нар пом вылас, пукалісны нель томиник зон, картіасисны.

Миянлысь пырөмнымөс казялөм бөрын, кажитчө, өти здук кежлө падмыштлісны, но пыр жө бөр

мортъяммисны, ас костаныс сераліг-шмонитігтыр кутісны водзё ворсны.

Ми пуксим асланым нар вылө да мөдім видзөдны ворсысыас бөрся. Томиник зонъяс. Гашкө, медся ыджыдыслы, сук съод синкымъяса зумыш кузь зонлы, кодөс ёртъясыс шуоны Жораён, позьё сетны дас сизим арөс. Миян дас көкъямыс арөса ыджыд тушаа, паськыд пельпомъяса Иванным сы дінын кажитчө багатырөн.

Көть кыдзи он өтдортчы өта-мөдысь, өти вевт улө овмөдчөм бөрын помтөг чөв овны он вермы. Тыдалө, та вөсна гөгрөс чужөма еджгов юрсиа пелькиник визув зон, кодөс ёртъясыс шуисны Костяён, шыасис миян дінө:

— Пуксьөй, очкоасям.

— Видзөдлам,— став пыддиным вочавидзис Коля Зыков да збоя матыстчис пызан дорө. Детдомад быдмигөн сійө велалыштөма жө збоявнытө.

Миянлысь полөмтө, кажитчө, киён босьтисны. Öти-кө, ми тані важджык олысьяс, позьё шуны, көзьяинъяс. Мөд-кө, ми витөнөсь дай төдчымөн сөнөдджыкөсь.

«Тайө печикъясыдлы огө сетчөй!»— аслам төдлытөг думышти ме да гусьөн видзөдлі нар ув пельсө. Овмөсным ставыс ас местаын.

Коля Зыков первой видзөдіс ворсөм вылас, а сэсся тшөтш пуксис.

— Öвсы, Коля.

— Бөръя гачтө ворссян,— өлөдім ми ёртнымөс.

— Ог,— кинас өвтыштис Коля.— Ме өд ичөтика.

Миян водтөдз збыльысь ветлөдлісны ичөтикаён. Коля Зыков весиг пөлтинник сайө воис. А воысьдылы абу лөсьыд дугдыны.

Виль олысьяслөн сьорсыныс вөлөма сись. Бывла пемдөм бөрын биасисны да сиська биён мөдісны ворсны.

Дыр-ө картіасисны, ме ог төд. Ёртъяслөн моз жө унмовссьөма. Колялысь водөмсө эг жө кивлы. Асьвнас, кыла, сійө бергалө бокин да гусьөн ышлолалө. Картіасысь ёртъясылөн куш местаыс: столөвөй-ясад пес да ва пыртлысьясыдлөн уджыс заводитчө водз.

Коля ворссьөма. Уна-ө ворссьөма, оз висьтав, но

гортлань мунём йылысь пö öни сёрни оз вермы лоны: нинём вылö. Сідзкö, татчö ми колям куимön. Талун жö ковмас прамöйджыка думыштлыны удж да оланін йылысь.

Воис и август 10-öд лун. Кызь лун на колö виччысьны велöдчан во заводитчём. Сэки, огö кö веськалöй некытчö, позяс вөрзьыны гортлань, а öни колö кызкö кутчысьлыны тані.

Алексей Вокуев да Иван Артеев мөдöдчисны морской пристаньö билет ньöбны, медым рытнас «Умба-өн» мөдöдчыны гортлань, а ме муна комсомоллön Севернöй краевöй комитетö удж да оланін корсьны.

Муна, думайта ачым, висьтала ставсö кызди-мый, и отсаласны. Медтыкö уджыд да оланіныд сюрлас, а тшыгла огö кулöй. Дай оз ков уджсö корсьны мунны сё верстыяс сайö, кызди коркö ыджыд вокьяснымлы.

Помнита, Ухтаса нефтепромысельясын уджъяс тупкысьём бöрын, менам Иван вок аслас ёртъясыскöд мөдöдчис Кардорö нажötка корсьны. Найö, кымынкö морт, кузь даддö тэчисны колуйторнысö да волысасьёмön петісны кузь туйö. А туйыс вöлі збыльысь кузь: кайны сё верст Изьва йылöдз, сэсянь сё верст вуджны Эжва йывса Помöсдін сиктöдз, сэсся Эжва кузя сыысь не этшаджык лэчыны Усть-Немöдз. Усть-Немсянь төвся туйöд жö вуджны некымын сё верстсайса Соликамскöдз. Соликамсксянь мунны Перымö, Перымсянь — Вяткаö, Вяткасянь — Вөлг-даö, Вөлгдасянь — Кардорö.

Час джын мысти ме вöлі нин крайкомолын. Сэни мекöд бур ногөн сёрнитісны, звönитлісны Экспортлесö, ыстісны менö сэтчö бумажкала, медым вуджны аскинас Бакарицаö — ваявны да сöвтны иностраннöй суднояс вылö экспортнöй вөр.

Экспортлесын меным сетісны куим морт вылö путёвка. Сьölöм нимкодясьö: лоö оланін и кутам нажöвитны сьём.

Рытнас колльöдім Иванöс да Öлексейöс. Вит часын «Умба» вөрзьöдчис Кардорса морской портысь. Сэк кежлö быттьökö нарошнö ывлаыс шондöдіс, енэжыс весассис гудыр кымөръясысь, дзирдаліс шонді.

Колим куимön. Асьнымöс такöдам сійөн, мый аски оз нин ковмы туплясьны эскурсбазаын. Шöй-

там кар кузя, сәсся мунам корсьны комвузõ велõдчыны воысьясõс — Яков Чупровõс да Василий Кустышевõс. Найõ кыкнанныс — менам важ другъяс. Яков Чупровõс коми литератураын паськыдакодъ нин тõдисны Биа Огырõн. Первой сийõ уджалис тундраын. Сәки и гижис мойд-поэма «Сале Микулай». Тундраысь воõм бõрын Чупровõс индисны «Гõрд Печора» газетõ редакторõн. Буретш сийõ йõзõдис газет лист бокын менсьым медводдза кывбурõс. Яков Чупровкõд да Василий Кустышевкõд ме тшõtш вõвлі комсомольскõй конференцияяс вылын. Рытбыд,õtлаын жõвъялим кар кузя. Важ другъяс ошкõны мианõс Кардорõ кольччõмысь: гортад мунны пõ удитанныд на, а õни виччысьлõй, гашкõ, веськаланныд на институтад.

Асланым оланинõ воим вой шõр кадын кымын нин. Виль суседъяс шы ни тõв узисны, а, гашкõ, узьõм улõ лэдзчысисны. Но и мед. Кõлуйторнымõс тай абу вõрõдõмаõсь-а. Шы сетлытõг жõ ми нуръясьыштим, водим, медым колльõдны тайõ баракас бõръя вой.

А вот аскинас бара на эз удайтчы энõвтны тайõ оланиннымõс. Буракõ, абу прõста важ йõз шулõмаõсь: кытї вõсни — сәтї и орõ.

Рытсьяныс на, кажитчõ, менõ босьтис йирмõг. Ватнõй пальто улõ йõжгыльтчõмõн коркõ сәсся унмовси жõ. Садьми — юр бергõдчõ, ки-кок муртса кывзысьõны.

Ывлаын кõдздõдõма, зэрõ. Тыдалõ, зәра лунъяс пуксьõм бõрад ломтытõм керкаад кынмысьõма.

Висигад нинõмла вõрзьõдчыны места вылысь. Тани кõtъ вевт улынõсь, а кытчõ на воштысян Бакарицаад? Кõдлы колõ висысьыд? А дыр кõ ог бурд?! И Коля да Алёша тшõtш ме вõсна сибдисны татчõ.

«Эк, колõма жõ мунны гортланы!» — бара чужõны юрын гажтõм думъяс.

Кõtъ мый, а висьõмлы сетчыны оз позь. Бакарицаõ вуджõм вештам мõд лун кежлõ. Кызмырдõн чечча да, зэр вылõ видзõдтõг, мõдõдча амбулаторияõ лекарствала да справкала: справкатõгыд, колõкõ, лыддясны прõгульщикõн да аски либõ аскомысь Бакарицаад матõ оз сибõдны, а вылысь мунны крайкомолõ либõ кытчõкõ мõдлаõ да бара дзайгыны удж — яндзим нин. И гортõ мунны нинõм вылõ.

Дас кык часодз сулалі, виччыси өчередь, но ни-
нөм эз артмы, шуисны: «Аски волы!»

Өвтышті киөн, бөр муні баракө да лунтыр туп-
ляси. А ывлаын лунтыр жө дугдывтөг зэрис.

Тадзи коли Кардорын олан ещө өти лун. Пыр ма-
тынджык кылыштлывлө войвылө тэрмасьысь арлөн
лов шыыс.

Август 12-өд лун нин со пуксис. Асывнас садьми
водз. Кыла, кокныдджык, мышкуөс каньяс оз
гыжъявны, ки-кокөс төрытъя моз оз орьөдлы.

«Ладнө,— шуа аслым.— Амбулаториянаныд и
быдөн!»

Ывлаын поводьяыс бурмыштөма жө. Зэрны дуг-
дөма. Весиг мыччасьө шонді. Оз позь шуны жарөн,
но и абу көдзыд.

Чукөртыштім көлуйторнымөс, прөщайтчим экс-
курсбазаса уборщица-көзяйка тетья Глашакөд.

Тані дыр олигад, гашкө, не өтчид сійө дөзмывліс
ми вылө, а өні олөма нывбаба жалитіс миянөс, мам
моз колльөдіс. Сійө төдө: сьөмтөгыд, төдсаястөгыд
да юр сюянінтөгыд миянлы тан абу кокни. Көнкө, та
вөсна и прөщайтчиганым шуис:

— Пикө воанныд — локтөй... Ывлаө ог йөткышт.

— Аттьө, тетья Глаша,— шуам ми да мөдөдчам
речнөй пристаньө.

Бакарицаө пароход мунө куим час лунын. Бара
на колө виччысьны матө вит час.

Таөдз весь олигмоз гоз-мөдысь на ветлім лесотех-
нической институтө. Некутшөм командировка миян
кузя сэтчө абу воөма. Тшөктөны гижны выль заяв-
лениеяс да вайны кутшөмсюрө документъяс.

Кык көч бөрся вөтлысигад вермас өтиыс весиг
не шедны. Гижим заявлениеяс лесотехническойө.
Чукөртім бөрья грөшторьясынымөс да сетім ещө өти
телеграмма Изьваса роноө, корим командировка Ар-
хангельской лесотехнической институтө да сьөм.

Пароход виччысигмоз ме котөрті бөр босьтны
пединститутө пырөм йылысь шыөдчөмъяс да доку-
ментъяс.

Педтехникумын (тані вөлі выль институтлөн кан-
целярияыс) меным шуисны:

— Тані нинөм нин абу. Выль педагогической ин-
ститутыс воссьө Вөлөгдаын. Ветлөй крайноө. Эз кө

на удитны ыстыны Вёлөгдаас, гашкө, сәні тiян документъясныд.

Пристаньö менам бөр локтөм мысти Алексей Кустышев котөртiс крайноö, но тыртөг жö бергөдчис: миянлысь шыөдчөмъястө да документъястө ыстөмаөсь Вёлөгдаө.

Буракө, вөлись ми гөгөрбок пикө воим. Но бөрынтчыны некытчө. Юр өшөдөмнад нинөм оз арты. Төлкуйтыштөм бөрын шуим тадзи: вуджам Бакарицаө, сьөмтор најөвитам; август 23—24-өд лунъясө ме ветла Вёлөгдаө, босьта документъяснымөс, бөр локта Кардорө да сетам лесотехнической институтө. Оз сюрны документъяс — сәки ковмас корсьны выль петан туй.

Куим часын пуксим Бакарицаө мунысь буксирной пароход вылө да мөдөдчим Двина катчөс верст квайт сайө.

Бакарица кывйис мыйөнкө менам паметьö пуксьөма ичөт дырсянь. Тыдалө, ыджыд вокъяс пыр жө.

Кызди шулі нин, первой империалистической война дырйи Дорофей вок плавайтис «Садко» да «Иван Сусанин» ледоколъяс вылын. Коркө революцияөдз на, буракө, 1916 воын аслас письмөын сийö гижлис Бакарицаын зөв ыджыд взрыв йылысь, уна йөз пөгибнитөм йылысь. Ми пө вөлим Двина устеланя, Бакарицаянь 25 верст сайын, да весиг сәни мыйкө дыра кезлө пельтөммылим.

Бөрынджык, гортө воөм бөрас, вок не өтчыдысь висьтавлывлис сиктса мужикъяслы да том йөзлы бакарицаса взрыв йылысь. Стөчасө сийö оз жө төд, кызди да мый, но взорвитчөмаөсь пө боеприпасъяс тыра гырысь складъяс. Бакарицаыд пө эськө ставнас нин вөлі киссьөма, да весиг куим верстсайса Исакогорка сиктын абу кольөма дзонь өшинь.

Ичөт дырйи кывлөмторъясыд пыдө вужъясьөны паметяд. Колины вояс. Ми быдмим. Öнi нин менө ачымөс вайөдө олөмыс тайө Бакарицаас...

Мый нө, ветлам, видзөдлам!

Бакарица. Сійö, вөлөмкө, ыджыд порт, выль баракъяса, öти да кык судта пу керкаяса, некымын уличаа рабочöй посёлөк. Берег пөлөнүс, гашкө, кык километрыс кузьджыка нюжөдчөма лесобиржа. Керъясыс да плакаясыс вөчөм пасыкыд кузь сөвтчан площадкаяс дорын и Двинасяч тырыс ыджыд куръя кодь рейдын сулалөны гырыс иностранный лесовозъяс. Матигөгöрын некымын вөр пилитан завод.

Пароход вылыс чеччөм бöрын ми тэрмасигтыр муним Экспортлес биржалөн контораö, мыччөдлим сідз шусяна путөвканымөс.

— Бур. Уджалысысыд мянлы колөны,— шуисны контораын да казытыштисны нель артель.

Мунöй пö, сёрнитчöй, любöй артельö вермам индыны.

Öтилаö волим, мөдлаö. Оз окотапырыс сёрнитны мянкөд. Тайö рытö некутшөм артельö эгö и веськалöй. Тыдалö, ми абу ёна веж петкөдланаöсь. Сиктъясыс нажөвитчыны локтөм ён дядьöсыд полөны, мый ми, гождъявтөм чужөма нэриник том йöзыд, пайкам найöс.

Нимкодясыны нинөмөн на. Бөр локтим Экспортлес биржа контораö. Узыны индисны первой номера тыртөм баракö, кодөс лөсьөдөмаöсь московскöй комсомольскöй бригадалы, но бригадаыс абу на воöма.

Бакарицаын пö кык общественной рабочöй столовöй. Ветлим матыссаджыкас пөсь чай юны, сэсся узьмөдчим тыртөм баракын. Юр сюянин лоис. Талун кежлө сьөлөмъяс бара инасыштисны.

Асывнас чеччим водз. Десятниккөд муним биржа вылө. Сійö мянөс иналис Бычихинлөн артельö. Артеляс шөр арлыда нель-вит ён мужик. Сёрниасыс тыдовтчис, найö турун пуктөм бöрын тайö лунъясö жö на воöмаöсь кыськө Двина катыдса сиктъясыс сьөм нажөвитыштны.

Бычихин — пасыкыд пельпомъяса, шөркодь тущаа, мугов чужөма, ар комын вита зумыд ён дядьö. Тыдалö, татшөм удждьяс вылад сійö абу нин первойыс, төдö кытчө-мый. Ёрждьясыс сылыс кывзысьöны. Сійö ыстис мянөс оформитчыны удж вылө,

корсьлыны завхозос, пöлучитны вольпась, овмöдчыны налөн олан баракö, а öбед бöрын локны удж вылö.

Удж вылад оформитисны миянös регыд. Завхозос корсьны эз жö дыр ковмы, но, кöть кутшöма эгö кевмысьöй, узылан кöлуйтö сийö миянлы эз сет: ог пö эшты талун да ог и сет! Ёна жö эськö сийös видим думысь бюрократөн да!

Миян артель юксöма кык пельö. Бычихин да ещö гоз-мöд морт уджалöны лебёдка дорын, а ми унджыкöныс уджалам биржа вылын — сьöкыд кöрт кöлесаа кузь одноколкаяс вылö (шусьöны медведкаясөн) чипасьясысь сöвтам балансьяс — метрөн-джынйөн кузя чуркаяс да лежнёвкаяс вывті вöлөн, телегасö öтар-мöдар боксянныс кутигтыр, лэччöдлам лесовоз дорö.

Велавтöгыд уджыс абу кокни: лунтыртö гырысь чуркаяснад вöдитчыны колö вын. Сиктьясысь воём мужикьясыдлы вынтö, дерт, оз ков удждыны, найö дзик ош кодьось. Ми Алексей Кустышевкöд крестьянскöй овмöсьясын жö быдмим, запшес кералигьясад не этша сюрлывлі вöдитчыны сьöкыд чуркаяснад да кражьяснад, но öни прамöя жуялим. А Коля Зыков, коньöр, муртса нин кутчысис кок йылас, кöть лун джынсö на сöмын и уджалім талун. Артель эм артель. Ныр вылад усь, а уджав, мед не янавны ёртьяс водзад.

Рытнас ужнайтім общöй столövöйын. Узыны мунім дасöд номера баракö, артельса асланым мукöд ёртьяс дорö.

Майбыр, эз тай ков небыд вольпась. Эгö и тöдлöй, кольöма войыс. Шондикöд тшöтш чеччим да бара удж вылö.

Öбед дырйи сетисны узылан кöлуй. Öнисянь ми лоам тыр олысьяс. Удж эм. Оланін эм жö. Тадзнад вермам тані овны да уджавны лесовозьяслөн навигация помасьтöдз. Öбедöдз квайт час да öбед бöрын мöд квайт час. Абу кокныд, но велалам. Гожся луньясад, турун пунктигьясад, ми таысь этшаджыксö некор жö эгö уджавлöй.

Мöд луннас тадзи жö лунтыр уджалам. Зілям мукöдьясысь не кольччыны; артельса ёртьясным оз

кедзовтны, заводитоны лыддыны ас йозон. Дерт, Коля Зыковлы ёна сьокыд, лун помланыс веськыда шатлалё кок йылас, но мый нё вочан.

Рытнас дыр видзодім, кызди Бакарица весьтти лэбаліс, сэсса Двина вылё пуксьыліс выль пёлёс самолёт. Татшомсё онёдз некор на эго аддзылэй. Гидроплан пё, ва вылё пуксьё.

Велёдчан во заводитчытёдз коли кык вежон. Ёні, төлк вылё сюрём борад, позяс прамёя на уджавны. И сьомыд воыштас!

Но водзвыв на нимкодяссьёма: најөвितчөмыд менам нем виччысьтөг ори — кокөй доймис..

Плакаясысь вөчөм лежневка вывти ьджыд воронөй вөв дышпырысь кыскө балансьяс тыра сьокыд медведка. Ми отар-мөдарсяныс кутышталам медведкасө бокө кежөмысь (мед оз чечышт лежневка вывсьыс). Воронкыдлы, тыдалё, веськодь миян тэрмасьёмным, туй чукультанінас сувтис да син бөжнас кыйкнитліс бөрвыв. Вёлөн веськөдлысь дядьё ёрчыштис да ырыштчис вөжжи помнас. Вөв лёкысь нетшыштчис. Миян эз тырмы вынним кутыштны медведкасө. Сылөн көлесаыс чечыштис плака вывсьыс. Тыра телегаыд катовтчис да помнас зутшкысис менам кок вылё, кодөс эг удит нетшыштны дзав лыа письыс. Не кө дзав лыаыс, татшөм сьокыд телегаыд, төдөмысь, варөдис лысө. Ёртъяс повзисны да өдийджык мездисны налькйө веськалөм кок пёлөс.

Пөсялөм вывсьыд ме доймөмтө ёна эг и кыв, кок пөв йылын чеччалышти, пукси лыа вылас, зыралышти дай бөр чеччи. Сулавы верма, сідзкө, лыыс дзонь.
— Нинөм,— шуа,— прөйдитас.

Ёртъяслөн ме вөсна повзёмныс бөр жө разалис.

Көть кокын дойыс кылө на, лябны абу лөсьыд. Быттёкө нинөм эз и вөв, бөр кутчыси уджө да чотышталігтыр час мында кымын уджалі на. Ёртъяс казялісны майшасьёмөс да вынөн ыстисны больничаө.

Көдзалыштөм борад кок висьмис пыр ёнджыка. Витысь кымын пуксьылі шойччыны. Амбулаторияс колө мунны асланым барак дорти. Зэв ёна кутис косьмыны горш.

«Час,— думайта,— пырала оланінаным, юышта, ичөтика шойчча да вөлись нин ветла больницаас».

Уборщица буретш джодж мыскалө. Висьтаси кок доймөм йывсыд, пөрөдчи вольпасьö шойччыны.

Видлі мездыны доя кокөс көмсьыс, но ог вермы. Меным отсөг вылө локтис уборщица. Сійө кызкө-мыйкө пөрччис сапөгөс, разис нямөдөс да повзьө-мысла весиг ойөстис. Кокөй удитөма кер кодьөдз пыктыны. Кок шег дорыс гөрд да лөз.

Видлі чеччыны, но ог вермы.

— Вод да шойччы,— вольпась лөсьөдіс уборщица.— Рытнас өртгьясыд нуөдласны больничаас либө корласны пельшарөс.

Збыльысь, буракө, водны да ружтыны и коли меным татшөм кокнам.

Ывлаын дзирдалө шөнді, паськыд өшиньясөд пырысь югөргьяснас ворсө барак стөнын, а ме өтнам тупляся нар вылын. Забеднө, көть горөн бөрд. Гашкө, код төдас мый дыра ковмас туплясьны тадзи. Кок йылө сувтны ог вермы. Кытчө ме өні воштыся, мый вылө кута овны?

Рытнас Коля да Алөша пөшти ки выланыс нуөд-лісны менө больничаө. Некодөс сәні эгө суөй: сөр пөнин. Ёртгьяс жө вайисны столөвөйысь сөян. Аддза, найө став сьөлөмысь төждысьөны ме вөсна, төда, менө тшыгйөн оз эновтны, но өд найө тшөт весьтө дыр овны меным яндзим жө ковмас төдны.

Асывнас ме бара өтнам коли баракө. Алексей да Коля вөйысьөны вөлі волыны да нуөдлыны менө больничаө, но эг кор, мися, ачым видла сувтны кок йылө.

Збыльысь, час көкъямысө кызмырдөн чеччи да бедь отсөгөн ньөжйөнникөн кысси больничаө.

Больничаын сёрнитөны: врачыс төрыт мунөма карө да абу на воөма бөрсө. Весиг оз төдны, корджык локтас.

Виччысим час, кыкөс... Куим час виччысьөм бөрын өшөдісны объявление: «Талун приём оз ло...»

Кок пыр на зөв өна пыктөма. Кызмырдөн ружтигтыр бөр кысси баракө.

Мөд луннас бара мөдөдчи больничаө. Көть бедь отсөгөн жө, но талун зумыдджыка тувчывла доя көкөн, сідзкө, кок лолө на.

Воддза лунад врачыд эз вөв, да йөзыс чукөрмөма дзик тырыс. Бара ковмис пукавны-виччысьны.

Коркө сәсся чукөстисны жө врач динө. Видлалис доя кокөс.

— Ковмас куйлыны,— шуис, гижис «отпускной листок», пасйис куим висян лунсө, фельдшерлы тшөктис мавтны да көртавны кокөс. Аскинас бара корис.

А лунъяс сэтшөм мичаөсь, шондиаөсь! Кажитчө, гожөмыс оз на көсйи матысса кадө эновтны миянылысь войвывнымөс.

Тыртөм баракад өтнадлы ещө нин гажтөм, а ветлөдлыны ывлаын ог вермы. Кадсө дженьдөдигмоз уджалышти посныдик выль кывбуръяс вылын, лөсьоді ыстыны «Ордым» журналө, көні менсым унакодь кывбур нин йөзөдлісны. Төдөмысь, ставсө оз печатайтны, но, чайта, «Бакарица» либө мыйкө мөдтор вермас туйны. Сөмын ог төд, көні кутам водзө овны, да өдвакө лолө регыдъя кадө воча кыв.

Асывводзнас бара муні врач динө. Восьлалигас кокө ёна на лыйлө, но ветлөдлыны вермышта. Талун врач динад веськавлі кокныдджыка нин. Отпуск нюжөдіс өти лун вылө. Вөчисны перевязка, сәсся нбөжйөникөн бөр муні асланым барако.

Луныс воддза кодь жар. Небесаын кымөр чир абу. Бурако, вый сывдан лунъясөн шулывлөны татшөм мича шонди лунъяссө. А гортын, көнкө, кызвийө помалисны нин турун пуктөм, асывводзсянь рыт сөрөдз вундөны татшөм мича лунъясад.

Медым дзикөдз не нормыны, пукся водзө гижны «Бакарица» очерк, кодөс төрытнас панлі.

Август 20-өд лун. Вежон нин олім Бакарицаын. Зыков да Кустышев босьтисны шойччан лун да вуджисны карө өти-мөдтор йылысь төдмавны.

Рытладорыс Коля бөр воис. Юөръяс абу бурөсь. Роносянь — ни сьөм, ни воча кыв. Алексей пө кежөма лесотехнической.

Зыков ветлөма тшөтш морской портө. Аски пө Печораө бара мөдөдчө «Умба». Колялөн думъяс — мунны татысь, кытчөдз абу сөр. Ветлам пө контораө, босьтам расчөт. Куимыдлы билет вылө пө кыкылдөн вежонся нажөткаыс тырмас, а сәні тыдовтчас мый вөчны: учителясыд миян Печора вожад оз на туплясьны.

Виччысям Кустышевös. Рыт нин пуксис, а Алексей век абу. Майшасям: эз-ö нин мыйкө ло?

Аскинас сöмын воис. Öтилаö ветлöма, мöдлаö... Сёрмöма да узьöма пристаньын. Тöдмалöма: «Умба» мунö Кардорысь вит час рытын.

Шондыс катовтö нин рытывлань. Котöртим контораö. Меным пö ковмас пöлучитны страхкассаысь, та вылö колö акт. Чотигтырйи муні десятник дорö актла. Актыд эськө и сюри дырөн, но страхкасса-сянь бара мöдöдисны контораö, медым сэнi заверитсны. Öтарö ыстöны, мöдарö... Медбöрын шуисны:

— Сьöm лоас кум-нель лун мысти...

— Кыдзи нö сiдзи?— шöйöвоши ме.— Меным жö колö мунны...

— Мун да нель час рытöдз пöлучит карысь.

А нель часыд, позьö шуны, ныр улын нин. Муні баракö. Чукöртышти кöлуйторйöс да мöдi виччысьны ёртьясöс.

Коркö и найö воисны. Мыйтакö сьöm сетöмаёсь (тыр расчөтыс пö лоö бöрынджык).

Кöлуйторнымöс нопъялим мыш вылö и котөрөн моз мöдöдчим, медым «Москва» пароходөн вуджны карö.

Кокни шуны «котөрөн моз», а коктöгыд ёна он котрав! Дойыс лыйлö. Чужöм кузя шорөн визувтö пöсь. Зiля не кольччыны ёртьясысь, а найö оз жö думайтны энотны: кыдз вермöны отсалöны меным.

Двина вуджём бöрын котөрөн моз жö локтам морскöй портö. Сэнi йöзыс гыö.

— Суим!— нимкодпырысь горöдö Коля.

— Со, кутшöмкö объявление,— шуö Алёша да кежö щит дорö. Ми вöтчам сы бöрся да лыддям: «Умба» мунас август 22-öд лунö 5 час рытын». Аски! Сiдзкö, бара на лун. Ме вевъяла ветлыны страхкассаö деньгала. Лунтырнад уналаö на позьö волыны.

Бара на мыйкö вылö надейтчам. Сьöлöмьяс личалöны. Пуксям ящикьяс выланым да бур здук лола-лам морös тырөн, шойччам.

Бiвла заводитö пемдыны, но шоньд. Шуим колльöдны войсö морскöй пристаньын. Меститчим. Алексей да Коля кольчисны кöлуйторьясным дiнö. Гортö мунöмысь кындзи налөн мöд дум абу, а ме век на падъяла. Мöдöдчи Комвузö пырысь другьяс дiнö сö-

ветуйтчыны. Найо и тшөктисны меным корсьлыны Изьваса ВКП(б) райкомысь первой секретарос да райисполкомса председательос, кодыяс тöрыт локтöмаос «Умбаон» да, эз кө на пö удитны мунны Сыктывкарö, вермасны мыйонкö отсавны.

Менам бара на чужлис надеятор, но бöрынджык тыдовтчис, мый миян районса көзяинъяс удитöмаос пароходон мунны Сыктывкарлань. Тайö, дерт, менö шогöдис. Но шоглуныд вермö, вөлөм, нем виччысьтөг вежсьыны нимкодысьömön: ме паныдаси ас сиктысь челядьдырся друг да тьöза Трифиль Яккөд (Яков Рочев жö), кодкод начальнöй школаын велөдчылим öти классын.

— Öвтышт став вылас,— шуö сийö,— мунам гортлань. Билет вылад сьöm менам тырмас.

Менам важ другöй, вөлөмкö, локтö Великой Устюгысь бухгалтерьяслон кымынкö тöлысья курсьяс вылысь. Мынтöмаос туйсö. Сетöмаось суточнöйяс да подъёмнöйяс.

Ветли страхассаö. Корисны бöрынджык. Муні мөдысь. Сетисны сизим шайт да көкьямыс көпейка. Абу дорад тайö сьöm нин. А Бакарицаын кык лунся удждон сідзи и коли.

Öни сэсья ставыс. Киын билетъяс. Пукалам пристаньын, «видзам» гусялөмысь тыртөм ящикъяснымös. Виччысям «Умба» вылө посадка заводитчөм.

И со нин «Умба», сьöd тшынөн пöлясигтыр, ылыстчö берег дорысь, тшаша вöчö кытшов, тутöстö да надзöникөн содтö öдсö.

Ми чöла сулалам палуба вылын да мукөдыаскөд тшötш дыгыдиника öвтыштлам киясөн, көть берег вылын миянлы тöдсаяс абуось. Бура ли лёка — тані коллялөма тöлысь, и карсö колигөн сьөлөм вылын быттьökö абу жö и ёна нимкодь, көть петим тöдса туйö.

Мöдысь ме мөдөдчи море пыр. Öни пö, арладорыд, тайö туйыс овлө ёна сьökыдджык. Ветлөм-мунөм йöz висьтавлöны, быттьö куим-нель во сайын «Вайгач» та-йö жö туяс веськалөма ыджыд шторм шөрö да Кардорсянь Печора вомса морскöй пристаньöдз локтöма дас кык сутки. Пассажирьяссö пö, торйөн нин кулөма нисьö ловъя нывбабаясös, судно вывсьыс берегö петкөдлөмаось нөсилка вылын.

Ставыс артмис лючки-ладнö. Коймөд асывнас час

дасо ылын веськыдвылын вуджор моз мыччысьліс съод визь. Тайо по Малая Земля. Сідзко, конко сыланьын Малоземельской тундра...

Лун шор борын ру пыр моз модис водзын лозавны му мыльк.

— Печорской губалань матысмам!— шуис кодко, и пыр жо кызко ловзыштисны палубавывса йозыс. Миян съоломъяс тшотш жо личалисны. Диво, му вывти ветлодлігон те он и думыштлы сы йылысь, колө и оз ков — нинөм думайттөг пинь пырыд чилснитлывлан-съолавлан кок улад, а, вөлөмко, ва вылад веськалом борын регыд на и быро гажыд му-матысыд. Му вылад жо тай вөлөм прамой оломыд!

Рытнас пырим Печорской губао. Пемдигмозыс мый-такө ньожйоник писькодчим водзо, сесся, кор эз кут тыдавны, «Умба» гургис-чөвтис якор да узымодчис ва шорас, мед не сибдыны. Сэтчо жо, ва выло вольсасис кень кодь еджыд ру.

Аски тыро кык толысь миян туйо петомлы. Сэки войяс вөліны лун кодь югыдось, шоньдось. Кык толысьон лои вочома прамой ыджыд кытшов, унатор адзылома, уна выльтор тодмалома. Кык толысь — абу ыджыд кад, но гожся югыд войяслон таво кежло уди-тома помасыны нэмныс. Думыштан, да жалыд петө, окота меліа шыасыны на дінө:

«Югыд тувсов войясой! Мелі бур гостяясос моз ми тиянос кутам виччысьны мод во асланым кодзыд, но муса войвылын. Гашко, сэк кежло кодьяслонко чужасны ти йылысь виль сыланкывъяс».

А кор кутан ставсо гогорбок донъявны-артавны, сэки гогорвоан, мый вундан-вартан кадся шоньд арся рытьясыс, том йозлон воровны мунөм водзвывса эзысь кодзулось пемьд, лонь, сылан-ворсана войпукьяса рытьясыс абу жо веськодьюсь миян том съолөмъяслы. Оз од прөста быд сиктын татшөм рытьясас ливкйодлыны-сьывны:

...Петас эськө муса нылөй
Кыа борын ме дінө,
Да мамыс тай сийос оз лэдз:
Видчо, нывлысь вөля кутө.

Ок, эськө регыдджык нин бөр веськавны рөднөй сиктясаным. Аски Печораысь нин кутам юны васо, коні эмось войтьяс менам Изьва да весиг Ухта юяс-

лөн. Вит во помся бокин велөдчигөн өдвакө рөднөй сиктын кутшөмкө муса ныв уськөдчас «кыа бөрын ме динө», но дыр кад йөзын ветлөдлігад ёна нин гажөй бырөма чужан сиктсьыд, төдса йөзсьыс. А, гашкө, кодлыкө и абу на дзык веськодь. Пальтоөн гартышт-чөмөн бөчкаяс костын вугралігтыр бара дыр думайті Юля йымысь, мися, кызди коньөрлөн тэчяс водзө олөмыс. Ышнясин пө тай...

Коркө сәсся унмовссьөма жө.

Асывнас садьмим, а судноным сулалө дзык йөв пиын моз: гөгөр еджыд ру. Дыр некөн нинөм эз ты-дав. Сәсся коркө руыс разавны жө мөдіс. Сяркнитіс-шыасис якөрьяс лэптан парөвөй машина, зельөдчис-ны көрт чепьяс.

Бөрзим узянінысь, но рөгыд «Умбаным» сибдіс Куя сикт весьтө паськыд Печора шөрсә лыа көса вылө. Сәні жө неылын, мян суднокөд орччөн моз «гожъялө», виччысьө прилив ыджыд норвежскөй лесовоз, коді локтө Ёкушаса вөр пилитан заводө тьөс-плакала.

Асъя прилив дырйиыд ми эгө и мынөй лыа көса вылысь. Лун шөр бөрын локтіс парөход «Профсоюз» да «Умба» вылысь босьтіс став пассажирьяссьө. Сійө и вайөдіс мянөс рытладорыс Нарьян-Марса морскөй пристаньө. Кокняммөм «Умба» ачыс мездысис да вөт-чис «Профсоюз» бөрсә.

ДРУГЪЯС СОДӨНЫ

Нарьян-Марын Печора кузя вывлань мөдөд-чысьяссьөс виччысьө нин пассажирскөй парө-ход «Республика». Сійө сөвтчас: трюмсө тыр-тас море сайысь выль воөм грузөн, сёян-юанөн да, шуөны, коркө войнас ли асывводзнас петас туйө. Бур, оз ковмы дыр туплясьны тані.

Йөзыс морскөй пристаньын жуөмөн-жуө.

Бөръя сутки джынсө мян пиньяс, позьө шуны, шойччисны нин. Водзын — бара прамөй кузь туй, кодөс ошъяс моз пев нёнялігтыр он жө вудж.

Котралыштім. Судзөдім кымынкө фунт нянь да сакартор. Сәсся нинөм эз сетны. Но, велалөм бөрад,

ёнасё огё и шогсьёй: нянь да сакарнад пё коми мор-
тыд абу на тшыглы кувлёма. Тёдысьяс шуёны, мый
пароход сувтлігъясё Печора бокса пристаньясын ву-
завлывлёны свежёй чери. Миянлы уна оз ков: сюрас
ньюбны кутшёмкё пристаньын гоз-мёдысь юква пуны
свежёй чери, и — тырмас.

Вылі Печораё да Изьвалань мунысьыд, буракё,
арладорыд, отпускъяс помасян кадад уна. Пароход
вылө пё билетъяс абуось нин. «Республика», шуёны,
кутас кыскыны бёрсьыс товарно-пассажирскёй баржа.
Сэтчө и ньёбим ми билетъясё да овмөдчим Изьваё
мунысь учительяс дорё ыджыд вежөсө, коді шусьё
мөд классөн. Вежөс шөрын ломтысьё көрт пач, джодж
шөрас сулалө кузь пызан, стен бокъясас — кык вевся
узылан наръяс... Нинөм! Тани позяс прамёя овмөдчы-
ны да кык-куим лунтө жыкруйтыштны.

Зэв бур, мый татшөм лөсьыда овмөдчим. Тыдалө,
аски асыв лоам туйынөсь нин. Вот эськө, өні кө ещө
жар пывсянын пывсьыны! Кузь туйын улыс дөрөм-
гач пеславтөгыд, кок доймөм бөрад прамёя мыссьыв-
төг көнсюрө туплясигад да ещө морскёй судно вы-
лын ва паськөмөн пөжсигад яй дзикөдз шуммис, пикө
воны куті: быдлаті сотчөмөн-сотчө, көть өтарө лук-
йысь-гыжъясь. А кысь босьтан жар пывсянсө?!

Ковмис корсьны мөд петан туй. Көть пөльтө ыр-
кыд вой төв, рытыс шондіа, йөзыс унджыкыс ветлөд-
лөны пинжак кежысь на. Ме босьті ящикысь найтыс-
ла омөля нин сер төдчысь запаснөй улыс дөрөм-гачөс,
муні берег пөлөныс ылө бокө, йөз син увсьыс саймоет-
чи бужөд улө, майтөгтөг песлалі, берегвывса ляпки-
дик бадь куст вылө өшөді төлалыштны.

Бытьёкө өні на и Кардорын булькөдчывлім-сун-
ласьлім Двина берег дорын, а кодакості ваыс удитөма
сэтшөма көдзавны, мый песласигас кияс кынмиснл.

Прамёй дыр пукалі бужөд дорын. Шондіыс кутіс
лэччыны. Матігөгөрын ветлөдлысьяс бырины. Ме
пөрччыси пасьтөг. Көдзыдысла пиньяс зяткакылөнн,
но өд эз жө шоныдджык вөвлы, кор челядь дырйи чу-
жан сиктъясаным купайтчывлім дорваын либө мөс
видзигъясө видзвывса лым сора ва гуранъясын. Ни-
нөм тай эгө лолөй. Кыдзи шулывлөны изьваса баба-
яс, эгө джынъяммөй.

Синьясӧс куни, векуштчышти да буз суні кӧдзыд ваас.

— Купайтчӧ!— ва улысь петӧмӧн тшӧтш кыськӧ ылыськодъ кылі шензяна ныв гӧлӧс, но меным ӧні тайӧ веськодъ, бултыкасышти, пукси ваас да гӧрдӧд-тӧдз нирті кӧдзыд ванаас яйӧс.

Ваысь петӧм бӧрын пасьталі косьмыны удиттӧм улысь дӧрӧм-гачӧс да котӧрӧн мӧдӧдчи баржа вылӧ асланым мӧдӧд классӧ. Яй вочасӧн дугдіс сотчыны, и сэтшӧм кокныд да лӧсьыд лои вир-яйлы, мый нар вылын юр вывті пальтоӧн веттысьсӧмӧн крепыда унмовси да эг и тӧдлы «Республикалысь», тшӧтш и миян баржалысь, войнас туйӧ вӧрзӧдчӧмсӧ.

Асывнас садьми Ӧксина сикт горулын нин. Ёртъяс, выльяс и важъяс, ставӧн на чӧскыда узьӧны, та вӧсна гусьӧник петі ывлаӧ, пукси лабич вылӧ да дыр лолалі ювывса асъя сӧстӧм сынӧднас. Шонді югӧръяс зарниасьӧны ю веркӧсын ворсӧдчысь посьныдик гыяс вылас. Том уткаяс чукӧрӧн-чукӧрӧн лӧбалӧны, тыдалӧ, кузь туйӧ петӧм водзвылын чӧжӧны выннысӧ да сямнысӧ. Регыд пуксясны кӧдзыдъяс. Кутшӧм кӧть эз вӧв жаль, матысса лунъясӧ налы быть ковмас эновтны чужаніннысӧ да мӧдӧдчыны шоныд лунвылӧ.

Ми лунвывлань жӧ мунам. Баржа паськыд морӧснас вынысь поткӧдӧ да еджыд гыясӧн ӧтарӧ-мӧдарӧ паськӧдӧ лунвывсянь войвылӧ визувтысь вынйӧра Печоралысь васӧ. Кымын водзӧ мунам, сымын гырысьджыкӧсь да пашкырджыкӧсь лӧӧны берег вылын лӧня сулалысь козьясыс, кызъясыс да бадьясыс. Гашкӧ, найӧ шувгӧны жӧ, пасьтӧг кольӧм коръя пуяс норасьӧны кӧдзыд вой тӧв вылас, но ми баржа улысь петысь гыяслӧн бузгӧм пырыс огӧ кылӧ налысь норасьӧмсӧ.

Дыр пукалі баржа нырын, лолалі сӧстӧм ыркыд сынӧднас. Луныс пуксьӧ тӧрытъя дорысь шоныд-джык, но абу нин гожӧмся кодъ. Тӧлыс раммыштӧма жӧ, мӧдарсянь пӧльтӧ.

Йирмӧг кутіс лоны. Пыри асланым ыджыд вежӧсӧ. Ӧтияс узьӧны на. Мӧдъяс — чечӧны, ас гӧгӧр идрасьӧны, шыльӧдчӧны-мольӧдчӧны. Кызвыныс — учителяс, абу кутшӧмскорӧ йӧз. Мӧд классад, вӧлӧмкӧ, лӧсьыд, шоныд... Мый и шуан. Эз кӧ вӧв лӧсьыд,

озырджык йӱз эз зӱльны веськӱдчыны первой да второй классьясӱ.

Улі Печораад сикт костьясыд гырысьсӱ: муна-муна да мыччысьласны кымынкӱ керка, а сӱсся бара бадь кустьясӱн серласысь помтӱм видзяс, унджыкыс ытшкытӱм, арладорыд вижӱдыштӱм кузь туруныс гыалыштӱ тӱвру улын. То ӱтар, то мӱдар ю бокын паныдасьлӱны паськыд кузь шарьяс, кодьясӱс мукӱдлаын шуӱны полойясӱн: ӱти помасьӱ и мӱд нин заводитчӱ. Миянладорын эмӱсь шарьяс и кӱджӱрӱмьяс, но ичӱт юясад найӱ посныдӱсь, уналаын пӱрӱмаӱсь курьясӱ да тыясӱ, а тани паныдасыны кутас шарыд, да он и тӱд, кодарас кӱрӱннӱ ва туйыс.

Рытнас «Республика» сибӱдчыліс Висвом сикт-сянь гоз-мӱд верст сайӱ пес босьтны. Ми пӱшти сгавӱн петалим, отсасим матросьяслы пароход вылӱ кузь чипасьясысь пес пыртлыны.

Пес босьтӱм бӱрын «Республика» баржатӱгыс мӱдӱдчис шар бокын жӱ сулалысь Вис сиктӱ пасса-жирьясла, нуис почта.

Ми, баржавывса пассажирьяс, кымынӱнкӱ тшӱтш мунім видзӱдлыны деревнясӱ, но ӱнджыкасӱ чери ньӱбӱм могысь.

Ньӱбим унакодь свежӱй чери. Учительскӱй удж вылӱ первой на мунысьяслы сетӱмаӱсь суточнӱй и подьӱмнӱй да лышкыдасыӱны. ӱтлаын сутки сайӱ бергалігад ӱта-мӱдкӱд прамӱя нин тӱдмасим. Ставныс, зоньяс и нывьяс, ми кодь кымын арлыдаӱсь. Кодьяскӱ ар-мӱдӱн ыджыдджыкӱсь либӱ ичӱтджыкӱсь. ӱтияс кольӱм воӱ помалӱмаӱсь педтехникум, велӱдӱмаӱсь нин школаын, ветлӱмаӱсь отпускӱ да ӱни бӱр мунӱны удж вылӱ. Мӱдьяс таво помалӱмаӱсь Сыктивкарын педагогическӱй техникум да мунӱны уджавны Изьва районӱ. А Коля Поповлӱн да Маша Окуловалӱн «чинныс» дзик жӱ миянлӱн кодь. Найӱ таво Емдінын помалӱмаӱсь учительскӱй уклӱна мӱд тшупӱда школа, да облоно мӱдӱдӱма «ылі» Изьваӱ уджавны. Эжва, Двина, море да Печора пыр кытшолӱн мунігад, дерт, ылын. Торійӱн нин гортысь некытчӱ петавтӱм томиник нывьясыдлы да зоньясыдлы. Кардорын вежон сайӱ виччысьмаӱсь морскӱй пароходсӱ.

Колялы да Машалы муртса на тырöма дас көкьямыс арös. Кагаяс — вермисны шуны на йылысь лабутной верстыö йöз. Збылысь, ичотик тушаа, съодник Коля — визув детинка. Пытш кодьон шулывлöны татшöм инö öшйивтöм тэрыб детинкаестö. Сылön торья гажтöмалöмьяс оз тöдчыны, а вот жебиник, вöсни, югыд вира еджгов Манялön гортсö да мамсö гаралигön син дорьясын доршасьö синва, бырöма гажыс. Гырысьджык зоньяс, тыдалö, важön казялöмаось нывкалысь тайö слабинсö да нарошнö дэльöдöны:

— Эк, Машенька, көнкö, дзикöдз нин шоммис мамыдлön йöлыс!

Кланя да Катя, миян дорысь гоз-мöд арösөн ыджыд верстыö нывьяс, дошлöйсь нин.

— Нинöм,— том пöдруганысö ышöдöны найö.— Верös сайö петас да гажмас. Со тай изьваса зоньясыд куштöм молодеच्याс,— пиньнысö жерйöдлöны.

Верös сайö петöм йылысь гарыштöм бöрад Маня пель йылöдз гөрдöдö, яндысьö, синьяссö лэдзö, оз лысьт видзöдлыны ми вылö.

Коля видзöднысö пыста кодь и эм, а медводз сувтис öтлаын велöдчысь пöдругаыс дор:

— Эн пов, Маня. Налы аслыныс окота да сийön пиньнысö жерйöдлöны.

— Тэ эськö, Коленька, меысь бурөн он мын!— гылыда сералис тэрыб ёсь синьяса Кланя.

— Видлы,— збоялис Коля.

— Вот и видла!— нарошнö ыршасис Кланя.— Дорйысьысь петöма, быттьökö Маняыс сылön нин.

— А вот и дорья!— зилис мездысьны Кланяысь Коля.

Маня нинöм эз шу, ещö ёнджыка гөрдöдис, но тувсов дзоридз кодь сöстöминик чужöм вылас дзебсясис гуся нюм, тыдалö, кызди сылön арлыда унджык нывьяслы, воис съөлöм вылас татшöм сёрныыс.

Гажаа ми овмöдчим асланым «мöд классын». Нывьяс пуисны ыджыд дозийön юква. Пöрысь йöз шулöны: «Коктö кө кötöдан, и чуньтö нюлыштан». Ми эськö кокьяс эгö кötöдлöй, эгö тывьялöй, а Печораса свежой черинад ёна чöсмасим, пöсвятöдз панялим юква.

Войыс пуксис пемыд. Сөйöм-юём бöрын петим ывлаö да дыр пукалим, больгим öтитор-мөдтор йы-

лысь. Пароход шлопөдө-катө ю шөртыс. Рытбыдөн өтилаө эгө сувтлөй. Сиктъяс оз паныдасылыны. Берецъяс төдчыштөны вуджөр моз. Сөмын войвывладорын посныдик вөр визь вывтис кузя нюжөдчөма гөрд кыа. Пемыд. Прамөя кө видзөдны кутан, енэжын өти-мөдлаын тыдалыштөны жө югыд войяс бөрад полөмөн на му вылө видзөдысь, дзөрысь кодзувъяс, но найө вынтөмөсь югдөдны му вывсө. Шулоны, быд мортлөн эм енэжас аслас кодзув. Ме видзөда муртса дзирдалыштысь кодзувъяс вылө, көсья адзыны ассыым кодзулөс, но көни сийө?!

Коля Зыков горөдө сывны «У зори, у зореньки...» Ми өтувтам ассыным гөлөсьяснымөс сылөн гөлөс динө.

Войсө узим гортын моз. Мөд сутки нин, прамөя некытчө сувтлытөг, ми катам Печора кузя. Енэжыс йөвва рөма, дон сэзь. Лышкыда на му вылө зарни везъяссө койө шонді. Абу прөста тайө кадсө миян дедъяс, гашкө, налөн дедъясыс нимтылөмаөсь баба гожөмөн.

Помнита, гожөмъяснад (дай дзик на неважөн Бакарицаын), кор шондікөд тшөттш чеччан да шондісьыс на сөрөнджык водан, унпөт шедлытөгыд, асывъяснад сөмын узьөм йылысь и думайтан, а вот өни туяд поэьө сутки чөж узыны, да оз и узьсы. Пөсь чайөн чөсмасыштөм бөрын миян ыджыд вежөсса олысьяс быдөн ас ног коллялөны кадсө: өтияс пуксьөны кузь пызан сайө да лунтыр көзлаысь ворсөны картіөн; мөдъяс водөмаөсь нар вылө да лыддьөны кыз книгаяс.

Рытладорыс ми Манякөд пукалім ортсыса лабич вылын да варовитім, быттьөкө өтлаын чужөм-быдмөм йөз. Шулі тай нин, Маня таво Емдінын помалөма педагогическөй уклөна мөд тшупөда школа да вөзйысьөма ылі войвылө, вөчө медводдза ашпөр воськовъяс.

Ме кывлі, Изьва районса медылыс школаяс көнкө Адзва да Усва ю йывъясын.

— Культбазаө ли Хоседакардө кө мөдөдасны?— юалі Манялысь.

— А көни найө?— юаліс ныв.

— Тундраын,— шуи ме, көть ачым эг төд пра-

мөясө, ылынөсь-ө сийө местаясыс. Көнкө пө тай тун-
драланьын-а.

— Муна, — ньоти падъявтөг шуис Маня.

— Мунысь, — нырсө көрис орччөн сулалысь
Коля. — Тані гажтөмчөмыдла синвайд доршась-а.

— Велала, — эз сетчы Маня.

Мый томиник нывкайдлы, он и төдлы — шутөв-
тас. Меным окота вөлі, мед эськө сийө лоис матын-
джык, весиг син улын.

— Сэтчөдз мунигад бөжнад йиас сибдан, —
шуи ме.

Рытладорыс мыччысисны юра кымөрьяс, өта-мөд-
ныскөд өтувтчалысны. Мукөд лунсяяс дорысь төдчы-
мөн водзджык пемдіс. Сөмын көнкө ылын дзузнит-
лывлөны бакенъяслөн ичөтик гөрд бияс. Вой улө ыв-
лаыс прамөя зэрмис.

Водім сөрөнкодь нин. Асывнас чеччигөн көкъя-
мыс часыс на эз вөв. Гудыр кымөр өшійома ю весь-
тө, но зэрны дугдөма. Воддза лунсяяс моз жө паро-
ход шлопөдө-катө Печора шөрөд, буксир йылын кыс-
кө миянлысь баржанымөс. Юыс паськыд. Берегас
джуджыд нөрыс йылын тыдалө ыджыд-ыджыд ниа
пу, а сийөс кытшалөны сыв тыръя козьяс, кызьяс...
Видзөдлыны кө прамөйджыка, вөр-ваыс тані дзик
нин мөдкодь, озырджык.

Луннас час дас кыкын воим Усть-Цильмаө. Йө-
зыс галькиа алькөс берег вылас жуөмөн-жуө. Унджы-
кыс бергалөны том йөз, но сәні жө кодөскө встречай-
төны да колльөдөны изьваса нывбабаяслөн кодь кузь
сарапана, плюшевой ковтаа да кузь сыръя шөвк
чышъяна либө уна рөма шоньд шала олөма старө-
веркаяс.

Усть-Цильмаын миянөс баржа вылысь вуджөдіс-
ны пароход вылө, а баржасө татчө колысны.

Баржатөгыд «Республика» мөдөдчис төдчымөн
өдйөджык. Шонді лэччандорыс матысмим Изьва
устье дорө. Печора веськыдладор джуджыд кыр йы-
лын тыдовтчисны кымынкө керка. Тайө пө Поганөй-
Нос деревня. Төкөт्यों улынджык шуйгаладорсянь
Печораө усьө Неридз ю, а Поганөй-Нос весьтын моз
заводитчө ыджыд шар, кодөс шуөны Бабин шарөн.
Көнкө тані рочьяслөн да комияслөн межаыс. Водз-
ланьын вожалө миян рөднөй Изьва юным. Печораа-

Изьваа кост нӧрыс йылын тыдалӧны Устье сиктса сьӧдасьӧм вевта керкаяс.

Август тӧлысь помнад рытьясид миянладорын медся пемыдӧсь. Помнита, арся войнад кыбанінысь мӧдӧдчан гортад, да дзурс пемыд, гуын кодъ: кӧть синмад зургасны — нинӧм оз тыдав. Татшӧм пемыд арся рытӧ и воим ми Щельяюрӧ. Зэръяс бӧрын туйяс нййтчӧмаӧсь. Кималасӧн моз кайим берег вылӧ да мӧдӧдчим сикт кузяыс. Ӧти-мӧдлаын пемыдас дзуз-видзыштӧны би югӧръяс да кӧнкӧ кылыштӧ гудӧк шы, буракӧ, войпукъяс вылысь гортӧ мӧдӧдчӧмаӧсь том йӧз.

Асывводзнас локтісны ям кыскалысьяс. Донӧн корӧны. Менам зептын грӧш нин абу. Мӧдлім донъясны, но ӧти кӧпейка оз чинтыны.

— Ладнӧ,— кинас ӧвтыштӧ ӧртӧй. Сійӧ ме пыдди тшӧтш мынтысис, и ми баринъяс моз пуксим тарантасӧ да мӧдӧдчим Изьваӧ. Улыын кос турун. Юр улын пӧдушка, выліын — гӧна эшкын...

Кушникын вӧв шойччӧдігӧн суӧдісны мукӧд тӧдсаяс, тшӧтш Коля Зыков да Алексей Кустышев.

Бӧрӧ колины Бедамельса паськыд видзьяс. Керӧсӧ мунысьяс татчӧс перевозӧд вуджисны ю сайӧ да мӧдӧдчисны Ыбӧ, кодлӧн вывтасінса муясыс вӧр йывті тыдалӧны нин. Изьваӧдз коли верст дас. Шӧр Кучаын весалӧмаӧсь туйбокса вӧрсӧ да заводитӧмаӧсь стрӧитны баракъяс: тані пӧ лоӧ пуръясян запань. Генеральной запаньӧн кутас шусыны.

Заводитчис посни пожӧма кос яг. Пу йывъяссӧ мичмӧдӧ лӧччысь шонділӧн югӧрыс.

Шоньд. Шебрас улад куйлігӧн эг тӧдлы, вугыртсьӧма. Заводиті вӧтасьны. Рытыс пӧри водз асылӧ, шонді петан кадӧ. Ывлаын абу ар, а тулыс пом. Изьваӧ пыдди ми локтам рӧднӧй Уквавом сиктӧ. И локтам огӧ вӧлӧн, а пыжӧн, кызди пыр вӧвлывлі Мохчаын вит во чӧж велӧдчитӧн. Мыйлакӧ ми тулыс помын, кор миян войвылын ыджыдалӧны медся югыд, гора, кӧка войяс, пырджык гортӧ воывлім шонді петігӧн либӧ регыд шонді петӧм бӧрын. Пур кылӧдысьяс водз тулыснас кольлісны миянлы пыж. Велӧдчан во помасигӧн ми вит-квйт морт, Мохчаын да Изьваын велӧдчысьяс, чукӧрмывлім, ӧтвылысь ньӧблім кузь бечева да петлім кыксӧ ветымын километра

туйо. Визув ю паныд бечеваа пыжон гыжъясьны-каты тырмывліс вит лун, а квайтод лун пуксигас Важвөлөстьсянь мыччысьлывліс зёлөтитом вөрнас да вежөдысь муяснас Уква керөс, буретш сийо керөсыс, кысянь коркө, уна во сайын ми видзөдлім ю чукыль сайысь вичко кодь еджыд пароходлысь тайо местасын медводдзаысь мыччысьомсö.

Муяс дорын важ моз сулалө чукля йыла ыджыдыджыд пöрысь ниа пуыс, коді төдса меным ас кок йылө сувтөмсянь. Сийо век тыдалө миян керка öшиньясь. Чукультчөм йылыс ичот дырйи меным кажитчывліс бөра улөс либө кровать кодьон, окота лолывлі водны сы вылө да, чөскыд дука небыд лыскас чужөмөс гильөдігыр, куйлыштны шоныд төвру улас, видзөдны Извакөд өтлаасысь Уква юсайса чужан сикт вылө. Керөсийывса тайо ниаыс өна джуджыдджык кажитчис весиг миян көлөкөльняысь, кодысь джуджыдджык стрөйбаяссö ми сэки эгө на төдлөй. Тыдалө, та вөсна и окота лолі меным ичөтысянь кашасынь ниа йылас да паськыдджык синмөн видзөдлыны миянөс кытшалысь помтөм-дортөм вөр-ва вылас.

Төпканын зөркнитөм бөрын садми, но рөднөй сиктö воан серпасысь эг мездмы. Мөдарө, меным кажитчис, мый ме збылысь локта рөднөй сиктö.

Дас төлысьнад, төдөмысь, бырө гажыд гортсыыд да төдсаясыыд. Верст нель-вит сайсянь, гортдорса видзяс заводитчанінсянь нин заводитлім кывны чужан сиктнымлысь лов шысö: окота вөвлі берег дорын йирсысь вөвъяс пиысь аддзыны ассыным вөвнымөс да гөлөс тырөн шыасынь сы дінө: «Видза олан, Карко!»

Поңью вомын, сиктсыянь куим верст сайын, заводитчөны көдза муяс. Окота видзөдлыны веж өзимөн вевттысьсысь муторъяс выланым. Бечеваөн пыж кыскысь да бөжалысь кындзи ставөн петам пыжысь да осьлалам кыр йывтыс, кокъясөн пыркөдам том турун вылысь эзысь лысва мольяссö.

А со и Важвөлөсьт, мөсьяснымлөн нэмөвөйся йирсяніныс. Коркө миян пөлясным овмөдчылөмаөсь татчө, сөсся вочасөн вуджөмаөсь верст сайо катыдөджык, дзик Ухта ю вом горулө. Важ сикт местаын

кольома паськыд луд, көні тулысыянь арөдз лун и вой йирсыывлісны мөсьясным.

Гортын велөдчигөн эз кольылы прамөйджык тувсов вой, мед эськө ми, зонпосни (миянладорын став зон челядь ичөтысянь лоліны кыйсысыясон), эгө волөй Важволөсьт тыяс дорө утка кыйны. Мукөд вояс тайө ты вылас грымгывлісны-луйсыывлісны война вылын моз.

Кывтыдшор дорө вотөдз на ю чукуль сайысь мыччысьөны чужан сиктса быгалөм керка вевтыяс. Сикт горулын галькиын сярөдчөны зібъяслөн көрт подковьяс. Мыччысьөны тывъясысыяс, Пашко пиян, Лекар чукөр, гашкө, кодкө мукөдьяс, буретш кыскөны төня. Көтөрөн мөдөдчам тывъялысыяс дорө.

— О, гөстьяс тай локтөны!— здоровайгчөм пыдди шыасьө кодкө тывъялысыяс пиысь.

А миянлы нимкодь, мый абу вунөдөмаось ас сиктсаясным, мелі синъясон видзөдөны ми вылө, кызди прамөй йөз вылө нин.

Тывлөн матичаыс ыз-буз кайө галькиа нывкөс берег вылө. Комьяс, кебөсыяс, сынпиян асья шонді югөр улын дзирдалөны эзысь сьөмнас, бордьяснас да бөжнас шпорөдчөны, зільоны мынтөдчыны вөля вылө, но тывъясысыяс найөс тэрыба лөдөны ведраө либө шыблалөны веськыда пыж бөжө...

Пыжысь көлуй ящикөн гортө кайигөн окота, мед эськө тэнсыд воөмтө адззылісны унджыкөн, но сиктыс узьө на асья чөскыд унмөн, и некод оз паныдась.

Иганъястө миян сиктъясын, став мукөд коми сиктъясын моз жө, эз на төдлыны. Гольганөн гольөдчигтыр восьта посводз өдзөс да кызд позьө гораджыка пыра чужан керкаө. А мам кок йылын нин. Көть эгө юөртлөй локтөм йылысь, сійө виччысьө, немын вой нин оз узь прамөя, төдө, коді воис...

Көть шондіыс муртса на удитіс кыпөдчыны пу судта вылнаөдз, гортсаяс кодсюрө тшөтш чеччөны, медым видзөдлыны матө во вольтөм гөсть вылө, шензьөны: сөвмөма пө, ёнмөма...

А мам лөсьөдөма нин пызан вылө сөян-юан.

— Сөй,— воча пуксьөмөн сійө шуда мелі синъясон видзөдө ме вылө.— Кузь туяд, көнкө, ёна нин сюмаліс кынөмыд.

— Эз,— шуа ме, но пукся да босьтча азыма паявны мамлысь гортса чөскыд сёянсө, кодысь, веськыда кө шуны, йөзад олігөн удитіс жө нин бырны гажөй.

Сейом-юом бөрын мам тшөктө водны, шойччыны, а меным, чужан сиктө дыр мысти воом бөрын, абу окота дзык пыр водны. Босьта воклысь выль хромкасө, кодөс важ венка пыддиыс выпишитіс воддза во, да пета кильчө вылө. Сиктса йөз гудөк вылад некор эз шуасьлывлыны. Ме абу прамөй гармонист, но воқьяслөн важ двухрядкаөн гортын велөдчигөн на арся рытьясө, кор гудөкасысьясые ур кыянінынось, нардомын пөсвятөдзныс йөктөдлывлі нывьясөс.

Кольөм гождөм велалышті ворсны выль хромкаөн. Кузь төвбыднад бырөма гажөй сылөн мыла шыясысь. Пета кильчө вылө да нбөжйөнникөн заводита бөрийөдлыны «Югыд кодзувлысь» нориник мелодиясө, сөсся гораджыка нин ливкйөдла-ворса ассыым радейтана вальс «Березка»... Асья лөнь сынөдас торья юралөны хромкалөн небыд шыясыс.

Семья миян ыджыд. Көть кык чөй важөн верөс сайынөсь, өти вок да чөй ме моз жө велөдчөны бокын, ещө өти вок Печора да Изьва кузя катерөн новлөдлө пошта, гортын некөн жө на прамөя бергөдчыны: ми, томджыкьяс, тулыссянь арөдз узьлам амбарын вонйын либө сарайын додьясө кос турун вылө вольсалөм небыд вольпасын.

Ме пета турун сарайө. Джынвийө восьса өдзөсөд видзөда керкаяс весьтө сувтысь вөсньыдик медводдза тшын сюрьяяс вылас, синьясөс веськөда сикт кывтыдө. Сэні, кузь пос сайын рынышьяс дорын, Уквасай керөсса ниа моз жө сулалө ичөтысянь меным төдса пөрысь кыдз. Көнкө сэні мыла гөлөсөн чуксасьө көк, а сикт кузя бакөстлывлігтыр локтөны йирянінысь мөсьяс.

Ме вода доддө вольсалөм небыд вольпасьө да лышта морөс тырөн: бара вои гортө...

Думөн гортө волігкості ывлаыс пемдіс. Изьва сиктпомса Куча ю дорө воитөн муртса нин позис вөжөртны туйбокса понөльясө.

Сикт кузя рөдтам төдса ордө. Юрысь некыдз оз разавны горт йылысь думьяс.

«Нинөм,— такөда ачымөс.— Аски муна роноө да

вөйысы уджавны ас сиктса школао. Гашкө, вежон мысти лоя гортын...»

Татшөм думъясөн, прамой дыр ветлөдлөм бөрын, ме бөр вои асланым районной центрө — Изьва сиктө.

Аскинас, август 31-өд лунө, муні роноо. Сэні кыв-лөмаось нин миян воом йылысь. Майбыр, оз лыд-дысыны ми кодь том йөзыдлөн көсиймъясөн: менө индөмаось Абезь сиктса школао учительөн. Заводит-ли вөйысыны гортлань матөджык, но кывзыны оз көсийны. Сідзкө, прөщайтлы, чужан сиктөй, ещө өти во кезлө!

Аскинас нин ме пукалі учительскөй конференция вылын.

Изьвао локтөмаось миян сиктса сельполы груз катөдысыас. Рытнас дыр пукалі төдса каюкын, пось чайөн чөсмасигмоз төдмасы чужан сиктса выльторъясөн, висьтасы аслам ветлөм-мунөм йылысь, кытчөкө ылі Усва йылө учителявны мөдөдчөм йылысь.

УЧИТЕЛЬ

Миянладорын важысянь медся пыдди пукта-на йөз лыдын вөлі учитель, лыддисны, мый сійө медся уна төдө.

И со ме учитель жө, миян сиктысь петөм медвод-дза учитель. Буракө, та вөсна өні аслам сиктсаясөй, сюра-тошка мужикъяс, кодьяс туйөны меным бать вылө, но муртса велавлісны пуктыны кырымшаснысө, ме вылө видзөдоны ен вылө моз, оз эскыны, мый менө суктөма сійө жө пызынас, сөмын менам пай вылө уси ыджыдджык шуд, ме водзын паськыдджыка воссис югыдлунө өдзөсыс. Менам дона землякъясөй оз и кужны думыштлыны, мый меным да мекөд тшөтшьяясыслы төдөмлунъясө туйсө восьтісны буретш найө, ме водзын рама пукалысь да пензяна сиңьяснас лапйөддысь русөй кузь уска красной партизан Лаз Петра Ёгор кодыасыс.

Тайө адзысьлөмыс да сёрниасыс дыр эз лэдзны менө унмовсыны рытнас. Учитель. Ме эг на удит велавны тайө ним дінас. Мөдарө, эз эскысысы, мый өні-сянь лоя йөзыслы учительөн. Шуны кө нин, вывті

чутйось да кузь вöлі менам тöдöмлунгьясö пискöдчан туйыс. Аттьö ыджыд вокгьяслы, Лаз Петра Ёгор кодгьяслы жö, мый найö пыр ышöдисны, мыйöн вермисны, пыр отсалисны, эз сölöдны ме вылö, кызди квайт пиысь медся ичöt вок вылö, пöрысь бать-мамнымöс да сетисны позянлун тöждысьны сöмын ас вöсна.

Кöсьян кöть он, а кор оз узьсы, вольпасяд бергалигөн, не сы мында думайтан водзö лоана йывсьыс, мыйта казгытылан важсö.

...Му вылын мöд во нин ыджыдалис страшнöй германскöй война. Сиктьясö этшаөн нин колины верстыö том йöз.

Буретш вöлі меным квайт арöс да джын, кор гырысьджык чой-вок бöрся бöрдигтыр вöтчи школаö. Учителыс, Алексей Осипович, гижалис велöдчыны пырысьясöс, быдөнлысь юасис, кызди шуöны, кымын арöс. Сэки школаад босьтлисны көкгьямыс арöссиянь, та вöсна збойджыкгьяс тшапа вочавидзлисны:

— Көкгьямыс!

Учителькöд орччөн пукалис ас сиктса дядьö. Кызди сы дырйи шуан көкгьямыс арöс, кор тэныд сöмын квайт арöс да джын?! Отсöг вылö воис Марья чой, кодi вöлі ме дорысь нель арöсөн ыджыдджык да велöдчис коймöд классын. Сийö и кыскис менö приёмнöй комиссия дiнад да, кор юалисны кымын арöс, мышкö тувкöдигтыр вашкöдис:

— Шу көкгьямыс арöс...

— Көкгьямыс,— муртса кывмөн нурбыльтi ме да öдйöджык дзеби сингьясöс, мед оз казавны ылöдчöмöс.

— Ладнö, мед көкгьямыс,— Алексей Осипович мелиа нюммунис (тайö мелi нюмыс нэм кезлö кольöма менам паметьö) да менсым ним-овöс гижис тетрадьö.

Здук мысти нин ме тövзи-котöрти гортö, öдзöс вöсьтöмөн тшöтш горöдi:

— Примитисны!

Тайö луныс менам сийö кадся олöмын вöлі медся шуда лунөн.

Велöдчысь чой-вок дiнад быдмигөн ме школаö пыртöдз тöдi нин букваяс, кужи лыддыны сёöдз, артасьыштны. Велöдчи бура, та вöсна велöдысь ошкывлис, дышöдчысьяслы, тшöтш аслам ыджыдджык воклы тшöктивлис зильны ме моз. Меным, классын мед-

ся ичотлы, тодомысь, вöвлі любö, ещö на ёнджыка зільлі. Сöмын тай эз удайтчы дыр велöдчыны: тöлысь кык-куим мысти висьмисны синъяс, квайт-сизим вежон эг вермыв видзöдлыны лунся югыд вылас, ывла пемдытöдзыс пукавлі крöватын занавес сайын. Син чегöмön сэки миянладорын шулісны син висьöмъястö. Врачьястöгыд да фельдшерьястöгыд некод эз лечит: бурдан — ладнö, синтöмман — мöд ладнö.

Ме эг синтöммы, но таво кежлö ковмис эновтчыны велöдчöмысь. А сы вöсна, мый мöд вонас первой классыд эз вossы (ылі сиктъясса öти учителя школаясад выль велöдчысьястö босьтлывлісны быд кык воын öтчюд), первой классö вылысь веськалі öкмысöд арöс тыригön нин.

Ставыс воис аслас местаö, но пансис гражданскöй война. Мöд классын велöдчигön Изъваысь Эжва вылö бöрыньтчысь краснöйяскöд тшöтш муніс учительным, пöдласис школаным. Кык во ковмис виччысьны сылысь бөр вossьöмсö.

Бур ногön кө, ме эськö помалі нин гортса школатö, а öні ковмис заводитны бара мöд классянь.

Тадзи и колины воясыс, а сэсся куим во помея пукалім коймöд классын: тулыснас вуджöдасны нельöд классö; коркö ар помнас воас учитель да шуас: «Нель класстö öткөн велöдны ог вермы, көсьянный кө, пукалöй коймöд классын». Содтöд заданиеяс пö кута сетапны.

Кодлөн уджалан киясыд озджык тырмыны, сиктад дас куим — дас нель арöса зонъясыд да нывъясыд оз кутны кык-куим во пукапны öти классын, «тöv чужьявны».

Куим-нельöн и колим ми школа пасьталаыс быд во коймöд классö котралысь дылдаясыс. Öти лун ветлам песла, мöд лун турунла, а сэсся бара бокö öшöдам фанераысь вöчöм сумка да асыводзын дас — дас öти арöса детинкаяскöд вossьлалам школаö.

Вöвлі миян сиктын пинь жерйöдлыны радейтысь Öкуль. Öти асылö ме челядькöд сумкаөн вossьлала школаö, а сійö завор потшöс вылö гыррдзана с лэччысьöмön видзöдö да шпыннялö:

— Ныр улад гөн нин петö, а век на сумкаөн блёнöдчигтыр котралан школаö.

Гашкö, сійö лёксö нинöм эз думайт (аслас племян-

ничаыс меысь кымынкö тöлысьöн ыджыдджык, да пукалö мекöд öти парта сайын), прöста шмонитис, а меным лои яндзим, забеднö, окота вöли улича тыр-нас горзыны: «Ме али мый мыжа, нельöд классö нельöд во оз восьтыны да!»

Öкульлөн пырмунигмоз чöвтöм кывъясыс нэм кеж-лö мörччисны менам сьöлөмö. Öнi, кор менö индiсны учительöн, окота вöли веськавны ас сиктö, морöс паськөдөмөн сувтны татшөм пинь жергөдлысь водзас да ышнясыштны:

«Со, видзөдлөй учитель вылас!»

Мед юрнысö бергөдлөмөн шензьöны:

«Адöй, адöй! Со öд асланым учитель...»

Война воясыд чорыда дзугисны миянлысь велөд-чөмтö. Дас во коли первой классö первойысь мунөм-сянь шөр школаö веськавтөдз. Аттьö миян вөвлөм учитель Иван Семёнович Распутинлы, кодi сэки уджалiс нин ронын да туйдөдiс миянöс пырны Мохчаса мөд тшупöда школаö. Буракö, ыджыдöсь нин вöлим, та вöсна и школаса директорыс, важ купечьяслөн кодь кыз кынöма Николай Андреевич Канев юасис:

— Пионеръяс?

— Пионеръяс, — шуам ми.

— Комсомолецъяс?

— Комсомолецъяс! — öтвылысь жö вочавидзам.

— Но и гвардеецъяс, — шпыньмунö сийö да вись-талö, мый ми кодь гырысьяслы Красноборын вөсьö крестьянскöй том йöзöс велөдан школа. — Гашкö, сэт-чö мунанныд? — юалö.

Красноборöдз колö мунны ещö ветымын кило-метр.

— Öгö! — юрнымöс пыркöдам ми. — Красноборад мунны миян деньганым абу. Тани кöсьям велөдчыны.

— Но и велөдчöй! — сöгласитчис Николай Ан-дреевич.

Бöрынджык төдмалiм, сё морт пиад, кодъясöс при-митiсны кык параллельнöй классö, не этшаөн ми кодь арлыдаяс да весиг ыджыдджыкъяс: öд тайö сьöкыд воясас ми кодь арлыда унджык йöзыслөн миянлөн кодь жö кузь да чутйöсь вöли төдöмлуньясö туйыс.

Мохчаса мөд тшупöда школаö помөдз вужьясьны эз жö вөв кокни. Кык первой вөсö олiм крестьянскöй керкалөн куим нейджыд вежöсын морт комын бокысь

воюмаяс. Медся ичот комнатаас олісны нель-вит ныв. Лун кежлө фунт нянь, ичотик кружка шыд, пань тыр рок да төлысь кежлө фунт сакар вөлі сёянным. Чунь помысь төкөтё гырысьджык яй торъяссө быд обе-дайтёгон юклім «ен пудйөн»: өти бергөдчө мышкөн, а мөд индалө яй торьяс вылас да юасё:

— Тайө кодлы?


Тышыс и быдторйыс жө вөвліны яй торьяс вөс-наыс.

Арнас сьёрысь вайөм картупель мешөкыс да сукар ноппыс и отсавлісны төлөдзыс ловнымөс кыскыны. Сьөмьясыд крестьянскөй овмөсьясад омөля бергавлісны, а сёян-юантө кыксё ветымын верст сайсяныыд омөля ыстан. Сідзи волысь унджык кадсө кыским ловнымөс тшыг нисё пөтөсь.

Общежитие бырөдөм бөрын мянлы, бокусь чукөр-мөм велөдчысьяслы кутісны сетны 3—4 шайтөн төлысь стипендия, но көть кыз он зіль, а кум шайтгө төлысь чөж нюжөдны, пөтөса олөм котыртны некыз он сяммы. Сөйөм вылад рытнас изан көзьяйкаыдлы, пестө поткөдлан, а кынөмад век гура-гаракылө, колө мыйкө сөйыштны. И тадзи вит во чөж! Школаө тшөтш пырлысь сө мортсьыс колим дасөн, но век жө помалім школасө да со мөдөдчам нин учителявны.

Школа помалігад кажитчис, мый ми быдторсө нин төдам, а ылі туяд петалёгон да конференция вылын прамөй учителяслысь сёрнияс кывзёгон гөгөрвоим, мый унатор на огө төдөй, но кызкө-мыйкө өд уджалам жө: быдөн тай уджалөны.

БАРА ВЫЛЬ ТУЙ

 щө кум лун пукалім учительскөй конференция вылын Изьваын да Мохчаын, көні котыртөмаөсь учителяслысь курсьяс. Мохча сикт кузя ветлөдлігьясө кыйкьялі синьясөн, оз-ө паныдась Юля (мед, мися, видзөдлө учитель вылас), но эз паныдась, а сэсся төдмалі: вөтчөма верөс бөрсьяыс.

Воис кад разөдчыны. Маня Окуловаөс кольөдөны Ыбса школаө. Коля Попов мунө мян сиктсөветувса Пожня деревняө. Ме сылы завидьта.

Сентябрь 5-од лунö рытладорыс ёртъяс кольёдöны мянöс берег вылөдз. Бара выль туй. Ю сайын виччысис нин медалом вöv. Көлуйторнымöс меститим телега бöжас, асьным Николай Максимович Ануфриев-Петрунь другкөд водим тарантасö небыд кос турун вылө и видъяс вывти, öни нин прамой седокъяс, рөд-тим больнича динти Букурö. Вочасон ылысмисны Изва сиктса воймом-сьодасьом и обшивайтом-мавтом, виж да гөрд краскаясон мичмөдом керкаяс, на весьтын каменной вичколон вылө чургөдчөм, гөгөрбок ылысь аддзысь, турунвиж краскаи мавтом гөгрөс ыджыд куполыс да сыкөд орччон стөрөж моз ещö на вылөдзджык юрсö лэптөм кык судта көлөкөлня.

«Кор бара ми бöрсö волам татчö?» — думышти ме, да аслам төдлытөг петис ышлолой.

Ыбөд гөнитигөн ме гонняли отар-мөдар туй бокö, синъясон корсыси Маняös, кодлон карточкаыс мөд лун нин куйлис морös зептын. Зонъяс пö ошйысьысь-öсь, а ме тайö карточка йывсьыс поли гаравны весиг медся матысса другъяслы, на лыдын öни орччон куйлысьыслы.

Маня, төдөмысь, эз паныдась: сийö эз төд, мый ме тайö здукъясас, барин моз тарантасын куйлигтыр, гөнита Ыб сикт кузя.

«Ок, эськө, кольччыны кө öни татчö!» — юрын визьнитис гуся мөвп, и, мед пöдтыны сийös, вомгорулын заводити нургыны ачым ог төд кутшөм сыланкыв.

— Рекрутъяс! — öти дзиръя дорын, кыла, кодлыкө горөдис ар квайт-сизима детинка.

Ми гөгөрвотөг видзөдлим ёрта-ёрт вылө, зилим төдмавны, мый мян рекрутъяслон кодыс.

Видзөднысö, гашкө, ми туям нин рекрутъяс вылад. Томджыкъяссö мян школаын велөдчывлысьяс пиысь ставнысö кольөдисны кык төлысья учительскöй курсъяс вылө, а верстыөджыкъяссö, мянös нельөнös сөмын и курсъястөг мөдөдисны районса медся ыли пельөсьясö, кытчö, öни кө он мун, он веськав төвся туй пуксытөдз.

Аскинас воим Щельяюрö. Ковмис пароход виччысьны кык вежон. Нинөм он вöч, кор ыли войвылад мян сэтшөмөсь на туйясыс. Лэччylim төдмавны, кор мунас вывлань пароход.

— Лун сизим-көкъямыссө виччысьлөй,— шуоны диспетчерскöйын.

Сизим-көкъямыс лун. Щельяюрын няйтысла не-кытчö прамöя петны дай кытчö тані быдлунсö му-нан? Изьваö бөр кайны нинöмла жö: бөрья сьöмтор-тö видзан да водзö мунны он вермы. Меным быть колö виччысьны госторглысь да интегралсоюзлысь агентьясöс Усва йывлань катöдысь пароход. А агентья-слөн каюкьясыс пö Изьваынöсь на. Коркө воасны татчö да сөвтчасны... Сизим-көкъямыс луныд, дерт, кольö. Виччысигас позьö йймыны!

Ковмис овмөдчыны тöдсаяс ордö. Заводитчис Щельяюрын миян «гожьялөм». Сидз-тадз жövьялігад, патера вылын пöлатын туплясигад öти луныс кажит-чис тöлысь кузя.

Аскинас бара лэччим пристаньö. Локтöма ещö öти выль учитель Сергей Попов, ме дорысь арöсөн ыджыд-джык, паськыд пельпомьяса том зон, коді миянкöд жö помалис Мохченскöй мөд тшупöда школа. Сійöс индöмаöсь Кожва сельсöветувса Рөдь деревняса шко-лаö. Патеранас пырöма пристаньянь неылö кутшöм-кө öтка старука ордö.

Пыралім сылөн оланінö, сэсса мөдöдчим миянö. Чай юöm бöрын жövьялыштим сикт кузяыс. Ывла пем-дигас нин тутöстис пароход. Няйтсö собалигыр гөнеч-өн лэччим пристаньö.

Локтöма «Отмель». Юасям, оз-ö мун Усалань. Оз пö. Шуоны, сійö аски мөдöдчас Изьваö. Мед и Изь-ваö. Бергöдчас кө Изьва сиктсянь, лун куим мысти бөр лоас тані.

Витөд лун нин мучитчам Щельяюрын. Больгышт-ны кежавлам каюкьясö сёян-юан, дрöб-порок, көм-пась да мукöд пөлөс төварьяс сөвтысьяс дорö. Вой-вывса юяс йылö кыйсьысьяс дорö төвбыд кежлö мө-дöдчöны госторглөн да интегралсоюзлөн төргövöй агентьяс, ылі войвывсаяслөн «вердысьясныс». Найö жö заготовительяс.

— Энö шогсьöй,— ышöдöны найö миянөс.— Му-нöй да пывсьöй-мыссьöй... Йи сувттöдзыс ылын на.

Шогсьынытö, гашкө, ми ёнасö эгö и шогсьöй (вой-вывсаясыд туяд каднад абу велалöмаöсь лыддысь-ны), но век жö сьөлөмьяс абу местаынöсь, мися, тадз-над верман гөгöраяс моз бöжнад йиö сибдыны.

— Аддзёмныд мыйысь повны,— пиньсö жерйöдлö тшöтш миян кöзаяка.— Нывъясыс миян сиктын тыр-мöны. Сибданныд кö, кодкö ордö пыранныд овмöсö... Блинöн нök кутанныд чунявны. Татшöм сөкөл кодь том учительясыд оз на туплясьны креж улын.

Рытладорыс кык друг ёна и пывсим. Дзужгысь гор вылын пöжөм чöскыд дука небыд корöсьнад шло-пöдчигөн жарыс чеплялö пельтö, киястö, а сёлöмыд нимкодьясö.

Кунваён юръяс мыськалөм бöрын киськасям кö-дзыд ваён.

Абу прöста миян дедъяс да налөн дедъясыс лö-сёлдöмабсь жар коми пывсянсö: пывсьөм бöрад вир-йыйд шойччö, чöжö вын-эбөс.

Рытнас муним водникъяслөн клубö кино вылö. Фильмыс шусьö «400 миллион». Залас йöзыс шötö-мөн-шötöма. Унджыкыс томулов, но эмöсь и олöма мужикъяс. Квайт-сизим во на и коли миян сиктъ-ясын медводдза кинокартинаяс петкөдлөмсянь, а со сийö кутис нин пырны миян олөмö.

Лабич вылö вождчөмөн пуксьöма детинка да, чу-жөм вывсьыс пöсьсö соснас ниртыштлывлгтыр, каш-кö, тöчилабс моз бергөдлö динамо-мотор. А сийö мыш сайын ассыныс öчередь виччысьöны мөд, коймөд...

Коркö гортын велöдчигөн на, а сэсся Мохчаын шо-чиника миян пай вылö усьлывлі жö татшöм шудыс — мотор бергөдлгтыр дон мынтытөг видзöдны кино. Та-йöс он öткодяв гождöмын косаяс тöчитигөн кузь лун-тыр сьöкыд тöчила бергөдлөмыдкөд. Тэкөд орччөн зу-нясысь киномеханикыд кажитчö енмөн. «Вот мор-тыс!— завидьпырысь видзöдлывлан сы вылö.— Быд лун вермас сёлөм бурмытөдз видзöдны кино»...

Öнi миянлы оз жö ков кашкыны-бергөдлыны мо-тор: ньöбим билет. Вичмисны пукалан местаяс.

Быд дас минут мысти оръясьö лентаяс. Кызмыр-дөн видзөдiм куим часть, сэсся петiм да мөдöдчим па-тера вылö.

Бöрынджык ми сёлөмсянь завидьтiм Сергейлы, кодi сэтшөм прöстöя да öдйö аддзис аслыс энь пөвсö, да тани, Щельяюрын, и ми найöс ворсiгмоз гөтралiм. Пашкö, летаö воөм том морт кöсийс прöста дурышт-ны, но кымынкö лун мысти Печора катчöс найö мө-дöдчисны öтлаын.

Гётрасьомыс артмис со кызди.

Вой шөр бөрүн кодарсянькө воис «Республика» пароход (татчос олысьясид тутсан шы сертигис тёдөн пароходъястө). Ми төдiм нин: быд воис пароход Щельяурин сулалө матө сутки, та вöсна войнад эг и чепöсйöй шонид пöлатгысь, лэччим асывводзнас.

Миян Сергей лэччöма жö пароход дорö. Сийö уди-тöма төдмасьны кутшöмкө съöдник нывкөд, пуксьö-маöсь пельöсö да варовитöны. Зон видзöдлывлö син бöжнас миянланьö да вашъялö: со пö, ми вок огö узьöй.

Ми эгö кутöй дöзмöдчыны, мед кургöны.

Луннас бара суим найöс берег вылысь öтлагысь. Нылыс збой, варов. Веритны кө сылы, воöма Усть-Цильмагысь, Гаревогысь, мунö кытчökö Печора катыдö кага видзысьö медасьны.

Оз и эскыссы, верстьö ныв мөдöдчöма кага видзы медасьны. Шмонитнытö ми кужыштам жö нин.

— Аслыд ковмас регыд кага видзысьöс лöсьöдны,— сöрам ми.

— Кагаясыд вылисаян оз гылавыны,— ньöти падъявтöг крапкө сийö.

— Со тай,— индам вашъялысь Сергей вылö.— Тшöтш муаннуд дай.

Нылöс пыр и мөдiм коравны Сергей сайö.

А найö — мутивöйяс — гашкө и сёрнитчöмаöсь нин: ёнасö некоднанныс оз пыксьыны. Невеста водзын, кызди сöмын кужим, ми ошким Сергейöс (тöдам, корасигөн первой делö ошкыны корасьысьöс, сиктсаяс ногөн, төвар ньöбгысь «купечö», висътавыны сы йылысь эмсö и абусö).

Пузис öд! Рытнас нин ми том гозьяöс, Сергейöс да Микладораöс, водтөдiм көзаякаыслөн көдзыд кумö: оз гегдыны, абу крещенньö. Öтлаын чай чашка юөмтö öдвакө позьö лыддыны свадьбаөн, но бөрья воисö миян сиктъясын унаөн тадзи и вöчлывлисны: зон да ныв рытнас ветлөдласны мукöд ныв-зонкөд öтлаын, гажöдчасны, сэсся пырасны зон ордö, а асывнас сикт пасьта кывсьö: найö гётрасьöмаöсь.

Тадзи жö ми öтлаөдiм кык том мортлысь, Сергейлысь да Доралысь, öнөдз торья шорөн визувтысь олөмнысьö. Артмис мыйкө ворсөм кодь, но, гашкө, и гөрддзасяс семья. Наперво, ичмонь гозья кымынкö

лун мысти мян водзвылын Печора йывлань օтлаын мօдօдчисны Сергейлօн уджаланіно. Буракօ, оз каигчыны օтлаасьօмсьыс: чужօмьясныс пօртмасьօны нюмнас.

А ме век на виччыси Усва йывлань мօдօдчысь «Отмель» парходсօ. Лымъявліс нин, ывлаыс бօршондօдіс да лымйыс сыліс, мыччасьօ шонді. Николай Максимович другօй оз торйօдчы меысь: унджыксօ пօ виччысим да օтшаджыксօ виччысьлам нин.

Кык вежон нин кутіс тырны Щельяюрօ воօмсянь.

Рытнас аслас почтօвօй моторкаօн локтіс Вась вок да узьмօдчис мянкօд օтлаын. Быдօн гажаджык лои. Гортын пօ ставыс лючки-ладно. Сօмын пօ мам шогсьօ: та дыра эг мыччысьлы гортын да бара на օтша пыдди во кежлօ муна кытчօкօ, на ногօн, мутօм-муօ. Дерт, кօнкօ, мам сьօлօм полօ, мед бать кулօм бօрас медіօт пиыс, «вердысьыс», эз жօ дзыкօдз кօдзօдчы гортсьыс. Сօтшօмօсь нин мамьясыд, оз сьօм, а ловья юօр виччысьօны рօднօй познысօ օновтօм ныв-писяньныс: письмօсօ пօ тай кօть мед частօджык ыстօ. Квайтօд питօ борд увесьыд лօдзигօн эськօ, быттьօ, позис нин и велавны быдторйօ, а вот оз вермыны синва кысьтօг, и — ставыс. Ок, мамьяс, мамьяс! Уна жօ эськօ вичмывлօ тьянлы шогыс, да мый вօчан, кор сідзи артмօ олօмас! Ладно, мօда уджавны да, гашкօ, сьօмторнас корьясօкօ вермыны кута отсыштны.

Коркօ сօсся и воис жօ Щельяюр օновтан кад. Дас кօкьямыс какюк сьօрсьօн бօрсьօн домасьօмаօсь օтамօд дінас. Прамօй караван. Быдса деревня. Чердынса купечьяслօн օдвакօ коркօ чукօрмывліс та ыджада караваныс.

Татчօ воитօн поводдяыс вօлі гоґся кодь на, а талун, сентябрь 21-օд лунօ, мян войвылын ыджыдалօ настоящօй ар. И луньяс тօдчымօн дженьдаммысны: квайт час рытын, кор «Отмель» сетіс коймօд свисток, кօлесаяслօн паськыд лоптяснас шлуп-шлоп кучкис ваօ, калькօдчис берег дорысь, бергօдчис да злօдчис кыскыны каравансօ, — зрсялысь ывлаыс тօдчымօн нин пемдіс. Керօс горулօ лажыньтчօм керка օшиньясын օти бօрся мօд мыччысялісны чусыдіник бияс. Ыджыд курьяысь петіг да сикт весьтті паськыд Печора шօрօд катігкості ывлаыс дзыкօдз пемдіс.

Миян войвылын пароходъясыд шоча ветлөд-
лөны, да на вылын мунысьяс век тырыс.
Отияс мөдөдчөмаось орчча сиктъясö. Мөдъяс
вөрзөдчөмаось ылөджык. Эмось и сэтшөмъяс, кодъяс
уна сё верст сайысь волөмаось Изваө, районной цент-
рö призыв вылө, но салдатö абу туйөмаось да öнi бөр
мөдөдчөмаось гортланьныс. Паныдасьлөны ва туйөн
ыли пельөсьясысь лечитчыны волысьяс: больничайд
паськыд Печора вожад öти жö на, сөмын Мохчаын.

Кузь төв кежлад öнi ставөн тәрмасьöны гортлань.

Лягуша кодь паськыд укшалиник буксирка гыжъ-
ясьö визув ва паныд ньөжйөнник. Некутшөм классъяс
ни каютаяс абуось. Трюмас гөрд пельөсөн лыдды-
сьысь ичөтик вежөсын некытчö чуньтö суйны, тырыс
челядя бабаяс да пöрысь йөз. Пароходвывса матросъ-
яс, гашкө, рад корасны асланыс оланінгъясö шонты-
сьыштны, да некытчö жö.

Ми кык друг дзöргам палуба вылын. Бур ещö ват-
ной пальтоясным, пеля шапкаясным видзöны төвсьыс
да, кажитчö, ёнасö ог и кынмөй. А, гашкө, сы вöсна,
мый сэтшөм дыр виччысьөм бöрын бара туйынöсь,
пароходөн каям Печора кузя водзö. Көть ньөжйөни-
көн, но век жö мунам водзö, мөдасны паныдасьлыв-
ны выль сиктъяс, выль йөз. Көть кутшөм дыр эз кыс-
сьы, а ас районса туйыд век нин ас, и сийö мянөс
эз повзьöдлы.

Корсим прөстөджык пельөс да, пальтояснаным
гартыштчөмөн, сэтчö и водим.

Асывнас, ывла югдөм бöрын, воліс Няша сикт.
Сёрнитöны, быттьökö Няшаын матысса кадö кутасны
стрөитны баржаяс, пароходъяслы пу корпусъяс.

Öти интереснойтор шыбитчис синмö ывла югдөм
бöрад. Пароход бөрся сьөрсьөн-бөрсьөн вөтчысь ка-
юкъяс пöлясьöны лөз тшынөн: быд пыжын палуба
водзладорас изъясысь да лыаысь вөчөм нажег вылын
куслытөг ломтысьö бипур; ва вылад ёнджыка сөйсьö,
туй йөз пöшти дугдывтөг пусьöны, дучкөны-юöны кре-
пыд пөсь чай.

Няша бöрын Кыдзкар, Кыдзкар бöрын Кипиево,
сэсся Сем Öндрей, кодöс мөд ног шуöны Мутной Ма-
терикөн, Закар Вань... Ок, эськө мойдын моз кө позис

чеччыштны найос óta-модсыс торйодысгырыс костьяссө!

Вит вой да вит лун ми коллялім палуба вылын, кытчөдз эг воёй Щельябөжө. Николай Максимович чукөртис көлуйторсө. Сылөн туйыс тані помасьө. Торйөдча медбөрья велөдчысь другкөд, а меным колө на мунны куимсө кымын верст.

Ывлаыс пөшти быд асыв ворсөдчис лымйөн. Матросьяслөн, тыдалө, петис жалыс: Усавом сиктө во-төдз на менө овмөдчөдисны аскөдныс шоньд каютаө. Öнитө ме дась төлыс либө дырджык жыкруйтны пароход вылад.

Усавомын пароход кутас сулавны аскиөдз. Кавшасьлі джуджыд гөрайывса пошта вылө, кучки телеграмма гортө, медем мам да чой-вок төдөны, мый ме ловья да көть и дыр, но лючки-бура пискөдча уджаланіө.

Узянін да кынөмпөт йылысь шогсыны оз ков: матросьяскөд овмөдчи өти нянь-солөн, шьд-рокнад найө менө оз удзөдны.

Асывнас, муртса төдчыны кутис лөзьюгыд, Печора вылысь кежим Усва ю вожө, лунтырөн паныдась-лө уна пыдди өти-кык посныдик пөчинок. Бакенъяс ю вылын абуөс, көні вой суө, сәні и узьмөдчам.

Воліс ичөтик пөчинок Савита. Сулалө сійө Усва веськыдладор бокын джуджыд нөрыс йылын. Кымын-лаө нин ме волі, а нывбаба нима сикттө паныдала первойысь. Дерт, Екатеринбургьясыд вөвліны. Но өд Екатерина Втораяыд вөлі царица. А Савита — кыскө Изваладорыс волөм прөстөй нывбаба. Татчө овмөдчөм бөрас томөн кольөма посни ныв-пийскөд верөс-сыс, но вужьясьөма, овмөс паськөдөма. Весиг пөчиноксө нимтөмаөсь сылөн нимөн.

Савитасянь кымынкө верст катөм бөрын пароход коліс Адзва йылө мөдөдчөм каюкьяс, узьмөдчис Лар-Вань-Йиг сиктын. Ас орданыс узыны нуөдисны менө татчөс учитель гозья. Ва дорыс кайитмоз төдмөдисны сиктнас. Сійө абу ьджыд, но пелькиник. Керкаяс вилькодьөсь, прамөйгырысьөсь.

Татшөм жө кө эськө, мися, менам Абезь сиктөй.

Асывнас пемыдөн на бөр мөдөдчи пароход вылө. Войнас лым усис. Му эжыс еждөма. Кок улын вутш-какылө дзурыд лым.

Луннас шондöдыштис, но лымйыс эз сыв, сöмын небзис да мöдис кок улын вильсъявны.

Воліс Адак деревня. Изьваладорын джуджыд гөра йылö овмöдчысыяс йылысь позё кывлыны: «Адакын моз». Мыйла «Адакын моз» — ме гөгөрвои öнi. Деревняыс пуксьöма Усва веськыдладорса джуджыдсыс джуджыд гөра йылö. Войвывтö менам паськыдакодн нин лои кытшовтöма, но татшöм вылö пуксьöм сиктсö паныдала медводдзаысь.

Коді да мыйла бöрйöма овмöдчыны татшöм вылі керöс йывсö — шуны сьökыд. Кöнкö, мед ылысьджык тыдалас. Тöлыд, дерт, ёнджыка жö вичмас, но татчöс йöз оз повны чизыр тövъяссыд. Васö, кöнкö, босьтöны струбаясысь либö матысса шор-ельясысь. Тövнад, гашкö, ва дорад ёнасö оз и лэччывны... Тыдалö, гажтöм оз босьт, гөра йылын кö удитöма нин паськавны войвывса прамöй ыджыд деревня.

Дас лун нин коли Щельяюрысь вөрзёдчöмсянь. Сылöм пыдди лым содö. Лыя берегъяс, ластаяс, видзьяс рытладорыс шебрасисны еджыд эшкынөн. Ляпкыдик лыска пуяс дзормисны...

СО КЫТЧÖДЗ ПАСЬКАЛÖМА МИАН ВУЖНЫМ

Рытладорыс миян караван сибöдчис Косья ю вомö. Косья — Усва юлөн шуйгавывсянь öтувтчысь прамöй ыджыд вож. Шуöны, йылыс сылөн кöнкö Урал гөраясланьын, Колваысь вылынджык таладорсянь жö Усваö усьысь Сыня ю йыв дорын.

Помнита, во дас сайын тайö ю йывъясас дзебсисисны жугöдöм белогвардеецъяслөн Изьваладорысь пышйысь колясъясыс. Найöс бырöдöм могысь котыртлисны коммунистьясысь да комсомолецъясысь ыджыд добровольческой отряд. Менам Иван вок Двина вылын ранитчöм вöсна эз веськав Лунвывса да Польскöй фронтъяс вылö. Бурдыштöм бöрын сійö уджаліс Чибыюын нефть перьянінын. Найö, ухтаса кымынкö коммунист да комсомолец, тшöтш гижсисны отрядö да мунісны бандитъяслысь колясъяссö бырöдны. Сёр-

нияс серти, отрядлөн өти джынныс кайома Косья кузя, мөдыс — Сыня ю кузя. Каля-курья деревнян вөлөма чорыдкодь бой. Бандитьяс пөвстысь этшалы удайтчөма пышйыны Изсайлань либө паськыд тундрао көр видзысьяс дорө. Тайө вөлі миян войвылын гражданскөй войналөн пом.

Бөрсө краснөйяслөн отрядыс петөма Косья кузя Усва вылө. Косьявом сиктын вок веськавлөма миян воча чой Дарья ордө.

...Миян «Отмель» каюкьяссө колис Косья вомө, а ачыс пырис Косья ю вомсянь верст кымын сайө Косьявом сиктө, медым татчөс олысьяслы кольыштны кузь төв кезлө нянь-сов, шыдөс да мукөд вөлөга.

Ме куткыртчөмөн пукалі палуба вылын, видзөді татчөс вөр-ва вылас, зили дырджык кезлө босьтны паметьö став төдчанаджыкторьяссө. Миян Изва йывса вөрьясыд татчөс вөрьяс дорын ёна озырөсь, и думөн шензи, мыйла Матрос Фофан, воча чойлөн верөсыс, аслас семьялы оланіннас бөрийөма тайө, ме ногөн, гажтөминик пельөссө.

Бара сувтө син водзө ылө кольөм шуштөм серпас. Муртса помнита, во дас өти — дас кык сайын, кузь войнадырся тшыг воясө, Изва вожса мукөд сиктъясысь моз жө, миян Уквавом сиктысь унаөн мөдөдчисны «няня муө», Сибирө. Кодъяскө слегаа пыжөн, кодъяскө кондаысь вөчөм кокныдик пурйөн, овмөсторнысө сөвтөмөн, сикт горулысь вөрзөдчисны кызтны Изва кузя. Ва визулыдлы мый: кватитис туйө петысь пыжъястө да пурьястө и ньөжйөнникөн нөбөдис сикт горуvti.

Чужан сиктнысө эновтысь нывбабаяс, пидзөс вылө уськөдчөмөн, копрасисны, ырзиг-бөрдигтыр лыддьөдлісны, казтылісны челядь дырнысө, том каднысө, корисны прөща рөдвужлысь, төдсаяслысь, кодьяс пиысь унаөн сулалісны галькиа берег вылын да тшөтш бөрдісны: өд торьялөны некор аддзысьлытөм вылө.

Челядь вежөрнад, гортысь некытчө петавтөгыд, Сибирид, «няня муыд» миянлы кажитчис көнкө орччөн. Ю сай навөлөкын ныв пуйас сулалөны гачтөмөсь (морт судзанінсьыс став кырсьсө нин бөрья воясө кульөма да сөйөма), көдза муяс эжсялөмаөсь, кокьясысь бырөма лекыс — ва дор кыр кайитөн колө витысь шойчыны... Ми видзөдім мунысьяс вылө да весиг ас

кежын завидьтiм: регыд кутасны пöттöдз сёйны пра-
мöй нянь, кодöс ми «няня муö» мунысьяс моз жö ва-
жөн эгö аддзывлöй.

Кысь ми сáки вермим тöдны, мый гортнысö энов-
тысьяслөн «няня муö» туйыс Печора либö Усва бо-
кын и помасяс?! Бать воклөн медыджыд нылыс, квайт
челядя дöва Ириння (Дарьялөн ыджыд чойыс) чужан
сиктсьыс вөрзöдчис куим пикöд да кык нывкöд
(ыджыд нывсö таöдз удитiс сетны верöс сайö). Мед-
ыджыд пиыслы, семьяса «кöзьяиныслы», буракö, дас
сизим арöс кындзи эз на и вöв. «Китöм пурийөн» шу-
лывлöны татшöм семьяяссö Изьваладорын. Сьöкыд
корсьны мöд стöчджык ним. Уна татшöм «китöм пур»
сйö тшыг воясас вөрзöдчылис нэмöвöйся оланiнсьы-
ныс. Кывсьылис, öткымынъяслы петöма шуд пискöд-
чыны Изсайö, Мыжы да Березово сиктъясöдз. Унаöн,
торйөн нин челядь да пöрысьяс, ловнысö сетöмаöсь
енлы туйын, а ловйөн кольысьясöс олöмыс шыблалö-
ма ыли войвывса разнöй ю вожъясö. Кöнкö Колва йы-
лын олöны öнi мяян Ириння чойлөн ловйөн кольыс
ыджыд пиыс да нылыс, а ачыс сйö — öткымын му-
кöдъяс моз — олöм бурмыштöм бöрын кымынкö во
мысти бөр пискöдчис чужан сиктас.

Бать визь кузя менам кызь сайö воча вокъяс да
чойяс. Мам кузя матö кык сы мында. Налөн унджы-
кыслөн верстьö челядь. Асьным дас рöднöй чоя-вока.
Веськыда кö шуны, унаöс на пиысь, гашкö, ме ог нин
и тöд. Абу дивö, кор сэтшöм паськыда ми разалöма-
öсь быд пельöсö дай арлыднаным сэтшöм ёна торъя-
лам. Дарья чой — бать воклөн сизим либö кökьямыс
чоя-вока лыдын медся томъясысь öти. А сылөн
ыджыд пиыс, буракö, мекöд тшöтшъя. Ог кö вись-
тась, кысь сылы öнi тöдны менö, тырвыйö верстьö
мортöс, сэзь лунö гым моз татчö веськалiгад?!

Бли пельöсъясад пароходъясыд воывлöны шоча,
да лун кöть вой, сйöс видзöдлыны ю дорö уськöдчö-
ны не сöмын верстьö йöз, но и пöрысьяс да челядь.

Косьявом сикт дорö матыстчигөн пароход сетiс
гора кузь свисток. Пароход домасигөн ляпкыдик
лымья берег вылын тырыс нин жöдзисны челядь и
гырысьяс. Кöть муртса на усис первой лым, олöма
йöз да челядь унджыкыс кокныдик маличааöсь.

Пароход пö танi мöдас сулавны уна пыдди час.

Ме нюжмасьтөг петі берөгө да мөді юасьны Феофан Истоминлысь керкасө.

— А со сылөн пияныс,— шуис кодкө да индіс тані жө йөз пиын сулалысь паськыд пельпомъяса шөркодъ тушаа кык том зон вылө.

Кутшөма көть найө эз вөвны быдмөмаөсь да верстяммөмаөсь, наын ме төді ичөтдырся другъясөс, воча чойлысь пиянсө, Микулөс да Васькаөс, кодъяскөд ми, шег кодъ детинкаяс, уна во сайын ворслывлім чужан Уквавом сиктын налөн выль керка срубыйн, кодлы абу силөма воны олан керкаөдз.

Миянөс кытшалісны Микуллөн да Васьлөн меным төдтөм нин посныдджык чой-вокныс, и ми мунім налөн пывсян кодъ ичөтик керкаө. Орччөн сулаліс эштөдтөм на ыджыд выль керка, кодөс кык вок ләптөмаөсь батьныс кулөм бөрын нин.

Висьтасьөм бөрад воча чой менө төдіс, чужөмнас топөдчис пельпомө да бур здук горөн бөрдіс, сәсся, пызан вылө сөян ваялігтыр, мөдіс юасьны чужан сиктса выльторъяс йылысь, бать-мам, чой-вок, рөдвуж йылысь. Бать кувсьөм йылысь төдмалөм бөрын бара бөрдыштіс: мада дядьөй пө менам, оз нин сюрлы сәсся видзөдлыны тэ вылө ловъя синмөн. Төдчис, нывбабалы сьөкыд ордны вужъясөс чужан сиктысь, ичөтысянь төдса йөз пиысь. Кор ме гарышті гөститны ветлөм йылысь, сійө сьөкыда ышлолаліс.

— Мада вокөй! Кытчө нө вөрзөдча кузь туяс гатшөм сіт пурнас,— индіс мелань сюся видзөдысь поснияс вылө, кодъяс пиысь унджыкыс вөліны тані чужысьяс.— Коді мөдас видзөдны на бөрся, батытөмъяс бөрсяыс. Дай коді тэнө нуөдас-вайөдас куш зепнад?!

Збыль өд: ме со матө төлысь нин писькөдчи Изьвасянь Косьявом сиктөдз, көть туйө вөрзөдчи эг куш зептөн. А Изьвасяньыд на өд колө кайны миян чужан сиктөдз матө куимсө верст. Шуам, сәтітө позяс мунны пөпутчикъяскөд сьөмтөг, а коді тэнө ләччөдас дон мынтытөгыс Усва да Печора кузяыс пароход вылас?!

Кузь туйыд, гашкө, кымын төлысь босьтас, а коді сәк кості вөдитас мөстө, видзөдлас посни челядь бөрсяыд, кор гырысьяс оз и пуксьывны места выланыс: лун-лун вөтлысьөны ур да кынь бөрся, төлын ләчкөн кыйөны вузөс байдөг, а турун пуктігөн да кыйсигөн вичмывлысь прөст здукъясас стрөитөны-лөсьөдөны

прамөйджык юр сюяннн, медым аслыныс семьитчыны да пыдөджык лэдзны татчөс муас Матрос чукөрлысь вужсө. Челядь велалөмаось нин татчөс вөр-ваас. Найö оз вийсьыны мамныс моз, оз ышлолавны.

Юасиг-висьтасигад да дыр аддзысьлытөм бöрын важсө казытылігад, вөлөмкө, öти часыд — зэв дженныд кад.

Пароход тутөстис нин, чуксалис ичөтик сиктö рэдчөм пассажиръяссö, командаса öткымын йөзөс, кодъяс ме моз жö котөртисны аддзөдчывны рөдвужкөд, пукалісны пызан сайын, тэрмасьөмөн чеплялісны татчөс чөскыд чери да чунылісны нөк.

Здук-мөд мысти ми прöщайтчалім нин берег вылын. Воча чой эз төд, мый вөчны. Сійö дзикөдз шөйөвошис, мый ме, сыкөд öти вужйысь петас, татшөм регыдик кежлө мыччысьлі сы ордын...

— Тулыснас, бөр мунігөн, дырджык гөстита, — син доръяс чышкалысь, ваймысь нывбабаөс бурөді ме, көть тулысөдзыс, гашкө, весиг гожөмөдз, төдтөминын колө вуджны кузь төв, заводитны да помавны аслам нэмын медводдза велөдан во. Вола ли от коркө мөдысь татчө (Юсьявом сиктö колө нарошнө кежавны Усва ю вывсянь), но морт олө водзө вылө надеясөн, та вөсна ме көсйыси и, колльөдысьяслы пароход вывсянь киөн öвтігыр, бара мөді туявны «няня му» корсьысьяслысь туйсө. Кыр йылын мукөдъяскөд öтлаын, аслас уна лыда челядь кытшын, кияссö киняулө сүйөмөн да юрсө пöлынтыштөмөн, сулаліс верстыö арлыда на, но сьөкыд олөмнас пыдзыртөм воча чой. Сы вылө видзөдігөн менам син водзө сувтис аслам пөрысь мамөй, коді тадзи колльөдлывліс миян рөднөй сиктгоровса галькиа берег вылын ылі туйö, салдатö либө нажөтка корсьны, а сэсся и велөдчыны ассьыс уна лыда челядьсө, тшөтш и менө, медся ичөт писө, кодлы быдторйыс жö нин сюрлі олөмас паськыд туй корсьысигөн. Ме нин öні муна удж вылө. От «няня му» корсьны, а удж вылө, кыдзи сямма, кута велөдны челядьөс овны выль ногөн, стрөитны выль олөм, сэтшөм олөм, көні оз ковмы корсьысьны «няня муяс». Гашкө, көнкө и эмөсь няня муяс, но не тані, Усва бокын, көні сы мында сиктъяс да пөчинокъяс нин меным паныдасьлісны, но некысь на син улө эз усьлыны ни көдза муяс, ни картофупель градъяс. Та

вöсна и госторглөн да интегралсоюзлөн төргөвöй агентьяс вылö татчöс олысьяс видзöдöны еньяс вылö моз, шуöны найöс вердысьясөн.

Косья ю вомын миян пароход бара «доддясис» каюкьясö да мөдöдчис шлопöдны-кайны паськыд Усва ю кузя. Верст квайт мунöм бöрын «Отмель» сибöдчис кык керкаа пöчинок дорö пес босьтны. Танi и узьмöдчим.

АБУ СТАВ «НЯНЯ МУ» КОРСЬЫСЬЯС ÖТКОДЬÖСЬ



скинас, октябрь 1-ой луно, садьмөдiсны водз, час нёлын. Ывла югдiгөн миян «Отмель» бара нин пöлясис сьöд тшынөн, чушнитльвлiс еджыд руөн, шлопöдiс-курасис визув ва паныд. Кöдзыдыс вочасөн крепаммö, а пароходлы ковмас на бөр кывтны Щельяюрö төвьянiнö, та вöсна тэрмасьö талун водзджык воодчыны Петруньö, ректысьны да аски асывводзнас бергöдчыны ва кывтчöс.

Петруньсянь пö менам уджаланiнöдз, Абезь сиктöдз, квайтымын верст сайö на. Шогся, кызди кута мунны: öд танi ва туй кындзи, тöдöмысь, абуöсь некутшöм мөд туйяс. Кöлуйторнад подөн он кыссьы.

— Каюкаяс нуöдасны,— ышöдöны менö ветлöм-мунöм матросьяс.— Ми сёрнитчам.

Збыльысь, Петруньö воём бöрын найö сёрнитчöмась госторглөн öти агенткöд. Гөрд уска, ар комын вита, шөркодь тушаа Хозяинов, кодöс став Усва вожын шуöны Ласта Мишөн, тшöктiс вайны кöлуйторiйöс аслас каюк вылö.

Узьны нуöдiс татчöс том учитель Николай Шиханов. Ва дорысь кайигмоз дась югыдөн сийö тöдмöдiс менö сиктнас да öткымын татчöс олысьясөн.

Петрунь сикт дiнтi матi тундралань мунö Рөгөвöй ю. Тайö ю пöлöныс гожьянiнсянь төвьянiнö да төвьянiнсянь гожьянiнö вой море дорö асланыс көр стадаясөн нэмыс ветлöдлöны ненецьяс да комияс. Усва юдорса нöрыс йылын ненецьяс пируйтльвлöмась да асланыс Бөлбан нима енлы кольлöмась быдса көр тушаяс. Та вöсна кыськö Изьваладорысь воысь да

татчö медводдзаөн овмöдчысь Петр Хозяиновлысь оланінсö шуöмаöсь Бөлбан сиктөн.

Интереснö. Усавомсянь верст кызь вит катöм бöрын Колва ю вом дорын паныдасьлис нин кымынкö керкаа Бөлбанбöж пöчинок. Колва сиктöдз тасянь веськыда вит верст кындзи оз ло. Тыдалö, Колваса ненецьяс татчö джуджыд мыльк йылас сідзи жö чукöртчывлöмаöсь кевмыны да пируйтны асланыс Бөлбан-ен дорö.

Петр Хозяиновлөн кулöм бöрын сиктсö нимтöмаöсь Петруньөн. Тайö, тыдалö, не сы мында легенда, мыйта ловья история. Петруньлысь вужсö оз на ков корсьны уна нэмьяс сайысь. Öнiя Петруньса Хозяиновьяслөн матысса рöдвужыс олöны Изьва погостын либö Гамын, Батмановьяслөн — Мохчаын, Филипповьяслөн — Кулимын, Ануфриевьяслөн — Красноборын.

Сиктас эм Вадор, Шöр улича, Кывтыд да Катыд помьяс. Пöрысь йöз кывьяс серти, кольöм нэм помын танi вöлöма кымынкö олысь, а öнi Петрунь — Усва вожын медыджыд да медмича сикт. Танi эм сельсöвет, изба-читальня, сиктса библиотека, кооператив аслас лавкаөн, нейджыд пу вичко, начальнöй школа, кöнi сиктса олысьяслысь да кöр дорын ветлöдлысьяслысь челядсьö велöдöны кык учитель.

Керкаясыс сиктас кызвыннас выль кодьсö, прамöй гырысьсö. Ю кыр йылас гөгöрбок обшивайтöм да югыдвиж краскаөн краситöм медся ыджыд да медмича керкаыс Горалөн. Горанас нимтылöмаöсь том дырйиыс на ён гөлöс вöснаыс, да мöд ним сылысь öнi этшаөн нин и тöдöны. Овыс Вокуев. Чужлöма көнкö Изьваладорын жö. Томысянь пастукалöма озыр кöр видзысьяс ордын. Дас вояс чöжөн ачыс лöсьöдöма ыджыд кöр стада. Челядь абу вöвлöма. Асьныс, гозья, пöрысьöдз-нэмöдз ветлöдлöмаöсь кöр дорын, а ныр вылö усигкежлас Петруньын юлань банөн зымкнитöма-лэптöма со кымын вежöса гырысь öшиньяса коромина! Кадыс тай мöдджык лои, а эськö изьваса купечьястö суöдiс.

Гора керкасянь неылын Шöр уличалань банөн сулалö мöд ыджыд выль керка. Тайö пö богомаз Сорвачёв котырлөн, кодьяс кымынкö во сайын кыськö Эжваладорысь локтöмаöсь татчö нажöвитчыны, сэсся

вужъясьомаёсь, паськөдчөмаёсь. Сорвачёв да сылөн верстё пияныс татчөс йөзлы да көр видзьясьяслы образьяс рисуйталөмаёсь, сэсся вочасөн вуджөмаёсь скөт видзөмө, кучик, көра-көлуй да дона прөмыс ньөбөм-вузалөмө, и өні, шуоны, нагсь озырджыкъяссө сьөкыд корсьны матигөгөрысь. Дошлөй йөз пө. Бать да гөтыра пияныс пө места вылө оз пуксьывны, маклачитөны. Медся ичөтыс, Санька, гөтыртөм на, во-мөд сайын велөдчис Мохчаса совпартшколаын. Вежөрнас да сюсьлуннас сикт пасьта жө нималис. Öнi сийө служитө армияын. Сёрнитөны, быттьөкө, озыра олысьястө топөдны заводитисны да, өткажитчөма бать-мамсьыс да чой-воксьыс, но сёрнитнытө быдтор позьө: кывйыд пө лытөм.

Сикт помын сулалис петруньса мөд совпартшколь-никлөн, комиө пөрөм ненец Алексей Хатанзейскийлөн важ пывсянысь вөчөм ичөтик керка. Батьыс кувсьөм бөрын том зон мамыскөд да чойыскөд овмөдчөма сиктө, Сорвачёвкөд өтлаын кык во велөдчис Мохчаса совпартшколаын да өнi Сыктивкарын помалө мөд тшупөда совпартшкола. Танi пө, вөрса банька кодь ичөтик керкаас, өнi олөны мамыс да ичөтджык чойыс, кынөмпөтсө перийөны сийө жө сорвачёвьяслы, гораяслы да мукөд справнөя олысьяслы көр куысь көмпась вурөм да гортгөгөрса уджъясын отсасьөм помысь.

А сiдзисө петруньсаяслөн керка гөгөрьяс пелькөсь, олөны сөстөма, став олан сямсө, модасө, обычайяссө вайөмаёсь татчө, ыли войвылө сьөрсьыныс Изьваса гырысь сиктъясысь, воөм морттө гөститөдны нинөм оз жалитны.

Рытнас Шихановкөд ветлим войпук видзөдлыны. Том йөзлөн сылөм-ворсөмьяс нинөмөн оз торъявны Изьваса сиктъясын дорысь.

Асывнас чеччи водз. Час квайтын лэччи каюк дорө. Көдзыдыс төдчымөн крепаммөма. Каюкөн катысьяс унджыкыс ме моз жө узьөмаёсь сиктас төдсаяс ордын. Öткымынъяс локтисны ме бөрын на.

Час сизимын лэптим каюк весьтө брезент парус да пемыдкодьөн на йөткыштчим берег дорысь. Миянкөд тшөтш Петрунь улысь вөрзьөдчис госторгса мөд агентлөн, Изьва сиктысь паськыд тошка Иван Павлович Поповлөн каюкыс. Чизыр төлыс пөльтис парусьяссө. Ыджыд пыжъяс, паськыд морөснаныс визув

васö поткөдигтыр, бузгисны-катисны ю шөрөд, панласисны ва катчөс быгыльтчысь веж гыясыскөд. Кыр йылын сулалысь ляпкыдик козъяс да кызъяс катласисны төв улын, йывнаныс да ув вожъяснаныс өвтчисны, кажитчө, шувгисны: «Аддзысьлытөдз!»

Төлыд, вөлөмкө, бур отсасысь: лунтыр эз ковмыв кутчысьлыны зибъясө. Кузь-ө и арся луныд ыли войвылад, а верст комын кырсыштим. Кык каюк катисны отлаын моз.

Рытнас, ывла пемдигөн, кутим матысмыны Тошни деревня дорө.

Тошпиын мянөс суис октябрь коймөд лун. Дас кык лун ми писъкөдчим татчөдз Щельяюрсянь. Шуоны, тасянь Абезьөдз верст комын. Бара кө кутас сэтшөма жө отсасыны төлыс, позьө воөдчыны өти лунөн. Сөмын тай төлыс лөнис, парусьяс эз кутны отсасыны. Деревнясыс босьтим вөвъяс да мөдөдчим вөла бечеваөн, кызди нэмыс нин войвывса юяс кузя ва паныд кыскывлөны ыджыд пыжъяс.

Рытладорыс енэжын кымөръяс вөсняммисны да лоис ещө на көдзыдджык. Шочиника мыччысьлылысь шондйыс югдөдыштлө, но ньөти оз шонты. Ва вылын мыччысис сөник, либө шуга. Сийө надзөникөн мөдис сукмыны, пыр чорыдджыка ниртчыны пыж нырө.

Пемдандорыс воим дас кык керкаа Феон деревняө, коді Петрунь да Тошни моз жө пуксьөма Усва веськыдладор кыр йылө.

Иван Павлович Поповлөн каюкыс сувтис Феонө, а Ласта Мишлы Елецөдз туйыс зэв на кузь, да тэрмасис, эз весиг кут шойччыны Феонын, зилис вой кежлас воөдчыны Абезьө, кытчөдз тасянь арталөны верст квайт-сизим. Витсө верст бөрад квайт-сизим верстыд абу нин мунантор.

Феонсянь Абезьөдз лөк берег вөсна бечеваөн кыкыны оз позь, та вөсна мөдөдчи зибъясьөмөн. Зибъясным йизисны да ки улын вильсьялөны. Зілям мый вынысь. Шоныдыд шедө, а тыра каюкыд ва паныдтө, да ещө шуга петігад, кайө ньөжйөнник. Джын туйсө на эгө мунөй, а пемдим нин.

Шуоны, сиктөдзыс коли верст кык кымын, но вынъяс бырины.

Сибөдчим берегө, шойччитгмоз чайөн чөсмасыш-

тім, босьтім каюк дінө домалөм ичөт пыжсө да сійөн мөдөдчим Абезьө. Сиктыс ю мөдарас. Зібьяс да пельсыяс отсөгөн кутім вуджны паськыд Усва ю сайө. Водзланьын шуйгавывсянь Усва дінө өтувтчө Изладорсянь писькөдчысь Льөмва, та вөсна тані Усва юыс ещө нин паськыд да визув. Пыж боксө дзижтө-люкалө сөнікысь артмысь йи, но бөрынтьчыны некытчө.

Дырөн пемыд пырыс писькөдчим жө мөдар берегөдзыс. Зібьясигтыр кималасөн моз катім лыа да галькиа берег пөлөныс и вой шөр гөгөрын сибөдчим Абезь сикт улө.

Сиктыс узьө. Джуджыд кыр йылын төдчыштөны керкаяслөн сьөд мыгөрьяс. Көнкө сәні жө шыасьывлөны поньяс...

Ласта Миш не өтчыдысь нин катлөма-кывтлөма Усва кузя, та вөсна быд сиктын — ас морт: быдөнөс төдө и сійөс быдөн төдөны. Өні, йи петігад, сылы ас вынөн Усва йылө писькөдчыны лои сьөкыд, та вөсна локтіс татчө йөзөс да вөвфьяс медавны, тшөтш зілис инавны менө места вылөдз.

— Со и помасис туйыд, учитель, — пыжысь петөм бөрын важ друглы моз шуис сійө меным.

Оз и эскыссы, мый нельөд төлысь тыртөдзыс менам кузь туйөй өні кежлө помасис.

ТАТЧӨ МЕ ДОМАСЯ ДЫР КЕЖЛӨ

Пөлысь тырмис локны уджаланінө Изьва сиктсянь, асланым районной центрсянь. Ме некодөс ог төд, ни менө тайө сиктас некод оз төд. Төдтөминө воитөн сьөлөм пыр полө: кодлөн вичмас тэныд шоныд пельөс дженьдөдны кодзыд арся войсө?

— Мөдім, — шуис Ласта Миш да пельпом вылас ләптіс менсьым кокньыдик ыджыд ящикөс. — Видлам корсьны узянін.

Кутшөма ас думысь аттьөалі ыджыдджык өртөс ме вөсна төждысьөмсьыс! Босьті мандолинаөс да ружьеөс, учителявны мөдөдчигөн босьтөм сьөм вылө ньөбөмторьясөс, и вөтчи...

— Абезьыд өні прамой сикт нин, — пемыдас кокъясон бөрйыситыр ва дорсянь кайитгмоз менө төдмөдис проводникой. — Төвнас котыртчис сельсовет. Өні оз нин ков быд ичотик могөн мунны квайтымын верст сайо Петрунө.

Ласта Миш менө нуөдис катыд помас Филиппов ордө, код ордын вөвлөма воддза воясө школаыс.

Дивө! Абезьө воөмөн тшөтш тані нем виччысьтөг паныдалі кык төдсаөс. Вөлөмкө, сельсоветас секретарнас уджалө Изьва сиктысь Гришка Филиппов, коді ме дырйи жө во-мөд велөдчис Мохчаса мөд тшупода школаын, сәсся кытчөкө воши, а, вөлөмкө, сійө мунөма Усва йывлань да со өні «писаралө». Удитөма нин крукыштны Тошпи деревняысь медмича нывсө. Ичмонь гозья овмөдчөмаөсь Филипп Григорьевичлөн медыджыд комнатаө, көні кольөм кык воө велөдөмаөсь челядьөс.

Мөд төдсаыс — көзяиныслөн пиыс, Тит, коді кольөм воясө служитис Изьва сиктса военкомат бердын, да сәні лыйсьөм кузя ордйысигөн ми ськөд төдмасим, көть думыштлыны эг кужой, мый олан туйой менө коркө вайөдлас Усва бокө сы ордө.

Шулі тай нин, ылі сиктъясад учительтө, пөрысь көть том сійө, век пыдди пуктывлісны, лыддьывлісны быд боксянь медся сөстөм да уна төдысь мортөн.

Сөрниясысь тыдовтчө: кык ли куим во сайын на и медводдзаысь вощьөма Абезьын школаыс. Меөдз тані велөдөма Мохча сиктса Тод грездысь пөрысь учитель Павел Никифорович Кожевин, кодлөн гырысьджык челядьыс вөліны нин ми кодь кымын арлыдаөсь.

Патеранас Кожевин олөма Репиньяс ордын. Ләдзасны кө пө, меным, гашкө, сэтчө жө и овмөдчыны. Но тайө тыдовтчас аски, а өні сиктыс узьө вой шөрбөрся чөскыд унмөн.

Менө первой төдсаыс примитісны бура, вердісны-юкталісны, водтөдісны шоньд вольпасьө да туяд кынмөм бөрын сәтшөм чорыда унмовсьөма, мый колльөдысьяслысь асивводзнас мунөмсө эг и төдлы.

Садьми югыдөн нин. Пызан вылын еджыд руөн пөлясис кыз рушкауа ыргөн самөвар. Ськөд орччөн куйліс ыджыд черинянь. Нырө өвтіс жаритөм яй да пөсь шаньга көрөн.

Помнита, тадзи жö коркö, ичöт дырйи на, вöвлі гортын праздник асывъясö. Гашкö, талун менам олöмын праздник жö: выль оланінын, асшöр удж заводитанінын пуксьö медводдза лун. Кузь туй помасьöм бöрад сьöлöм нимкодьясьö и мыйыськö тöждысьö, польштö: кызди менö паныдаласны сиктса йöзыс, челядь, кодьясöс велöдны ме татчö сэтшöм дыр да, позьö шуны, сьöкыда писькöдчи. Тырмас-ö сям лоны налы ас мортöн?

Сейöм-юём бöрын сельсöветса секретаркöд мөдöдчим тöдмасьны сиктнас. Некутшöм прамöй уличатöг кызсюрö пуксялöм дас сизим — дас көкъямыс керка. Мукöдыс посныдикöсь, кык-куим öшиняöсь. Медся ыджыдыс да ёныс, гашкö, Филипп Григорьевичлөн керкаыс, көні ме шойччи медводдза войсö. Сійö сулалö Льöмва юлөн шуйгаладор джуджыд кырйылын деревня катыд помас.

Льöмва — прамöй паськыд визув ю. Деревня шöр весьтас кымын сійö öтлаасьö Усва юкөд. Кык ю костас, кытчöдз синмыд судзö, сука быдмöны гырысь. бадь пуяс, некөн прамöя кушин оз тыдав. Усва саяс увтасіныс бадьясөн жö тырöма, а водзынджык тысайса ляпкыдик керöс бокын да керöс вылас тыдалöны коз пуяс, пасьтöм кызьяс да весиг нияас.

Деревня мышладорсö посныдик козьяс да кызьяс жö дорöсалöны, сөсся кытшалö понöльясөн серласысь паськыд нюр, а сы сайын ылын лöзалö вöртас. Кутшöмджык сәні вöрыс — ылісяньыд сьöкыд вежöртны, но, дерт, көнкö, абу миянладорын кодь гырысь, көть (сёрниясысь удиті нин тöдмавны) кыськö сыланьысь Льöмва кузя Абезьö кылöдöны стрöитчан вöрсö.

Мөдöдчам деревнятыс. Филипп Григорьевич керкасянь неылын мөд ыджыдкодь ён керка сійö воклөн, Яков Григорьевич Филипповлөн. Сәні сельсöвет. Ещö водзланьын найö коймөд воклөн, Михаиллөн, вылькодь жö на керка: весиг öтар джынйыс помавтöм. Тыдалö, Филиппов вок котырлөн вужйыс Абезьын оз жö на мун нәмьяс сайö, абу кө удитöмаось воймыны ортсысянныс керка стенъясныс.

Сельсöвет дорын паныдасис ар кызь вит — кызь квайта паськыд пельпомъяса, смоль сьöд юрсиа, мугöм чужöма ён том морт.

— Төдмасьой, Петр Филатович,— сы дінө шыа-сьё сельсоветса секретарь да индө ме вылө:— Миян выль учитель...

— Зэв бур,— шуис Петр Филатович да кисö мыч-чис меным:— Сельсоветса юралысь Попов.

Абезь кодь ичотик сиктад выль мортлысь, торйөннин учительлысь воёмсö, дерт, конкө, ставоннин төдöны, та вöсна матысса öшиньясын вуджрасисны чужомьяс, кильчöяс вылын да öшинь увьясын мыччысисны велөдчан арлыда зонкаяс да нывкаяс.

— Пыралам сельсоветас,— корис Попов.

— Гашкө, первой петкөдланнды сиктсö?— падья-ли ме.

— Пöжалуйста,— нюммунис Петр Филатович.— Миян сиктөн төдмасыны уна луньяс оз ковмыны. Öти сайысь видзөдлам выль школасö.

Петр Филатович — татчöс морт, чужлöма да быдмöма Усва катыдын, тасянь дас верст сайын Ярпи деревняын. Аслас кывьяс серти, сийö видзөдлöма нин паськыд мир вылас, кык во салдаталöма Ленинградын, төдö роч кыв. Ыджыд грамота абу, но кужö лыддысьны и гижны.

Сикт кузя мунигмоз Петр Филатович менö төдмөдö татчöс олысьясөн. Унджыкыс Филипповьяс. Эмось Поповьяс, Рочевьяс. Сиктсöветса юралысь лыддьöдлө Терентьев вокьясöс, Батмановлысь, Репинлысь, Бабикиовлысь, весиг Юсевьяслысь да Ванюта-лысь семьяяс. Овьяс сертиыс ме төда: воддзаясыс — Изьваладорса сиктясысь воём йöз, а бөрьясыс — Ванютаяс да Юсевьяс — вöвлөм ненецьяс.

Муыс вевттысьсöма нин ки вомлöс судта лымйöн. Көнсюрö артмалöмаөсь толаяс. Велавтöгыд сöстөм еджыд лымйыс синтö ёрö.

Варовитигтыр матысмам сикт кывтыд помланьыс. Сэни ва дорлань чукультысь туй дорын сулалö вит öшиня ичотик выль керка, кытчö, сельсоветса уджалысьяслөн сёрни серти, көсийöны восьтыны школасö.

Сиктса школаясыд унджыклаас на крестьянскöй керкаясын. Начальнöй школаын ме ачим велөдчи кык судта крестьянскöй керкаын, но татшöм ичот керкаса школатö некысь на эг аддзыв. Сэтчö жö, керкаыслөн посводзыс öдзöстөм на дай му джоджа.

Керка көзяиныс, ме кодь кымын арлыда том морт, буретш заводитома тэчны пач.

— Честь труда, Марк Петрович,— шыасьö сы динö сельсоветса юралысь.

— Локтöй шойчöй,— коссö веськөдö көзяин.— Сöмын пуксынысö некытчö.

— Ми пукаланінысь,— сёрниö суйсьö сельсоветса секретарь.

Ме чöв ола.

— Со учительным воис,— ме вылö индö Попов.— Колö заводитны велöдны, а тэнад, Марк, керкайд пачтöм...

— Медтыкө йиркыс да джоджыс вöлі, а пач саяд делö оз сувт,— шутитö көзяин.— Кёрдорсаяслөн нэмыс эз вöвлыны пачьяс, да олöны.

— Пачтöм школа — абу школа,— шуö Петр Филатович да серьёзнöя нин юалö:— Кор позяс ваявны партаяс?

— Лун-мөд мысти пачыс лоö гөтов,— шуö көзяин да гыжйыштö балябөжсö:— Сöмын посводзсö джоджавны плакаясыс абу.

Ставөн чöв усьöны, сэсся сельсоветса председатель видзöдлö ме вылö:

— Ме думысь, позяс джоджтöгыс: муыс кын, кокъяс оз няйтчыны.

Ме гөгөрвоа, налөн мөд петан туй абу, та вöсна шуа:

— Дерт, позяс.

Öти сайысь пыралім Репинъяс ордö меным патера йылысь сёрнитчыны. Керкаыс деревня шөрвыяс кымын ю кыр йылын, Лёмвалөн Усвакөд öтлаасынн везьтын. Ортсыяныс сійö прамöй ыджыд, öти джынйыс зэв нин важ, но мөд джынйыс, кык вежös, ён на. Пöрысьясыслы, Парфен дед гозьялы, сизимдас сайö, прамöя оз нин уджавны, та вöсна көзяеванас лыддöны пи гозьясö, комын арöса Öлексейос да сылысь Ириння гөтырсö. Том гозья асьныс быдтöны кык нылös да пиös, но найö посныдös на.

Артыштны кө сійös, мый керкалөн важ джынйыс овнысö оз нин туй (сэні видзöны ковтöм колуйяс да дед мастеритö пельсаяс), та ыджда семьяыдлы кык олан вежöсыд — абу ыджыд оланін. Тыдалö, та вöсна Парфен дед да пиыслөн гөтырыс патерантös лэ-

дзём йылысь нинём эз сяммыны шуны, ыстысисны том козяин вылө, коді кывтөма Петруньö сельполы грузла, да эз кө сибдыны йи вöснаыс туяс, аски-аскомысь воас. Сійö вотöдз узылыны менö корисны ас орданыс, сідзкө, позяс надейтчыны, мый патера кузя ёнасö меным, öтка мортыдлы, шогсыны оз ковмы.

Сиктнад тöдмасыны, школа видзöдлыны да патера йылысь сёрнитчыны миянлы асылыс и тырмис.

Луннас сельсöветса уджалысьяскөд видзöдлим партаяс, классной дöска, важиник глобус да куснясьём-вушйысьём карта. Партаяс да дöска таво абу краситöмаось, но вöдитчыны позьö. На дырйи жö восьти-примиті ичöтик книжной шкап, көні кымынкö букварь, лыддысян книга да задачник кындзи артавсьö бонзьём пельöсьяса сё гөгөр разной книга, сё, гашкө, төкөтьö унджык тетрадь, дас кымын чернильница, кызь-комын ручка, сы мында кымын жö прöстöй карандаш да гоз-мөд көрöбка перö. Со и школа-лөн став овмöсыс. Нопъявны кө, не сöмын Петр Филатович кодь паськыд пельпомьяса ён морт, весиг ме ачым öтпырысьөн нуа шкаппытшкөсса став эмбурсö.

Ёна-ö озырöсь мукöд татшöм ичöt виль школаяс — ме ог тöд, а сельсöветса юралысь, буракö, менö ышöдöм могысь висьталö:

— Петруньö лэччисны сельпосянь. Тшöктим вайны содтöд книга-тетрадь, перö-ручка... Велöдчыны заводиттöдз, чайта, ваясны.

— Уна-ö лоö став велöдчысьыс? — юала ме.

— Код тöдас, — шуö Петр Филатович. — Морт кызыс, дерт, көнкö, чукөрмас.

— Кызьыд лоас, — эскөдö сельсöветса секретарь. — Ещö көрдорсаяс вермасны вайöдны челядьнысьö.

— Көрдорсаясыдлөн Петруньын велöдчöны, — шуис Попов. — Дас куим деревнясьыд натөг на чукөрмас.

— Дас куим деревня?! — аслам тöдлытөг артмис менам. — Көні нö сы мындаыс?

Петр Филатович лыддьöдліс Усва кузя Топшисянь Усва йывса Тит да Елеч пöчинокьясöдз, на дінö содтіс Льёмва бокысь Юньяга да Епа деревняяс.

— Ыджыд-ө нө сельсөветыслөн кузьтаыс да пасьтаыс?— юалі ме.

— Код сійөс артавліс!— кинас өвтыштіс Попов.— Кузьтаыс Петруньсянь Усва йылөдз да пасьтаыс Изсянь Культбазаөдз, а мукөдлатыс, гашкө, Вой мореөдз.

Сельсөветса юралыслөн кывъяс серти, сійө ачыс Сейдаыс водзө абу на волөма, а сэсянь Усва йылөдзыс мунны да мунны на.

— Дерт, Титъяссыд, кыксө верст сайсьыд, челядтө велөдны туйястөгьд татчөдз оз вайны,— висьталіс сійө, но кызь сайө велөдчысьыд пө чукөрмас Абезысы, Феоныс, Ярпиыс да матысса мукөд деревнясыс.

Петруньсянь — Усва йылөдз, Урал гөрасянь — Рөгөвй да Адзва юяс йылөдз, а асыв-войланьтыс веськыда Баренцево мореөдз — тайө му вылас төрас быдса государство, а Абезь сельсөвет пасьтала став йөзыслөн, гырысыяслөн и поснияслөн, лыдыс өдвакө петас кык, уна пыдди куимсө морт сайө.

Унатор ме тайө лунө төдмалі аслам выль оланін йылыс. Мохча, Изва да весиг аслам рөднөй Уквавом сикт бөрын дас сизим керкаа Абезыд, дерт, кажитчис первойсытө вывті ичөт да гажтөм, сьөлөм поліс, кызди кольө тані кузь төлыс, но йөзыс со олөны. Гашкө, и ме велала. Уджалігад некор гажтөмавны. А шойччан луньясө кута ветлывны байдөг кыйны. Найө пө тані төвнас сы мында овлөны!.. Байдөг кыйөмөн пө өнджыкасө и нажөвитчөны татчөс олысыясыс. Мукөд лунас пө вайлывлөны сө ветымын, весиг кыксө байдөгөдз. Сэсся сійөс договор серти сдایتөны төргөвй организациясы.

Меным кутасны быд төлыс мынтыны сө шайт удждон, и некутшөм мукөд нажөтка оз ков, но кад коллялігмоз байдөгтө кыйны сикт саяд кута жө ветлывны, а ылө мунны, шуөны, тані оз и ков.

Помнита, кызди гортын велөдчигөн виччысылі вөскресенньө лунтө, асывнас пемыдөн на лызясылі, мыш сайө волысавлі пицаль да Сергей Вань другкөд мунлывлі куим верст сайө Понцьолөн Нитшъяг вож дорө лэчыяс видлавны.

Миладорын байдөгъяслөн уна сюрс да сө лыда чукөръяс эз вөвлывны, но гоз-мөд байдөгтө вайлывлі

пöшти быд ветлігөн. Онi менам танi пищальыд эм жö, а лызьястö да лэчьястö тöv пуксигкежлас лöсьöда.

Рытнас сельсöветын Марк Терентьевкöд вöчим договор: сийö кöсийысис гоз-мöд лунөн эштöдны керкасö да сетны школа улö. Ломтыны да идравны кутас гöтырыс.

Сельсöвет кöсийысис мынтыны Марклы кызы вит шайтөн тöлысь.

Войсö узыны мунi выль патераö нин, көть лэдзём йывсьыс помöдз эг на сёрнитчö: лок пö тай узынытö, пыдi вежöсас кроватьсö прöстмöдам.

Аскисö колляла Репиньяс ордын жö. Пиныс эз на во Петруньыс. Кöлуйторйöй Филипповьяс ордын на.

Усва да Льöмва кузя йи ёна нин кылалö, дзаягöмыс кылö сиктöдз. Кöзяева полöны, мый пиныс сибдас кытчöкö йи пövстас, но Петрунью кывтлысьяс коркö рытнас, ывла пемдём бöрын нин, воисны жö. Ёна пö и лои мучитчыны йи пövстtыд писькöдчигөн.

Патерантöс примитöмысь том кöзяин торья оз пыксы, сöмын пö öд миянын, семьяыд ыджыдкоды да, гашкö, лöö деливö: посни челядыс мöдасны дözмöдчыны, а найöс торйөн йөршитны некытчö. Ковмас овны öтсор.

Öтсор кө и öтсор. Ыджыд семьяад быдмигөн ме эг велавлы корсыны лөнъ пельöсьяс. Бöрынджык, гожся каникуляс гортын коллялігөн, быд боксянь жö выліö кавшасьлывлісны вокьяслөн уна лыда челядыс да номьяс моз зыныгывлісны пель водзын.

— Ладнö,— сöгласитчи ме.— Овмöдчам.

— Челядьтö öд позяс чирыштны, кутасны кө дözмöдчыны,— сёрниö суйсис баб: сиктад нывбабаястö некор оз ыдждöдлывлыны ним-овнана, да ме сэки эг на и тöд, мый сийö Мария Фёдоровна.

— Павел Никифоровичлысь тай пызан вывсьыс нинём эз вөрöдлыны-а,— эз вермы чöv овны челядлөн мамныс.

Патера дон йылысь эз жö ковмы тöргуйтчыны. Пöрысь учитель Кожевин одöма гортын моз, кöзяевакöд öти нянь-солөн, тшöтш паськөмсö песлалöмаöсь. Мынтöма дас вит шайтөн тöлысь.

Ме кӱсйыси мынтыны кызы шайтӱн. Кыдзи кажитчис меным, сӱ шайта удждонсыд коляс кӱкъямысдас шайт — некытчӱ воштыны, зато, нинӱм йылысь нин оз ковмы тӱждысьны.

А кӱзьявалы быд тӱлысь кызы шайтыд — абу жӱ ичӱт деньга. Сӱян-юаннад олӱны справнӱя: чери-йй, йӱв-вый да нӱк оз и быравлы.

Пыдӱ комнатаас паськыд пу крӱватӱ вольсалисны небыд вольпась, идралисны асьыныс лишнӱй кӱлуйсӱ. Мед оз ло кӱдзыд, ӱнисянь джодж шӱрӱ сувтӱдисны кузь трубаа кӱрт пач, мӱд вежӱскӱд ӱтувтысь ӱдзӱс розьсӱ тупкисны занавесӱн, и лоис менам пелькиник лӱнь оланӱн, аслам нӱмын медводдза торъя вежӱс.

Рытнас вайи ичӱтик сундук кодъ ящикӱс, кызы кӱкъямысӱд калибра выль берданкаӱс, мандолинаӱс, и лои Абезь сиктса олысьӱн.

Бокӱвӱйяс тайӱ рытӱ некод на ме дӱнӱ эз пыравны. А том кӱзьяин, кодкӱд удитӱм нин тӱдмасьны, дыр-кодъ пукалис ме дӱнын, паськыд пу крӱватӱ вылӱ менам водны лӱсьӱдчигӱн весиг шутитӱс:

— Та пасьта крӱватӱ да ыж ку эшкын улад ещӱ оз тырмы мича том ичмонь.

— Водзджык на,— шуа ме.

— Водз?!— шензьӱ Алексей Парфентьевич.— Учительӱдз нин со велӱдчӱмыд да. Нывъяс миян танӱ лӱсьыдӱс. Гӱтыртӱг татысь огӱ лӱдзӱй...

— Дугды йӱй сӱрнинад!— мӱд вежӱсын мелӱа шыасьӱ гӱтырыс.— Лӱдз мортыслы шойччыны кузь туй бӱрас.

— Гӱтрасьӱмыс йӱй сӱрни?— шынняялӱгтыр гӱтырсӱ вомалӱ кӱзьяин.— Йӱйяс и прӱсужъяс — ставныс на гӱтрасьлӱмаӱс. Водан да регӱд тай на кокъястӱ сюян менам кокъяс дӱнӱ.

— Йӱйыс!— шуӱ кӱзьяйка.

Би кусӱдӱм бӱрын ме йӱжгыльтчи шоньд эшкын улӱ. Орчча вежӱсын кӱзьяева ланьтисны жӱ. Гӱгӱр чӱвлӱнь. Луннас сиктас пӱшти быд воськолын паныдась-лывлӱсны кукань кодъ гырысь понъяс (найӱс пӱ на рошнӱ видзӱны байдӱг тыра нартъяс да дадыяс кыскавны), но и найӱ ӱнӱ оз шыась-лывлӱны, тыдалӱ, узьӱны жӱ.

Мӱд вой выль оланӱнын. Кыдзи кольӱны этша

пыдди тані матö куимсё войыс да луныс? Гашкö, збыльысь гажтöм босьтас да Гришка Филиппов моз лоö гöтрасыны? Мича нывъяс пö эмöсь. А уна-ö и ныв дас сизим керкаа сиктад! Видзöдлам, мый козьналас ас-киа луныс.

Аскинас ю вылын йи джажгö-кылалö ещö сукджыка, кöть луныс быттёкö тöрытья дорысь тöкөтьö шоныдджык.

Небесаыс заводитис серласыштны. Луннас мöдис мыгчасыны шондi, но сийö, буракö, ньöти нин оз шонты. Лымйыс удитöма чорзыны, кок улын пöим моз дзуртö. Ме дзурликта-ветлöдла сапöгөн. Баб тöждысьö:

— Ой, беда, беда! Кыдзи нö тöвнас ветлöдлан кучик сапöгнас? Кокъястö öд кынтан.

Асьныс татчöс йöз ёнджыкасö ветлöдлöны кöр ку кöмөн, но гын кöмъястö ньöбалöны жö: кооперативö вайлöмаöсь кымынкö гоз гын сапöг, но меным эз нин вичмы: кватитчи сёрөн.

Збыльысь, тöлыд оз нин думайт бöрыньтчыны: важмöм кучик сапöгнад тулысöдз он ветлöдлы, а коркö вайласны оз ещö гын кöмъястö — код тöдас.

Кöзьяйкалысь ньöби пелькиник мича пими гоз. Öнитö ме турöбъяссыд да лыйсьысь кöдзыдсьыд ог пов: зэв кö нин окота, кöть аски жö мед зымкнитас-пуксяс татчöс скöр тöлыд. Лöсьöдны ещö малича да парка, но тайöс позьö сёрöнджык, кöраяслөн Из сайö тöвйыны стадаяснаныс татi мунигөн.

Луннас лöсьöдышти олан вежöсöс, местаö тэчи сьöрысь вайöм книгаяс, тетрадьяс да аслам гöлиник овмöсысь мукöдтор.

Тöдмаси суседьясса том йöзкөд, дас öкмыс арöса Трофим Терентьевкөд да дас сизим арöса Степан Бабиковкөд. Марк да Трофим, вöлөмкö, менам пöрысь кöзяева ыджыд нывлөн пиян. Öти вежöса ичöтик керканыс Репинъяс керка водзладорын. Быдмöмаöсь батытöг, да сöмын на овмöдчöны, сувтöны ас кок йылö. Марк воддза вонас гöтрасьöма да лэптöма ичöтик выль керка, кытчö лэдзö школасö. Ачыс гöтырыскөд да дзoляник пиыскөд кутас овны гöтыр бать ордас Авксентий Бабилов ордын.

Бабиловъяс татчö волöмаöсь Кыдзкарысь. Ыджыд пиныс, менам кöзяевалөн зять жö, кык во служитöма

армияын, сэсся таво арнас Ленинградын пырöма раб-
факö. Гöтырыс, Парфен дедлөн Мария нылыс, ичöt
ныккакöд олö верöс мам-бать ордас жö, кодъяслөн
наысь кындзи динаныс (верöс сайö петöм кык нылöс
лыддытöг) ещö öти пи да школаын велöдчысь кык
ныв. Абу ичöt семья öти вежöса ичötик керка вылад.

Рытладорыс ывлаыс сэзьдiс. Асывылын да асыв-
войвылын, пасьтöм бадьясөн веттысьсöм паськыд ув-
тас весьтас, мыччысис Урал гöра, кодöс изьватас шуö-
ны Изйöн. Сийö пöшти став вежтас кузялаыс нюжöд-
чöма то джуджыд-джуджыд мылькьясөн, то нөптоль-
ясөн, увтасиньясөн. Уналаын тöдчöны весиг шор по-
тасьяс. Гöра бокыс көнсюрö, медясö поддинланыс,
лöзов, тыдалö, ляпкыдик быдмөгьясыс абу на вет-
тысьсöмаöсь лымнас, а мылькьясыс еджыд шапкаа-
öсь, лэччысь шондi югөрьяс улас то виж, то алöй, то
гöрдоват мрамор моз лöсталöны.

Ю кыр йылö сувтöмөн ме дыр видзöдi разнöй рö-
мөн ворсöдчысь Ураллөн син судзанинтi нюжöдчöм
кузь визь вылас. Мича! Тасянь, шуöны, Изйöдзыс
верст көкьямысдас, да бур поводдянад татшöм мичаа
тыдалö, а кутшöм мича, көнкö, сийö матисяныс. Мед
жö унджык лоасны шонди луньяс. Мед частöджык
мыччасяс войвывсö мичмöдысь тайö Изйыс!

Рытнас дыр пукалим выль другьяскöд. Найö вись-
тасисны татчöс олөм-вылөм йылысь. Корисны ворсны
мандолинаөн. Вöли кө балалайка, эськö ме найöс шен-
зöдi, но мандолинанад, кодöс ньöби татчö локтигөн,
ворса омöлика на.

Кывзысьяс ещö ёна и шензисны: лöсьыд пö. А кө-
зяинлөн челядыс öдзöсса дöра костi гусьөн мыччыв-
лисны юрнысö. Микöд пукалысь-варовитысь батьныс
казялас, петкөдлас чуньсö да дзевсыласны, а гөгөр
он удит бергöдчыны — бара нин кыйкьялöны.

— Мед локтöны да кывзöны, — шуа ме.

— Нинöмла найöс вельмöдны, — чужöмсö стрöгмö-
дö Алексей Парфентьевич. — Сетан кө вöля, сыли вы-
лад вожасясны.

Пыралiс Марк. Висьталiс кыз удж помалöм йы-
лысь: аски пö позяс ваявны школалысь овмöссö. Бур
юөр бöрад сёлöм вылын лои кокныдджык.

Аскинас школаö ваялим партаяс, шкап, дöска, ва-
жиник ученической тшöтi, ставсö лöсьöдiм, медым

асывнас заводитны велөдчан во. Велөдчысьяс — Филипп Григорьевичлөн Данил пиыс, сылөн воча вокьяс Федя да Закар, налөн Лёнька суседыс да мукөд — тшөтш отсасьоны, зильомысла чужом вывтиныс визлалө нбыломныс.

1930-өд вося тайө октябрь көкъямысөд луныс нэм кезлө кольө менам паметьö: тайө лунас ме заводита ас кежысь велөдны челядьöс. Налөн велөдчытөм батмамыс ме вылө видзөдöны ен вылө моз. Сямма-ö мөгмөдны налысь надеянысö — петкөдлас олөмыс, но ме кута зильны.

АБЕЗЬЫН ЗАВОДИТЧИС ВЕЛӨДЧАН ВО

Войыс некыз оз узьсы. Воддза лунас сельсоветысь босьтi кумач тор. Рытнас мелөн гырыся гижы «Бура велөдчыны, челядь!», медым асывводзнас öшөдны посводз öдзöс весьтас. Сэссия сёрөдз пукалi, думайтi, кызди нуөдны медводдза велөдчан лунсö, вöчи план да конспект.

Водз водны велалөм Парфен дед век шензьö, кызди ме ола войяссö узьтöгыс, көть дзык узьтөг ог жö ов.

Талун водi коркö вой шөр бöрын нин: часитöгыд сьökыд төдмавны стöч кадтö. Недыр кезлө вугыртла и бара садьма, пола сёрмөмысь, көть водз чеччысь пöрысь көзяин гозъя, тшөктан кө, садьмөдасны кыаыскөд тшөтш.

Югдiгас ветлi да посводзö пыран öдзöс вевдорö тувъялi гөрд плакатсö. Йöзыс, ва дорö вала лэччывлысьяс да мукөд, сувтөмөн видзөдöны плакат вылас, шензьöны: буракö, татшөмторйыс Абезьын абу на вöвлöма.

Муртса пукси чай юны, бокö öшөдөм сумкаа челядь котөртiсны нин школаö: налы талун праздник жö.

Асылыс кымöра. Урал дзезьбөма йöз син водзсьяс, но көдзыд лов шыыс кылö: Изладорсянь пöлыштывлө чизыр асыв-вой төв.

Киня улö книгаяс да тетрадьяс топöдöмөн чольöба
восьлала удж выlö...

Школаын менö виччысисны нин дас зонка да кык
нывка. На пыин эмöсь дас вит арöсаяс, но эмöсь и
öкмыс да дас арöсаяс. Партаяс да школалысь мукöд
овмöссö ваялигөн гырысьджыкъясыскöд ме тöдмаси
нин. Школаыд важöнджыктö Абезяд абу вöвлöма, да
öткымынъяс сёрмöмөн заводитöмаöсь велöдчыны.
Медся ыджыдыс, Миша Рочев, ме дорысь вит арöсөн
ичötджык, а тушанас меысь весът кыкөн кузьджык.
Сийö таво кутас велöдчыны нельöд классын. Нельöд
классын жö мöдасны велöдчыны сы дорысь ар-мöдөн
ичötджык Федя Филиппов, Андрей Попов, Андрей
Канев, Аня Филиппова, Катя Бабикова да мукöд, ста-
выс сизим морт.

Наысь кындзи витөн локтисны мöд классö. Школа
гөгöрын асыводзнас бергалісны ещö посныдджыкъя-
яс, но, сельсöветын водзвыв сёрнитчöм серти, ме пер-
вой лунъяссö мöда занимайтчыны сöмын кык класс-
кöд — мöд да нельöд классьяскöд. Гашкö, ньöти ве-
лöдлытöгыд кык классыс лоас тырмымөн. Сэсся не-
код на прамöясö оз тöд, уна-ö чукөрмас велöдчысыс
тайö кык классас: талун дас кык морт, а, гашкö, туй
пуксьöм бöрын мöд сы мындаён локталасны Юнъя-
гаысь, Епаысь, Сивöй Маскаысь да мукöд деревня-
ясысь.

Вермыны кө кута велöднысö, шум бöрынджык
восьтыны ещö первой класс.

Гижалі велöдчысыяслысь ним-овнысö. Тöдмасим.
Сёрниті велöдчöм коланлун йылысь, школа йылысь,
велöдчысыяслөн мог йылысь.

Челядь кывзöны вом паськөдöмөн, шы оз сетлы-
ны. Дерт, көнкö, первой лунад зильöны ёнджыка кыин
кутны асьнысö, воны сьölöм выlö выль учительлы.

Час кымын решайтём задачаяс, сэсся лыдды-
сим. Öти классыслы сета задание да ас кежысь уджа-
лöны, а мöдыскöд ачым занимайтча. Майбыр, не-
ыджыд вежöсад ставыс син водзын. Посводзсянь пы-
ран да, веськыдладор пельöсас ыджыд пöжасян пач,
шуйгавылас — второклассникъяслөн партаяс, а орч-
чөн — нельöд классаяслөн. Пач вомдорса стенас öшö-
дöма класснöй дöска. Сэні жö сулалöны тшöті, ичötик
пызан да улöс. Водз стенсыс куим öшинысь öтиöс

вевттё важиник джуджыд шкап... Переменнаяс дыр-
йиыс ачым пыр жё бергөдча велөдчысыс пөвстас.

Ылөсас нель час велөдчим, а ме эг и төдлы, кыдзи
кольома луныс. Сы пыдди бөрыннас жуялі.

Велөдчысысөс гортаныс лэдзалөм бөрын пукси
пызан сайө да дыр пукалі вөрзөдчывтөг: сөмын өні
казялі, кутшөма мудзсьөма, ки-кок лигышмуныны. Та-
дзисө, буракө, ме некор на эг мудзлы, весиг кыасянь
кыаөдз видз вылын уджавлігъясад. А сьөлөм нимко-
дясис: өти велөдчан лун коли бөрө, и, буракө, сійө
коли эз омөля. Шулывлөны, сьөкыд вөчны медводдза
воськовтө, а вөрзөдчөма кө места вывсьыд, водзөтө
мунан. Некод эз чужлы учительөн. Велалам!

Лунъяс өна нин дженьдаммөмаөсь. Шондитөгид
букыд. Пөльтө чизыр асыв-вой төв. Урокъяс вылысь
гортө локтігөн сулалышти ю кыр йылас, да, кажитчө,
лыясөдзыд писькөдчө көдзыдыс, йирмөг босьтө. Пур-
га, төлыс нөбөдө небыдик лымсө му бердөдыс, чыш-
калө эрд вывсьыс да тэчө толаяс төв сайясас.

Усва да Льөмва вылын ваыс өна туөма, грөзитчө
матөдзджык лэптөм пыжъяслы. Шуөны, көнкө улын-
джык йиыс сувтөма да сылөн помыс матысмө нин
Абезь сикт дорө. Прөщай, татчө, ылі пельсө менө ва-
йөдысь ва туйөй! Öні ковмас виччысьны вөла туй пук-
сьөм, коді тані овлө өна кузьджык миянланын до-
рысь. Кутшөм көть кузь эз ло төвся туйыс, меным
ковмас виччысьны тані выль ва туй пуксьөм. Первой-
сө меным татчөс олөмыд мөдліс кажитчыны ссылка-
өн, а талун, медводдза велөдан лун помасьөм бөрад,
сьөлөм нимкодясис. Витөд лун на и ола, а сы мында
төдса нин менам тайө сиктас. Выль төдсаясыд да
уджыд оз лэдзны гажтөмчыны. Велалан да, он и төд-
лы, кыдзи кольө төлыс, локтас тулыс, пуксяс гожөм,
учительяслөн шойччан кад.

«Муна, өбедаyta, шойччышта да пукся урокъяс
кежлө лөсьөдчыны,— думайта патералань тэрмасьтөг
восьлалігөн.— Сэссия өд учительыдлы сиктад кутасны
вичмыны уна мукөд уджъяс».

А мукөд уджъясыс, вөлөмкө, менө виччысьө-
ны нин.

Э г на удит чеччыны өбедайтан пызан сайысь, миянө пырис сельсоветса секретарь Гришка Филиппов да ас морт моз гораа шыасис:

— Нянь да сов!

— Лок тшөтш нурьясь,— шуис көзяин.— Көть ичөтика кокыд дженьыдджык, суөднытө поэьо на.

— Ме удзөді нин,— ошйысис Филиппов.

— Том ичмоньыд, тыдалө, зөрийөдө,— сералис көзяин.

— Сы вылө и ичмонь!— мудера мигнитис Гришка.— Миян учительным, ме чайта, оз жө кут дыр нюжмасьны.

Ме зили веськодпырысь ылыстчыны сийө сөрнисыс:

— Виччысьлам, мед мукөдъяс первой...

— Мукөдъяс оз узьны,— шуис Филиппов.— Миян юралысьным со регыд төня кыскас.

Менам том көзайка Ириння чошкөдіс пельяссө, но шуис:

— Петра помысь...

— А мыйөн омөль Петраыс?— вомалис верөсыс.— Майбыр, туша-рожаыс да мыгөрыс тырмө.

Веритны кө Гришка Филипповлы, сылөн көзяинлысь дас көкъямыс арөса нывсө коралөны сельсоветса председатель Петр Попов сайө.

— Мед ен отсалас,— пыр и вежсис көзайка.— Гэ өд Абезьса нывъяссө омөльтін да Тошпиысь вайин-а.

Көлысь йылысь сөрни талун кежлө та вылын и помасис. Сельсоветса секретарь локтөма ме динө ыджыдджык могөн. Мода вылас сийө юасис, кызди коли первой велөдчан луныс.

— Бура,— ошйыси.— Вот эськө, часитө кө ещө вузалан.

Филипповлөн вөлі зептын новлөдлан эзысь часі, кодөс во-мөд сайын ньөблөма Москваө охотоведческой курсьяс вылө ветлігөн. Өні, гөтрасьом бөрад, сийө, буракө, деньганад олө сьөкыда да меным вөзйө вөлі хромка-гудөксө, но ме абу жө на сэтшөм озыр, мед мандолина дорө көкъямысдас шайтысь ньөбны гудөк (ковмас өд и шоньыд паськөм йылысь думыштлыны), а комын вит шайта часитө эськө ньөти падъявтөг

нъоби, сѡмын тай сійѡ ачыс на оз тѡд, вузавны абу часісѡ.

Менам олан вежѡсѡ пырѡм бѡрын Гришка шуис:

— Часіѡн лѡсьѡдчам бѡрас, а ѡні тѡныд ковмас микѡд мунны ѡти ыджыд удж вылѡ.

— Кутшѡм удж вылѡ?— чуйми ме.

— Зильганѡс вѡчим кулакѡ,— висьталіс Филиппов.— Рытнас мунам сы ордѡ опись вѡчны, зарни корсьны.

Ме весіг эг на тѡд, коді сійѡ Зильганыс. Кулакъяс да купечьяс йывсьыд тѡда Изьва серти: сѡтчѡс сиктъясын налѡн асланыс мичлуннас торъялѡны пѡлѡн кышѡм, мича краскаѡн мавтѡм гырысь короминаясыс да складъясыс. Абезьын некутшѡм сѡтшѡм керкаяс да складъяс абуѡсь и со... кулак, кодлысь ковмас тавой корсьны зарни, гижавны овмѡссѡ!.

Мортсѡ ог тѡд, но важиник керкаыс сылѡн мукѡдъяс дорын ыджыдкодь, куим вежѡсысь, но ѡшиньясыс пѡрысь пѡч синъяс моз жѡ нин чусаммѡмаѡсь, керка вевтыс сьѡдасьѡма и пельѡсьясыс заводитѡмаѡсь вѡйны муас. А керка гѡгѡрас киссьѡм додьяс да кѡр дадь шойяс кындзи нинѡм оз тыдавны. Но лѡсьѡдчѡны кѡ войын мунны сы ордѡ зарни корсьны, сідзкѡ, мыйкѡ эм.

Ѳти луно кык татшѡм, ѡта-мѡдыслы лѡсявтѡмтор. Вѡлись на сьѡлѡм нимкодясис велѡдчан во заводитчѡм кузя, и со сійѡ жѡ луно менѡ нуѡдѡны шобсьыны...

Сьѡлѡм вылын эз ло лѡсьыд, но он ѡд пыксьы. Шуасны ещѡ: комсомолец, а кулакъясѡс жалитѡ. Сиктад учительыд абу сѡмын челядьѡс велѡдысь, но и быдторйын водзмѡстчысь да нырщик. Менам ѡртъяс, том учительяс, кѡнкѡ, мукѡд сиктъясын тшѡтш жѡ ветлѡдлѡны кулакъяс ордтѡ, гижалѡны налысь озырлунсѡ, отсасьѡны котыртавны колхозьяс. Танѡ колхозыд код тѡдас кор на лоас (колхоз котыртѡм йылысь сѡрниыс эз на вѡвлы), а озырджыкъясѡс кулакѡ вѡчѡм да найѡс топѡдѡм йылысь индѡдъяс воѡмаѡсь нин.

Мохчаын бѡръя вояс велѡдчигѡн ми не ѡтша ветлѡдывлім сиктса олысьяс ордтыд, гижсьѡдавлім заѡм вылѡ, сѡрнитывлім колхозьяс йылысь, машинаѡн видз-му уджавны выгода да кокныдлун йылысь, кѡть асьным ѡмѡля на тѡдѡм, мый сѡтшѡм колхозыс

(тулыснас Мохчаын медводдза кымынкö овмöс гиж-
сисны колхозад; весиг налысь öтувъя уджсö эг на
аддзылöй). Ёль деревняын вöлі краснöй уголок, кöні
миян школа шефствуйтис, школаса велöдысьяс да ми,
гырысьджык велöдчысьяс, быд вежон некымынысь
нуöдлім беседаяс, вöчлім быдтор йылысь докладъяс,
но описьяс вöчанинад да шобсянинад некор на эг вöв-
лы, та вöсна йöзсяныс яндзим и сьöлöм полö.

Бур, мый сельсöветö чукöртчим пемыдöн нин, и
сиктса олысьяс, гашкö, оз тöдлыны миянлысь шоб-
сьыны мунöмтö. Татшöм уджъяс йывсьыд водзвыв оз
горзывны, та вöсна и Гришка Филиппов мекöд сёрни-
тис гусьöн, медым көзыева эз кывлыны.

Рытнас ми дыр пукалім сельсöветын, варовитім
öтитор-мöдтор йылысь. Кывсьö, быттьökö Петрунын
котыртöмаöсь жö нин колхоз, мырддьöны Горалысь
кöрсö да керкасö, а асьнысö пö, гозьяöс, көсийöны мö-
дöдны кытчökö войвылö.

— Горатö войвывнад он повзьöд,— шуис кодкö.—
Сійö радпырысь овмöдчас море дорас көр чомйö.

— Буди кутшöмкö овтöм ді вылö,— шыасис мöд.—
Кöрдор мортыдлы тундрайд — чужанин, кодтөг овны
сійö оз вермы.

— Сорвачёв котырлысь пö тай чирйöны жö бордь-
яснысö,— сёрниö суйсис коймöд.

— А налы эм мыйысь повны,— содтис нельöд.

Читальня ни гöрд пельöс сиктас абу. Прöст кадö
кыв песны мужикъяс пыравлывлöны сельсöветö. Чунь
кыза чигарка нёнялігтырйи варовитöны кывлöмторья
яс йылысь. Табак тшыныд мужикъяслысь синсö оз
сөй ни горшö оз сатш. Гöтыръяс дінö оз жö тэрмась-
ны: найöс пö кöин оз сөй, мед прамöйджыка шонтö-
ны вольпасьсö.

Коркö сэсса мужикъяс ньöжйöникöн руныгисны
жö гортъясаныс. Кольччим нельöн: сельсöветса пред-
седатель, секретарь, сельсполнитель Тит Филиппов
да ме. Недыр виччысьыштім на, сэсса нельöн öтлаын
мöдöдчим Зильган ордö.

Тэрыб сёрниа томкодь на Григорий Поповлы (уна
сёрни вöснаыс буракö и нимтылöмаöсь Зильганöн),
кулакад вöчöм бöрын, тыдалö, миян воёмным эз вöв
виччысьтöмторйöн. Сійö ньöти падъявтөг восьтис киль-
чö öдзöссö да збоя корис:

— Но, вольтём гөстьяс тай локтёны. Пыррой-пыррой!

Невеста нылыс повзис (гашкё, чайтис миянёс корасьясыясон), гөтырыс эз жё тёд, кытчө воштысыны. Пöлатын узьмөдчём уна лыда челядь садьмисны да гусьён видзөдлывлісны воысыяс вылө. Чужём мыччалысыяс пөвстысь ме төді ассыым нельөд класса велөдчысь гөгрөс чужёма, еджгов кузь юрсиа, латшкөсіник тушаа визув Андрей Поповёс. Вөлі кө югыдджык пызан весьтын öшалысь ичөтик лампалөн биыс, гашкё, яндзимысла меным лои потны, быттёкө суисны гусьянінын. Ме зили саймовтчыны ёртьяс мыш сайё, а көзяин кутіс асьсө прөстөя, кыпыд гөлөсөн шыасис гөтыр дінас:

— Вайлы сувтөдлы самөварсө,— и сэки жё корис миянёс пуксыны, шойччыны.

Петр Филатович аттёбаліс көзяинёс да висьгаліс, мый ми абу гөстьяс, локтім дзик мөд могөн. Сійө төдмөдіс Григорий Поповёс сельсөветлөн постановлениён.

— Öні ковмас видзөдлыны овмөстө, гижалыштны. Гөтырыс бөрддзис:

— Мый нө ті челядь чукөрнас, тшөтш батытөмамтөм сирөтаяснас, рөзөритны думыштінныд.

— Рөзөритны ми некодөс огө кутөй, а керка пытшкөснытө видзөдлыны ковмас.

Зильган эз шөйөвош. Сійө өлөдіс видчысь көзьякасө да воддза моз лабутнөя сёрнитіс миянкөд.

— Ме нинөм паныд ог шу. Колө — видзөдлөй, гижалөй... Тэ ачюд төдан, Петр Филатович, керкаыс да овмөсыс миян юксө куим пельө... Племянникьяс быдмыштасны да мөдасны пай корны. Васькалы со дас көкьямыс арөс тырө, гөтрасян кад...

Сиктсыыс ме збыльысь гоз-мөдысь паныдавлі кузь тушаа вөсныдык том зонмөс, кодөс шуисны Зильган Васьён. Вөлөмкө, сійө племянник тайö Зильганыслөн.

— Васькаыс нө абу гортын?— юаліс сельсөветса председатель.

— Епаө кайис гоз-мөд лун кежлө.

Мөдөдчим кытшовтны комнатаясөд. Не кө лыддыны важиник пызан-улөсыяссө, стекляннөй өдзөсыяса джуджыд шкап, вушйөм краскаа камод, пельөсын сулалысь ыджыд зеркалө, важиник вурсян ма-

шина, паськыд пу кроватьяс да көртөн дором кузь сундук кындзи керка пытшкын некутшом озырлуньяс эз тыдавы. Ставсө тайос гижалим, көть, көзайка кывьяс серти, вурсян машинаыс Ондрей мам покончалон.

Локтим кө нин корсьны зарни, эго вермой восьтьвтөг кольны камод жырьяссө да сундуксө. Камод жырьясысь чашка-пань, мукөд посни көлуй да новлан паськом кындзи нинөм эго аддой. Сундукусь ректылим прабабьясянь внучкаясөдз чукөртөм приданной паськомьяссө, кузь сырья шөвк чышьяньяссө, кодьяс нэмьяс чөжөн рыжмомаось да, гашкө, зөлдештан кө, пыр и нейдасы. Сундук пыдөсын ичотик кудйын куйлисны чунькытшьяс, пелькытшьяс, исергаяс, пернаяс да сылын новлан вөсныдик кузь чеп, но оти чунькытш кындзи некутшом деняга ни зарни көлуй татысь эго жө аддзөй. Морөсө өшөдан паськыд цепочкаа карманной часыс пө вөвлөма Васька батлөн: кольома пиыслы, кыдзи казтылантор. Көть часыс, көзаян кывьяс серти, нэмыс нин оз мун, гижим жө, а кодлөн сийө (Гришкалөн либө Васькалөн), бөрыннас тыдовтчас.

Кумсыс гижим куим неблюй малича, нель гоз пими, кык пеггу шапка, оти мича парка, кымынкө воль, вөчтөм пеггу да көра көлуйысь мукөд поснитор — кысьяс, лөбьяс, вурсян сөн да сідз водзө.

Дерт, пыравны кө ыджыд семья мукөд шөркодь олысьяслөн кумө либө амбарө, та мында төвся бур паськомтө Изьваладорын ли Усва йылын аддзан жө, но ми локтим кулак ордө, и оз позь кольны гижтөг ни оти төдчанаджыктор.

А главной корсянторйыс, зөлөтаыс, миянлы эз сюр. Петр Филатовичлөн чайтөм серти, сийос вермысны гуавны гөбөчө, и кока лампаон пырим гөбөчас.

— Бура видлалөй быд пельос,— тшөктис сельсөветса председатель, и ми луасим нэмыс весавлытөм бус да ёг пиас. Гырьяс да ворьяс, чегөм косаяс да куран юрьяс, жугласьом лампашойяс, сотчөмысла розьөссьом шом кусөдан, сёмөм важ томаңьяс — мыйыс сөмын эз туплясь тани! Крестьяниныд тай став кламсө чукөртө: гашкө пө коркө згөдитчас.

Сельсөветса председатель да сельисполнитель упкигтыр луасисны, весиг куранөн моз чуњьяснаныс

парсалісны көбрегсьыс му джоджсө. Сельсөветса секретарь ветлөдліс, лампаөн югдөдіс налы, а ме, бумага да карандаш киө босьтөмөн, вөтлыси на бөрся. Гижнысө тани вөлі дзик нинөм, та вөсна эг төд, кытчө воштысьны.

— Ладнө, тырмас!— медбөрын дөзмис жө сельсөветса председатель.— Петөй, энө кө на пөдөй бусас.

— Тани пөднытө абу дыр,— нурбыльті ме да, кокъясөн видласигтыр, мөдөдчи кайны вежыньтчөм поскөд. Мукөдъяс вөтчисны ме бөрся.

— Тиян өд, кажитчө, көр стада на эм?— көзяинлысь юалис сельсөветса председатель.

— Көр стада?!— синъяссө ыдждөдіс Зильган.— Көнкө Изсайса рөдняяс ордын көр кызь кымын вөвлі, да важөн ни слуку ни дуку! Сэтшөм тай пуксис олөмыс: шуасны усины, и лысө ни кусө көрторйыдылысь он аддзыв.

— Эн лөвт прөстасө,— скөра вомалис сійөс Гришка Филиппов.— Рөдняясыд көрнад некодөс на эз удзөдлыны. Вөлі кө кызь көр, нелямыныс өні век нин эм. Гижам комынөс...

— Гижнытө позьө,— усьөм гөлөсөн шуис Зильган да мөдіс чунь костас някравны жебиник руд тошсө.

Миян удж помасис, тэрмасим мунны. Көзяин чөв олыштис, сэсса петіганым нин шыасис сельсөветса уджалысьяс дорө:

— Прошенньөсө гижөдны өд позяс жө?

— Кутшөм али прошение?— ородіс сельсөветса секретарь, а председателыс гыжйыштис балябөжсө да шуис:

— Прощение гижөдны, дерт, позьө.

Сельсполнитель Филиппов ыджыда ышловзис, но нинөм эз шу. А ме регыдджык тювкниті-петі посводзас, медым дзесбыны войся пемыдас: вөлі кө кык юр, эськө, яндзимөйла өтиыс быть уси.

Гришка Филипповыд часісө тайө рытө век жө вузаліс. Зептысь перйи эзысь часісө, восьті да мөді видлавны. «Номер 96878,— лыдди мышладорса вевт пытшкөсладорсьыс.— Бур али лөк тайө номерыс? Наперво тай тічкө-мунө-а. Медтыкө урокъяс дырйиыс кадсө кутас петкөдлыны, а сэсса меным нинөм оз ков».

Урокъяс кежлө лөсьөдчыны тырмис сөрөдз. Водөм

бöрын дыр на бергалі, оз узьсы. Унмовссьома коркө асьядорыс нин. Садьмөдісны. Видзөдлі часі вылө, а регыд өкмыс час. Курни-верни пасьтаси-көмаси, мысси, юи чай стөкан да котөрти школаө.

Тайө лунас локтісны ещө кык велөдчысь. Öнi нин кык классын лойны дас нель морт. Часинад урокьястө сетны кокныдджык: челядыдкөд өтгудыр бергөдчигөн бара эг төдлы, кызди коли нель урокыс. Андрей Попов, Зильганлөн племянник, асьсө кутіс збодера, ме вылө сюся видзөдлывлө, но лөгалөм оз петкөдлы. Сьөлөм вылын кокняммыштіс.

Луныс бара вөлі руд. Войся зэрыс вежсис шлякаөн. Рытладорыс көдзөдыштіс. Руалис, сынөдыс бытбөкө тшынөн тырис. Йи сувтіс, но мөдлапөлө вуджавны оз на позь.

Лючки помасис мөд, коймөд, сэссия и нельөд белөдчан лун. Ме зіля өти минут не воштыны прөста. Велөдчысьяс зіля жө уджалөны. Сөмын нельөд лун велөдчигөн менө шеньзөдіс мөд класса велөдчысь, еджгов юрсиа Захар Филиппов.

— Яков Митрофанович,— кызкө веськодпырысь лун помланьыс сійө шыасис ме дінө.

— Мый, Захар?— юалі ме.

— Зэв тай нө дыр ми велөдчам.

— Кызди дыр?..— эг гөгөрво ме.

— А Павел Никифорович дырйи ми мукөд лунас гортө воывлім пөжасигөн на.

Нельөд класса велөдчысьяс пиысь кодсюрө пыльснитісны-серөктісны, а Федя Филиппов зілис веськөдны вокыслысь өшыбкасө:

— Пөжасьныд өд вермасны рытын.

Закар эз мөд вензыны. А ме бара на петкөдлі велөдчысьяслы выль часіөс:

— Со часыс. Ми велөдчам быд лун стөч нель час.

Бöрынджык ме төдмалі, мый пöрысь учитель Павел Никифорович дырйи збыльысь корсюрө велөдчанінсьыс челядь воывлөмаөсь гортаныс мамъясныслөн пөжасигөн. Повны некодысь. Гашкө, ылі пельөсьясад өткымын пöрысь учителяс корьясөкө и вөчывлісны тадзи, но ме вөлі велөдны заводитысь на, и велөдчан лун дженьдөдөм йылысь весиг эг лысытлы думыштны. Дай кызди сійөс дженьдөдан, кор и сідз на оз тырмы кадыс?

Со и менам Абезьын медводдза шойччан лун. Рытнас дыр лыддыси, воді сёрон, мися, аски позяс узьны лун шөрөдз, а пөттөдз узьны эз жө и сюр. Кыла, асыводзнас менам узьланінө пырис Парфен дед да джын гөлөсөн шыасис:

— Узьян на? Тэ дінө локтісны могөн.

Ме весиг эг юав, коді кутшөм могөн локтіс, нөдзөвтчи да шуи:

— Дзик пыр чечча.

Шөр комнатаын пукалө... Зильган. Ме падми, эг төд, мый шуны, а сійө меліа шыасис:

— Бур асыв, учитель.

— Бур асыв,— шуи ме.

— Гашкө, водз садьмөдсис...

— Нинөм— шуа,— ывлаыс, буракө, абу нин ёна водз.

Пызан вылын дзужгис-сыыліс самөвар. Ме петалі овтөм вежөсө, мысси, шыльөдчи-мольөдчи, пыри да пукси пызан сайө.

Зильганөс көзяева корисны жө пуксыны чай юны, но сійө аттьөаліс, удзөді пө нин, да важ төдса моз мекөд водзө сёрнитіс:

— Прошенньө гижөдны локті. Уджалан луньясад эг лысьт дөзмөдчыны, а талун смелмөдчи, мися, не-кытчө кө он тэрмась, гашкө, гижыштан. Көсья корны, медым менө кулаксыд бөр киритісны.

Збылысь, думайта, кутшөм нө сійө кулак, кор овмөсыс мукөдъяслөн овмөсысь нинөмөн оз торьяв, слуга-казақьясөс оз видз, мөдарө, ачыс быдтө батытөм-мамтөм челядьөс. Изьваса збыль купечьяс да кулакьяс дорад, весиг Петруньыс Гора да Сорвачёв котыр дінад Зильганыд коньөр.

Лун шөрөдз тырмис гижны прошенньөсө. А сэсса ме, менам көзяин Алексей Парфентьевич да сельсөветса секретарь Гришка Филиппов мөдөдчим Феонө, Абезьянь вит верст сайө ньөбасыны. Шуөны, Феон дортыс Усва юсө вуджалөны нин йи вывті.

Джын туяс паныдасисны Феоньянь Абезьө кайысьяс. Феонас пө госторгса агентыслөн да кооперативыслөн лавкаясыс пөдсаёсь: вузасысьясыс мунөмаёсь тундраыс төвьянінө локтысь көр стадаясө начкась-

ны. Кӧраяс пӧ матысмӧны нин Феон да Абезь дорӧ. Чомъясӧдзыс, шуӧны, верст дас кындзи оз нин ло. Виччысьӧны Усва вылысь йи ёнмӧмсӧ, медым уна сё лыда кӧр стадаяснас вуджны паськыд ю вомӧныс да Льӧмва пӧлӧн мӧдӧдчыны Ураллань.

Менам кӧзяин да сельсӧветса секретарь мунісны водзӧ, а ме бӧр бергӧдчи Абезьӧ.

Сельсӧветса председатель Попов, вӧлӧмкӧ, збылысь гӧтрасьӧ. Талун невеста ордын войпук. Локтісны Трӧпим да Степан, нуӧдчӧны сылан-ворсанінӧ. Ме мӧдлі пыксыны, но зонъяслы отсасыны босытчис Ириння кӧзяйка.

— Абу ӧд старик, вой-вой гортын пукалан, — шыасис сійӧ. — Ветлы, гажӧдчы, тӧдмась миян сиктса нывъяскӧд. Босыт си гудӧктӧ да гажӧд том йӧзсӧ.

«Си гудӧк» ме, дерт, сьӧрысь эг босыт, но свадьбадырся войпук видзӧдлыны том йӧзкӧд мӧдӧдчи. Нельвит пасытасьӧм-вӧччӧм ныв да сы мында кымын жӧ том ичмонь пукалісны стенъяс пӧлӧн сулалысь кузь лабичьяс вылын да ливкйӧдлісны сійӧ жӧ сыланкывъяссӧ, кодъясӧс ме ичӧтысянь кывлывлі ныв-зон ворсанінъясын Изьва вожын. Гашкӧ, сӧмын Изьваын дорысь ёнджыка вӧлі кусньӧдлӧма роч сыланкывъяссыс кывъяссӧ. Найӧ вуджлісны бабъяссянь мамъяслы, мамъяссянь — нывъяслы, кодъяс бабъяс да прабабъясныс моз жӧ рочнад уна пыдди тӧдісны «есть» да «нет», а сывлісны рочӧн, сьӧлӧмсянь ливкйӧдлісны.

Си ташки ки на рики
Так жалобно спюют,
А нам с тобой, мой милой,
Разлука придают...

Мукӧд сыланкывъяслысь кывъяссӧ ещӧ сьӧкыдджык вӧлі гӧгӧрвоны. Но сылысыяс та вӧсна эз майшасыны: гласыс тай лӧсьыд, а мый сӧсся колӧ. Кипом удж вӧчигӧн пӧрысь пӧль либӧ пӧч, том кадныс дум вылӧ усьӧ да, некутшӧм кывъястӧг мӧдасны вомгоруланыс мыйкӧ мургыны-сывны да ещӧ зэв на и кывзан. А колипъясыдлӧн да мукӧд посни лӧбачьяслӧн тувсов асылӧн сылӧмыс! Кывъяс йылысь тані оз вермы лоны сёрни, а заводитасны дзользыны-сывны да, сьӧлӧмыд вӧрзӧ.

Ныв-зонлы окота йоктыштны («Краковяк» да «Тустошнд» татчодз воомаось жö нин), а гудокасысь абу. Гришка Филиппов бöрсö абу на воома: гашкö пö көрөн шутөвтис Тошпиö зятявны. Ичмоньыс, кодi гажöдчис нывъяс да том бабаяскöд öтлаын, воддза лунъясö аддзывлis на ордын менсьым гудокасылывлөмöс. Сийö мöд вежöсысь вайис верöсыслысь гудоксö да корис ворсны.

Заводитли пыксыны, мися, ме ог куж, но ичмонь наяна шуис:

— Ещö öд ылöдчö!

— Ворс, эн ыдждав,— кутисны кевмысьны тшöтш мукöд збойджык нывбабаяс.

Воштысьны некытчö. Сэссия öд ме ачым том морт, кызди шуöны йöзыс, жöник, а быд жöниклы окота петкөдлыны невестаяс водзын асьсö мыйöнкö бур боксянь.

— Но ладнö,— босьти хромкасö да волысали пельпом сайö.— Сöмын эн дивитöй, нинöм кө оз артмы.

— Артмас, артмас!— ышöдис Филипповлөн ичмоньыс.

Дзивöдчышти, а сэссия и «Краковякöдз» вои. Нывъяс яндысисны петны. Зонъяс дыр жö эз водзмöстчыны.

— Трöпим, заводит!— шыасис кодкö ичмоньяс пиысь.

Трöпим люта чеччис, матыстчис нывъяс динö, öти öс мырдөн моз кыскис киöдыс да, кокъяснас тшапа зымкнитывлiгтырйи, мöдис новлөдлыны да бергöдлыны асьыс барышнясö. Мукöд зонъяс, тыдалö, яндысисны, та вöсна нывъяс да бабаяс мöдöдчисны йöктыны ас кежаныс. Сы пыдди кадриль, «Ах вы, сени» да мукöд важ ворсанторъяс йöктисны пöшти ставөн.

Чуньяс мудзтöдз гудокаси сельсöветса председательлөн көлысь вылын. Ачыс сийö тшапа пукалис пельöсын да видзöдис йöктөм-ворсөмъяс вылас, синсö эз вештыв аслас томиник гöтырпу вылысь. Тыдалö, мед оз чайтны немöйөн да ньöти путьтөм-сямтөмөн, сыланкывъястö сылигөн горöдывлis жö ош кодь кыз гөлөсөн, отсасьлис нуöдны глассö.

Рытыс коли кыпыда, гажаа. Абезьса том йöзлы тайö войпук бöрас ме лои ас мортөн. Бабъяссиянь кыссысь гижтөм законъяс серти, дерт, том нывъяс ме-

көд, жөник мортыдкөд, эз лысьтлыны пырны веськыд сёрниө (дивитөмысь полисны), а паныдасиггьясө гусьөнник шпыньмунлісны, гөрдөдыштлісны да тэрмасьомөндзедлісны чужөмнысө. Ме воча нюмъёвтлі да шыась-лывтөг жө мунлі водзө.

ВЕЛӨДЧЫСЬЯС СОДӨНЫ

Мөд велөдчан вежонө примиті школаө первой класса велөдчысьясөс. Зумыд тэчаса, синмө шыбитчана ыджыд юра Иван Терентьев кындзи, коді, буракө, нельөд во локтө первой классө, партаяс сайө важнөя пуксисны көкъямыс арөса рами-ник кык нывка да кык зонка. Көть найө вом паськө-дөмөн кывзисны менсьым быд кыв, ме омөля вериті, мый тулысөдзыс сямма найөс велөдны лыддысьны, гижны да артасьны.

Медся повтөмыс да зільыс на пөвстын вөлі Иван. Кыдзи тыдовтчис медводдза велөдчан лунө, сійө сям-мө мичаа гижны не сөмын палочкаяс, но и өткымын букваяс, весиг кывъяс.

Мөд да коймөд классьясын велөдчысьяслы задан-ие сетөм бөрын ме петкөдлі первой класса велөд-чысьяслы, кыдзи гижны палочкаяс. Велавтөгыд на-лөн киныс оз кывзысь, палочкаяс пыдди тетрадьлөн пөлөс графаясын сярвидзөны мыйкө чукля бедь кодья-яс. А Иван удитөма тыртны тетрадь лист бок джынсө мича палочкаясөн да на улө мича письменной буква-ясөн гижалөма «Мама», «рама».

— Молодец, Ваня, мичаа гижан,— ме ошки зіль велөдчысьсө, босьті тетрадьсө да петкөдлі первой класса мукөд велөдчысьяслы:— Со кыдзи колө гиж-ны палочкаяссө.

Ошкөмыд лөсяліс Иванлы. Сійө зіля восьтіс «Бук-варсө» да тшапа шуис:

— А ме тайө каньсө и понсө кужа рисуйтны.

Нельөд класса велөдчысьяс серөктісны.

— Понъястө да каньястө, Ваня, ми рисуйтам мө-дысьджык, а талун гижам палочкаяс.

Иван кыкыштіс нырнас да пөдлаліс «Букварсө».

Гортö мунигөн менö суөдiсны старшöй классын велöдчысыяс. Федя Филиппов висьталiс:

— Öш Иваныдлы öд ньöти оз сетчы велöдчöмьд. Тöвнас тöдмалас став букваессö, кызьöдз лыддыны велалас, а тулыснас, ывла шондöдöм бöрас, ывлаын котравны кутас да, ставсö бöр вунöдас. Микöд тшöтш заводитiс школаад котравны, да век на со первой классын велöдчö.

— А рисуйтчыныд мастер,— содтiс Андрей Попов.

— Оз позь шуны ёртнытö Öш Иванөн,— челядьöс öлöдi ме.

— Ставыс сiдзи шуöны да?!— шензис Федя.

— А Иваныд оз и дöзмы Öшнад нимтöмысь,— содтiс кодкö мöд.

— Мед, оз кö,— тöлкуйтi ме.— Быд мортлөн эм ним, и нинöмла сылы кöвъявны лёк прöзвищеяс.

Гортö воём бöрын ме дыр эг вермы мездысьны первой классын нельöд во велöдчысь Иван Терентьев йылысь думъясысь. Видзöднысö детинкаыс зэв сюсь да збой и бытьöкö зильö, а вот мыйлакö оз велав. Асланым сиктын мекöд велöдчысыяс пöвстын татшöм сямаясыс вöвлiны жö. Мыйла öтияслы сэтшöм коньыда сетчö грамотаыс, а мöдъяс некыдз оз велавны, кöть кыйсьöмын, ытшкөм-куртöмын либö мукöд пöлöс уджын некодлы оз сетчыны? Мыйын делöыс?..

Рытнас ывляыс сзэьдiс да ёна кодздöдiс. Уна лун мысти еджыд сорсьяснас бара мыччысис Урал гöра.

Ю вылас йи сувтiгөн кольöм рыяс тшынасысны.

Куим классыдлы урокъяс кежлö лöсьöдчыны талун тырмис ещö дырджык.

Аскинас орчча сиктъясысь локтiсны велöдчыны ещö нель морт — первой классö кык да мöд классö кык. Куим классын ставыс лои 23 велöдчысь.

Нельöд урок помасьöм бöрын лэччыли Феонö, ньöби лöсьыдiник гын сапöг гоз. Öти сайысь тöрйöдi съод шерстяной костюм. «Öти пара и эм татшöмысь,— шуö госторглөн агент, зыр кодь паськыд тошка Иван Павлович.— Гöтрасигкежлад ньöб».

Аскомысьнас муни костюмсö вештыны. Надзöникөн озырмам, думайта ачым, пасьтасям-кöмасям. Тöвбыдөн ещö лöсьöдны бурджык малича, и — ставыс.

Феонö буретш воёмайсь кöраяс. Öти керкаын кылö нывбабаяслөн горөн бöрдöм. Юася, мый лöма. Шуö-

ны, гортйөн вайёмаось өти пастуклысь шойсө. Кольёмаось кык челядь, гөтырыс да пөрысь мам-бать.

Сёрнитоны, быттьокө йи вывті вуджигөн вөйлөма тундраса кутшөмкө юө, кымөма, висьмөма биа висьөмөн да вежон тыригас и кувсьөма. Гөтырыс да челядьныс вөлөмаось дінас, а мать-мамыс олөны гортас, кузь туйысь виччысьоны вердысьөс.

— Господьой-енмөй, быдсяма рөкыс жө мунлас морт вывтіыд!

— Бур на, көдзыдьяс пуксьөм бөрас кувсьөма да вайисны гортөдзыс, а шоньд дырйи кө суис рөкыс, век кежлө лои кольны паськыд тундра шөрас.

Поконикөс лөсьөдчөны көр дадь вылын лэччөдны Петрунь вичкоын сьылөдны, со чукөртчөмаось деревняса олысьяс колльөдны...

— Ок-ок-ок! Сэсся и удитласны нуждасө пыкны батытөгныс песни челядьыс.

— Он пөсөбит!— ышлолалісны поконикөс рөднөй керкасыс петкөдөм виччысьысь нывбабаяс.

Менам эз тырмы вын помөдз видзөдны шуштөм серпассө да регыдджык усйыси, но верман өмөй здукөн мездысьны сыысь, мый йиджис тэнад сьөлөмөдз? Збыль өд, кымын олөм нин, көнкө, ньылыштис помтөм-дортөм тундраыс, кымын нывбаба да сирөтаөн кольысь челядь кисьтывлөны сир курыд синва? Морт мунас водз тулысын гортсыс. Сійөс, көрмилечөс, виччысясны гождөмсө да арсө, а төв пуксигөн ваясны тазди шойсө либө шуасны: «Көли век кежлө паськыд тундра шөрө...» Не этша пө нин вөвлі татшөмторйыс нэмьяс чөжнас.

Ывлаыс сэзь, көдзыд. Феонысь локтігөн патера дорө Льөмвалөн кыр йылө сувтөмөн дыр видзөді Ураллөн лэччысь шонді улын ломалысь-дзирдалысь сорсьяс вылө. Көнсьурө гөра йыв весьтас крута көдздөдігөн өшйөма тшын кодь ру, и збыльысь кажитчө, быттьокө гөра пөкатыяс бокас кодьяскө пестөмаось ыджыд-ыджыд бипурьяс. Дерт, көнкө, татчөс местасын ёна паськалөм мойдьясса багатырьяс, кодьяслы туйсө оз вермыны потшны некутшөм гөраяс ни мореяс.

Изйын мичаа тыдалөны мылькьяскостса увтасіньяс. Тайө пө гөраса юяс. Сійө юяс пөлөныс пө и көр видзысьяс стадаяснаныс вуджалөны Урал-Из сайса

вөръясö төвйыны, а тулыс пуксигөн, тундраö гожйыны мөдөдчигөн, бөр вуджоны сийö жö воргаястыс, кодьясөс рочөн шуоны проходөн.

Феонö менам лэччылігкості челядь вуджалöмаөсь Усва ю сайö. Витөн бөр вуджоны Льöмвалөн Усвакөд öтлаасынті, көні неважөн на тшынасысны рьяс. Медводзын, сабялөн моз ньöрийөн öвтчигтыр, төвзё Иван, кодөс кымынкö лун сайын примиті первой клас-сö. Сы бöрын вöтчöны посныдджыкъяс.

Ю сайыс вуджысыс казялісны менö да көсийсны уйкнитны сикт помлань, но ме потши туйнысö. Юася, кытчö ветлöмаөсь.

— Кöраяс ордö айбарчасыны вуджалім,— збоя шуис мөд классын велөдчыс Лёнька Филиппов.

— Чомныс сэні ты саяс,— содтіс Данил Филиппов.

— Вöянный кө?— шуа ме.— Йиис рыж на, муртса рьясыс тупкысысны.

— Йиис ён,— шыасис Иван Терентьев.— Регыд көраяс стадананыс таладорö вуджасыны...

Челядь висьталöмаөсь збыльтор. Асывводзнас миян öшинь улö тшын-бус локтіс нель көра дадюв. Керкаö шумөн пырисны гөстыяс — көр видзыс пастук гозья, көзяевалөн матысса төдсаяс, гашкö, весиг ыліса рөдвуж.

То öти, то мөд керка дорын эз кутны быравлыны дадюлаяс, сідзкö, стадаясныс мөдлапöлын көнкö дзык матынөсь, виччысöны йи ёнмыштöм: öти делö — вуджны нель ли вит көра дадюлөн; дзык мөд делö — вуджөдны уна сё лыда көр чукöрсö, көні жуыс көръяслөн том сюръясыс ва вылын гтыяс моз пуоны. Ыджыд аргыштö лэптыны колö ён йи.

«ТЭ, УЧИТЕЛЬ, СТРÖДЖЫКА НАКÖД...»

Нубöта рытö шуи чукöртны родительскöй собрание, но воасны-ö челядылөн бать-мамыс?.. Ыджыд сиктъясад субöта рытö олöма йöзыд мунлывлöны вичкөö юрбитны. Абезыын вичкө ни часовня абу. Медся матысса вичкөдзыс, Пет-

руньодз, квайтымын километр сайо. Быд суботао да вѳскресенньо сэтчо он которт. Мукодъяс, гашкѳ, нэмыс на абу веськавлѳмабсь вичкоас, коть енто веритѳны, пернапас чѳвтѳтѳг оз пуксыывны сѳйны и вѳскресенньоѳто да мукѳд празникъястѳ тѳдѳны. Но енмыслы кевмѳны кыдзкѳ лѳня, синмѳ шыбитчытѳг, съѳдас моз. Съѳдасьѳм-мыссыывтѳм ѳбразъясид эмѳсь быд керкаын, но менам том кѳзяин кодь да томджык мужичѳйяс важѳн жѳ нин оз видзѳдлывын на вылѳ.

Урокъяс помасьѳм бѳрын ветли патераѳ, сѳйышти да бѳр мунѳ школаѳ, медым бать-мам чукѳртчигкежлѳ лѳсьѳдны челядьлысь тетрадьяснысѳ, петкѳдлыны, кодѳ кыдзи велѳдчѳ.

Прѳста и майшассьѳма менам. Кызвыннас воисны велѳдчысьяслѳн батьяс. Медводз локтѳс гѳгрѳсѳн шырѳм русѳй юрсиа, косѳник ус-тошка Аксен Бабилов, Марклѳн тестыс, кодлѳн керкаыс школасянь кымынкѳ воськов сайын. Аксенлѳн велѳдчѳны школаын кык нывка — Катя да Марина. Сы бѳрын локтѳсны Филиппов вокъяс: Филипп, Яков да Михаил. Чукѳрмисны матѳ дас вит морт, на лыдын гоз-мѳдѳн Феонсаяс.

Ме дженъыдика висьталѳ, кыдзи заводитѳм велѳдчан восѳ, мый миян уджас бурис да тырмытѳмторыйс. Челядь кывзысьѳны, зѳльѳны.

— Оз кѳ ѳд кутны кывзысьны, позьѳ на и юрсиѳдныс някыртлыны либѳ пельѳдныс нетшкыны,— шыясис Аксен Бабилов.

— Юрсиѳд да пельѳд нетшкыны оз позь,— юрѳн пыркѳдѳ ме,— тадзи вѳчлисны важѳн...

— Мыйкѳ оз позь,— шуис кодкѳ мѳд.

— Тѳ, учитель, стрѳгджыка накѳд, суитчис коймѳд.— Сетан кѳ вѳлятѳ налы, пѳгибѳ воан.

Ме зѳли гѳгѳрвоѳдны, мый сѳветскѳй школаын важѳн бырѳдѳма пельѳд нетшкѳм да линейкаѳн юрѳ кучкалѳм, но батьяс синѳсны сѳтчаны, медым эз вѳв личѳдѳма найѳ ныв-пилысь вѳжжисѳ.

— Нинѳм, оз лысьтны норасьны,— висьталѳс кодкѳ.— Кутасны кѳ норасьны, гортын тасмаяс миян ѳнѳсь, ещѳ содтам.

Тырмытѳмторыйд миян, тѳдѳмысь, уна. Книгаяс ѳтша.

Сельсѳветса председателъ Попов, кодѳ тшѳтш жѳ пукалис собрание вылын, висьталѳс, мый унакодь выль

книга кӧнкӧ локтӧны нин, тӧвся туй пуксьӧм бӧрын воасны. Сэсся пӧ тӧвнас книгагэссӧ кутам вайлывны Петруньса школьнӧй да сельскӧй библиотекаяссысь. Тетрадь-карандаш да перӧ-ручка пӧ туйынӧсь жӧ нин. А дыр-ӧ оз пуксы Изъвасянь Абезьӧдз тӧвся туйыс — тайӧс, дерт, сельсӧветса юралысь оз жӧ тӧд.

Пансис сӧрни школа шонтӧм йылысь. Прамӧй кӧдзыдъясыс водзынӧсь на, а мукӧд лунъясас кӧть ма-личаӧн пукав урок вылас. Пӧжасянь пачыд эськӧ и шонтӧ, но пуксьытӧм керкаыд шоныдсӧ омӧля кутӧ. Асывводзнас керкасӧ кӧзьяйка ломтас, кыз ӧгырӧн пӧдлалас пачсӧ, да чадысла юрид висьмылӧ, а час-мӧд мысти бара нин ыркыд, коксянныд йирмӧг босьтӧ.

Сӧрнитчисны пӧжасян пачкӧд орччӧн сувтӧдны кӧрт пач, кодӧс кутам ломтыны кӧдзыд лунъясас велӧдчигас.

— Аски жӧ тшӧктам Марк Петровичлы сувтӧд-ны,— кӧсйысис сельсӧветса председатель.— Вильлун кежлӧ лоӧ гӧтов.

— Перемена дырйиыс челядь мӧдасны шуруйтны, да пывсян кодъ лоӧ,— шуис Аксен Бабигов.

Аскомысьнас пӧжасян пачкӧд орччӧн збыльысь су-лаліс кузь трубаа кӧрт пач, а дінас — посныда пот-кӧдлӧм пес чукӧр.

Ывлаыс кӧдзыд. Асывсянныс и ломтӧм кӧрт пач-сӧ. Оз на удит прамӧя ваймыны, а перемена дырйи челядь бара нин сюялӧны пес. Медся ёна зільӧ Иван, кодлы ёртъясыс сетісны нин выль ним — «качагар». Кокъясымлы джоджсянныс кӧдзыд, тушалы шоныд, а юрлы жар, прамӧя лӧдсалӧм бӧрад збыльысь пыв-сянын кодъ.

Мӧд вежоннас кӧраяс стадаяснаныс сикт горувті вуджисны Усва юсӧ да мӧдӧдчисны Льюмва пӧлӧн Ураллань. Лун-мӧд на сиктын мыччасисны дадюлаяс, а сэсся дугдӧсны вольтыны, тыдалӧ, ылысмисны.

Урокъяс помасьӧм бӧрын ме сӧйыштӧ да водӧ шойч-чыны, медым рытнас кокныдджык вӧлі уджавны гортын. Муртса вугырті — чукӧстис Парфен дед: шко-ла дорын пӧ стадаысь торъялӧм кӧр... Лыйны корӧны.

Кӧртӧ лыйысьыд, дерт, Абезяд метӧг тырмӧ, но том йӧз нарошнӧ ыстӧмаӧсь мела, медым ме (воддза лунас 50 воськов сайысь ӧтка пуляӧн закладысь жу-

гөді Трөпимлысь мича вьль стөкансө) лыйи, сійос по всё равно джагөдасны көиньяс.

Ме кватиті пищальёс, котөрти. Ывлаыс удитөма нин рөмдыны.

— Татчө лок!— чуксалісны туй вежын сулалысьяс.

Керкаяс сайын кокьяс тажгөдөмөн сулаліс томиник көр.

Ме чургөді пищальёс да куті метитчыны сылөн мыгөрө.

Видзөдысьяс мөдісны горзыны:

— Матөджык сибөдчы.

— Поңьяс гөняйтөмаөсь, да сійө мудз... дінөдзыс сибөдас.

Кыськө нем виччысьтөг ува-ава уськөдчисны поньяс да — абу тай мудз вөлөма!— көр чеччыштіс боклань да лэбач моз төвзис эрдсайса посни вөрлань. Ме виччысьтөмла грымөбті-луйи съодас да шемөса сулалі ме бөрся видзөдысь йөз водзын.

— Тайө өд абу майөг йылө сувтөдөм стөканьд,— дэльөдчис Трөпим.

— Мед, аслас нянь-солөн тай олө,— шуышті ме вөрлань видзөдіг, коді быттьөкө шпынняяліс жө тшынасьысь на пищальён сулалысь вылын.

ЫДЖЫД ПРАЗДНИК

Патшөм пургаыс менам татчө воөм бөрын, буракө, эз на и вөвлы. Лунсяньюс на заводитіс гартлыны лымсө. Школаысь гортө локтігөн туйсайса керкаясыс омөля нин тыдалісны. Войбыд лёкысь омляліс лымсө нөбөдысь төв. Асывнас школаө мөдөдчи, да мукөдлатыс муыс дзик куш, а мукөдлаас лым пиас гыркйөдз вөйласян.

Лун кост мысти кутісны нуөдавны собраниеяс. Первой вөлі бедноталөн собрание. Ичөтик сиктъяссьыд йөзыс быттьөкө эз и уна чукөрмыв, а рытбыд ызгисны-бызгисны. Сёрниыс ёнджыкасө муніс озыр көр видзысьяслысь налог перйөм йылысь да овмөснысө гижалөм йылысь. А найө көнкө Урал-Из дорынөсь нин да Усва йылынөсь. Дырджык кө кутан

нюжмасьны, шутёвтасны Из сайо, и мун да сэсса и кутав найос. Зильганлысь овмөссө важон гижалим, но эз вөрөдны: вынсьодас оз ещө райисполкомыд сельсоветыдлысь шуөмсө. Телефон-телеграф да туйастөгыд ковмас виччысьны төлөдзис.

Собрание вылын менө бөрйисны секретарон да гортын, урокъяс кежлө лөсьөдчөм бөрын, ковмис войөдз перепишитны протоколсө.

Собрание бөрын пыр жө Гришка Филиппов орчча деревняса сельисполнителькөд мунис кытчөкө Усва йывлань көр видзысь кулакъяс дорө.

Кык лун мысти чукөртисны кооперативса членъяслысь общөй собрание. Ме эськө и абу на член татчөс кооперативас, но собрание вылө корны гортөдз волисны: протоколсө пө гижны некодлы.

Филиппов ветлис вежон саяс. Локтөм бөрас мыйкө дыра мысти кывсис, быттьökө сельсоветса секретарь босьтөма кодлыськө зарни чунькытш да зарни вит шайт, медым нуны сельсоветө, а сэтчө нинөм абу вайөма.

Гриша первой соссис, а кор кутисны грөзитчыны юөртны райисполкомө, мед кыскасны кывкутөмө Абезысь пышйис Тошпиө гөтыр бать-мам ордас, а сэсса пө и усйысьөма кытчөкө паськыдджыкинө. Сельсовет коли секретартөг, ме сы пыдди сельсоветын — мыйкө кө ковмас гижны.

Велөдчысьяскөд лөсьөдча Октябрь праздник кежлө, велөдим сыланкывъяс да кывбуръяс, медым праздник лунъясө школаын нуөдны гажа рыт.

Ноябрь 6-өд луно мичмөдим школанымөс, гөрд дөра вылө мел пызьон гижим лозунг: «Мед олас Великой Октябрь, уджалысь йөзлы мездлун да шуд вайысь!» да өшөдим ывла стенас. Керка пельөсас өшөдим гөрд флаг.

Сельсоветын сёрнитчим: ноябрь 7-өд луно 11 часын Абезь сиктын нуөдны демонстрация, а рытнас — школаын вөчны вечер.

Таөдз Абезь сиктад, сельсоветтөгыд, некутшөм демонстрация на абу вөвлөма. Йөзыслы мяян демонстрацияыд лоө аддзывтөмторйон, та вөсна ёна лөсьөдчим. Шуим петны кык флагон — өтиыс сельсоветлөн, мөдыс школалөн. Демонстрациянас юрнуөдны кутас сельсоветса юралысь Петр Филатович.

Челядькөд ми велөдiм революционнöй сыланкывъяс, гоз-мöдысь петавлiм ывлаö восьлавны стройöн.

Ноябрь 7-öд лунö дас часын вöччöм-пасътасьöм челядь ставöн нин вöлины школаын.

Верстьö йöзыслы шуöма вöли чукöртчыны сельсöвет дорö.

Ми буретш лöсьöдчим вөрзöдчыны школаысь, кор пырис сэтчö Петр Филатович да юöртис:

— Талун демонстрация оз ло.

— Кыдзи оз ло?!— пузи ме.

— Менö срочнöя корöны Феонö...

Миян планъяс дзугсисны, но дзикöдз бöрыньтчыны эгö кöсйöй, шуим демонстрациясö нуöдны аски, ноябрь 8-öд лунö, тайö жö кадö.

Вечерсö вуджöдiм аски рыт кежлö жö.

Петр Филатович кöсйысис аски кежлö демонстрация вылö корны тшöтш Феонысь пöрысь коммунист Иван Павлович Поповöс, кодi 1918 воын на Екуша заводын пырöма партияö, сэсся участвуйтöма Изъваын Сöвет власть лöсьöдöмын.

Ывла рöмдiгөн сельсöветса председатель бөр нин локтис Феонысь. Иван Павлович кöсйысьöма аски локны Абезьö демонстрация вылö.

Аскинас бара индöм кад кежлö чукöртчим школаö. Виччысим час джын, час. Иван Павлович эз лок.

Час дас кыкын ми школа дорсянь гöрд флагөн, сылигтыр мунiм сельсöвет дорö. Сэни миян дiнö мöд флагөн öтувтчисны верстьö йöз, ёнджыкасö томулов, и «Варшавянка», «Смело, товарищи» да мукöд революционнöй сыланкывъяс сылигтыр, бөр мöдöдчим сикт кузя кывтыд помас. Сэни, бөръя керкаяссяныыс неылын, эрдшöрса увтасiнын, сулалiс важ энöвтöм каюк, кодöс коркö ыджыд ытва дырйи кутшöмкö ногөн пыртöмабсь татчö, да сэтчö и суöма сийöс нэм помыс.

Сельсöветса председатель да ме кавшасим палуба вылас, пöрччим шапкаяснымöс. Петр Филатович восьтис праздничнöй митингсö да сетис кыв меным.

Водзвыв лöсьöдчöмнад ме джöмдавлытöг висьталi, кыдзи 1917 воын рабочöй класс да уджалысь крестьяна, коммунистическöй партия юрнуöдöмөн,

Владимир Ильич Ленин вескөдлөм улын Россияын путкыльтисны самодержавие, босьтисны ас киё власть да лөсьөдисны му вылын рабочөйяслысь да крестьяналысь первой государство.

Челядь и гырысьяс кывзисны вом паскөдөмөн, а кор ме аслам речь помын горөдi: «Мед олас Великой Октябрьской социалистической революция! Ура!», ставөн мый вынысь равөстисны:

— Ура-а-а!

Сикт кузя сельсовет дорөдз бара муним сылигтырйи. Нывбабаяс, кодьяс абу на велалөмаось Абезь кодь ичөт деревняд ветлөдлыны митингьяс да собраниеяс вылад, полöны дивитөмысь, гусьөн и явө кыйкьялисны-видзөдисны öшиньясöдныс.

А рытнас школаө вечер вылө воисны и найö, ичөтик вежөсыд йөзнас тырис.

Ме выльысь на дженьдыка сёрнитi ыджыд праздник йывсьыс. Сэсся челядь лыддисны кывбурьяс, сылисны сыланкывьяс. Та бöрын ворсiм разнөй ворсанторьяс. Пөттөдз чиктылисны-сералисны велөдчысьяслөн мамьясныс да батьясныс.

Часлөй, шуа ме налы. Тайö öд сөмын на заводичөмыс. Мый көть эн шу, а любö, кор вөчөмторйыд воö сьөлөм вылө йөзыслы...

ЫДЖЫД ОЛӨМАС БЫДӨНЛӨН АСЛАС ТУИ

Буракö, школаад уджавны велалi, луньяс кольöны төдлытөг. Рытъяснас, урокьяс кежлө лөсьөдчөм бöрын, час-мөдөн пукала аслам гижөдьяс вылын. Помалi выльысь гижны «Сиалөм лэчкысь петiс» висьт, думайта «Кыалань» поэма вылын.

Корсюрö рытсö дженьдөдны пыравлөны том йөз — Степан, Трөпим да Марк. Менам том көзьяин Олексей, көть арлыднас ми дорын төдчымөн ыджыд, прөст кадьясад пыр жö бергалö мянкөд.

Парфен дед луньяснад прамөя оз и чеччыв, ыджыд комната пельöсын кыö тыв да кулөм. Сылы отсасьö асланыс көр стадаясысь кольччөм паськыд,

сьод тошка да гогрөсөн шыром сэтшөм жö сьод юр-
сиа Иван дядь, кодi виччысьö тöвся туй пуксьом:
көсьö ветлыны Изьваса больничаö син лечитны, кыт-
чөдз эз на дзикөдз синтөммы; бурдөдчөм бөрын пö
ошышта Букурын да Ыбын рөдвуж ордын, а тулыс
кежлас, көраяслөн тундраö гожйыны петигкежлö, бөр
локта. Кузь туйясö велалөм йöзыдлы Изьваладорыд
быттьökö орчча сикт, көть сёрниыс мунö во джынся
кад да тысяча верста туй йылысь.

Праздник бөрын кымынкö лун мысти менам нем
виччысьтөг содi ещö öти велөдчысь...

Урокъяс помасьом бөрын гортö локтигөн патера
öшинь улысь ме аддзи кокныдик кузь дадь да сы
дiнын шойчысь-куйлысь гырысь понъясöс. Татчөс
понъяс кытшлалiсны бокланьöд да лёкысь увтiсны,
а лым вылö шойччыны водөм бокөвöй понъясидлы,
буракö, налөн эльтчөм-грөзитчөмыс веськодь: син
бөжнаныс лөгпырысь видзөдлывлiсны да весиг юрны-
сö эз лэптивны.

«Тыдалö, кодкö ыли гөсть»,— думышти ме да
пыри гортö. Сэни көзьявакөд öтлаын пызан сайын
пöсь чайөн чөсмасисны кузь уска шөр арлыда ён
мужик да ичөтик тушаа гогрөсiник кыз детинка.

Көзьяева висьталөмаөсь нин гөстьлы, кытысь да
кодi ме: төдтөм мужик чеччис да мыччис кисö:

— Сава Як Виктор... Виль велөдчысьöс вайöдi,
Митрöпанöвич.

— Бур,— шуи ме да синъясöс веськодi батыскөд
орччөн пукалысь детинка вылö.

— Кузьма, чеччы, төдмась учительскөд.

Кузьма збоя чеччис да мыччис кисö.

«Сюсь детинкаыс»,— медводдза здуксянь сьөлөм
вылö воис сийö меным.

— Миянланьö жö веськалөмыд, Митрöпанöвич,—
важ төдсакөд моз варовитiс виль велөдчысьлөн
батыс.

— Веськалi тай,— шуа ме.— Он и төдлы, кытчö
чукыльтас олан туйыд.

— Морт олөмад уна чукыль да вож,— кымын
водзö, сымын варовмис гөсть.— Сава дедным миян
Висер вожысь локтöма Изьва йылö да овмөдчөма
Латшö. Менö олөмыслөн визулыс нөбөдiс Усва йыв-
са Тит пöчинökөдз. Воча вокъяс, Елесь Вань да Елесь

Осип, вужьясисны Сыня ю бокö. А тайöяс,— индiс Кузьма пи вылас,— гашкö, став Усва вож дай Сибирь пасьталаыс разаласны. Сизим пиыд быдлаö тырмасны. Сэсся и внукьяс нин быдмöны. Аслым эз удайтчы, а унасыд кодкö, дерт нин, писькöдчас, Из сайöдз, гашкö, весиг водзöджык. Майбыр, паськыд муным, быдöнлы тырмö аслас олан туй...

— Сямыд кö эм, олан туйыд сюрö,— сёрниö суйсис векни чужöма косiник лабутнöй Парфен дед.— Ме со, позьö шуны, детинка на вöли Букурысь татчö локтигөн, а вужьяси и ола, челядь быдмисны, внукьяс аслыныс лэбув лэптöны. Бур и лёк — быдөн овмöдчöны, быдөнлы тырмö му вылас олан местаыс.

— Местаыд тырмö,— шуис гöсть.— Воркута ли мукöд юяс пöлөн мунап кыйсынытö да ловья моргöс он паныдав, кöть тöлысь ветлöдлы.

Сёрни пансис кыйсьöмьяс йылысь. Медтöдчана прöмысыс татчöс олысьяслөн — кынь да байдöг. Кольöм во кыныс тундраысь петавлöма сы мында, мый весиг паличөн бабаяс виавлöмаöсь гидсыныс. Бурджык кыйсысьяс дзикöдз озырмöмаöсь. Татшöм прöмыса воыс пö овлывлö уна во пиын öтчыд.

Кыныыд кока, а байдöгыд бордья. Уна-ö найö ласны таво Усва бокин,— код на ещö тöдас, а тундраад дзик прöмыстöм воыд оз овлы, та вöсна и Изьва йывса дошлöй кыйсысь Виктор Яковлевич Попов, «няня муö» писькöдчигөн туяс сибдöм бöрын, оланiн нас бöрйöма сэтшöм места, кысянь пон дадюлөн позьö кыйсынысö кокныда веськавны Изйö и тундраö.

Шуöны, байдöгьяс да кыныас татчöс местаясö во-лывлöны тöвнас сёрнджык, қор паськыд тундраыс тырö лымнас да сёяныс оз мöд шедны. Быд во на кыйдöсыд мыйтакö овлö, да лоас сийö и таво. Мужикьяс виччысьöны, лöсьöдчöны, оз на тöдны, ыджыдöс-ö вöчны договорсö заготовительяскöд.

— Зверь-пöткаыд — абу аслад быдтöмтор: лоас кö, кыян, а оз кö, он на и кый, кöть кытчöдз эн мун да кутшöма эн мырсы,— шуис гöсть, сэсся бөр вуджис воддза сёрниас, мöдiс юасыны Изьва йывса важ тöдсаяс йылысь.

Онi, нефть корсыны вылысь заводитöм бöрад, Изьва йывланыд йöзыд тöдчымөн содiс, а вöйдөр сэт-

чос посни сиктъясса ветлысь-мунысь мужичöйяс тöд-
лісны верстыö йöзсö сё, весиг унджык верст сайысь.

Чужан сикт энөвтöм бöрын дас сайö вонад уна ва
визувтис Изьва юöд, но дас воон оз йывмывны став
важ тöдсаяс. Тыдалö, та вöсна Виктор Попов лыддис
менö не сöмын «землякөн», но и ас мортөн.

— Ті öд уна вок вöлінныд,— юасис сійö,— кöні
мый вöчöны Доропей, Иван... Ловъя абу батынды?

— Дорофей, Иван да мукöд вокъяс ловъяöсь, ас-
сыныс туй талаяlöны,— висътаси ме,— а батыным
кувсис тавося март тöлысьын.

— Но-о,— шензис Виктор.— Сідзкö, Митрöпан оз
нин дорав кöзла-адзласъяс, оз сверлитав пищальяс...

— Оз,— шуи ме.— Кöртөн клөнöдчöм да пищаль-
яс сверлитöм сылөн помасис.

Дыр на пукалісны миянын Виктор батя-пия. Уна-
тор йылысь ми сёрнитім Сава Як Викторкöд, уна
öтувъя тöдсаöс гарыштім. Тайö сёрнисыс гөгөрвои,
мый абу веськодь мортыдлы чужаніныс, кысянь
босьтчöны сылөн вужъясыс. Кузьмалы мый? Сійö
аски локтас школаö, пуксяс парта сайö, тöдмасыс
виль ёртъяскöд, и, гашкö, гортыс омöля мөдас усъ-
лыны дум вылас, а батыс сылөн, Виктор Яковлевич
Попов, нэмыс кутас казътывны Изьва йывса тöдса-
яссö, чужан Латш сиктсö.

Рытыс сöмын на заводитчö. Гөстыяс муно́м бöрын
Парфен дед пуксис тыв кыны. Гöтырыс, пиыс да
моньыс сәні жö бергалісны.

— Дивö,— чöv олыштöм бöрын, кияснас тэрыба
уджалігтыр, шензис старик.— Этатшöм зырымбедь
вöсна нарошнö локтöма понъясөн кыксё верст сай-
сянь, вайöдöма велöдчыны...

— Викторыд абу на йöй,— суитчис Öлексей пи-
ыс.— Видзöдалö, кöні кутшöм прöмыс таво лоас.

Нывбабаяс асланыс көлөкөльня вывсянь донъяліс-
ны Сава Як Викторлысь татчö волөмсö.

— Көнкö, мудер ручыд, öти сайысь кыйöдчö жö-
ник пияныслы невестаяс бöрся,— шуис Öлексейлөн
гöтырыс.

Гашкö и сідзи. А менам юрын Виктор Поповлөн
волөм да сыкöд сёрнияс бöрын чужисны морт судь-
ба йылысь думъяс. Елесь пиян — миянлөн ыліса рөд-
ня (мамныс — менам батылөн воча чой). Вась, Пиля,

Вань, Ёсип, Епим, Педёр, Мишка... Сизим ли көкъямыс вок вөвліны найо. Загреки, та мында ныв кө чужас коми крестьяниныдлөн: кызди шульвлісны, приданной вылад оз тырмы юрси сід. Но сизимкөкъямыс пито юкны некутшом видз-му жө эз тырмыв, Елесь пиян да мукөдъяс моз ковмывліс энвтын чужан сиктнысө, корсыны ылі пельөсыясыс прөст видзяс да вөраланінъяс. Ыджыд олөмас быдөңлөн аслас олан туй, аслас судьба. Тадзи жө Сава Як пиянлөн, куим воклөн, кодъяс йылыс ме унатор кывлі да төда.

Став Изьва вожын паськыда төдоны Латш Ваньөс, мод ногөн, Сава Як Иванөс, коді революцияөдз на восьтылөма миян сиктын ичөтик лавка, вайльвлөма кыйсысыяслы дрөб-порок. Менам помнитігөн Латш Вань быд во, төвся туй пуксьом бөрын, быдса караванөн лэччывліс Изьва кузя, вайльвліс татчөс олысыяслы медся коланторсө, а нульвліс Нёбдинса ярманга вылө дона көра-көлуй, зверь куяс. Война бөрад ми, школаын велөдчыс челядь, Съод Кристофорлыс моз жө нёббывлім сылыс карандаш, воча вежлавлім ур ку да өти съод карандаш: ура воясө кымынкө ур сикт дорыс ми кыйльвлім асьным, свинеч торнад гижигөн карандаш вылад уртө вежны эг и жалитлөй.

— Но и юр Латш Ваньлөн!— шензылісны мужиқьяс.— Сап велөдчытөм, а помнитө, кодлы уна-ө сетлөма дрөб-порок, кодсянь кымын ур ку воө сылы.

Кадыс тай мөдджык лои, вузасысыястө топөдісны, а эськө Латш Ваньыд регыд быдмис ыджыд купечөдз. Буретш сылыс ректісны нянь амбарсө Изьва йывса партизанъяс, медым спаситны тшыг йөзөс. Салдатыс воыс ичөт вокыс, Оңдрейыс, партизанөн жө лыддысис, но, вокыслыс нянь мырддьөм бөрын, скөрмис ёртъяс вылас, вузаліс найөс белөйяслы, мыйыс гражданскөй война помасьом бөрын советскөй судлөн шуөм серти асьсө лыйлісны.

Челядьөн тырөм шөркост вокнысө, Виктор Яковлевич Поповөс *, коді кынөмпөтсө перйыліс видз-му

* Буретш тайө Виктор Яковлевич Поповсө, кызди из шом адзысыясыс өтиөс, бөрынджык Советскөй правительство наградитіс Ленин орденөн, Сейда поселокын стрөитіс сылы выль керка да сетіс персональной пенсия.

уджалом да кыйсьом помысь, тшыг воясö со кытчö шыбитома оломыс и öнi жыкруйтö Усва йылын, быд во, шуоны, медся уна кыйö кынь да мукöд зверсö.

Дыр эг вермы мездьсыны тайö думьяссыс, но коркö унмовссьома жö. Асывнас менам содис выль велöдчысь Кузьма Попов. Мöд урок заводитчигөн сикт кузя тшын-бус төвзис пон дадюла. Кузьма видзöдлис öшиньöд да аслыс моз шуис:

— Батьö мунис.

Абезьса поньяс авзигтыр вöтчылисны ю дорöдз да сьодас увтышталигтыр бөр бергöдчисны, а сэсся ывлаын вочасөн пуксис чöвлун.

Луныс нинöмөн эз торьяв мукöд луньясысь. Выль велöдчысь зiля босьтчис уджö. Тыдалö, гырысьджык вокьяссянныс велалöма: лючки артасьö, букваяс ставсö төдö, лыддысьыштö да гижыштö.

«Юра детинкаыс,— ас кежысь думышти ме.— Кымынкö лун мысти позяс вуджöдны аслас арлыдаяс дорö мöд классö».

Рытнас менам том көзяин кытчökö воши. Ужын бöрын петис ыркöдчыны, а сэсся абу и абу. Сельсöветын öнöдз, дерт, оз пукавны-гöлчитны. Войпук оз жö кывсы. Юöm юрөн эг жö на аддзыв: аскуртö тани оз вöчны, а вина матигөгöрын некөн оз вузавны; төлысьөн-джынийөн олі, да код юра мортös эг на аддзыв. Картиасьом Öлексейлысь эг жö на казаявлыв.

— Бара, тыдалö, кодкö ордö чукöртчисны да гöлчитöны,— дöжнасис гöтырыс.

Ужын бöрын ме лösödчи урокьяс кежлö, сэсся босьтчи лыддысьны.

Кöзяин воис вой шөр бöрын нин.

— Жöникалан,— мургыштіс гöтырыс.

— Узь,— шуис сылы верöсыс, да шытөг пырис ме динö.— Век пукалан?

— Быть пукав,— шуи ме да пызан вылö пукті книгаös.— Талун дыр гуляйтін.

— Карло Ваньлысь мойд кывзим,— вашьяліс көзяин.

— Сёрöдз,— шуа ме.

— Карло Ваньыд көть асылöдз мойдас, да кывзысьяслы некор: асывнас ковмас турунла-песла мунавны.

Воддза воё «Ордым» журналын печатайтисны менам друг Яков Чупровлысь (Биа Ёгырлысь) кывбурён гижом яран мойд «Сале Микулай». Авторыслы весиг сетисны премия. Меным важон жё окота кывзывны яран мойдъясто да көзяинлы шуа:

— Эг тод. Эськө тшөтш ветлі мойдөмсө кывзыны.

— Вөскресенньо рытө корлам мянө,— шуис Алексей Парфентьевич.— Табакон кө гөститөдан, Иваныд войбыд мойдас.

— Корлы!— нимкодьпырысь шуи ме.— Мойдас кө, ме сылы руб сета.

— Руб вылад Юсевыд дас мойд мойдас. Мастер өд бесыд! Заводитас нускыны, да он и төдлы, рытыс кольөма...

Вөвлөм ненец Юсев Иванөс, Карло Ваньөс, ме став мукөд татчөс олысьясөс моз төді. Ар комына, гөгрөсөн шырөм сутуга кодь чорыд съод юрсиа, пөлөс ног потыштөм векни съод синма, латшкөсиник тушаа крепыд мужичөй, сійө вөлі гөтыртөм на, ичөтджык вокыскөд да пөрысь мамыскөд оліс кывтыд помас деревня мышланьыс ичөтик важ керкаын. Ми сыкөд эг на вөлөй матысса төдсаяс, да полі, мися, менам корөм вылад оз лок (көть рубьясыд джоджын оз туплясьны), та вөсна тшөкті көзяинлы корны мойдысьөс патераө.

Вөскресенньо рытө мянө водз на и локтис Карло Вань. Первой ми сійөс гөститөдім крепыд чайон. Чай юом бөрад Иван мөдліс куритчыны, но шызис бәлөн шеваыс, мөдіс лөкысь видчыны-горзыны, да гөстылы көзяинкөд лои петны куритчынысө овтөм важ вежөсө. Мыйкө вильшасьлывліс жө тайө шева вылас Алексей Парфентьевич. Праздник асывьясө локтас менам вежөсө да пестас кыз чигарка. Мамыс да гөтырыс мөд вежөсын пөжалөны пирөг-шаньга, та вөсна сәні ичөтика тшына.

— Прөста өд куражитчө тайө шеваыс,— шуас меным көзяин, восьтыштас өдзөс вылысь занавессө да мамсыс гусьон мөдас пөлыштлывлыны мышкөн ноксысь пөжасьсыяслань:— Некутшөм табак тшын оз кыв...

Збыльысь, шева шызьө сөмын сәки, кор баб аслас синьясөн аддзас мыш сайын пиыслысь куритчөмсө.

Ме прөста дуригмоз ас коддьөмъяскөд корсюрө

шочиника тшынасьлывлі жö, но баб водзын некор эг вильшасьлыв, та вöсна сійö менö радейтис.

Том йöз кывлöмаöсь нин Карло Ваньлысь ме ордö мойдны локтöмсö: менам олан нейджыд вежöсöй пыр и тыри джоджын маличаяс выланыс куйлысьясөн да пукалысьясөн.

Ме пукси пызан помö, киö босьтi водзвыв лöсьöдöм тетрадь да карандаш, мед пасъялыштны, да öлöдi мойд кывзысьясöс:

— Сöмын не куритчыны.

— Огö куритöй,— шуис кодкö.

Иван первой нускигмоз сьылыштис: «Когорей натики, еллö натики...». Ме кори висътавны, мый сійö лоö.

— Батьöлөн пиыс, вына пиыс,— шуис Иван да заводитис комиөн ньöжйöник лабгыны-мойдны.

Кывзысьяс ланьтöмаöсь, сöмын нырнаныс чушкыштöны. Ме öтнам шыасьлывла, корсьюрö кора выльысь висътавны мойдса йöзлысь нимъяснысö, медым гижны аслам тетрадьö.

Мойдын висътавсис сы йылысь, кызди көр видзысь ненец гозъялөн чужис-быдмис пи; быдмис-сöвмис öдйö, и ен абу öбидитöма вежөрнас, но ветлöдлыны эз вермы, лун-лун пукалис көр чом дiнын, вöчалис ньöвьяс да сьылис: «Батьöлөн пиыс, вына пиыс...» Дыр-ö тадзи кыссис кадыс — код тöдас: мойдад пö регыд мойдсьö, но делöыс дыр вöчсьö. Коркö-некоркö көр видзысьяс вылö уськөдчöны мөд государствоса вөрөгъяс, мырддöны став көръяснысö, нуöны медмича нывсö. Сэни пукалысь коктöм багатырыд пусь-пась жугөдö вөрөгъясöс, көр видзысьяслы бергөдö көръяснысö, пленысь мездö красавица Ниноöс, сы вылö гөтрасьö...

Мойдысь да мойд кывзысьяс гортъясö разöдчисны сёрнкодь нин. Кöзьяин колльöдис найöс ывлаөдз, пырöм бöрас шензис:

— Ок и лöсьыда востымасьö талун вой кыаыс!..

Абезяд ме эг «усь» кыськö ыли лунвылысь. Гортын, а сэссия Мохчаын велöдчигөн төвся сэзь войясад северной сияниетö аддзывлі не этшаысь, но век жö пасьтаси да петі видзöдлыны.

Петі пемыд посводзысь, видзöдлі кодакості кымөръясысь весасыны удитöм паськыд енэж вылас и

шемөсми: вой кыалысь татшөм уна рөма мича востымасьөмсө ме нэмын некор на эг аддзыв. Енэжыслөн войладор бокуы, кажитчө, воссьылас, көнкө ылын чужасны зарни рөма, алөй, чим гөрд, турунвиж, келыдлөз гыяс да катласигтыр вуджасны отар вортасяньыс мөдар вортасөдзыс. Оти здук кежлө пемдышталас, сэсся бара ыпмунө... кымын водзө, сымын гырысь да уна рөмаось лооны ловъя гыясыс.

Сиктыс узыө войся чөскыд унмөн: татчөс олысьясыдлы, тыдалө, абу выльтор вой кыалөн татшөм ворсөмыс, а ме кынмытөдз сулалі ю кыр йылын, любуйтчи шемөсмөдана мича серпаснас, кодөс он вермы висьтавны морт кывьясөн ни он куж стөча серпасавны. Гашкө, ыджыд художникъяс уна пөлөс краскаяс отсөгөн сетасны мыйкө татшөм сямасө, но сійө лоас кулөм серпас, оз мөд вөрны ни востымасьны.

Аскинас, школаысь воөм бөрын, меным нем вичысьтөг сетисны письмө. Абезыын медводдза письмө. Николай Максимовичсянь. Некутшөм штамп ни печать конверт вылас абу. Прамөй төвся туй эз на пуксы. Кыдзи локтөма письмөыс Щельябөжсянь — некыдз ог гөгөрво. Шуоны, Анук Вась локтөма армияысь да сійө вайөма.

— Бур и лёк горт төдөны, а миян зятюшконым позтөм көк моз эновтис гөтырсө да нывсө,— тотъяліс бабным. Көть веськыда эз висьтав, төдчө, пөрысь нывбаба полис: гашкө, зятьыс ыджыд карад аддзис выль гөтырөс да прөста ыстысьө велөдчыны пырөм вылө. Со тай нө Анук Васьлөн кага ни баля, весиг юр сюяніныс омөлик чом кодь, да локтис. Письмөясыд онас кык-куим жө сөмын волөны. Эмось тай, майбыр, өнія кадө выль гөтыр вылө ыштысьясыд. Эновтасны важсө челядьөн, а сэсся коді ловъя приданнөя вылад ыштас татшөм ичөт сиктъясад?

Старука гусьөн ышлолаліс. Ме эг на төд, коді сійө Анук Васьыс. Мамыслөн да чойыслөн тай овыс Ванюта-а. Тыдалө, вөвлөм ненецъяс. Көзяева шензисны, кутшөм прамөй морт лоөма Вась, призывайтчытөдзыс пө сөрванечсьыс сөрванеч вөвлі-а: салдатад тай быдөнөс пөртөны мортө.



адзёникён заводитіс пуксыны сиктыяс костын вёла туй. Первой мёдисны волювны Абезьё вёлаяс Ярпи, Юньяга, Епа, Феон да мукёд матысса деревнясысь, а сэсса Абезьын быдса лун жовъяліс Тош Як, Петруньё лэччан джынтуйса деревнясысь гора гёлёса зэв варов мужик, нельёд классын велёдчысь Андрей Каневлён батыс. Вёлён колльёдёма шойччан лун кежлө гортө лэччылысь писё, вайёма сылы сэян-юан. Пыраліс ме ордө, дыр варовитіс, юасис, кызди велёдчө пиыс.

Андрей — зіль детинка, велёдчө бура. Ме ошкышти. Батылы любө лои писё ошкөмысь.

— Дятинаыс эськө абу дзик сямтөм да, — ещө на варовмис сійө. — Мед велёдчө, юрыс кө уджалө.

— Колө велёдчыны, — нылыд сёрниті ме.

— Коркө, Петруньё петалиганыд, пыралөй шонтысыны, гөстьөн лоанныд, — прөщайтчигөн корис сійө.

— Лоас кө Петруняс петалөмыс, — шуи ме.

— Лоас, — эскөдіс гөсть. — Төвся каникул дырйи петалан. — Петруньыд, зонмө, кар кодь.

Кар кодь не кар кодь, а Абезь дорад Петруньыд ёна ыджыд, мича да уна йёза, и көть матө во нин тані эм сельсөвет, татчөс олысыяс омөля на бергөдчөны Петруньтөгыс. Казенной амбарьяс да складьяс абуось. Няныдла колө мунны Петруньё, кыйдөстө нуны — Петруньё жө. Шуоны, байдөг төвнас лоас: муртса усышитіс лымйыс, а прамөй ыджыд чукөрьяс бергалөны матигөгöрын. Мужикьяс некымын лун нин ноксьоны лэчьясөн. Кутшөма лоасны дона зверьяс, тыдовтчас сёрнджык, но кыньяс да ручьяс пө вөтлысьоны шырьяс да байдөгьяс бөрся.

Бур туй дырйиыд татчөс местаясад квайтымын-сизимдас, весиг сё верста туй коластыд сёрни доныс оз сулав. Менам көзяин арся вөвнад кык войколөн и лэччыліс Петруньё кооперативлы няньла. Ме гижі петруньса избачлы письмөтор, кори ыстывны роч да коми книгаяс, тшөтш ВКП(б) XVI съезд йылысь материальяс. Роч книгаыстө ыстөма нөб тыр. На лыдын Гончаровлөн, Джек Лондонлөн, Бальзаклөн романьяс, Фёдор Гладковлөн «Цемент». Тшөтш ыстөма XVI съездлы ВКП(б) ЦК-лысь отчётной докладсө да съезд-

лысь постановлениеяссö. Тöдчанаджык коми книга-
яс пö библиотекаын абуось, та вöсна мöдöдöма «Ор-
дым» журналлысь воддза воясса номерьяс. Майбыр,
öни лоö мыйöн ылöдчыны рытьяснад!

Петруньысь воысь көзяинкөд тшöтш моз мянö
локтисны гөстьяс, том көзьяйкалөн кык вок, паськыд
тошка кык мужик. Кыськө вылі деревняысь. Пер-
войсö ме чайті найöс старикьясөн, но, видзöда да,
чужöмьясныс зев на шыльыдöсь. Бöрынджык ты-
довтчис: öтиыс — кызь сизим арöса, мöдыс — кызь
ökмыса, но лэдзöмаöсь гөгйöдзныс тош да дзык Яг-
морт кодьöсь. Гөститны локтигмоз пö вайöдiм госторг-
лөн Елечса заготпунктын агентлы отсасьысь Витя-
зевöс, кодi сэтчöс кыйсьысьяслысь да көраяслысь
ньöбöм прöмыссö нуö Изьваö.

Сёрнияс серти, гөстьяс көсийöны öти сайысь ви-
дзöдлыны Абезыысь сийö «американскöй тöргсö», код
кежлö дыр нин лöсьöдчисны, но виччысисны төвса
туй пуксьöм, медым вермисны локтавын матигөгö-
рысь ньöбасысьяс. Oz кө торксы поводдяыс, тöргыс
лоö аски, вöскресенньö лунö, веськыда сикт шöрас,
ывлаын.

Рытнас пукавын локтисны мянö Усва йывланы-
ысь жö воём ещö кык дядьö. Гөстьяс казаялисны мен-
сыым «Ордым» журналдыяснад ноксьöмтö да корисны
мыйкö гораа лыддыны: мянö пö некор на эз весь-
кавыны коми гижöдьясыд.

Весь олігмоз көзяевалы да гөстьяслы ме гораа
лыдди журналысь Ичöт Иванлысь тешкодь висьт
«Öльöкан», көни сиктса мужикьяс пикö воштылöны
ассыныс суседнысö, пи пыдди гөтырыс öтарö ныв
вайö да. Синва петмөнныс гигзисны-сералисны кыв-
зысьясыд.

— Сэтшöмöсь öд и эм злöдейясыд, — медбöрын
шуис том көзьяйка, кодлөн первойя кагаясыс нывъ-
яс жö.

Аскинас луныс пуксис лөнъ, шоньд. Кинялыштис-
усис гырысь коръя небыд лым.

Талун лоас «американскöй тöрг». Көнкө, Абезь
сельсöветува кутшöмкö деревняын, вöвлöмаöсь че-
лядътöм гозья, кодьяс нэмнысö ветлöдлöмаöсь көр
дорын, но кольöм во кувсьöмаöсь, первой гөтырыс,

а сэсса верёсыс. Дыр олигад лосьдёлмаёсь кёртор, кём-пась. Кулысьяслөн матысса рөдвуж некод абу. Кёрсө сельсөвет гижалөма да сетөма видзны Абезь пыр ветлысь кёраяслы, а овмөссө — маличаяс, паркаяс, пимияс, шапкаяс, чышъянъяс да мукөд сэтшөмтор — арнас вайисны Абезьö, медым вузавны да деньгасө сетны госуларстволы. Маличаяс да пимияс вылад татчөс йөз өдвакө кутасны ёна усьласьны, та вөсна сельсөветын шуисны төвся туй пуксьөм бөрын котыртны сідз шусяна «американскөй төрг», коді колөм воясө өти-мөдлаын мувлывліс нин.

Төргсө нуөдны кутас госторглөн агент Иван Павлович Попов, ыджыд опыта төргөвөй работник, а ми, сельсөветса юралысь Попов, армияысь неважөн воысь Анук Вась, ме да ещө гоз-мөд морт, мөдам отсасьны. Вузаланторъяссө ставсө водзвыв гижалім, лосьөдім дон, кодысь улөджык оз позь вузавны, а вылөджыктө... ньобасысьяслөн делө, мед «пурсьöны»!

Менсьым веж петкөдланаыс вөліны вөсньыдик лөзной эжөда зэв бур мужскөй малича да, гашкө, ещө на бурджык кокньыдик еджыд мича том көр куысь, татчөс ног кө шуны, неблюйысь вурөм сөвик — парка. Кыкнансө өтпырйө ньөбны, төдөмысь, ме ог вермы, а өти вылас сьөмтө дасьтөма. Сэтчө жө, арнас, вайөм бөрас, маличасө да паркасө видлалігөн, мужикъяс ышөдісны:

— Ньөб, учитель, маличасө, он кут каитчыны.

Маличатөгыд төвтө вуджны тані сьөкыд, сы вөсна төрг вылө мунігөн ме сьөрысь босьті сьөм да шуи:

— Талунсянь кута тшапитчыны мича маличаөн.

Чайті, көзяева менсьым думөс ошкасны, а Парфен дед, чөв усьлөм бөрын, шуис:

— Тэ, пиө, маличасө эн ньөб...

— Мыйла?! — чуйми ме.

— Көзяиныс кулі ракөн, чужөм-рожаяс ставнас вөлі пыктөма...

— Тэнө, выживөс, юалөны, — вомаліс гөтырыс, но Парфен дедлөн кывьясыс сатшисны менам сьөлөмө.

...Та мында йөзыс пө Абезьын некор на эз чукөрмыв. Абезьсаяс кындзи төрг видзөдлыны локталөма-

ось маті и ылі деревняясса олысьяс. Тані жö бергалöны госторглön, интегралсоюзлön агентъяс да налön отсасысьяс.

Вузасöмыс заводитчис лун шөр гөгöрын ывлаын, сельсöветдорса паськыд эрд шöрын. Йöзön кытшалöм кузь пызан дорын чукöрын куйлісны вузаланторъясыс. Паськыд тошка Иван Павлович пызан сайö сувтöмön лыддьöдліс, мыйяс кутасны вузавы, а сельсöветса юралысь Попов, улöс вылö кыпöдчывлöмön, йöзыслы мыччöдліс вузаланторсö, көть ньобасыны лөсьöдчысьяс таодз унджык көлуй дінас удитісны инмöдчывны киön.

Иван Павлович висьталіс вузасян ног йывсьяс, но аддзывтöгыд öткымынъяс дыр эз гөгөрвоны, та вöсна сылы ковмис некымынысь петкөдлыны, кызди тайö вöчсö.

Ньобасысьяс первойсö полісны, а сэсся збоймисны да, посниторъястö вузалігön, сöмын кутісны содтавны донсö.

Прамöй тышыс пансис меддона малича гөгөр. Донсö сылы вöлі индöма квайтымын шайт. Көть Парфен дед эз тшöкты ньöбны тайö маличасö, ме мөді доңьясьны, но төргөвöй агентлы отсасысь Витязев, кодлön ылі пельөсъясад дыр уджалігön деньгаыд чөжсьöма, эз көсий сетчыны.

Иван Павлович, паськыд тошсö катлөдлігтыр, коставлөмön мөдіс зымöдны пызанö:

— Квайтымын шайт öти... Квайтымын шайт... кык!

Ме ывла выв тырнас горөді:

— Квайтымын вит!

— Bravo, учитель!— тыдалö, менö ыззьöдөм могось, кодкө шыасис йөз пиас.

— Квайтымын вит öти... Квайтымын вит кык...

— Сизимдас!— ньöти падъявтөг быдса вит шайт содтіс Витязев.

Абезьсаяс синісны ме дор.

— Эн сетчы, учитель!— горзісны найö.

— Сизимдас шайт... öти... сизимдас шайт...— тэрмасьтөг водзö лыддьöдліс Иван Павлович.

— Сизимдас вит!— горөді ме.

Тадзи ми первой вит, сэсся кык да öти шайтön содтасигтыр, вермасим сизимдас öкмыс шайтöдз,

а кор Витязев горөдіс «көкъямысдас!», ме өвтышти киөн.

Иван Павлович тэрмасьтөг зымөдіс пызан пөвійө:

— Көкъямысдас шайт... өти... Көкъямысдас шайт... кык... Көкъямысдас шайт... куим!

Маличаысь менам энотчөмыд явө эз во сьөлөм вылө абезьсаяслы.

— Ой, учитель, учитель!..

— Татшөм бур малича бокө лэдзин...— юреө кат-лөдлігтыр дивитісны менө төдса мужикъяс.

Меным жаль жө лои маличаыс, но киссьөм ватө он курышт.

— Мед!— өвтышти киөн, а Витязев нимкодьясла вашъяліс, мынтысис маличасыс да, кор заводитісны вузавны неблюй паркасө, пыр и босьтчис донъясыны кык пөв ярджыка. Первой найө вермасисны кыськө Петруньланьысь воөм мөд төргөвөй агент Сенька Каневкөд.

Дерт, парканад сикт кузя он ветлөдлы, но кок-ныд бур паркаыд көдзыд войвылад кузь туйяс дженьдөдігөн и турун-песла ветлігөн малича дорысь не омөльджыка колантор. Та вөсна Витязевкөд да Каневкөд тшөтш босьтчылісны донъясыны ещө гоз-мөд морт, но, тыдалө, доныс лои не налөн зепъяс серти, да регыд бөр энотчисны.

Ме дыр чөв олі. Бөръя донъясысысыс содтыс-лісны өти да кык шайтөн. Кор паркалөн доныс воис сизимдас шайтөдз да Иван Павлович, пызанө тотшө-дігтыр, тэрмасьтөг шуис:

— Сизимдас шайт... Öти! Сизимдас шайт... Кык!..— ме өтпырйө содті:

— Сизимдас вит!

Абезьсаяс веськыда ловзисны, бара кутісны го-рөдлывлыны:

— Учитель, эн сетчы!..

Тайө пөрийө ме эг думайт сетчыны. Первой энот-чис Витязев, сэсся кинас өвтыштіс Сенька Канев:

— Парканад и быдөн... Чөрту!

Ме лыдди сизимдас вит шайт, пукті пызан вылө да босьті баркат кодь небыд эжа, зумыд, сук гөна, еджыд неблюй паркасө, кодлы, төдысь йөз кывьяс серти, доныс абу.

— Вот тайо добра!— сійос видлалігөн шензис тшөтш Парфен дед.

— Асьтö и детитö шонтас,— шуис Аксен Бабиков.

Челядь вöсна тöждысьны меным водз на. Но ыста кө тайо паркасö гортö, веж морозъяс дырйиыд турун-пес ваялігөн вок-чойлы згөдитчас. А аслым öнi кежлö тырмымөнъя и сійö кузь пеля съод пежгу шапкаыс, кодöс ньöби сійö жö «американскöй төрг» вылас, код йылысь абезьсаяс да татчöс деревнясса олысьяс, гашкö, ме моз жö кутасны казьтывны уна во чöж.

УЧИТЕЛЬДЛЫ УДЖЫС ТЫРМÖ

Войвылыд — войвыв на. Гөгөр эг удитöй бергöдчыны, небыд шоныд лунъяс помасисны, кыптис пурга да лун-мöд бушуйтчис, восьсанинъяссьыс нöбöдiс став лымсö, а эрд сайясö тэчис керка судта толаяс. А бушколыс оз и думайт лөнны. Школаö мунігөн туйсайса керкаясыс оз тыдавны. Мукöдлаті гыркйöдз ковмис собавны толаястыс. А челядьлы веськодь турöбъясыд: ичöt сиктад ньöти сёрмытöг локталöны школаö. Көть пуксьытöм керка пельöсьясын пöшти быд асыв мыччасьöны гыөр көчьяс, не сöмын лун, весиг öти велöдчан час на эгö кольлöй велöдчытöг. Асывсянь заводитам шуруйтныломтыны көрт пачтö, да пыр и усйысясны лым көчьясыд.

Лунъясыд тані дженьыдöсь: асывнас первой уроксö лö велöдчыны биön, а нельöд урок заводитчигөн бара нин колö биасыны. Велöдчан лун помасьöм бöрын зильджык велöдчысьяскöд дыр на пукалам тшынасьöм стеклöа десятилинейнöй лампа дорын, велöдам кывбурьяс, лöсьöдчам сельсöветын краснöй уголок восьтигкежлö. Сэсся öд и выль во матысмö; көть ёна сёрмöмөн заводитим велöдчан восö, мукöд школаясын моз жö коркö ковмас лэдзавлыны челядьöс төвся каникул вылö.

Ёлкаястö миян велöдчан воясö эз нин вöчавлыны. Кызь арöсысь петі, да öтчыд и веськавлі ёлка

вылад. Сійö вöлі важöн, во дас вит сайын, кор ме, квайт арöса детинка, кымынкö тöлысь котралі первой классö. Вöтöн моз помнита, сэки миян школаын сулаліс мичмöдöм ёлка. Нэм ог вунöд, кызди ме сэки петі ёлка дорö да пызйышті-лыдди:

Петушок, петушок,
Золотой гребешок,
Масляна головушка,
Шелкова бородушка,
Что ты рано встаешь,
Что ты громко поешь,
Ване спать не даешь!

Гашкö, ме вöлі кывбур лыддысьяс пöвстын медся ичöt да сійöн учительным, Алексей Осипович, малыштіс юрöд, мыччис кампет да ошкыштіс:

— Молодеч!..

А ме тайö дженьыдик ошкан кывсö, кажитчö, öнöдз кыла пельöн.

Тайö вöлі дзик öти ёлка, кодöс ме аддзылі аслам синъясöн. Выль во пуксьöмтö миянладорын торъя эз жö пасйивны: Василей лунлы паныда войö окочöйяс кывзысьлісны да гадайтчывлісны, а ми, пионерьяс, сэся комсомолецьяс, быд ногыс дивитлім найöс таысь.

Ичötик сиктад учительыдлы быдтор лоö вöчны. Буракö, шулі нин, сельсöветö секретарöс районысь век на эз ыстыны. Муртса лыддысьны да гижны сяммысь Петр Филатович юртöм петук кодь, гыжъя-лö баябöжсö, видзöдö менам синмö, быдторйын виччысьö мясянь отсöг. Анук Вась эськö дзик партизан кодь, но ыджыд сямьяс оз тöдчыны, собраниеяс вылын ёнджыка кинас öвтчö да босьтö гөлöснас.

Важөнкодь нин лöсьöдчам восьтыны сельсöветын краснöй уголок. Петруньысь вайисны плакатьяс да лозунгьяс. Челядькöд ми лэдзим Октябрьскöй праздник кежлö Абезь сиктын медводдза стенгазета. Гижим дзик ставсö, мый вöчсьö не сöмын Абезьын, но Феон да Ярпи деревняасын, весиг тшöтш сы йылысь, кызди кутшöмкö Парук кольöм во гусялöма суседыслысь моздор тыр турун. Первойсö газетыс öшаліс школаын, а сэся нуим сельсöветö. Быттö эськö мый и эм велöдчысьясыдлөн ичötик стенгазетаыд,

а мужикъяс нарошнӧ пыравлывлісны сійӧс видзӧдлыны.

— Но и но!— юрнысӧ бергӧдлӧмӧн шензъывлісны найӧ.

Ошкӧмыд бур мавтас. Челядь кашкисны-чукӧртисны выль материал: краснӧй уголок воссигкежлӧ дасътім стенгазеталысь мӧд номер. Краскаястӧгыд рисунокъясыд артмӧны рудіникӧсь, но нинӧм.

Турӧбалӧм бӧрын пуксис веж мороз. Ру вӧснаыс бара некӧн нинӧм оз тыдав. Кӧдзыдысла школӧдчӧны-потласьӧны керка стенин керъясыс, быттӧкӧ ӧшинь улын винтовкаысь лыйсьӧны.

Менам ӧшинь чунь кызта гыӧртӧма, некутшӧм занавеска оз ков, а джодж шӧрын дугдывтӧг ломтысьӧ кӧрт пач. Школаысь воӧм бӧрын шойччышта да быд вой пукала асья дорӧдз: лӧсьӧдча урокъяс кежлӧ, конспектируйта ВКП(б) Дас квайтӧд съездлысь решениеяс, нокса аслам гижӧдъясӧн.

Кӧзяева узьӧны чӧскыд унмӧн, ывлаын чӧв-лӧнь, весиг понъяс оз увтчыны... майбыр, ӧні и уджавнытӧ. Кольӧм лунъясӧ помалі да Елечсянь Изьваӧ мунысь пӧпутчикъяскӧд ысті «Ордым» журналӧ «Сиа-лӧм лӧчкысь петіс» висът да нель-вит кывбур. Тшӧкті Изьваын лӧдзны почта кудйӧ. Ӧні, кӧнкӧ, Изьваыв да Емба пыр тӧвся туй воссис нин да регыджык кутасны ветлӧдлыны письмӧясыд, а декабрь 16-ӧд лунӧ меным вайисны «Ордым» журналысь гонорар да редакциясянь письмӧ, кодъясӧс ыстӧмаӧсь апрель тӧлысын. Апрель тӧлысса письмӧ жӧ вайисны Сыктывкарса совпартшколаын велӧдчысь Мария чойсянь.

Дивӧ босьтӧ: кӧкъямыс тӧлысь чӧж кӧнкӧ шӧйтӧмаӧсь письмӧясыс да денежнӧй переводыс! Сэтшӧмӧсь тай на миян ылі войвылад туйясыс: коймӧд тӧлысь ола Абезын да кольӧм лунъясӧ жӧ медводдзаысь вайисны «Гӧрд Печора» газетлысь кымынкӧ номер. Редакциясянь воис менам ним вылӧ селькорлӧн удостоверение: гиж пӧ унджык сэтчӧс олӧм-вылӧм йывсьыс. А тадзи кӧ кутасны ветлӧдлыны письмӧясыд, ӧна он гижась! Мый йылысь и гижан. Газетъясын гижӧны, мый быдлаын котыртчалӧны колхозъяс, ӧткымын сиктъясын весиг нуӧдӧны сплошнӧй коллективизация, пӧртӧны олӧмӧ ВКП(б) XVI

сьездлысь индӱдьяссӱ, а ми олам быттӱкӱ мӱд муын, ӱти Зильганӱс кулакалӱм, овмӱссӱ гижалӱм, да ӱнӱ кезлӱ та вылын ставыс и помасис. Петруньын пӱ эськӱ мыйкӱ и бушуйтчӱны, но Абезьӱдзыд ӱнӱ, танӱ торъя сельсӱвет котыртчӱм бӱрад, петрунь-саяслы делӱ абу: кызди гажныс, сӱдзи пӱ мед и олӱны. Вӱлӱны кӱ партийнӱй ли комсомольскӱй ячейка-яс, гашкӱ, сэтчӱ кодкӱ волӱс, а коммунистьясыд да комсомолецъясыд, тыдалӱ, став Усва йыв пасыта Иван Павлович да ме сӱмын и эмӱсь, кодъяс ӱдвакӱ кодлыкӱ усылӱны дум вылӱ кӱнкӱ паськыдджыкинъясад.

И век жӱ Абезь йывсыд, вӱлӱмкӱ, абу дзыкӱдз вунӱдӱмаӱсь: тшӱктӱны нуӱдны сельсӱветӱ бӱрйы-сьӱмъяс, тайӱ уджсыс кыв кутысынас индӱны Иван Павлович Поповӱс.

Заводитӱм лӱсьӱдчыны бӱрйысьӱмъяс кезлӱ. Менӱ индӱсны избиркомса секретарӱн. Рыт-рыт ноксям: вежоннас, гашкӱ, дас протокол гижӱ. Сельсӱветӱ чукӱрмӱм мужикъяслы вӱчи доклад ВКП(б) Дас квайтӱд съезд йылысь.

Декабрь тӱлысь помланьыс нуӱдӱм бӱрйысысыяслысь собрание. Епаясь, Юньягаысь, Ярпийысь, Феонысь, Тошпийысь — быдлаысь чукӱрмылӱсны бӱрйы-сысыяс.

Сельсӱветса юралысьӱн бӱрйисны Анук Васьӱс. Мортыдлы любӱ, вашъялӱ ветлӱдлӱ.

Петр Филатович нимкодьясьӱ жӱ.

— Мынӱ жӱ тай,— делӱяс сдایتны лӱсьӱдчӱ сӱйӱ.— Прамӱя велӱдчытӱгыд быттӱӱ пыр йӱз сийӱса, он и тӱдлы — морӱсыд жугалӱ.

Кыйсьӱм помсыд пӱ меда на лӱсьӱд овны.

Абезьын лӱсьӱдчисны байдӱг кыйны. Парфен дед энӱвтӱс тыв кыӱмсӱ, батя-пиа гартлӱсны вӱв бӱжысь лэчъяс. Вӱлӱмкӱ, уна сӱ лэчтӱ гартлыны да тыв шӱртысь орьӱдлӱм сюрӱсьяссӱ кӱртавлыны колӱ кад.

Шондӱдыштӱм бӱрын лун-мӱд сапкис-усис лым.

— ӱнӱ позяс сиасыны,— шуис Алексей Парфентьевич, кӱмалӱс кыс эжӱда паськыд выль лызьсӱ, пельпом вылас босьтӱс паськыд лопта зыр да асывнас пемьдӱн на мунӱс лэчъяс сиавны.

Мӱд лунас ветлӱс мӱдарӱ — коймӱдас — коймӱд-ладорӱ, а нӱльӱд лунас нартӱӱ додьялӱс кукань кодъ

ыджыд, ён Белько понсö да пемыдөн жö на мөдöд-
чис кытшовтны первой лунö сналём лэчьяссö.

Тайö лунö пемыдыс менö бара суис школаын, та
вöсна эг аддзыв, кызди морт да пон, тыра нартийö
доддясьöмөн, петисны юсайса джуджыд бадьяс кос-
тысь, пух кодь небыд лымийö вöялгтыр, вуджисны
да кавшасисны джуджыд крут чойд.

Ме, кыйсысыяслөн ыджыд семьяын быдмигад,
не этша аддзывлі вöрса пöткатö. Вөр керкаяс миян
гортеянь ылынöсь. Ю тупкысьтöдз кыйём дозмөр,
тар да сьöлатö мукöд воас пыж тырөн кылöддывлім
Айюва кузя, а сөсся, мусюрын төвся туй пуксьöм
бöрын, вайывлісны ещö рөзваль тыр. Гортын велöд-
чигөн байдөггьяс бöрсяыд быд шойччан лунö жö вөт-
лысьлі, корсюрö вайывлі кык да куим байдөггöдз,
но талун, пемыд посводзысь дзузганөн югдöдём ор-
сы вежösö пырём бöрын, веськыда сингьяс шармис-
ны: пöжасян пачладор пельöсын артмöма сывдычы
ректём байдөггьясысь еджыд гөра.

— Ой-ой-ой!— аслам тöдлытөг нюжөді ме, шен-
вьöмөйла дыр нинём эг сяммы шуны, сөсся юалі
паськыд пөвгьясөн ноксысь кöзьяинлысь:— Öти лун-
өн та мында?

— Тайö нö уна!— шпыньмуніс сійö.— Вайывлім
кыксё ветымын душöдз, а тані сё ветымын кызди
оз на и ло.

Рытнас ме отсаси Парфен дедлы мездавны бай-
дөг голяясысь лэчсö, сылём бöрын лётгьялысь юрны-
сö чукультны борд улас, бөж дінаныс топöдыштны
кокнысö да орччөн-орччөн мичаа тэчны пызан пөв
кодь паськыд пөвгьяс вылө, медем тадзи бөр кын-
тыны.

— Тэныд, Яков, колö жö лöсьöдны лэчьяс,— ла-
бутнöя сёрнитіс Парфен дед.

— Часлы, Парфен дед,— шуа ме,— рөгыд че-
лядьöс лэдзала каникул вылө, сәки и мөда кый-
сыны.

— Матигөгöрад каникултөгыд на позяс кыйсы-
ны,— эз öвсы старик.— Мый вылө нö шойччан
луньясыс? Павел Никифорович тай бöчка тыр сола-
ліс. Ме тэныд вöча кантук...* Солалан да нуан кö,
мамыдлы любöйс.

* Кантук — неыджыд бöчка (изъясаяс ног).

— Кантуктөгүс татчөдз муртса писькөдчи, а кантукнад дзикөдз нин кытчөкө сибда,— серала ме.


— Ачүд велөдчөм морт, а полан,— бурьсь вомалис дед.— Мый вылө нө каюкаясыс! Ми тай том дырйи не этша яй бөчка кылөдлим.

— Ладнө, Парфен дед,— серала ме,— первой кыям пөткасө, сэсса и куштам...

— Байдөгтө кыйны ыджыд грамота оз ков,— оз думайт ланьтны старик.— Кор тундраад сёяныс дугдас шедны, сийө сетчө таладорө. Тулысладорьс, кор шондыс заводитас шонтыштны, бадьяс вылад еджыд сярвидзө-пукалө.

Бать миянлы висьтавлывлис, мый налөн ичөт дырйи өткымын төвьясө миянладорын зэв жө уна вөвлөма байдөгүд, мукөд дырйиыс пө лым туктаяс моз сярвидзөны бадь йылын. А ме нэмын некор эг аддзыв тар либө сёла моз пу вылын пукалысь байдөгтө, и окота лои, мед регыдджык нин шонтыны кутис шондыс. А тулысөдз декабрь төлысь помсяньыд ёна на ылын.

ВЫЛЬ ВО

 ыль во пуксьөмсө ме, Абезьса мукөд олысьяс моз жө, эг төдлы. Көзяева водөм бөрын пөдлалі ваймөм көрт пачөс, часіөс өшөді стено көрт тув йылө да босьтчи уджө.

Бвляис бара көдздөдіс, сикт кузя школөдчө-гуляйтө пашляк. Абезьсаяс важөн узьоны чөскыд унмөн.

Уджнад ылалөм бөрын кад йывсьыс ме дзикөдз вунөді. Видзөдлі. Часі стрелкаяс матысмөны дас өтиө. Бур здук уджалөм бөрын видзөдлі мөдысь, а найө век на сәнөсь. Сөмын коймөдысь видзөдлөм бөрын казялі: часыд менам сулалө! Тадзисө гозмөдысь вөвлі нин: көдзыд өшинь дорад өшалігөн сийө мышсяньыс вазяс, көтасьөм көлесаяс өта-мөд динө сибдасны, дугдасны бергавны. Восьта часі мышсө, лампа труба весьтын косьта механизмсө, тракнита, и посныдик көлесаяс мөдөдчасны бергавны. Важ дорсьыс зільджыка.

Тадзи жö вöчи и öни, но дыр-ö нин коли кадыс — код тöдас. Мукöдлаын кö, позяс тöдмавны кадтö петукъяслөн чуксасьöм серти, а Абезяд, гашкö, нэмыс абу вöвлöма ни öти петук.

Ылöсас лöсьöдi кык часö.

«Öтарö ли мöдарö час джын ылалан — та вöсна кадыд оз на сувт, — думайта ачым. — Мöдысь шондi серти стöчмöда».

И век жö Выхь во козьналис меным ыджыд козин. Муртса удитi чеччыны да мыссьыны — Петруньö лэччылысьяс меным гортöдз вайисны Сыктыв-карысь Сим Ваньсянь письмö, КАПП-ö (пролетарскöй писательяслөн Коми ассоциация) членö менö примитöм йылысь юөр, членскöй билет да учётнöй карточка, кодöс тшöктöны заполнитны да бöр мöдöдны. Таысь кындзи вайисны «Ордым» журналлысь некымын номер да «Коми комсомолец» газетлысь быдса ыджыд чукöр. Думайттöг-гадайттöг Выхь во лунад менам пай вылö уси жö шудыд! Радöйла ог тöд, мый и вöчны, Абезыин ме öнöдз олi мöд муын моз: куйм тöлысьöн роносянь эз волы ни öти индöд ни юөр, кыдзи Изьваын шулывлöны, ачым ыджыдыс и отаыс: уджала ли ог — некод оз юась.

Кор да дыр-ö кежлö лэдзалöны челядьöс каникул вылö мукöд школаясын — стöчасö ог жö тöд. А ме аслым шуи тадзи: талун велöда бөръя лун; аски вöскресенньö, аскомыссянь лэдзала велöдчысьясöс вежон кежлö, мед шойчöны. Парфен дедкöд ми кымынкö лэч вöчим нин. Сёрнитча гырысьджык велöдчысьяскöд и аскисянь либö аскомыссянь кутам ветлывлыны байдöг кыйны.

Школаö котöрттöдз тэрмасьöмөн листали журналлысь öти, мöд, коймöд номер... Сьöлöм дзугыльмыны кутiс: менам гижöдъяс абуöсь. А кор восьтi «Ордымлысь» öтувтöм 15—16-öд номерьяс, син улö уси аслам öти, мöд, коймöд дай нельöд гижöд. Нимкодöйла лолöй сибдiс. «Коми комсомолец» газетын тшöтш печатайтöмаöсь гоз-мöд кывбур, «Аврора Кардорын» да «Бакарица» очеркъяс, кодъясöс мöдöдлi гожöмнас Кардорсянь.

Öтпыриö та мында журнал воöm бöрад öни, майбыр, лыддянтöрийыд тырмас каникул чöж кежлö.

Уна-ö мортыдлы и колö! Школаö мунiгөн нимко-

дъйла кокъяс муртса инмалёны лымъяс, челядь моз дась горзыны сикт тырнас: «Ме КАПП-са член!» Сёмын од тані некод оз гөгөрво, мый сійё сэтшөмыс. Аслым абу жё гөгөрвоана, кызди веськалі КАПП-са членас. Од ме некутшөм шыёдчөм эг ыстыв. Дерт, көнкө, ёнджыкасё зілис Сим Вань, коді воддза во веськөдліс Мохчаса школаын миян литературной кружокон да менё лыддьё аслас ученикөн. Сійё öнi уджалё көнкө КАПП-ас жö: веськөдла пö став литературной кружокъяснас. Менö корö регыдджык бөр мөдөдны учётной карточкасö, ещö зильджыка уджавны выль гижөдъяс вылын.

От төд, казалисны эз менсым нимкодысьмөс велөдчысьяс. Аслам гижөдъясөн ни КАПП-ö членö примитөмөн ме налы эг ошйысь. Водзджык ли сёрнджык заводитчис талун велөдчөмыс — от төд, но мукөд лунсяяс моз жö вöчим нель урок, сэсся ме лэдзали велөдчысьясöс вежон кежлö каникул вылö. Боки деревнясаяс шойччигад, дерт, оз кутны волювны, а татчөссаясöс кори рытьясын пыравлывны школаö велөдны кывбуръяс да сыланкывъяс: рöштво дырйи кöсьям нуөдны школаын гажа рыт.

КАПП-ад примитөм йылысь юöрыс сэтшöма öз-тис менсым сёлөмöс, мый ме каникул вылö челядьöс лэдзалөм бöрын юр лэптывтөг лун-лун пукалі аслам гижөдъяс вылын, сьодас чөвталі «Когорей натики» да заводиті шыльөдны-мольөдны кывбурөн гижөм ветымын гөгөр лист бок. Чөвтавнытö кокныд, а шыльөдиг-мольөдигас мукөд дырйи öти лист бок вылас лöө мырсыны кузь лунтыр. Тыдалö, уна узьтөм вой на босьтас менсым тайö гижөдыс.

Пöпутчиккөд, Усвавомса кооперативын уджалысь кутшөмкө Артеевкөд, кыйсысьяскөд договоръяс вöчалыськөд ысті почта вылö КАПП-са членлысь учётной карточка да «Ордымö» гоз-мөд кывбур.

Луньяс төвзёны. Коркө каникул помланыс нин ме босьтi лэчъяс, лызяси, мышкö волысали берданкаöс да сикт помын Усвакөд öтлаасысь ичөтик Көптөл ю пöлөн мөдөдчи вөрö, позьö кö шуны татчөс ляпкыдик козьяссö, кызъяссö да бадьяссö вөрнас.

Бытьöкө көнкө кыйөдчөмаöсь, сиктысь петигөн менö сүөдiсны Федя, Данил да Лёнька Филипповъяс. Малича вывтi вöнялөм тасма костаныс ставныслөн

лэтъялө лэч чукөр, пельпом выланые паськыд зыръяс.

— Мый нин көсьянныд зыртны татшөм паськыд зыръяснас?— юалі ме налысь.

— Чукъяссө вөчавны,— шуис Федя Филиппов да мукөдъяскөд тшөтш шензяна синъясөн мерайтис менө юр вывсянь кок улөдз.

Челядь и велөдісны менө вөчавны лым чукъяссө да на вылө сиавны лэчьяс. Вөлөмкө, тані байдөг лэчьястө тэчөны дзик мөд ног: зырийөн лэптөны лым мыльк, мыльк йылас сатшкөны кык ньөр, медым көртавны лэч сюрөс помъяссө, лэч өтар-мөдарас сідзи жө сатшкөны гаръя бадь йывъяс, кытшовтөмсыс бокъяссө потшыштөны ув торъясөн, и — гөтов.

Вывті нин прөстөйөн первойсө кажитчис меным тайө. Эз весиг веритсы, мый тадзи сиалөм лэчкө шедас байдөг, но вайөны кө өти лунө сө да кыксө байдөгөдз, сідзкө, шедө. Видзөдан да, мукөдлаас бадь кустьяс гөгөрсө байдөгьясыд подмөдөмаөсь төбөкьяс кодь гөна креста кокъяснаныс. Öти оз пыр, мөд оз пыр, а унасыд кодкө век нин лэчкад пысалас дрөб тусьяс кодь синъяса да дженъыдик съөд ныра йөй юрсө. А миян вөраинъясса кодь толаястө пө тані пыр и шыльөдасны-тыртасны турөбьясыд.

Коркө и мөдөдчи лэчьяс видзөдлыны.

— Гашкө, Белькосө доддявлам?— завтракайтигөн шмонитис Алексей Парфентьевич.

— Огөй нин мудзтөй понсө,— сералі ме.— Быд лэчкө кө шедис өти байдөгөн, дас шудтө поэяс на кыскыны ас вылын.

— Гашкө, өти лэчкас кыкөн юрнысө суйисны,— эз өвсы көзяин.

Гөтырыслы, тыдалө, тайө кажитчис дэльөдчөмөн, вомаліс верөссө:

— Тырмас пиньтө жерйөдлыны!

Лызь туйяс шылялөмаөсь, да муртса и аддзи лэчьясөс. Йөй ли прөсуж кык байдөг менам дас лэчкө век жө пырөмаөсь.

«Не кө турөбьясыс, гашкө, унджык на шеді,— нимкодъпырысь, да тэрмасьөмөн лөсьөдалі чукъяссө, содтөд сиалі вит-квайт лэч. Кын лэбачьяссө лэч сюрөсөн көрталі тасмаө да кыса лызьөн небыд лым вывті тылыда исколта сиктө.

— Учитель байдөгъяс кыйома!— горөдіс меддор керка дворын лымйын пуртікасысь детинка да, йи-зьом малича бөж дорнас шарөдчигтыр, уськөдчис посводз өдзөслань:— Васько, видзөдлы, учительыд байдөгъяс вайө...

А меным любө, окота, мед эськө унджыкөн ад-дзылісны Абезын менсьым кыйом медводдза кык байдөгөс.

Алексей Парфентьевич эз на вөв гортын. Гөты-рыс аддзис менсьым байдөгъястө да збылысь ли шуткаөн шензис:

— Ой, пожйө колө пуктыны!..

— Мыйла пожйө,— меліа видзөдліс ме вылө Парфен дед.— Көнкө өд абу жө нин медводдза кый-дөс.

— Абу эськө да,— сөдзтысысь нюмөс дзезны зі-лігтыр пөрччи тасмаөс да кын байдөгъяссө грым чөв-ті пач бокө:— Мед сэн сылөны.

Дивө. Кык байдөгнад эськө Абезяд кодөс и шен-збөдан, а ме детинка моз нимкодяси.

— Заводитчөмыс эм,— кызди кыйсыны заводит-тысьсөс, менө ышөдіс лабутнөй Парфен дед,— өні кан-туктө быть нин ковмас вөчны.

— Вөч,— шпынняли ме.

Эг и төдлы, каникулыд коли, заводитім велөдчы-ны. Каникул вылө разөдчылөмнад гажа рыттө рөшт-во дырйиыд ми эгө сяммө нуөдны, вештім Василей лунлы, важ выль волы паныда рытөдз. Мукөдлаын тайө войө том йөз гадайтчывлөны, кывзысьлөны, а Абезяд, кытчө көлөкөльчика вөлаясыд, гашкө, нө-мыс на эз волыны, көні, кутшөм туй вожаланінын кывзысян? Сэсся өд челядькөд лөсьөдөм гажа рытыд миян оз кут кыссыны войөдз.

Велалі ме татчөс йөз дінас, и найө, тыдалө, вела-лісны жө нин ме дорө, кутісны лыддыны ас мортөн.

Воис важ выль волы паныда рыт. Пач вом дорө зэвтім занавес. Данил Филипповлы өшөдім кудель тош, Тоняөс пасьтөдім олөма нывбабаө, мед пөрысь-джыкөсь лөбны, чужөмъяснысө кытсюрө мавтышта-лім саөн, Федя Филипповөс вөчим Сспрөн Васька гозъялөн детинка Иван Сигөрөвөн, и сійө мыкталіг-тыр лыддысис, велөдіс урок, а сэсся, гөставлөм бө-

рын, тшапа лыддис Гриша вокыслы письмөсө. Абезяд некор на абу аддзывлөмаоьс спектакльястө да пөттөдзныс сералисны Нёбдинса Витторлөн «Шонді петігөн дзоридз косьмис» пьесаысь тайö кык серпас-сö видзөдігөн.

Челядькөд сыylim некымын коми сыланкыв, на лыдын: «Варыш поз», «Мича нывъяс», «Көн олам ми» да мукөд. Мөд да нельөд классъясса унджык велөдчысьяс лыддисны кывбуръяс. Еджгов кузь юрсиа Андрей Попов ньöти джөмдавтөг помсянь помөдз сяркөдіс «Коми му кузя ме муна». Медся уна серам петкөдліс ньөжмыд вöраса, «кыз кывъя» Федя Канев, кодi шпынняялігтыр шлопөдіс-лыддис:

Лым кузя көмтөм,
Туй кузя пасьтөм,
Котөртис да котөртис,
Ичөтик керка воис...

Ызъөм бöрад, рыт помасигас, мандолинаөн три-нльөдчигтыр, ме тшөтш сыли кымынкö сыланкыв. Медся ёна абезьсаясөс шензьөдіс «Шондiбанöй». «Вичко чойö» кывъяссö ме вежи, сыли:

Кытчö сийö кольöма да
Абезь чойö кольöма.

— Но, зонмö,— сьөлөмсянь шензисны мужикъяс.— Абезь йылысь, вөлөмкö, сывьсö сыланкывъясын.

— Абезьыд өд миян ылын нималö!

Найö думыштны эз кужлыны, мый Абезь чойнысö ме крукышти пырмунігмоз.

Збылысь гажа лоис тайö важ виль волы паныда рытыс. А аскиа луныс меным козьналіс ещö ыджыд радлун: воис медводдза прамöй почта, вайис гортсянь да ёртъяссиянь письмö чукөр, школалы ветымын сайö виль коми книга, аслым «Ордым» журналлысь 20-өд номер, «Коми комсомолец» да «Гөрд Печора» газетъяслысь виль номеръяс.

Төв джын велөді да воис гортсянь медводдза ловъя юөр. Ыджыд вок гижö, мый гортын ставыс лючки-ладнö, ставөн дзоньвидзаөсь, и бара гарыштö, сöмын пö тай мам гажтөмчö тiянысь, чужан поз эновтысьясысь...

Ок, мамө, мамө! Мукөд мамъяслы моз жө сьөкыд тэныд гөгөрвоны, мый быд лэбач, бордьясьыштөм бө-рас, энөвтө бать-мамлысь шоныд позсө да бөрийө олөмас аслыс туй, коді лунысь-лун нюжалө, пась-калө.

Дорофей вок аслас письмөын гижө, мый мамлы воөма Кардорысь сьөм. Абу вунөдөмаөсь: тайө сійө сьөмыс, кодөс ме эг вермы пöлучитны Бакарицаысь мунігөн.

Письмөкөд тшөтш ыджыд вок ыстөма меным кык бумажка. Öтиыс — Архангельскöй лесотехнической институтсянь. Мөдыс — Вологодскöй педагогической институтсянь. Кыкнанласяныс юөртөны, мый менө примитөма институтө да корөны локны сентябрь тө-лысьын велөдчан во заводитчигкежлө. Сідзкө, ме өт-пырйө вөлі кык институтын «студентөн». Эк, колөма жө ещө мыйкө дыра кутчысьлыны Кардорас! Но важ йөз на шулөмаөсь: киссьөм ватө он курышт. Кокни шуны «лок велөдчан во заводитчигкежлө», а талун январь шөр.

Дыр лөсьөдчөм бөрын сельсөветын восьтім жө гөрд пельөс. Лэдзим стенгазетлысь коймөд номер. Велөдчысьяскөд бара котыртім гажа рыт. Көть өтитор-сө петкөдлы витысь, кывзысьыд да видзөдысьыд, майбыр, тырмө, но школаса выступлениеястө ми кыт-сюрө выльмөдім, паськөдім.

Важөнкодь нин пані выль висьт «Гылыд Вась Ке-сар» да рытьяснас уджала сы вылын. Шойчигмоз гижала письмөяс: первой почтанас воис дас кымын письмө да өтпырйө ставыслы он вочавидз. Эг и төд-лы, помасис январь төлысь.

Шуөны, февраль 2-өд луно кодьяскө лэччөны Петруньө грузла. Менам висьт кызвийө помалөма, переписывайта. Паныда рытас пукси 8 часын да чеч-чывтөг пукалі 5 час асылөдз, помалі, медым ысты-ны Петруньө почта вылө. Лоис 32 лист бок. Быттьө, артмис кө мыйкө, тайө абу ёна ичөт висьт.

Дырөн, тыдалө, Абезяд туйыд вөссис жө: быд кык вежонөн өтчыд кутісны воавны письмөяс. Со февраль 10-өд луно өтпырйө вайисны өкмыс пись-мө — Ленинградын армияын мөд во служитьсь Ольш воксянь, Сыктывкарын совпартшколаын ве-

лөдчысь Мария чойсянь, Щельяурса затонын моторна-нас төвйысь Вась воксянь (унасьыд ми, чоя-вока котыр, быдлао тырмам), а сідз жө отлаын велөдчылысь, öнi ме моз жө мяян ыджыд районлөн разнöй пельöсьясын учителялысь ёртъясянь. Письмöястö сöмын и шöтны кутисны, муртса вевъяла гижавны воча.

Февраль помланьыс уна лыда письмöяс да газетъяскöд тшöтш бара вайисны КАПП секретариатысь Сим Ваньсянь письмö. Муртыд юөртö мясянь учётнöй карточка воөм йылысь, корö выль гижöд, сідзи и гижöма: тэныд задание — май 5-öд лун кежлö (Печать лун кежлö) лöсьöдны да ыстыны выль гижöд.

— Колö, уна колö гижны!— кыпыда да ыджыд надеяөн чеччö сёлöмöй и думъясөн ог нин вермы эновтчыны выль гижöдъясысь, кодъясöс панöма, шонтöма нин сёлöм бердын, кодъясöс колö öдйöджык помавны. «Когорей натики»,— вылысь кыла сьылыштöмсö мойдъяс висьтавлысь Карло Ваньлысь.— «Батёлөн пиыс...» «Еллё натики...»— «Вына пиыс...», «Тайö висьтыс...»— шöпкöда аслым. А уджыс юр вывтыр.

МЕ АБУ СÖМЫН УЧИТЕЛЬ

Абезьын төв шөрнас мукöдлаын моз жө котыртисны ликпункт, менö индiсны «ликвидаторөн». Заводитли пыксыны, но сельсöветса юралысь Анук Вась прамöя сöлис ме вылö:

— Кодöс нö сэсся, Карло Ваньöс али мый индам бабаяссö велöдны?

— Карло Ваньыд эськö налы мойдас,— сералис öшинь дорын шпуткысь-куритчысь Яков Григорьевич, керкаса кöзяиныс.

Вась лыддöдлiс сизим ли кökьямыс том нывбабаöс, кодъяс кутасны велöдчыны. Аски пö коравлам сельсöветö, и лун кост мысти рытъясын кутанныд велöдчыны. Деньга пö кутам мынтыны.

Кыв пesyсьясыд быдлаын тырмымөн.

— Грамотаёй озджык тырмы,— балябёжсё гыж-йыштис пельёсын пукалысь Марк.— Эськё ичмоньясёс велөдигмоз ёна и шыграси дай деньга на мынтисны...

— Босьтчы, учитель, дьёбё он во,— пиньсё жерйөдліс кодкё мөд.

«Чөрту, деньганас и быдөн!»— көсйи горөдны, но, думайта да, кодёс индасны «ликвидаторнас»? Квайт-сизим нывбаба вөснайд татчө торья мортёс озыстыны (роносянь индөмаёсь менё); газетын быдласянь гижёны — регыд оз ло ни өти велөдчытөм морт. Ме ногөн, миян Абезь оз жё вермы кольчыны бокё. Быть лои сөгласитчыны.

Кык лун мысти заводитім велөдчыны. Рытнас, гортгөгр идрасьём бөрын, школаё локтисны квайт нывбаба — өтияслы кызь арёсыс на абу, а мөдьяс комын арёс тыртёны. Сельсөветса юралысь тшөтш локтис, мед ёсьтөдлыштны выль велөдчысьясёс: кыккуим төлысь мысти пө мед ставныд кужинныд лыддысьны и гижны.

— Нитш юраястё, миянөс, көть дас во велөд,— шуис өти ичмонь.

— Чань дырйиис кө абу велөдлөмаёсь, чаньясьём көбылаястё этша нин велөдан,— крапкис мөд.

Кодскөрө чышьян помнас тупкисны вомнысё, мед дзебны серамнысё.

Челядыдкөд уджалігөн ме абу велалөма татшөм сёрниясад да, пинь жерйөдлысь том бабаясысь синмөс дзебөмөн, думышти: «Татшөмьястё велөд лыддысьны да гижны. Ок, сиралі жё ме ассыым юрөс!»

Анук Вась стрөжитис выль велөдчысьясёс, мед зілисны, өти час эз лысьтны кольны.

— Ачым примита экзаменсё!— чуньнас грөзитчис шпынняялысь ичмоньяслы.

— Экзамен примитысь петөма!

— Сөмын гөлөсыс жё эськё и вөвлі салдатас мунтөдз.

— Гашкё и воссис, салдатад тай быдөнөс мортө воштёны,— мунөм бөрас Васьёс дивитисны-донъялісны олөмаджык ученицаяс.

Ме, төдөмысь, эг суитчы налөн сёрниясё, думайті, мыйсянь да кызди заводитны велөдны лыддысьны да гижны ас дорысь ыджыдджык арлыда йёзөс.

Менам шуд вылө, кольом во унджыкыс сорті-кості этша пыдди тöлысь кык велөдчöмаöсь ликпунктын, сюзьджыкыяс тöдöны букваяс, кужöны лыддыныны «мама», «рама», «па-па» да сідз водзö, а дасөдз-ыд, весиг сёөдз лыддыöны чуныяс да палочкаяс отсöттөг, сöмын тай артасынытö озджык сяммыны-а.

Вочасөн збойма, велалам öта-мөд дінö. «Мед сöмын воливны кутасны,— шуа аслым,— а тулысөдзыд велаласны унаторйö. Главнöйыс, мед эз лыддыны асынысö нитш юраөн, нинöмö велавтöмъясөн».

Школаын да ликпунктын уджалігад кадыс кольö ещö нин öдйö, кусыньтіс тулыслань: шондыс, көть оз на шонты, кытшлалö ёна нин выліті. Öти татшөм мича лунö сельсöветлысь уджсö прöверитны районьсь воис вöвлөм велөдчан өрт Иван Филиппов, кодос ми шулім Матька Ваньөн, сьöрсые вайөдіс выль секретарос. Шензя, кутшөм öдйö быдмöны йöзыс: Матька Вань öти во и велөдчис мянкөд, сэсся мунліс кутшөмкө курсьяс вылө, а öні со начальник, менö тшөтш кесйөдлө. Сельсöветысь петөм бöрын, кыз сюрö пуксялөм посныдик керкаяс вылө видзөдіг-тыр, сійö юалис:

— Кöні нö купеч Зильганыслөн керкаыс?

— Со тай,— инді ме.

— Тайö киссьөм рөзвальыс?— серөктіс сійö.— Ме чайті Изьваса Зинялөн да Степанко пиянлөн ко-роминаяс кодь.

Иван Филипповсянь ме первой кылі: Зильганос кулакад абу вынсьөдöмаöсь. А асывнас урокьяс водз-вылын ме дінö матыстчис Андрей Попов, радысла оз төд, кызди асьсö кутны, синьясыс долыда югья-лöны.

— Яков Митрофанович! Прощениетö гижин, да Гриш дядьос кулаксыд киритöмаöсь...

Дивö, мый дыра нин велөдчам, да Андрей некор на эз петкөдлыв, мый сійö вийсьö дядь вöснаыс, а, вөлөмкө, сьөлөм дойсö пыкө гусьөн.

Рытнас патера вылө воліс ачыс Зильган, аттьöал-лө, дась юрбитны кок вылө, көть аттьöавны вöлі нинöмысь: мый эмыс, сійос и гижі прошениеас. Збыль öд. Кутшөм нö Абезь кодь гөлиник сиктъясса видз-мутөм да көртөм олысьясыд кулакьяс, кор мукөд

воас кыйсьом помсьыд муртса нажөвитöны нянь-сов
вылас.

Воддза воясö, сельсöветтöгьд, шуöны, заготов-
щикъяс кындзи Абезяд некод абу письтлывлöма,
а тавосьянь, буракö, туйыс воссис. Öти начальниклөн
местаыс эз удит кодзавны— мөд локтис: март тө-
лысь помын менсьым удж видзөдлыны воис роноса
инспектор Филипп Филиппов, кодi меысь воөн вой-
дөр помалис миянлысь жö мөд тшупöда школанымöс,
öти во на уджалис көнкö ликпунктын ли школаын,
а öни со школаясöд нин ветлөдлө, не сöмын ми вокöс,
весиг олöма учительясöс велөдö уджавны.

Помнита, коркö менам ичöt дырйи миян сиктö
көлөкөла вөлөн öтчьд ли кыкысь волис жö школа
видлалысь. Испектурөн сийöс шулывлисны миянла-
дорын. Кок чунь йылын сы дырйи ветлөдлывлисны
велөдчысыяс и велөдысыяс. Меным некыдз эз эскыс-
сы, мый мекöд тшötщья Филипп, кодкөд ми не
этша чирөдчывлим школаын велөдчигөн, öни татшөм
жö «испектур», кодысь ставөн тiралöны.

Филипп Ефимович ме ордö и овмөдчис, öти лун
кывзис урокъяс, кык лун гижис акт. Мый йылысь сö-
мын ми эгö варовитöй ськөд рытьяснас! Төвбыднад
мортыд волöма Изьва да Печора вожса унджык шко-
лаясö, төдö, кыдзи олöны да уджалöны öтлаын ве-
лөдчывлысь ёртьясным. Зильджыкъяс удитöмаöсь
нин гөтрасьны да верöс сайö петны.

— Тэнад öд, көнкö, чöсьястö сиалöма жö нин?—
вашьялö инспектор.

— Некутшөм чöс туйяс ни чöсьяс менам абу-
ось,— юрöс пыркöда ме, мися, кадыс некытчö оз
тырмы.

— Висьтав кодлыкö, төдам!— оз эскы Филипп.

...Март төлысь помын юсайса джуджыд бадьяс
вылө гож водзö шонтысьны збыльысь кутисны кы-
пөдчывны байдөгъяс. Видзөдан да, мукөд лунас быд
ув-вож вылын öшалö лым тукта кодь еджыд ёкмыль,
а рытладорыс лэбачьясыд мөдөдчасны кодарөкө лэб-
ны, да быттёкө сынöдас паськыд корья лым киня-
лө. Но и уна жö байдөг көнкö быдмылöма: мыйта
кыйöны, да оз и чин.

М у вылас пö нинөм абу помасьлытöмыс. Ылі войвывса скөр да кузь тöлыслы, буракö, кутіс жö матысмыны пом. Апрель дас витöд — дас квайтöд лунфясö медводдзайс небзис лымйыс. Кильчö помын мыччысис ичöтик гөпт. Тулысыдлы быдөн радöсь. Перемена дырйи челядь дөрөм кежысь, шапкатөг котралöны ывлаын, öта-мөдлы дизьдöдöны-лыйлöны лым маच्याсөн.

Аскинас бара пöльыштіс чизыр вой тöv, да вежонысь дырджык кежлö дзесбыліс ныр йывсö таладорö мыччылысь тулыс, сэсся друг выльысь шондöдіс. Петан ывлаад да, ыджыд кöдзыд бöрад, кажитчö, шоныдыс веськыда оналö.

Кык лунөн тöдчымөн ляпкалісны лым толаяс, Урал-Из бокын мыччысявны кутісны лöz дөмасьяс. Сиктгөгöрса восьсаиньясын, кысь ён турöбьяс дырйи тöлыс нöбдöдö лымсö да эрдьяс лолöны гүмла кодь кушöсь, лым улысь мыччысисны верötя мылькьяс. Переменнаяс дырйиыд он и тöдлы, зон челядь пöрччöмаөсь кöмьяснысö да шутөвтöмаөсь луд вывті котравны. Чиршöдлы кöть эн — налы веськодь. Мөдарсянь кö, чиршöдлынысö, гашкö, и нинöмысь: асьным ми татшөмөсь жö вöвлім. Мый вылö нö челядь дырыс! Тулысыд быдөнөс ловзьдöдö. Мед бур ногөн дурыштöны. Часлы, сылас став лымйыс, косьмыштас муыс, да ме ачим кута ветлывны накөд сикт кывтыдладорса паськыд луд вылö мачөн ворсны.

Миянын вежон кымын нин олö гөсть, көр видзысь пастук Иван дядь, коді мунліс Изьваладорö син лечитны. Сійö öні виччысьö Из сайысь тövьянінысь асьыныс көр стаданысö. Весь олігад кацыд кузь. Тövся туй пуксьөм виччысигөн моз жö Иван дядь отсасьö Парфен дедлы тыв кыны. Кык старик лун-лун варовитасны.

Ми Иван дядькөд важөн жö ас войтыр. Прөст кадьясö ме кывзывлі пастуклысь көр видзысьяслөн олөм-вылөм йылысь висетьяс. Му вылын ветымын сайö во олігөн Парфен дед моз жö сійö абу аддзывлöма көрт туй, абу веськавлöма пароход вылö, посни ни гырысь карьясö; не кө лыддыны рөдвуж дінас Изьва вожö кымыныськö петавлөм, нэм чөжыс та-

лялөма өти туй — тулысын Из сайсянь гожъянино
Вой море дорөдз да арын — Вой море дорсянь төвъ-
янино Из сайөдз, но мортыдлөн висьталанторйыд оз
и помасьлы, медтыкө кывзысьяс вөлины.

Аслысног авъя йөз — көр видзысьяс! Найө абу
велөдчылөмаөсь школаясын, оз кужны лыддысьны
ни гижны, но олөм йылысь сёрнитігад колана кывъ-
ясыдла оз петны удждысьны. И, век жө, кыйөм-
виөм, тундраса олөм, Изваын кывлөм выльторьяс,
өтувъя важ төдсяяс, поводдя да мукөд татшөмторъ-
яс гөгөр векджык гартчө тыв кыысьяслөн лабутнөй
сёрниис. Кытшлаласны-кытшлаласны сёрнияснаныс
төдсаинъясті, төдса йөз пөвстөд да, оз и казавлыны,
бара нин воөмаөсь татчөс кузь тулыс йылысь сёрниө.
Оз вензыны, а лабутнөя төлкуйтөны.

— Таво юясыд воссясны водз,— шуас Иван дядь
да мөдас бара ыстысьны нэмөвөйся аслас приметаяс
вылө.

Парфен дедрөн татчөс местаясын пөрысьөдз-
нэмөдз олігад абу жө этна чукөрмөмаөсь примета-
ясыд, та вөсна оз тэрмась дзик пыр воны өти кывйө.

— Код төдас,— рөжйөн пелька тыв синъясын
ворсігыр думыштчас косіник дзор ус-тошка ста-
рик.— Мөйму водз жө мөдіс шоныдавны, да йиис
кылаліс Микөла бөрын нельөд вежоннас.

«Дерт нин водз,— думышти ме.— Регыд помасяс
апрель, а өтчыд на и прамөясө зэрис, сэсся бөр көдз-
дөдіс, сапкис лым, кыптіс турөб да сэтшөма бузу-
нитіс!..»

Пызан помын пукалысь Марья баблы, тыдалө,
дышөдіс кывзыны мужиқьяслысь татшөм сёрнисө,
ещө өтчыд пөт кынөма кань моз паськыда очсовтіс,
юрыс лөталіс, чулки кыысь чуньясыс вочасөн дуг-
дісны чөвтавны кыан ем вылө петляяс, сэсся кыан-
торйыс ньөжйөникөн гывдіс водзас, лөз, гөрд да виж
шөрт тупыльяс дөрө.

— Кылалін тай... — серөктіс дед.

Баб осьтіс чусалыштөм синъяссө, ыджыда ыш-
ловзис да лэптіс кыансө. Бара мөдісны куснясьны-
уджавны мудз төдлытөм пөрысь чуньяс, шуркьяліс-
ветлөдліс кыан ем... Ок ті, миян сиктъясса крестьян-
скөй нывбаба кияс! Кымын вурис ті вурыштланныд
да кымын петля чөвтланныд уна лыда челядь быд-

тіганыд? И пырджык өд тайос вочанныд мукөд уджъяс костын, унпөт весьтө.

— Войнас өд колө узыны,— коставлөм бөрын сод-тіс Парфен дед.

— Узъяс кө ещө,— аслыс моз шуис баб да бара ыджыда ышловзис:— Ок-ок-ок!..

Пөрысь нывбабалысь ышлолалөмсө да ружтышты-лывлөмсө ме кывлывлі ещө арнас, на ордө овмөдчөм мысти, но, кызди меным кажитчис, бөръя кадас сы-лөн гуся төждлуныс содіс, и, буракө, помканас тшөтш лои ме, көть та йылысь баб веськыдасө кыв ни джын эз шулы.

Колө жө йөйтавнытө. Ачымөс лыддя верстыө мор-төн, йөзөс велөда, а челядь руыд, оз-оз да, бара и мыйөнкө петкөдчас.

...Прамөй куритчөмъяс көть эз на вөвны, мужикъяс пөвстад бергалігөн, коръясөкө ме тшынась-лывлі жө. Медтөдчана ошйысянторнас сиктса зонъ-ясыдлөн нэмыс вөвлі мича табак көшель. Матысмө тулыс. Регыд помасяс велөдчан во, ме мөдөдча йөза-джыкиңьясө. Ыжнясянторйыд колө.

Думышті мукөд «жөникъяс» моз лөсьөдны табак көшель. Госторг агент лавкаысь ньөби мича-мича гө-лубөй сатин, куим чунь пасьта алөй лента да шойч-чан лунө пукси көзйякалөн вурсян машина сайө та-бак көшель вурны.

Баб петөма суседъяс ордө варовитны. Том көзйя-ка вильшасис:

— Ок, жөник, жөник!.. Нывъяс өд козьनावлы-лөны табак көшельтө.

Буретш пырис Маша, көзьявалөн мекөд тшөтшъя кымын нывныс, кодлөн верөсыс, шулі тай нин, сал-даталөм бөрын кольччөма велөдчыны Ленинградө. Оні, дзоридзалан кадас, өти кагаа том нывбаба ты-давтөм дом йылын моз олө верөс семьяын, полө вөч-ны лишнөй воськов. Видлы Абезь кодь ичөтик сик-тад веськөдчыны гача кокаяскөд йөз син улө,— пыр и мөдасны кыв песны, оз юасыны, бур либө лөк думъ-ясөн өта-мөд дінө кыссьөны том сьөлөмъяс. Загреки, пансяс кө лөж слава да кывсяс верөсөдзыд! Миян Изьваладорын, тшөтш и тані, мужичөйяс абу вела-лөмабсь, медым налөн гөтыръясныс козьныштлісны нюмөн кутшөмкө том мортөс.

Модарсянь кӧ, сиктыд, кӧть кутшӧм ичӧт эз вӧв, сийӧ абу ош гу, и йӧзыс абу ошгъяс, кузь тӧвбыд узьны оз вермыны, коркӧ век нин кӧнкӧ паныдасьласны, да весиг дзик тӧдтӧмгъяс костын сӧрнияс пансьывласны, а Маша пӧшти быд лун воывліс мамбать ордас, корсьліс стрӧка юксьывны кыв-мӧдӧн.

Нинӧм лишнӧйыс, синмӧ шыбитчанаыс ми костын эз вӧв, но ме, буракӧ, сы динӧ вочасӧн велалі, куті лыддыны мукӧдгъяс дорысь матысаджык ӧртӧн, кодкӧд позьӧ прӧст кадӧ варовитны дед-бабкӧд дорысь, весиг том кӧзьявакӧд дорысь ӧна унджыктор йылысь.

Вурсян машина саяд и суис менӧ Маша тайӧ шойччан лунас.

— Но-о,— паськыда шпыньмуніс сийӧ, мелі нюмӧн козьныштіс менӧ, сӧсся шыасис челядь дӧрӧм дзоньталысь монгыс динӧ:— Абу-ӧ нин вурсыны ме дасьӧмаӧсь?..

— Вурсям тай со,— серӧктіс монгыс да мудера видзӧдліс ме вылӧ.

— Нда-а,— ыджыда ышловзи ме.

Маша пуксис пызан помӧ да чунь помгъяснас видліс менсьым лӧсталысь гӧлубӧй сатинӧс:

— Он-ӧ нин гӧтрасян дӧрӧм вур?

— Ог эськӧ дӧрӧм да,— балябӧжӧс гыжйышті ме.

Веськыда кӧ шуны, ме каитчи нин тайӧ уджӧ босьтчӧмсьыс, полі серамвыв лӧптӧмысь.

— Табак кӧшель вурӧ,— менам удж вылӧ индіс кӧзьяйка.

— Табак кӧшель?!— сьӧлӧмсянь шензис Маша.— Куритчан ӧмӧй?

— Дурыштлывла,— шуа ме.— Кӧсси кӧшель вурны, да оз артмы...

— Мезды мортсӧ, Машӧ,— меным отсӧг вылӧ воис монгыс.

— Ме ог куж табак кӧшельастӧ вурны,— юрсӧ пыркӧдіс Машӧ.

— Кужан,— эз ӧвсьы монгыс.— Тӧда ӧд, кутшӧм мича кӧшель вурлін коркӧ...

— Мешӧк моз вурышт дай,— кевмысяна гӧлӧсӧн шуи ме.

Том нывбабалы некытчӧ лои воштысьны. Сӧтчӧ жӧ, бокӧвӧйяс тані эз вӧвны.

— Гашкө нө мешөк моз,— падъялыштөм бөрын яндысигтыр босытчис уджө.

Ме пукалі дінас, шензи, кутшөм пелька вөрөны Машалөн киясыс, кутшөм веськыдось артмөны вурьсыясыс.

Мича көшель артмис. Коли йитны куим чунь пасьта шөвк лентасө. Ок и тшапитчышта жө, мися, татшөм көшельнад ёртъяс водзын!..

Нем виччысытөг керкаө пырис вөччөм-пасьтасыөм баб.

— Тайө нин мый!..— горөдіс сійө, кыкнан кинас боқьясас шлоп кучкис да нето ружөктіс, нето ойөс-тіс: водзө нинөм эз сяммы шуны.

Маша гөрдөдіс, муртса оз пот, синваыс сөдзтысис син дорьясас.

Ме падми жө, көть некутшөм мыж эг кыв ни Маша сайыс ни ас сайыс.

Миянлы отсөг вылө воис моньныс.

— Ачыс өд вурис,— ме вылө индіс сійө.— Лентасө йитны пө тай ог куж, корис отсыштны Машөөс.

Веритіс-ө баб, ог төд, но шумитчыны эз кут. Ме төда, сійө менө радейтө, лыддьө рам, лабутнөй том мортөн. Но воис кө нин делөыс көшельяс вурөмөдз (табак көшельястө өд нэмыс вурлывлісны жөникьясныслы невестаяс), мый лоас водзө — код төдас! Ме, йөйыд, нем думышттөг янөді верөс сайө петөм том нывбабаөс мам водзас.

Моньыслөн кывьяс бөрын баб видзөднысө раммыштіс. Но мам сьөлөмыд — мам сьөлөм на, унатор терпитө йөзыс гусьөн, ышлолаліг да ружөктивлігтырйи, а мый лоө, көшельнад дурөмыд кө кывсяс Маша энька-айкаөдз, татчөс нывьяс да бабаяс пельөдз?!

Ошйысьөм да ышнясьөм пыдди ме ассым мича табак көшельөс дзеби пыдөджык, медем некод нин сійөс оз аддзыв Абезын, но баблөн ышлолалөмыс эз чин, а, меным кажитчө, вочасөн пыр өтарө содіс. Ме вылө сійө эз лөгав. Нывсө чиршөдлөмьяс эг жө казаявлив, но пөрыс нывбаба явө шогсис, мукөд дырйи дөжнасьліс зять вылас, дінас ворсыс Роза внучкаыслы быттөкө пырмунигмоз ышлолалігтырйи жө гарыштлывліс:

— Гажмис тай ыджыд карьясад батынды!..

А оз кө лок? Аддзис кө ыджыд карад выльёс?! Быдторыйыс тай овло өнія том йёзыдлөн. Кутшөм али кага-баля лёсьөдөм бөрын велөдчөм? Тыдалө, Машалысь ме дорө сибалөмсө пөрысь нывбаба донъялис ас ногыс: оз кө таво гожөмнас лок зятые да кута кө ме мөд во учителявны тани, гашкө, мыйкө и пузяс ми костын: нылыс сылөн абу шыбитана. Артмө, пөрысь сьөлөм пессис кык би костын, та вөсна и эз тәрмась ыршасьны ныв вылас, эз скөрав ме вылө. Сэссия, веськыда кө шуны, скөравнысө вөлі нинөмысь: том йёзыдлөн лөсялөмыд, другасьөмыд — абу на мыж.

Парфен дед да Иван дядь важ моз варовитисны, кыисны тыв да кулөмъяс, лөсьөдчисны ва воссигкежлө. Баб важ моз жө ышлоаліс, кыис выль чулки-кепысьяс, медым шоньд вөлі ю вөсьөм бөрын Усва катчөс чери кыйны мөдөдчысь пиыслы. Мукөдъяс дорысь эз омөльджыка тулыссө, гожся ва туй пуксьөмсө виччысь том ичмонь Маша, коді вояс чөжнад мудзны кутіс виччысьны верөссө: шочиника Абезьөдз писькөдчысь письмөясын Вась көйысьсө гожөмнас, каникул дырйи волены гортас. А тулыс эз тәрмась: кымынкө лун кежлө мыччысьлас, сэссия бара бөрынтьчас. Май первой лунлы паныда войө бара сапкис лым, сэссия пөлыштис төв, кыптис турөб да, кутшөм нин демонстрацияс, весиг ывлаө эз позь петавны.

Аскинас выльысь шондөдіс, зэрмис, небыд выль лымйыд пыр и лои майтөг быг кодь нильөг, сьөдасысь мышьяснысө бөр мыччисны верөтяс, увтасінъясө шумөн мөдөдчис сөнъясө чукөрмысь сөніка ва.

Кузь көдзыдъяс бөрад вывті нин шоньдөн да меліөн кажитчө лунвывсянь пөлыштлывлысь төвруыс. Прөст здукъясө кыскө ывлаө. Кывсьө, быттёкө көраяс вуджөмаөсь нин Урал-Исө, надзөникөн лэччөны Льөмва ю пөлөн, писькөдчөны төвъянінсянь гожъянінө. Но сёрниасысь төда, май төлысьыд налөн — пиөдчан кад, и оз тәрмасьны өні петны тундраса паськыд эрдъяс вылө, мед не веськавны көдзыд вой төвъяс да гырысь турөбъяс шөрө да не воштыны муртса на чужысь нэрник теляссьө.

Иван дядь нопьясис да асья чарөм вывті мөдөдчис Епа деревнялань асланыс көр стадалы воча: сьө-

кыд пидчан кадад пö, кор көр видзысь лун и вой
кок йылын, ок, ёна колана стадаад лишной уджалысь
кыд.

Ме век частоджык петавлывля Лёмвалён джу-
джыд кыр йылö, видзöда көдзыдъяскöд чорыд тыш-
ын вочасөн ловзысь вөр-ва вылас.

Миянладорö быд во апрель төлысь заводитчигөн
локтöны медводдза тувсовъя лэбачьяс, ракаяс, пук-
сясны лым улысь мыччысьысь куйöд чукөръяс вылö
да ывла выв тырнас кравзöны, тулыс пö вайим,
а тані абуöсь көдза муясыс, көдза муясывса куйöд
чукөръясыс, прамой шоньдъяс пуксытöдз ракаяслы
нинём вöчны, та вöсна и оз тэрмасыны: май төлысь
нин, а öти ракаос на эгö аддзылöй.

— Дзодзөгъяс, дзодзөгъяс!..— кылö горöдисны
сикт помын челядь.

Збылысь, вына бордьяснаныс шенасигтыр, сьөр-
сьөн-бёрсьөн, ю весьтöд лунывладорсянь тэрмасытöг
матысмисны нель дзодзөг, «гог-гог-гог» горöдлывліг-
тыр вöчисны кытшов Лёмвалён Усвакөд öтлаасынін
весьтті да пуксисны паськыд юсайса верöтя вылö.

Лунывывса гөстьясöс повзёдни сиктын некод эз
тэрмась. Найö дыр пукалісны лым улысь муртса на
мездмём кушинас, ваджъялісны-ветлөдлісны верöтя
вывті, тыдалö, сёян корсисны, сэсся, рытладорыс, кы-
пöдчисны да бөр мөдöдчисны кытчөкө луныввлань,
медым юөртны ёртьясныслы, мый тулысыд инмөд-
чылёма нин Усва ю сайö, восьлалö водзö, тундра пы-
дöслань...

Тайö, буракö, дзодзөгъяслөн вөлёма чужанінö сө-
мын на аслыспөлöс разведка: лунъяс колины, а тув-
сов лэбачьяс эз мыччасьны, тыдалö, полисны на кө-
дзыдъясьыс. Збылысь, май төлысь шөрөдз не öт-
чыд на кыптывліс турөб, тэчліс керкаяс костö морт
судта лым толаяс, а сэсся, кажитчö, ставыс сырк-
муні, вынтөммөмысла лётмуні чизыр вой төлыс, и
шоньд лун төлөн, ылькмунысь дор ваён код төдас
кымынöдысь нин вуззысыс таладорö тулыс, польт-
чис-кыптіс Лёмваөс да Усваөс поньталысь войывывса
кыз йиыс.

Буретш тайö лунъясас и Абезь сикт дорті йи выв-
ті на кутісны паськыд юсö вуджны уна сё көр лыда
стадаяс. Ме таөдз некор на эг аддзыв жель кодь вöс-

ныдик кока муртса чужом нэриник телаясөс. Откымынъясөс, медся жебьяссө, пастукьяс водтөдлсны көр даддьө, а унджыкыс педзисны-вөтчисны мамьяс бөрсяыс. Ва дорө лэччөмөн ме нарошно дыр видзөдлывлі, кызди найө, пузчужом кагаяс кодь көрпиян, мөдасны вуджны берег дорө чукөрмөм йиа дор васө. Кымынкө пастукидлөн оз тырмы кад ни вын, медым став посныдик көрпиянсө ки вылын либө даддын вуджөдавын туй вылын паныдасьлысь уна лыда дор ваяс. Налы отсасьоны вөсни ёсь гөлөса көр дор поньяс, кодьяс оз дугдивны тьявгөмысь, оз лэдзны кольчыны ни өти гырысь ни песни көрлы.

Коньөр нэриник телаяс. Найө, тыдалө, ёна полөны пырны йиа ваад, муртса кокнысө көтөдыштасны — зільоны регыдджык бөр бергөдчыны; мамьясыс руксөны, өтчыд вуджласны дор васө, мөдысь, көрөны пияннысө ас бөрсяныс.

Стада вочасөн ылысмө. Поньяс тьявгөны-тэрмөдлөны... Медбөрын, дөзмө көр-мам, ырьянитысь писө нырнас йөткыштө ваө да тадзи вуджөдө, велөдө не повны кузь туйын быд лун не өтчыд паныдасьлысь көдзыд ваысь.

Усва юсянь неылө, бадьясөн дорөсасьөм кузь тьсайса нөрыс йылө, ляпкыдик вөраинас, пиөдчан кад помасьөм виччысигмоз, некымын лун кежлө көраяс сувтөдлсны чомьяснысө.

Дыр вермасьөм бөрад тулысыд татчө воис шумөн. Лунвылө төвйыны ветлысь лэбачьяс, буракө, повзисны сөрмөмысь, заводитисны горзигтыр ыджыд чукөрьясөн шөтны-локтавын.

Этша йөза ылі войвывса олысьясыд өдийө төдмасьөны өта-мөдныскөд. Гоз-мөдысь на аддзысьлім ми Иван дядьлөн мекөд тшөтшья Семө пикөд, а лоимнин другьясөн. Шойччан лун асылө том морт нарошно локтис аслас дадюлөн Абезь сиктө, медым нулыны менө асланыс көр чомйө гөститны: окота кө пө, босьт сьөрсьыд ружьетө да мунигмоз кежалам ты вылас уткаяс лыйлыны.

Збойөсь да пелькөсь көр видзысьяс. Юыс восьялөма нин. Льөмвалөн Усвакөд өтлаасянінын төвся туй өтар-мөдар бокин сьөд ваөн муркьялөны рьяс. Сенька горөдіс көрьяслы, карейнас ырыштчис. Дадюв төв ныр моз лэбыштис рьяс косттыс. Менам ырк-

мунлі сьёлөмөй, кыкнан киён шашаритчи дадь до-
рышө, а пастук видзөдліс ме вылө, чиктыліс-сералис.

Ю сайө вуджөм бөрын кежим кузь ты вылө. Ми-
янладорын тулысьяснад уна жө овлө разной уткайд,
но та мындасө, мыйта вөлі чукөрмөма тани, ме некор
на эг аддзыв.

Йиис абу на кыптөма. Ваис муртса оз мун дадь
вывті. Сенька сувтіс дадь вылас. Меным тшөктіс
сувтны мышладорас, кутчысьны топыдджыка гыркъ-
яс, и, веж гы лэптигтыр, мөдім вөтлысьны дадюлөн
уткаяс бөрся...

Пөттөдз гөститөм бөрын рытладорыс тайө жө
дадювнас Сенька менө вайөдіс Абезь сиктө. Бөр ву-
джигөн меным кажитчис, вот-вот вөрзяс йиис, но
лун-мөд на сійө сулаліс. Аскинас йи кузя на Абезьө
воисны выль йөз, Воркуталань медводдза мунысьяс.
Налы ковмис тани зиччысьны Усва юлысь восьсьөм-
сө. Бөрынджык пө, гожөмланыс пароходъясөн Усва
кузя каясны Воркутаө из шом перйысьяс.

Иван дядьлөн кывъясыс збыльмисны: май кызьөд
лунө, кольөм вося серти төлысьөн водзджык, Усва
вылын кутіс жугласьны йиис, а аскинас шумөн мө-
дөдчис кылавны, медым восьтыны татчөс олысьяслы
выль ва туй, йитны паськыд мирыскөд.

Экспедиция медаліс пыжакясөс да йи весасьыш-
төм бөрын мөдөдчис водзө. Менам өти велөдчысь,
Кузьма Попов, вөзйысис кайны накөд Воркута вом-
дорса Тит пөчинөкө, медым не сибдыны тани дыр
кежлө. Кутны ме сійөс, төдөмысь, эг вермы: Мох-
чаын велөдчигөн ми тадзи жө корсюрө вөзйысьлыв-
лім Изьва кузя медводдза пароход кайигөн, медым
регыдджык да кокныдджыка веськавны кыксө ве-
тымын верстайса чужан сиктө. Бур көть лөк, а чу-
жаніныд быдөнөс кыскө.

Кузьмаөс ми колльөдім став школаөн. Со и, ду-
майта, помасьны кутіс медводдза велөдчан во. Ар-
нас Изьваын, учителяслөн конференция вылын, ми-
янкөд, томъяскөд орччөн не этшаөн пукавлісны сә-
тшөмьяс, кодъяс велөдөмаөсь комын да унджык во.
Усьлас-ө татшөм шудыс миян пай вылө, кодъяс сө-
мын на пырөны ашшөр олөмө?..

Татшөм думъясөн и ме петі рытнас ывлаө да ю

кыр йывтi надзѳник восьлалi сикт кывтыдын Усвакѳд ѳтувтчысь ичѳтик Кѳптѳл ю дорѳ.

ѳдвакѳ Абезь сиктын кодьяскѳ сюрасны ме дорысь сѳрѳнджык водысьяс. Тувсов ытваыс ямыштiснин, кѳнсюрѳ заводитiсны мыччысявны берегьяс, увтасджыкиньясын, ластаяс да видзяс вылын, мыччысисны бечевникьяс. Юньяга курьяѳ съѳд утка кыйны кайлигѳн кольѳм луньясѳ ми, госторгса агент Иван Павлович Поповкѳд, съѳкыд пыжнымѳс кытъястiкѳ кыским нин бечеваѳн.

Йи кылалѳм бѳрын паськыд Усва вылын дыр на мыччасьлисны, буракѳ, ещѳ войвывсаджык ю вожьясысь петысь, еджыд юсьяс моз ю шѳрѳд шывгысь сѳрмѳм йи ѳкмыльяс. Сѳсся и найѳ вочасѳн бырисны.

Кымынкѳ лун сайын ме ордын узисны Изваса оленеводческой техникумын велѳдчысьяс, на лыдын миян сиктса зоньяс Федюк Вань да Сергей Гриш, менам челядьдырся другьяс, кодьяс велѳдчѳны Войвывса да Асывывывса тундраяслы кѳр видзысь специалистьясѳс дасьтысь тайѳ кузнечаас. Студентьяс мунѳны гожся практика вылѳ, Изываысь петѳмаѳсь тулыс пукситѳн, но кузь туйын суѳма рѳспута, та вѳсна ѳнi кытчѳкѳ Полярной Ураллань писькѳдчѳны пыжѳн.

Ненецьяс рѳдысь петѳм Филипп Ванюта велѳдчылис миян мѳд тшупѳда школаын, сѳмын улысджык классьясын. Андрей Филипповкѳд да Макар Рочевкѳд ме важысянь жѳ тѳдса.

Дыр аддзысьлытѳм бѳрад важ тѳдсаясыдлѳн сѳрнитанторйыд сюрѳ... Войбыд варовитѳм ю кыр йылын, любуйтчим татчѳс югыд лѳнь войнас. Мияндорын ѳнi войясыд гора да югыдѳсь жѳ, но шондiыд мыйкѳ дыра кежлѳ дзесыштлѳ на, саймовтчылѳ ойбыртлыны да мыссыны, а танi сийѳ, кумач кодь гѳрд ыджыд ѳкмыль, оз и сунлы ылын лѳзалысь эрдьяс саяс, он тѳд, кѳнi помасьѳ рытыс да кѳнi заводитчѳ асылыс.

Аскинас студент-практикантьяс мунисны водзѳ. Велалѳм бѳрад олан и олан, быттьѳкѳ сiдзи и колѳ, а важ тѳдсаяскѳд аддзысьлѳм да накѳд быдтор йылысь варовитѳм бѳрад босьтлѳ гажтѳм, съѳлѳмыд вѳзйысьѳ сѳтчѳ, кытчѳ кольѳма челядь дырыд, рѳдвуж-

ыд, друҕьясыд, мыйкө дыра весиг киад оз пыр уджыс.

Велөдчан во кутіс помасыны. Кольө виччысыны попутчикьясөс да петны Петруньөдз, а сэтчөдз по корсюрө воывлөны пароходьяс.

Абезьса мужикьяслөн важөнкодь помасис төвся кыйсьөм. Найө лөсьөдчисны ю воссигкежлө, дасьтисны пыжьяс, тывьяс да куломьяс, и воддза луннас некымын пыжөн мөдөдчисны кытчөкө Усва катчөс чери кыйны. Унджык пөрнөй мужичөйыс, тшөтш менам том көзяинөй, гожөм пуксьытөдз эновтисны рөднөй сиктнысө. Сиктса олысьяс ставөн чукөрмылісны ю дорө колльөдны чери кыйны мунысьясөс. Миянладорын кузь туйө петысьясөс корсюрө колльөдлылісны лыйсьөмөн. Татысь мунысьяс и колльөдчысьяс сідз жө грымөдісны-луйлісны вылө. Ме тшөтш лэдзи сынөдас некымын зарад, сэсса киясьөмөн прөщайтчи мунысьяскөд, мися, арнас, выль велөдчан во заводитчигөн, бара аддзысям. Мусмисны меным татчөс йөзыс, сьөлөмын збыльысь куті надея: ог кө мун велөдчыны, мөд во кежлө бөр локта Абезь сиктө, весиг берданкаөс сеті Алексей Парфентьевичлы: мися, арөдзыс вөдитчы.

Чери кыйысьяс мунөм бөрын ичөт сиктыд бытбөкө тыртөммис, Көть рытъяснас ме воддза моз асьядорөдзыс ылөдчи лыддысьөм-гижөмөн, мыйкө эз тырмы.

Мөд луннас, кор мөдөдчи школаө, Абезь горулө сибөдчис кутшөмкө пыжа. Праздник дырйи моз пасьтасьөм-вөччөм мужичөй да кузь тушаа том зон кайисны сиктас.

«Тыдалө, Усва катыдсаяс кутшөмкө мөгөн»,— төдтөм йөз вылө веськодыпырысь видзөдлі ме.

Лун помланьыс, челядь разөдчөм бөрын, школаө грыма-грама пырис Трөпим.

— Учитель, рынышыд сотчө!— вашъялігтыр шуис сійө.

Кыйөдчөма ли прөста веськаліс: школаысь гортө мунігөн завор дорын меным паныд сюрис Маша, көзьявалөн нывныс, да рыныш сотчөм йылысь жө паніс сөрни.

— Ветлы да кусөд,— нюммуніс сійө, но пель йылөдзыс гөрдөдіс.

Дивö, Абезь сиктын кодза муяс абуöсь, ни Трö-
пим, ни Маша, гашкö, рыныштö некор эз аддзывны,
а невестаидлысь мöд сайö петöмтö рыныш сотчöмөн
жö шуöны.

Ме гөгөрвои, мый йылысь мунö сёрниыс. Маша-
лөн вöлі сьöд синкымъяса лöсьыдик том пöдруга,
кодкöд ме войпукъяс дырйи корскюрö пуксывлі орч-
чөн, весиг дурлывлі. Вөлöмкö, ичотик сиктад тайö
тырмымөн, медым лыддыны ныла-зонмаöс жöника-
невестаён, виччысьны свадьба, кöть менам некутшöм
гöтрасян думъяс на эз вöвны. Дерт, раминик ныв эз
вöv шыбитана, но, удайтчас кö, ме кöсьи таво мунны
водзö велöдчыны. Гöтрасьны, а сэсся кольны том ич-
моньöс, медым сійö Маша моз жö вояс чöж виччы-
сис, тыдавтöм дом йылын моз гажтöмчис? Оз, таdzi
оз туй.

Абезь сикт улö пыжөн сибöдчысьясыд вөлöмаöсь
корасысьяс. Гашкö, менö ызьбöдöм могысь лöсьöд-
лöны, но нылöс пö кикутöмаöсь нин, и, ог кö кöсьи
кольны дьöбö, öнi жö колö мунны «кусöдчыны», кос-
тö пырны.

«Рыныш кусöдны» мунны либö кодöскö ыстыны
ме, каникул вылö мöдöдчигөн (код на ещö тöдас,
мый петкöдлас арыс), тöдöмысь, эг вермы, та вöсна
серам сорён öвтыштi киён:

— Мед сотчö! Рынышас вартнысö меным ни-
нöм жö.

Сёрнитiс кö Маша пöдруга нимсянныс, дерт, көн-
кö, менсьым кывъястö невесталы сійö висьталiс.

Шунытö ме шуи, и öвтыштöмнад петкöдлi, мися,
веськодь, мед «сотчö», а сьөлöмлы, вөлöмкö, абу дзик
веськодь: рытбыд майшасис, эз аддзы места. Та йы-
лысь жö думайтi и войнас, ю кыр йивтi Кöптёл дорö
восьлалiгөн. Сиктыс узис. Вой кежлö йирсыны лэ-
дзалöм мöсьяс пötöмаöсь нин, водалöмаöсь сиктпом-
са паськыд луд вылö да рöмидзтöны.

Войся гөрд шондiыс бөр нин калькöдчö лöзалысь
енэжтас дорысь, надзöникөн каттысьö вывлань. Ва
улысь петöм нильöг берег вывтiыс тшапа ветлöдлö
кузь кока кулик, кодöс изьватас шуöны ветлиён,
чорзыны удиттöм на нуйтас кокъяснас чеканитö
посныдык крестъяс да ошйысьö:

— Ветли, ветли!..

Сэні жö бокланьын котралысь съöd морöса сыр-
чиклы, тыдалö, оз во съölöм вылас ветлилөн вет-
лөм-мунөмөн помся ошйысьöмыс, кузь бöжнас кат-
лөдлө:

— Чик-чирук!..

Мый пö тэ век ошйысян ветлөмнад, ми пö öд сө-
мын на жö воим чужан муаным.

Лэбачьяслөн дзользьöм-вензьöмö кывзысигөн ме
вунöдi ставтор йывсьыс, весиг ог тöд, мый йылысь
думайтi.

Друг Көптөл сайын трачмунi кос ув. Бергöдчөмөн
тшöтш ме аддзи, кызди ляпкыдик пуяс сайысь мыч-
чысис ыджыд сюра ай көр (паськыд сюрьясыс абу
на гылалöмаöсь), нöрыс йылö тшапа сувтөмөн öтарö-
мөдарö видзөдлiс, синъяснас мерайтiс юыслысь пась-
кыд отсö, тэрмасьтөг лэччис джуджыд кыр бокöд,
нбöти падъявтөг пырис йиа ваас да, ва визулыскöд
вермасьöмөн, шöралiс верст джынйысь паськыд юсö.
Мөдар берегас воөм бöрын көр веськыда кайис кыр
йылас, пыркнитчис и воши бадь кустьяс сайö.

Ме дыр на сулалi ю кыр йылын, шензи, мися, не
сөмын йöзöс, но и пемöсьясöс магнит моз кыскö ас
динас чужанiныс. И бара дум вылö уси рöднöй сик-
тöй, гортöй.

«Нинөм!— шуи аслым.— Регыд помасяс велöдчан
во, и ми вок гортлань жö бергöдам додь вожьяс-
нымöс».

Помасис велöдчан во. Школалысь овмөссö ме акт
серти сдайтi сельсöветлы и прöстми, көть аски пет
туйö, но муннысö нинөмөн. Колис виччысьны пö-
путчикьясöс, кодьяс, менам чайтөм сертифик, öдвакö ло-
асны тöлысь джынйысь водзджык.

Оз уджавсьы. Весь олігад луньясыд кузьбсь,
а ылöдчыны нинөмөн. Көть поводдя пуксис мича,
водз асывсянь рыт сёрöдз шöйтны ывлаын оң вермы
дай ылö мунны некытчö: гөгөр ва.

Бур, мый менам чайтөмыд эз збыльмы. Öти шон-
дiа гажа лунö, рытладорыс, польдөм Усва шöрын
друг мыччысис ыджыд пыжа.

— Каюкаяс кывтöны!— ва дорын горöдiсны че-
лядь.

Менам съölөмöй ыркмунi: «Кывтöны... А оз кө
сибöдчывны Абезяс?!.»

Весьшөрö повзъывсьöма: каюка-пыжа кежис Усва вылысь Лъёмва вомö, ва катчöс вуджис да сибöдчис веськыда Абезь сикт улö.

Видзöда да, сынысьясыс и бöжалысьясыс менам важ тöдсаяс: накöд ме коркö пемыд да кöдзыд арся войын медводдзаясь сибöдчи тайö, сэки тöдтöм на, ичöтик сиктас.

— Но, учитель!— здоровайтчöм пыдди меным горöдис пыж бöжын сулалысь Ласта Миш.— Чукöрт кöлуйтö, эз на кö дзикöдз вылö домавны Абезьса кралясыс...

Ме полi, мися, гашкö, оз босьтны, а бур йöзыд со асьныс корöны.

— Эз, эз домавны,— нимкодъöйла места ог аддзы ме.— Каямöй чай юны... Кöлуйыд менам важөн чукöртöма.

Абезь кодь сиктад каюк-пыжаыдлөн волöмыд — быдса событие. Рытладорыс сийöс колльöдны берет дорö чукөрмисны сиктса став олысьяс.

Кöть медводдза во уджаланынысь мунöмыс менам артмис кызкö нем виччысьтöг, кöлуй чукöртны ыджыд кад эз ковмы: книга-тетрадьяс, дөрöм-гач да посни кöлуй куйлисны сийö ыджыд пу ящикас, кодi мекöд таявлiс нин не этша кузь туй. Мандолияöс сетi Степан друглы: мися, арöдзыс видзлы, а сэнi тыдовтчас; берданка-пищальöй важөн ветлöдлiс көнкö Усва йылын чери кыйысьяс ордын. Парка, малича, пими, сирваöдöм кыйсян тöбökьяс, гын сапöгьяс, тöвся шапка, тшапитчан костюм... Вөлöмкö, гортлань мöдöдчигад нуанторйыд чукөрмö. Ещö содтöд, кутшöма кöть эг пыксы, Парфен дед гозья вынөн кöвьялисны мамлы гөснеч вылö солалöм байдöг яй тыра ичöтик кантук (менсьым кыйöм байдöгьястö дед збыльысь солалöма аслас вöчöм ичöтик бöчкаö).

Том йöз, менам другьяс, öти здукөн лэччöдисны да сöвтiсны каюкö менсьым овмöсöс.

Чери да яй бöчкаяс, на вылö палуба пötөлököдз шötöм зверь куяс, вольяс да кысьяс, каюквывса уджалысьяс, тундраысь да Усва йывса пöчинökьясысь лечитчыны либö мукöд могьясөн витсё верст сайö районнöй центрö кывтысьяс... на дiнö содтöд ме аслам кöлуйторйөн. Видзöдан да, некөн прамöя бергöдчыны, сы пыдди сёрни-баснияс да мойдьяс кыв-

зігад гажтём оз босыт, и унанад кузь опаснойснад гурскыны-сынны сюрас этшаджык. Тыра пыжыслөн запасыс кольёма кык ки вомлөсысь не унджык, но лөнъ поводдя дырйиыд тайё тырмымён, а төлаяс дырйи ветлём-мунём йөзыд ляскысьёны төв сайё, виччысьёны лөнъём, оз артасыны лунъяснад.

— Арнас бара лок,— прöщайтчигөн шуалисны меным öти бөрся мөд.

Маша, кодөс ме аслам челядь ру вöсна янөдлі мам водзас да кодкөд ми йөзысь гусьён прöщайтчим мам-бать кильчө вылас, öні сулаліс сәні жө, нормыштём синъясөн колльөдіс пыжаөс, йөз синъяс водзын поліс паныдасыны видзөдласнас мекөд.

— Локта, непременно локта!— шуи ме да бөрья мортөн воськовті каюкө.

Тыра пыж сьökыд доддьö доддялём вöv моз дышпырысь вөрзис, надзöникөн калькөдчис берег дорысь, дыгыда бергөдчис ва кывтчöс да вочасөн öддзөдчис... Ме öвтчышті киён колльөдысьяслы, сәсся мукөдъяскөд тшöтш кутчыси сьökыд öпасной воропö да медводдзасысь сынышті.

«Бур-бур, бур-р!..»— шыасис воронка артмөдысь гудыр ваыс.

Сьодасыём керкаясөн нöрыс йылö ляскысьём сикт вочасөн ылысмис и ылысмис, сәсся көнкө Феон пöчинök дорын надзöникөн дзевсис ю чукыль сайё. Öти кузь төв и коллялі тайё сиктас, а мыйлакө абу веськодь торйөдчыны сыкөд, көть мөдөдчи гортлань.

Лун бөрся вой, вой бөрся лун. Гожём пуксигад найö омöля и торьялöны öта-мөдсыс татчөс местаясад. А ойдём юыс быд лун ас дінö öтувтö не öти вынйöра виль вож, пыр öтарö паськалö и паськалö, вынсялö.

Ылö колины Абезь, Феон да Усва бокса мукөд сиктъяс, а менам пельясын век на меліа горалісны «бөр лок..., он кө лок, меным лөб гажтём», и оказьны велавтём вом доръяс, кажитчө, пыр на жө кылісны мича том нывбабакөд нем виччысьтөг окыштчөмсö. Дивитанаыс, ме ногөн, тані нинём эз вöv.

Усва вомö вотөдз на паныдасис ыджыд баржа кыскысь буксирной пароход. Бöрынджык төдмалім: сійö мөдөдчөма ылі Воркутаö, кытчö муніс Абезьын ю вөсьём виччысьысь экспедиция. Водзджык нин

кывсьыліс, быттьокö кыськö сәтысь, Воркута ю бокысь, аддзöмаöсь из шом, да тавосянь пансясны сійос перйом кузя гырысь уджъяс. Сідзкö, абу прöста большылöмаöсь. Пароходъяс пö таво гожöмбыд кутасны шуръявны Усва кузя, ю йывлань катöдны йöзöс, сёян-юан, уджалан кöлуй...

Ылі войвывлөн лöньлуныс помасьö.

«Артмö, прöста и повсьöма менам гожöм кежлö Абезьын йöрмöмысь»,— думыштi ме, и син водзö бара сувтисны лөнъ сиктын менö колльöдысьяс, пельяс кылісны выль велöдчан во кежлö бөр локны налысь корöмсö.

«Локта, непременно локта!»— кöсйыси ме. Эг, сәки ме эг куж думыштны, мый татчö выльысь веськала нель дас во мысти. Кывлі, сәки ме бöрын регыд волöма Машалөн верöсыс да том нывбабаöс нуöдöма Ленинградö. Кывлі, сәкся менам том другъяс да велöдчысьяс пиысь унаөн пöгибнитöмаöсь Рöдина вöсна тышын. Кыдзи тәчис олан туйыс ловйөн колысьясыслөн? Медым тöдмавны тайöс, ковмас виччысьлыны лун заводитчöмсö да вуджавны юсайса сиктас. Чайта, сюрасны на öнi важ тöдсаяс, а не кö асьныс найö, кöть нин налөн туй помъяссыс, кодъяс кузя позяс каттысьсны важсянныс выляс.

БӨРКЫВ, ЛИБӨ АБУ ВÖТ, АБУ МОЙД, А АЧЫС ОЛÖМЫС

Нель дас во мысти ме бара волі Абезь сиктö да, выль тöдсаяскöд варовитiгтыр, бөр нин гөнита гортлань, а син водзын ловъяöсь на кольöм луңьясса серпасъяссыс.

...Гашкö, шоналыштöм бöрад бужöд улад вугыртсьылöма, гашкö, важсö казътылігөн, думъяснад сәтшöма ылавсьöма — эг и тöдлы, му вылö пуксьö выль лун.

Очмисö, буракö, посёлок пöлөн тундраладортi войвывсянь лунвылö тövзъысь из шом тыра кузь составлөн грымöдöмысь. Паськыд Усвалысь берегъяс сывъ-

ялысь көрт туй пос дорё матысмигён паровоз да из шом тыра уна лыда вагонъяс раммыштлісны, а мёдар берегын бөр варовмисны.

Көть ывлаыс век на вёлі арся лун кодь букыд, выль лун пуксигад сёлём вылын пыр и кокняммис.

Луннас төдмаси посёлокнас, татчөс ыджыд овмөснас. А овмөсыс, збыльысь, абу ичөт. Шуоны, сөмын скөтыс артавсё сюрсөн-джыныйн кымын душ, на лыдын лыстан мөскыс көкъямыссё гөгөр. Тани, Фион посёлокас, совхозлөн первой, либө, кызди шуоны сійөс, Центральной отделение; Ярпи да Епа деревнясын — мөд да Петрунын — коймөд отделенияс.

Выль йөз быдмөмаось Абезын. И выль ног олоны найө. Кык судта каменной олан керкаяс, столовой, клуб, библиотека, ыджыд школа, детской сад, ясли, электричество, кино, радио — нинөм татшөмторсө эз төдлыны важ мойдыясса геройяс, кузь арся да төвся рытыасө вом паскөдөмөн мойд кывзысьясыс.

Рытладорыс катерөн вуджи Абезь сиктас, нелямын во мысти выльысь тувчи Лёмвалөн галькиа берөгө, тэрмасьтөг кайи джуджыд кырийвса төдса и төдтөм нин сиктас, коді удитөма быдмыны кык пөв. Керкаяс томмөмаось, гырсялөмаось. Синьяс корсысьоны Репиньяслысь ляпкыдик важ керкасө, а сы местаын сулалө гырысь өшиньяса ыджыд выль магазин. Сикт мышладорас тыдалө виж краскаөн мавтөм ыджыд выль школа, орчөн — детсад-ясли, а сэсянь неылын вевта и йирк-джоджа, но өшиньястөм на не ичөтджык короминаын камөдчөны том йөз.

Матыстча, төдмасы. Том плөтникьяс стрөитөны выль клуб, тшөтш и сиктса библиотека. Сёрниясысь тыдовтчө, плөтникьяс лыдын кыкыс Марк Терентьевлөн пьян, коді тай коркө, нелямын во сайын, тэрмасис тэчны пач аслас өти вежөса ичөтик выль жеркаын, медым ме сәні регыджык заводиті велөдны абезьса-яслысь да матігөгөр деревнясаяслысь челядьнысө.

Алексей Репин, Марк Терентьев, Степан Бабиков — ставныс найө, менам том кадся татчөс другьясөй, тшөтш унджык сәкся менам велөдчысь-зоньяс, усьөмаось Рөдина вөсна тышын.

Кулөмаяс оз пöрысьмыны. Найө меным пыр сә-

тшөмөн и колясны, кутшөмөн төдлі нель дас во сайын.

Аскинас ме бара вөлі Абезь станция дорын. Суткинас таті муно некымын пассажирскөй поезд, на лыдын скорөй, но ме бөрийи «Воркута — Котлас», коді Абезьті прөйдитө рытладорыс. Шуоны, сэтчө, торйөн нин гождыс кадад, веськавысө кокныдджык, и сувтлө пө сийө быд потшөс-майөг дорө, а меным тайө и колө — унджык аддзыла.

Мыччысис поезд. Мудз вөв моз упкиг-пушкигтыр мунан өдсө надзмөдіс паровоз. Мед не сөрмыны, ме регыдджык ускөдчи вагоньяслань. Муртса ловкөрсө вежыштөм бөрын паровоз вит час рытын бара мөдөдчис водзө. Ог төд, уна-ө йөзыс купированной вагоньясын, а миян плацкартнөяд вылі полкаяс унджыкыс тыртөмөсь, и пукалан местатө оз на ков корсысыны.

Аддза, өти өшинь дорын чайөн чөсмасьоны дед да баб, видзөднысө — комияс. На динө и шыаси комиөн:

— Позьө пуксыны?

— Пуксы, миянкөд чаясям,— шуис дед, а баб быдөн ловзис:

— Но, тэ тай, мада-жальө, коми жө вөлөмыд.

— Коми,— шуи ме да, көть нывбабалөн кывьяс серти казялі нин, кутшөм комияс динө веськалі, нарошнө юалі:— Кутшөм ю вожысь комиясыс?

— Изьватас,— вочавидзис дед, а баблөн, тыдалө, лудіс кыв вуж діныс, водзаліс верөссө:

— Пи ордын гөститім да гортлань мөдөдчим. Аслад паччөрыд тай медся на муса да дона, төлын көть гождөмын.

— Кысянькө ылісянь локтанныд?— юалі ме.

— Огө,— кинас өвтыштис дед.— Воркутасянь...

— Ыджыд пиным сәні инженералө,— бара сюисис сөрнийө баб.— Ленин орден сетөмаөсь... Гөститны корлісны.

— Ёнджыка ошйысь юавтөмторнас,— вомаліс дед, а баблы вөлі веськодь, нимкодпырысь воцзө висьтасис:— Мөд пи инженер жө, уджалө Печораын пароходствоас. Гоз-мөд лун олыштам на ордын, сәсся и төвзям гортлань, Изьваө.

— Кузь на тай туйныд,— шуи ме.

— Важонтö вöвлі кузь, а öні мян войвывса туй-
ясыд дженьдаммысны,— висьталіс дед.— Пуксям «Ра-
кета» вылө да öти лунөн и пызйыштам Изьваөдздыд.

— Огө «Ракетаөн»,— пыркөдіс юрсө гөтырыс.—
Еропланөн час мысти лоам гортын.

— Со өд,— син бөжнас гөтыр вылас индіс дед.—
Дзикөдз вельмысны. Регыд вертолётөн мөдөдчасны
асмогасянінас.

— Пеж вом!— шытөг серөктіс баб, а дед наяна
шпынныліс:

— Тіянлысь бурсө он виччысь.

Лөсыда ми мунім выль төдсаяскөд. Час өкмыс-
ын прөйдитім Интаті, коді война бөрын нин чужис,
а талун сійө — из шом перйысыяслөн мича ыджыд
кар, нималө страналөн быд пельөсын.

Печораө воим вой шөр бөрын, но вокзал дорын
йөзыс жуөмөн-жуис. Варов суседьясөс ме колльөді
перрон вылөдз, көні найөс виччысисны нин пи гозья-
ыс, внукныс да внучканыс. Важ төдсаяс моз прө-
щайтчим, сиим öта-мөдлы бур туй.

Пыри ывлаысь, а кольччысыяс местаын пукалө
паськыд пельпомьяса морт. Чолөмасим. Овыс менам
жө, но татшөм оваяснад Изьва да Печора вожьясад
көть пруд прудйы.

Төдмасим. Славаөн шуөны. Инженер. Сосногорск
карсянь волөма Печораө кутшөмкө могьясөн. Сёрни
пансьөм бөрын төдмалі: ми выль суседкөд петлөма-
өсь öти сиктысь. Чужан сиктысь том йөзтө ме öні
омөля нин төда. А том инженерлысь ме зэв на бура
төда бать-мамсө, весиг дед-бабсө, а дядьыскөд, менам
челядьдырся да велөдчан вояся друг Никаноркөд,
нөль во помся кывтлім Изьва кузя кыксө ветымын
верст сайө шөр школаө, овлім öтлаын, шонді көчөн
өтвылысь вильшасьлім туйсайса öшинь пыр ми бөрся
гусьөн кыйөдчысь оз чужөма, съөд синкыма Пашалы.

Блө кольөма сійө кадыс, сы бөрын дыр мысти
чужысь зоньяс да нывьяс кө удитөмаөсь велөдчыны
инженерөдз. И менам со ыджыдджык нылөй уджалө
инженерөн буретш сійө заводас, көні инженералө
том землякөй.

Сёрни-баснияснад кадыд муно төдлытөг. Бөрө
колины Чикшино, Каджером, Малая Пера да мукөд
гырыся-посниа станцияс.

Со нин и Изьва юным, сійӧс вомӧналысь кӧрт туй пос. Челядь дырйи да том кадӧ ми не этша гежмавлім тайӧ местаяссӧ вотчигъясӧ да съӧла-тар бӧрся вӧтлысигӧн, но ӧні ставыс вежсьӧма, та вӧсна тані ю саяс олысь да уджалысь том землякӧй индалӧ, кӧні мый. Вескыда ю саяс сажевикъяс да газӧвикъяс посёллоклӧн куим да нель судта гырысь каменнӧй керкаяса мича кварталъяс. Шуйгаланьын железобетоннӧй изделиеяс вӧчан завод, ещӧ шуйгавылын-джык, газо-сажӧвӧй заводъяс, ыджыд выль ТЭЦ, Троицко-Печорскӧ мунысь выль кӧрт туйлӧн визыс.

А веськыдвылас, буретш сәні, кӧні вӧвлісны коркӧ Уквавом сиктсаяслӧн кӧдза муясыс да кысянь видзӧдлім татчӧс местаясын медводдза пароходлысь мыччысьӧмсӧ, паськӧдчӧма уна судта керкаяса Сосногорск кар.

Уквасай керӧс да Уква нырдӧн шулісны тайӧ местаяссӧ. Кымынысь ме челядь дырйи да том кадӧ сы дінті пыжӧн матысмывлі чужан сикт дорӧ Айюваын турун пуктӧм бӧрын! Зәра гожӧмъяснад матӧ тӧлысь он волы гортад, и, дыр аддзывтӧм бӧрад, кажитчӧ, ставыс вежсьӧма: керӧсса муяс вылын кӧдзаяс еджыд серӧссьӧны, Уква ювомса діыс ва туӧм-ямӧмысла ыдждӧма ли чинӧма, картупель коръяс сярвидзӧны еджыд да лӧзоват дзоридзьясӧн... Весиг кычанъяс, кодьясӧн пыр озыр вӧвлі сиктным (быд керкаын кык-куим либӧ унджык вӧралысь) да тулыс помнас чужысь посныдик чаньяс тӧдчымӧн быдмӧмаӧсь, а дом йылын гожӧм коллялысь Катшыс либӧ Серконымлӧн бырӧма гажыс, тәнсьыд локтӧмтӧ казьялӧм бӧрын, чепнас зельӧдчигтыр, увтӧ-чеччалӧ, зильӧ окавны. Нимкодъысла сибдылӧ лолыд.

Талун ме «домасыштлі» Уква сайӧ. Ю мӧдарас сикт катыд помын кыптӧмаӧсь кык судта каменнӧй керкаяс, а сикт мышладорас джуджыд керӧс йылын красуйтчӧны шӧр школалӧн гырысь пу зданиеяс: быдмысь поколениелы, менам том землякъяслы, велӧдчынысӧ оз нин ков писькӧдчыны сӧ верстыяс сайӧ.

Кымынкӧ минут и шойччӧ поезд Сосногорск станцияын.

— Кежаланныд жӧ ӧд сиктас?— юалӧ татчӧ кольччысь суседӧй.

— От эшты,— шуа ме,— лун-мөд кежлө колө лэб-зыбвны Изьваө.

Збыльысь, менам мөд нылөй, медичөтыс, помалис институт, мөдөдчө велөдны сийө школаас, көни ми велөдчылім да кысянь петлім паськыд туй вылас. Бөрынджык, мися, вола.

Сыктывкарсяньыд Ухтаө ли Сосногорскө волыны өні сёрни доныс оз сулав: позьө асывводзнас локны, луннас кытшовтны рөдвужтө, а вой кежлас бөр мунны. Ылө кольөма сийө кадыс, кор тайө туйыс өтарас корліс вежон.

Поезд вөрзөдчис. Водзө туйыс мунө джуджыд керөсьяса визув Ухта юлөн изья берег пөлөн, мукөдлаті дзик ва бердтыс. Кымынысь тайө туй костсө менам дженьөддлөма пыжөн, подөн, вөлөн! Пола өти здук кежлө вештивны синъясөс вагон өшииысь. Малько, Тшуптаяг, Грубөшор, Курьябөж...

Со сикт катыд помас, кузь скөтнөй дворьяссиянь неылын, керөс бокас кыптөма кык судта керкаяса выль посёлок. Водзланын, керөс йылас, пожөма ягын чужан сиктсаяслөн кладбищеыс, көни уна мукөдъяскөд тшөтш кыз му улын шойчөоны менам батөй да мамөй, коді чужан керка кильчө вылын син дорьяссө чышкалігтыр менө медбөрьяысь колльөдіс сьөкыд война кадө, ыджыдджык воклөн усян юөр воөм бөрын. Төда, мам сьөлөмлы эз вөв кокни торйөдчыны бөрья пиыскөд, но сийө нинөм эз кор ни эз кевмысь, сөмын лөня, муртса кывмөн шуис:

«Эн жө дзикөдз вунөд...»

Коли матө куим дас во, а ме, буракө, век на кыла сылысь джын гөлөсөн шуөм тайө кывьяссө.

Джуджыд керөс йивсянь мичаа тыдалө поездьяслөн то өтарө, то мөдарө шумөн төвзёмыс. Төдөмысь, миян поездным тыдалө жө, но оз нин шыась ме дінө мам, оз виччысь асьыс быдтасьяссө чужан позьяныс, тайө могыс сылөн вуджөма миянлы: важөн ми асьным колльөдлам да ылі туйясысь виччысьлам быдтасьяснымөс.

Шоча, но корсюрө ме кежавлывла бать-мам гу вылө и не өтчыд на кежавла, көть өні кежлө лои сувтлытөм.

Поезд воө Ухта карө. Бөрья вояснас сийө нюжалөма некымын километр вылө, зэв ёна паськалөма.

Син улö медводз веськалöны нефтеперерабатывающöй да механической заводъяс, ТЭЦ, мича веськыд уличаяс пöлөн нюжöдчöм уна судта олан керкаяс, учебнöй заведениеяс — индустриальнöй институт, горнöй, леснöй да железнодорожнöй техникумъяс, карсайса Пионер гöра вылын кымöръясöдз юрнас судзöдчысь телевизионнöй вышка, Сосновкаын моз жöвой и лун ыпъялысь-ломалысь факел, кодi ыджыд гöрд бинас встречайтö да колльöдö карö быд локтысьöс и мунысьöс...

Каменнöй вокзалöн ортсы стенысь лыддя «1958 во». Та серти позьö гөгөрвоны, кузь-ö нэмыс вокзал-ыслөн, тшöтш тайö көрт туйыслөн, көть таладорö веськалысь выль олысьяслы да талунъя том йöзлы вермас чайтсьыны, мый Ухта ю бокыс да ставнас миян войвывным нэмыс татшöм и вöвлi.

Кымынкö минут мысти нин поезд төвзис водзö нефтешахтаяслөн ыджыдсьыс ыджыд көр чомъяс кодъ ёсь юра терриконъяс пöлөн, а сэсся некымынысь орччааслим «Вой кыа» газопроводлысь мöд визь нюжöдысьяскöд.

Лун шöрнас поезд сувтлис Княжпогостö. Туй чöжнад вагонъясын йöзыс чукөрмис тырыс, некөн прамöя бергöдчыны.

Меным позис таксиён ли автобусён тасянь веськыдавыны, Абезысь петöмлы сутки тыртöдз ёна войдөр на воодчыны Сыктывкарö, но окота лои видзöдлыны ещö öти выль кар. Княжпогостсянныд öти час и муно поездыд Микуньöдз, а сэсянь асывводзнас любöпырысь локта Сыктывкарö «Москва—Сыктывкар» поездөн. Кызь часён вит выль кар пыр. Позьö шензыны. Но, вöлөмкö, кыйöдчö ещö на öти вичысьтöмтор. Асывводзнас, кор шондыс муртса на садьмис, Микунь станцияö сувтис «Москва—Сыктывкар» поезд, код дiнö ми, Сыктывкарса олысьяс, важөн удитiм велавны. Ме любöпырысь пыри купированнöй вагонö, медым пуксьыны öшинь дорö да, гожея асывнас нимкодясигтыр, лун пуксигөн локны асланым столицаö.

Вагонö пырöмөн тшöтш кодкö сывйыштiс мышсянь. Бергöдчи. Аслам синъяслы ог эскы. Ме водзын сулалiс еджыд сiясөн серлöдлöм пашкыр сьöд юрсиа, менам арлыда статья ён мужчина да кыпыда

вашъяліс. Съод пинжаклысь шуйгаладор морөссө мичмөдө ки пыдөс пасыта дөмас — орденскöй ленточкаяслөн вевсьөн куйлысь некымын визь. Война бöрын ми гоз-мөдысь аддзысьлім да, көть пасыталө-ма гражданскöй костюм, ме сійөс пыр и төді.

— Семен Матвеевич!.. — пöся сывйышті важ другөс, кодкөд öтилаын велөдчылім и тшöтш заводитлім учителявны. Форматöгыд да погонъястöгыд, мися, абу и полковник кодь...

— Спишитөм полковник, — пельпомъяссө лэптыштліс Ануфриев, а бокланьын сулалысь гөтырыс, Анна Михайловна, коді мяянкөд тшöтш жö заводитліс учителявны, сералис:

— Тырмас, ассыд пай кыскалін погоньястө, мед том йөз тшапитчöны.

Ме төда вöлі, Семен Матвеевич да Анна Михайловна Ануфриевьяс полковниклөн отставкаö петөм бöрын важөн лөсьөдчöны волены Сыктывкарö, көні нель дас во жö абу вөвлөмаөсь, кытшовтны чужан войвывнысö, но некыз эг куж думыштлыны Микуньянь Сыктывкарö кежысь поездын аддзысьөм йылысь.

Найö тшöтш шензисны.

— Дивö! — шуис Анна Михайловна. — Дзик мойдын моз...

— Мойдын моз жö öд и вежсис бөрья дас вояс чөжнас войвывным, — думыштчылөм бöрын шыасис вөвлөм учитель, ыджыд война би пыр мунөм полковник, и öдвакө кодкө мыйкө вермис шуны паныд. Гашкө нө позис содтыны: абу вöt, абу мойд, а ачыс олöмыс.

ЮРИНДАЛЫСЬ

- 3 Водзкыв пыдди.
6 Мөдөдчам Москва.
12 Морскöй пристань.
21 Ой, паськыд тай морейд!
26 А со и Кардор.
30 Видза олан, Москва.
40 Коркө волам на.
42 Оз кокныда шед ас няныд.
58 Бакарица.
66 Другьяс содöны.
77 Учитель.
81 Бара выль туй.
87 Кузьбсь войвывса туйясыд.
89 Со кытчөдз паськалöма миян вужным.
94 Абу став «няня му» корсьысьяс öткодьбсь.
98 Татчö ме домася дыр кежлö.
109 Абезьын заводитчис велөдчан во.
112 Вöли кө кык юр — öтиыс быть уси.
119 Шойччан лунö.
122 Велөдчысьяс содöны.
125 «Тэ, учитель, стрөгджыка накөд...».
128 Ыджыд праздник.
131 Ыджыд олбмас быдөнлөн аслас туй.
140 Абезьын «американскöй төрг».
145 Учительыдлы уджыс тырмö.
150 Выль во.
157 Ме абу сöмын учитель.
161 Тулыслөн лов шы.
176 Бөркыв, либö абу вöt, абу мойд, а ачыс олöмыс.

45 коп.

КОМИ КНИЖНОЙ
ИЗДАТЕЛЬСТВО 1973